





BX

2349

D74

1715

JESUITICA



J. B. Keijnoogen.



UPPER LIBRARY.  
DELICIAE  
ASCETICAL WORKS.  
*Gentis Humanae*

PARS III.

CHRISTUS JESUS  
RESURGENS.

Sereniff. utriusque Bayariae Duci, S.R.I.  
Archidapifero, Electori,

MAXIMILIANO,

Et Sereniff. Conjugi

MARIÆ ANNE  
AUSTRIACÆ

*Inscriptus & consecratus ab*  
HIERONIA DREXELIO  
*è Societate Jesu.*



AMSTELÆDAMI

Apud JOANNEM JAC. FIL. SCHIPPER,  
M. DCCLX.

WILLIAM L. BARNES

DEPARTMENT OF THE

ASSOCIATED WORKS

1884

CHRISTUS JESUS

RESURGENT

BOSTON

THE

THE

MARY ANN

MARY ANN

COLLEGE

DOMESTIC

LIBRARY

HIGH SCHOOL

# LECTORI

## MONITUM.

**A**M Christus cœpit re-  
furgere, cùm in cru-  
ce cœpit testamentum  
condere. Siquidem

jam tum veluti rex sua bona par-  
titus, Hostibus veniam, Latroni  
paradisum, Matri filium, sitien-  
tibus spongiam, Deo reveren-  
tiam, Patri animam, humanæ  
genti libertatem tribuit perfe-  
ctâ. Verè regnavit à ligno Deus.

Deinde cùm Christus etiam-  
num in cruce penderet, tumuli  
sunt aperti, quod certo argu-  
mento erat, jam omnia per Con-  
ditoris mortem reviviscere, tru-  
culentæ mortis tyrannidem jam  
oppressam, mortuos jam moliri  
reditum ad vitam, patefactum  
æternitatis aditum.

Et reverà Christus dum vixit,  
numquam in cumulatiore gloriâ  
fuit, quàm cùm in cruce pepen-

*Ad Lectorem.*

dit, cælum & sidera, tellus & saxa, omniaq; elementa hominem divinum, Dei Filium testata sunt. Nec ipse Christus diffitetur. Hinc illæ voces: Et ego si exaltatus fuero, omnia traham ad meipsum *a.*

Quapropter ritè, puto, & ordine facturi sumus, si Christi septemPLICEM in cruce sermonem ad Resurgentis gloriam ita reduxerimus, ut antequam Christum in horto Redivivum cernamus, priùs in ligno septies locutum audiamus. Philosophorum vetus scitum est: Contraria juxta se posita magis elucescunt.

Et quæso te, mi bone lector, patere tantisper interponi moram, dum tibi tres & viginti dissertationes de Christo Redivivo exhibeam libro singulari. Hic loci scriptio in monstrosam molem excrevisset, si ea longiùs fuisset

pro-

*a Joan. cap. 12. v. 32.*



*Ad Lectorem.*

progressa. Quidquid hac parte tertiâ omissum (si velit Deus; si vita virésque suppetant) suo tempore poterit compensari. Tu jam præsentibus utere; neque legenda differ spe futuri. Incertissima est vita nostra inter tam certas mortis insidias. Omnem horulam, momentum omne debemus morti jam pridem confessio nomine. Nunc igitur Olorem in Cruce niveum, sed suo sanguine purpuratum, non suæ tantum morti, sed & suæ in vitam revocationi præludentem cum silentio animoque vigilantissimo attendamus.

Vitam igitur & mortem proximè jungamus, & per septenas mortalitatis prolusiones, summam immortalitatis gloriam rectiùs intelligemus. Auscultemus igitur cygnum in suo funere cantantem.

INDICULUS  
IN  
PARTEM TERTIAM  
DE  
CHRISTO RESURGENTE.

CAPUT I.

Prima Christi Morientis cygnea modulatione: Pater, dimitte illis, non enim sciunt quid faciant.

§.1. *Amor in hostes figuris priscis illustratur.*

§.2. *Virtus longè nobilissima, hosti benefacere.*

§.3. *Precantis Christi singula voces exponuntur.*

§.4. *Precatio Christi, fidem impetravit latroni.*

§.5. *Fidem Christo, veniam debemus inimico.*

§.6. *Inimicis ignoscere, corpus animum, famam, fortunas juvat.*

§.7. *Exemplo id monstratur.*

CAP.

## INDICULUS.

### CAPVT II.

Altera Christi Morientis cygnea modulatio : Hodie mecum eris in Paradiso.

§.1. *Expenduntur voces: Hodie mecum eris,*

§.2. *Christi in iis verbis benignitas, latronis felicitas.*

§.3. *Reliqua Christi verba (in Paradiso) explicantur.*

§.4. *Christus latronum medius, iudicii formam representat.*

§.5. *De prima paradisi clave.*

§.6. *De altera paradisi clave.*

§.7. *De tertia clave paradisi.*

### CAPVT III.

Tertia Christi Morientis cygnea modulatio : Ecce filius tuus.

§.1. *Expenduntur Domini verba : Ecce filius tuus.*

§.2. *De verbis iisdem explicatiùs.*

§.3. *Cur Mater Domini huic spectaculo interfuerit.*

§.4. *Expenduntur Domini verba : Ecce Mater tua.*

§.5. *Tres preceptiones huc spectantes.*

Fff 4

§.6. *Tres*

## INDICULUS.

§. 6. Tres alie preceptiones.

§. 7. Preceptio septima, ultima.

### C A P U T IV.

Quarta Christi Morientis cygnea modulatio : Deus meus, Deus meus, ut quid dereliquisti me !

§. 1. Quare derelictus sit Christus.

§. 2. Quomodo derelictus sit Christus.

§. 3. Exemplis id monstratur.

§. 4. Quomodo Christum deferi nos juverit.

§. 5. Quinq; documenta huc spectantia.

§. 6. Quinq; alia documenta eodem pertinentia.

§. 7. Documenta totidem alia ; cum modulationes hujus clausulâ.

### C A P U T V.

Quinta Morientis Christi cygnea modulatio, Sitio.

§. 1. Christi Morituri sitis variè prædicta.

§. 2. Sitis Morituri Christi cum aliorum fœi collata.

§. 3. E siti hac, gemina documenta.

§. 4. Animi sitis in Christo quanta.

§. 5. Christus Moriturus sitiienti cervo collatus.

§. 6.

## INDICVLVS.

§.6. *Christi sitientis duplex potus, sed miserrimus.*

§.7. *Quadruplex è dictis præceptio.*

### CAPUT VI.

*Sexta Morientis Christi cygnea modulatio: Consummatum est,*

§.1. *Consummationis hujus parabola.*

§.2. *Consummationis hujus adumbrantes historie.*

§.3. *Consummatio Christi absolutissima, nostra vix ulla perfecta.*

§.5. *Omnia deniq; consummantur; Consummatio Christi liberalissima.*

§.5. *Præceptiones gemina.*

§.6. *Due præceptiones alia.*

§.7. *Præceptio quinta, & ultima.*

### CAPUT VII.

*Septima Christi Morientis cygnea modulatio: Pater in manus tuas commendo spiritum meum.*

§.1. *Voces singula breviter expensa.*

§.2. *Cur Christus cum clamore valido expirarit, sex cause.*

§.3. *Ejusdem in Moriente Christi clamoris alie sex cause.*

§.4. *Christi Morientis obedientia lon-*

fff s

gissi-

## INDICULUS.

*gissima : & per omne obsequii genus exercitatissima.*

§. 5. *Obedientia Morientis Christi patientissima & perseverantissima.*

§. 6. *Dua ad rem preceptiones.*

§. 7. *Preceptiones ad institutum dua alie.*

## CAPVT VIII.

*De beatissimo Christi reviviscentis horto.*

§. 1. *Mors & Vita juxta se posita magis elucescunt.*

§. 2. *In horto Christus ad vitam redit.*

§. 3. *Abdalonimus ex horto ad purpuram & sceptrum prodit.*

§. 4. *Paulinus ab horto in sacrum solium revertit.*

§. 5. *In Christi resurgentis horto sibilant serpentes, mendacissimi milites.*

## CAPVT IX.

*De Mortuorum in vitam Revocatione.*

§. 1. *Mortuorum in vitam reditus nec priscis Philosophis ignotus.*

§. 2. *Mortuos in vitam redituros variis argumentis docet Natura.*

§. 3. *Pro-*



## INDICULUS.

§. 3. *Profanis & sacris historiis noster in vitam reditus affirmatur.*

§. 4. *Geminis singularibus exemplis firmantur dicta.*

§. 5. *Revocationem mortuorum ad vitam à plurimis non credi.*

### CAPUT X.

*Christus Reviviscens variè suis se spectandum præbet.*

§. 1. *Quo tempore Christus, & an primus omnium resurrexerit.*

§. 2. *Quibus, quo ordine cernendum se Christus redivivum exhibuerit.*

§. 3. *Quàm latum Pascha Servator nobis omnibus seipsum dederit*

§. 4. *Laudata vita, Resurrectio assidue cogitata.*

§. 5. *Resurrectionis fides stabilitur, Resurgentis Christi victoria summatim attingitur.*

### CAPUT XI.

*De Christi Reviviscentis triplici victoria.*

§. 1. *Christus Reviviscens vicit Elephantum.*

§. 2. *Christus Reviviscens vicit Leonem.*

§. 3. *Chri-*

## INDICULUS.

§. 3. *Christus Reviviscens vicit Crocodilum.*

§. 4. *Cur Lazarus cum sudario, Christus sine illo prodierit è tumulo.*

§. 5. *Quid mysterii fuerit, Moriente Christo tumulos reſerari.*

CAP. XII. *De Christi in cælum Ascendentis gloria.*

§. 1. *De Christo in cælum Ascendente oracula & vaticinia.*

§. 2. *Christi in cælum Ascendentis imagines & umbra.*

§. 3. *Christi in cælum Ascendentis potestas, per quindecim prerogativas & decora illius explicatur.*

§. 4. *Quomodo, quibus presentibus, ex quo loco Christus in cælum Ascenderit.*

§. 5. *Quibus de causis Christus in cælum Ascenderit.*

§. 6. *Nubes Christo Ascendenti obvia, Angelorum ad Apostolos verba, impressa rupi vestigia.*

§. 7. *Ad parandam cum Christo Ascensionem varii priscorum Patrum hortatus.*

PARS

# PARS III.

## CHRISTUS RESURGENS.

### CAPUT I.

*Prima Christi morientis cygnea modulatio: Pater dimitte illis, non enim sciunt quid faciunt.*

**R**EX David moriturus concionatur Salomoni, Christus orbi, sed differentiâ ingenti. David tamen si servus supremi Regis lecto regio decumbebat; Christus Dominus in infami trabe pendeat; crux ei cathedra fuit, è quâ doceret quos redimeret. De Davide fasti Regum ita loquuntur: Hæc sunt verba novissima, quæ dixit David, egregius Psalter Israel a Suprema dicta, quæ Judæorum Rex in cruce protulit, non epilogus tantum, sed epitome, ac compendium sunt omnium Christi concionum. Ideò suggestum tam sublimem hic oratorum optimus conscendit, ut ab orbe audiretur universo.

Jacob moriturus filios suos convocans, Congregamini, ait, ut annuntiem, quæ ventura sunt vobis diebus novissimis. Congregamini & audite filii Jacob, audite

audite Israël patrem vestrum *a*. Haud aliter invitans nos Christus, Congregamini, ait, & audite filii patrem vestrum. Congregamur, ut non corpore solum, sed & animo præsentes simus, nec audiamus tantum, quæ moriturus pater dictaverit, sed & retineamus.

Hæc autem septem Domini effata in cruce, non malè, putem, cantiones, seu modulationes cygneas appellabimus. An cygni canant morituri, fuscæ questionis est, nec in rem nostram adeo fructuosæ *b*. Candidissimis noster cygnus innocentissimus JESU, eos nobis modulos in suo funere præcinit, quos æternâ & jugi memoriâ veneremur *c*. Numquam animo excidant morientis Christi divinisissima pronuntiata. Ordinem a primo.

### 9. I. *Amor*

*a* Gen. cap. 49. v. 1. *b* De cygni cantu hæc habet *Ælianus*: Quid musica vel cantu possit cygnus, non habet quod affirmem. Vetres tamen per suum sibi habuerunt, cygneâ modulatione decantatâ mori eum expirare. Quid si ita est, liberalior in hanc avem Natura, quam in homines bonos fuerit. Nempe his laudem & luctum à morte tribuunt alii: cygni verò ipsi sese vel laude vel luctu moribundi prosequuntur.

*c* Vide partem 2. Christi morituri cap. 1. 6. 4. 5. 6. 7.

## §. I.

*Amor in hostes figuris priscis explicatur.*

Exordium Christi è cruce perorantis Lucas exprimens, JESVS autem, inquit, dicebat: Pater dimitte illis, non enim sciunt quid faciunt *a*. Bernardus hæc expendens: Videte nunc, inquit, opera Domini, quæ posuit prodigia super terram. Flagellis cæsus est, spinis coronatus, clavis confossus, affixus patibulo, opprobriis saturatus. Omnium tamen dolorum immemor, Ignosce, ait, illis. Hinc multæ miseriæ corporis, hinc multæ misericordiæ cordis. Mira res. Ille clamat, *Ignosce*. Judæi, *Crucifige*. O Charitas patiens, sed & compatiens. Charitas patiens est, sufficit. Charitas benigna est, cumulus est. Noli vinci à malo, Charitas abundans, sed vince in bono malum, superabundans est. Quomodo potabis, Domine, desiderantes te torrente voluptatis tuæ, qui sic perfundis crucifigentes te oleo misericordiæ tuæ *b*. Recordare Domine, quantis te injuriis affecerint in horto, in Annæ & Caiphæ domo, in Herodis palatio, in prætorio Pilati. Num hæc omnia jam aboli-

*a* Luc. c. 23. v. 34. *b* Bern. Serm. fer. hebdom. major post. med. mihi pag. 184.

abolita? Dixerat in cenâ pridianâ Christus; Mandatum novum do vobis. Jam in cruce promulgat: Exemplum novum do vobis. Verè novum. Nam Nôc-  
 mus à filio irrisus, Maledictus, aiebat,  
 Canaan, servus servorum erit fratri-  
 bus suis *a*. Elias à principe quinquage-  
 nario verbis non adeò suavibus descen-  
 dere jussus, Descendat ignis de cælo,  
 inquit, & devoret te, & quinquaginta  
 tuos *b*. Extemplo factum. Elisæus mihi  
 convitio calvus à pueris appellatus,  
 Maledixit eis in nomine domini, egres-  
 sique sunt duo ursi de saltu, & lacerâ-  
 runt ex eis quadraginta duos pueros *c*.  
 Cùm Zacharias Jojadx filius lapidare-  
 tur, Videat Dominus, inquit, & requi-  
 rat *d*. Cùm Jacobus & Joannes velut  
 diversorii designatores *e* à Samaritanis  
 hospitio excluderentur, Domine in-  
 quiunt, vis dicamus ut ignis descendat  
 de cælo, & consumât illos *f*? O boni,  
 mandatum novum, exemplum novum  
 dat nobis Magister noster. Pater, dimit-  
 te illis. Nullus hic ignis, nulli ursi, nulla  
 fulmina; sed venia & misericordia.

Anselmus hæc secum agitans, Chri-  
 stus, ait, in cruce levatur; irridetur,  
 blas-

*a* Gen. cap. 9. v. 25.

*b* 4. Reg. cap. 1. v. 10.

*c* 4. Reg. cap. 2. v. 23. & 24.

*d* 2. Par. cap. 24. v. 23.

*e* Furier.

*f* Lucæ 9. v. 54.



blasphematur, & ecce dicit, Ignosce. O verbum magnæ patientiæ? Vitam procurat iis, à quibus occiditur. Atque si quis Christum interroget, quid in cruce agat, respondeattem audiet: Pro eo ut me diligerent, detrahebant mihi, ego autem orabam *a* Jubal & Tubalcain Lamechi filii, fratres germani illo organo & citharâ canentium pater, iste malleator & faber in cuncta opera æris & ferri *b*. De his, ajunt Hebræi, artem canendi Jubal invenisse à modulato fabrorum percussu & sonitu, fabros autem canendi arte plurimum adjutos. Sic alter alteri commodavit. Christus cygneæ cantionis auctor, Jubal pertissimus, ita canit: Exemplum novum do vobis. Pater ignosce, dimitte illis. Hanc artem invenit apud malleatores, fabros, calumniatores gravissimos, quos tamen hoc cantu suo, *Ignosce, dimitte*, nimium quantum juvit.

Cum summus Pontifex ingrederetur sanctuarium, tintinnabula aurea ad oram sacræ vestis appensæ sonum edebant, monebantq; peragendi aut peracti jam officii *c*. Christo Pontifice summo in sancta sanctorum ingressuro campanulæ aureæ sunt auditæ: *Dimitte, Ignosce*. Hæc musica ita superis placuit, ut noxas orbis aboleverit: clamores Sodomo-

G g g rum.

*a* Psal. 108. v. 4.

*b* Gen. cap. 4. v. 21. & 22.

*c* Exod. cap. 28. v. 34.

824 DE CHRISTO RESURG<sup>o</sup>  
rum summè Deo displicuerunt, summè  
placuit hic clamor filii Dei.

De Davide citharædo hæc Regum  
fasti memorant: Quandocumque Spi-  
ritus Domini malus arripiebat Saul, Da-  
vid tollebat citharam, & percutiebat  
manu suâ, & refocillabatur Saul, & le-  
viùs habebat: recedebat enim ab eo spi-  
ritus malus *a*. En David noster psalter  
egregius, citharædus optimus, quàm  
chordas habeat intentas, artus ad cru-  
cem distentos? Vix autem fidibus cœ-  
pit canere, mox dæmonem fugavit è la-  
trone. Omnem cygneæ cantionis suavi-  
tatem superavit.

§. II.

*Virtus longè nobilissima, hosti bene  
facere.*

Hic quæstio sit de Abrahamo & Da-  
vide progenitoribus Christi, uter magis  
arduum opus patravit, & generosiùs se-  
ipsum vicerit. An scilicet Abraham,  
qui non pepercit filio, an verò David qui  
pepercit Sauli capitali inimico. In eam  
rem Rupertus: Docet ratio, inquit, non  
multò minoris fuisse meriti, propter  
Deum pepercisse inimico, quam non  
pepercisse unigenito filio. Certum vi-  
detur, minus esse miraculi, Abrahamum  
Dei jussu voluisse sœvire in filium, quàm  
Davidem sancto affectu sœvire noluisse

II

*a 1. Reg. cap. 16, v. 23.]*

in hostem Saulem. Vterque hoc tali facto promeritus est, Christo jungi cognatione, & David quidem propinquiore. Benignitas in hostes, certa filiorum Dei nota; quam summè horret diabolus, vix enim alia virtus est ulla, quâ filii Dei magis patriissent. Eximiè hac de re Chrysostomus: Hæc itaque reputans, inquit, illi fias pro tuis viribus similis. Te jam talem effectum diabolus ne contra quidem respicere poterit. Regiam enim impressionem novit, Christi novit arma, quibus fuit superatus. Quæ verò sunt hæc? Benignitas & mansuetudo. Hæc à se dicta Chrysostomus rationibus firmans: 1. Cogita, inquit, quantorum sis reus, & non tantum ad eorum, qui te affecerunt injuriâ, dimissionem non retrocedes, verum & curre ad eos qui te contristârunt, ut tibi sit dimissionis occasio, ut propriorum invenias malorum lenimen. 2. Gentilium filii nihil expectantes, in hoc plerumque philosophati sunt, & tu cum tali spe migraturus retraheris & torpes? 3. Et quod tempus facit, hoc propter Dei legem ante tempus facere non sustines, & sine mercede potius quàm cum mercede vis tibi vitium extinguere? Nec enim si per tempus hoc tibi sit, erit tibi quidquam amplius, verum & multa potius poena, quoniam quod tempus effecit, hoc facere Dei lex non

G g g. 2.

per-

a Sie schlagen dem Vatter nach.

persuasit. 4. Si verò dicis, quòd ex cande-  
scis tæ recordatus contumeliæ: remi-  
niscere si quid boni collatum tibi fuit ab  
eo qui contristavit, & quot tu malis a-  
lios affecisti? Malè tibi dixit, & te con-  
fudit? cogita quid aliis tu quoque dixi-  
sti. Quomodo veniam igitur assequeris,  
quam aliis non concessisti? 5. Vis discere  
quantum mali sit, malorum meminisse,  
& qualiter hoc maximè Deum irritat?  
si his qui à Deo justè puniuntur, non  
insultare, sed potius oportet misereri,  
multò magis eorum qui contra nos  
peccârunt *a*. 6. Quid ais? Inimicum ha-  
bès, & non erubescis? Nõne satis est  
nobis diabolus, quod & consanguineos  
superducimus? Quid itaque furentes  
imitamur, alter alterum corrodes,  
propriam impugnantes carnem? 7. Au-  
di certè, quantus & in veteri Testamen-  
to fuerit de hujusmodi sermo. Væ ma-  
la reminiscendum in mortem. Homo  
homini iram servat, & à Deo quærit fa-  
nitatem? Injuriam reminisci, est animæ  
nequitatem meditantis. At malè passus  
es? At numquam cum tanto, quanto  
temetipsum afficies malo, servans inju-  
riæ recordationem *b*.

Has

*a* Deum non vult insultari suis hostibus, quos  
jure punit, & tu tuos vis puniri, punienti  
insultare?

*b* Chrysost. tom. 5. hom. 52. ad pop. Antioch.  
mih. pag. 299.

Has Chrysoftomi nobilissimas rationes ab iis accuratè velim expendi, qui æternas coquunt iras, vindicationem spirant perpetuam. Jusserat Christus colapho in genam dextram impaſſo, obvertendam percussori & alteram, & pallium auferenti concedendam & tunicam. Harum legum suarum observantissimis, flagris & spinis jam vulneratus, totum corpus cruci obtulit, nec tunicam, nec pallium, nec togam suis carnificibus subtraxit, iis insuper & inimicis omnibus veniam rogavit. Quod Arnoldus Carnotensis ponderans, Seipsum, inquit, intra regulas suas concludens, voluit ut à capite forma patientiæ prodiret in membra. Rara laudis est illud in homine: superavit seipsum. Elogium charitatis à Christo habemus istud: Majorem hac dilectionem nemo habet, ut animam suam ponat quis pro amicis suis. Huic dilectioni Christus vim immensam addens, Pater, inquit, dimitte illis: Jam ego morior non pro Matre tantum aut discipulis, benefactoribus; non solum pro Nicodemo, Josepho, Magdalena, Martha, ceteris amicis, sed pro his ipsis, qui melinguis & manibus crucifixerunt. Liceat dicere, superavit seipsum. Hinc religiosus ille ac disertus scriptor: Dubitatio mihi est, inquit, an

G g g 3 in

a. Er hats schier besser gemacht als er künde.

b. Jo. cap. 15, v. 13.

in acerbissima Jesu Christi passione quidquam illustrius fuerit, meritorium magis, Deoque Patri acceptabilius hac admirabili misericordiâ, quâ in suos carnifices, dum in cruce penderet, usus est. Non eos fulmine, quo digni erant, percussit, non terræ hiatu absorpsit, sed hæc omnia indulgit, Patrémque ut iis ignosceret, rogavit cujus jam fortassis fulmen, quo erant perdendi, præparatum vidit. Et quod admirabilius, immanissimorum hominum illorum scelera excusavit, eos per ignorantiam peccasse affirmans: Nesciunt quid faciunt. Superavit seipsum.

David interrogans: Ubi sunt misericordiae tuæ antiquæ Domine *b*? Vertamus & interrogemus: Ubi sunt iræ tuæ antiquæ? Ubi aqua, ignis, gladius, quæ tot centena aut millena millia hominum devorârunt? Jam ille ipse Dominus obliviscitur sui ipsius, Matris, discipuli, amicorum, piarum matronum, & causam agit hostium. Ter orat in horto, & non auditur: Hic semel pro hostibus preces allegavit: Et exauditus est pro suâ reverentiâ. Hinc patiens latro, respiciens centurio, spectatorum plurimi tundendo, pectora reversi. Pro se ipse Christus orat, sed eâ lege, si vis, si possibile est. Verùm tamen non mea voluntas

*a Phil Bosquier. Consol. Desperantium, mibi pag. 266.*

*b Psa. 88. v. 50.*



tas fiat: omiffâ conditione orat pro ho-  
stibus: Dimitte illis. In fui cauffa tot  
testimoniis accusatus ante iudices Cai-  
pham, Herodem, Pontium filet; ante  
tribunal crucis, cum scelus ipsum Ju-  
dæos accusaret, pro reis loquitur, fide-  
liffimus eorum ad vocatus. Domine, ubi  
sunt iræ tuæ antiquæ? Hoc unum re-  
fponfi accipimus: Mandatum novum,  
Exemplum novum do vobis. Nunc im-  
mutata rerum facies, longè nunc alia  
quàm olim ratio est. In lege prisca  
trium Hebræorum juvenum succensa  
fornax aperitur, sed excussis flammis  
conflagrant ministri. In lege nova car-  
cer Pauli & Silæ Philippis panditur, sed  
custos carceris convertitur *a*. Manda-  
tum & exemplum novum nobis præbe-  
tur. Quod Isaias uti prodigium amoris  
singulariter commendat. Et pro trans-  
gressoribus rogavit *b*. Sed singulas hujus  
orationis vocolas expendamus.

*a Actor. cap. 16. v. 26.*

*b Is. cap. 53. v. 12.*

S. III.

*Precantis Christus singula voces exponun-  
tar.*

PATER: Non Judicem, non Domi-  
num, non Regem appello, sed Patrem,  
à quo sperem omnia in filii gratiam  
impetranda. Bonaventura censet Chri-  
stum, sicut patrem verbis, ita matrem

330 DE CHRISTO RESURG.

affectu mentis rogâsse, ut & ipsa tot facinorosis hostibus ignosceret: nec beatissimam Virginem id facere distulisse, sed in genua procubuisset, & suam perquam obsequentur ad filii voluntatem conformâsse. Et quamvis filius, quia Deus, uti potestate suâ, & dicere potuisset: Dimissa sunt illis peccata: quia tamen personam egit conciliatoris, Sacerdotis, deprecatoris, quorum est supplicare, id sui muneris non omisit.

**DIMETTE:** Scio, mi Pater non dimitti peccatum, nisi restituatur ablatum. E tuo, Pater, viridario ante quinque milia annorum furto impio subtractum est pomum. En meipsum do, velut arboris fructum, pro sublato pomo. Dimitte hanc noxam. Apud me soluta res est, tamquam si nil factum sit contra me; tu jam in eandem veniam assentire. Hanc unam vocem Christus sæpissime nobis inculcans: Dimitte, ait, si quid habetis adversus aliquem *a*. Dimitte, & dimitte-mini *b*. Jam re ipsa quod docuit, facit. Cœpit enim facere & docere. Hinc rectè dictum: Passio Christi doctrina est facti. Hinc Christus inter probra & dolores modestissimè flegebat, nimirum ut quod verbis docuisset, re probarer. Dixerat Servator: Diligite inimicos vestros, benefacite his, qui oderunt vos, & orate pro persequentibus & calumni-

anti-

*a* Marc. cap. 11. v. 25.

*b* Luc. cap. 6, v. 37.

antibus vos *a*. Dilexit inimicos propriis moriendo, benefecit suas illis vestes relinquendo, oravit pro ipsis & sermō, & primo loco. Doctrinā facti, Passio Christi.

ILLIS. Neminem excipio, non Annam, non Malchum, non Caiphā, non Herodem, non Pilatum, non calumniantes, non flagellis verberantes, non spiritibus coronantes, non cruci affigentes. Neminem excipio: veniam omnibus peto. Exemplum nobis necessarium imitandum. Nullum hominem, injuriam nullam veniam excludamus. Abominandæ voces sunt: Huic uni nebuloni non possum ignoscere. Hanc tantam injuriam oblivisci nequeo. Apage has voces ex orco. Non sapit hoc mores Christianos. Omnia omnibus absque tali exceptione dimittenda.

Porro tam abominandum erat Judæorum scelus; ut deprecator eos nominare crucifigentes non auderet. Illis, inquit dimitte. Joab & Thécuitis Absalonem, cui veniam rogabant, non fratricidam nominarunt. Saul improbus, Ubi est, ait, filius Isai? At David Saulem, regem Israël, Christum Domini appellat. Hic Chrysostomus, Utamur inquit, omni studio, ut linguam doceamus imitari suum Dominum. Nisi quis ita loqui sciverit, neque iudex cum audiet *b*. Appellatione probrosa nec hostes quidem notandi; adulatores, non nebulones, non proditores vocandi.

G g g s

Sed

*a* Matth. 6, v. 44. *b* Chrysost. hom. 52. ad pop.

Sed ô Domine JESV, quibus illis dimitti cupis? Non unus solùm hic Saul, nec Absalon, aut Semei tantùm unus est. Multa millia tuorum hostium te cingunt, iridentes, conspuentes, imò ipsis dentibus, si possent, laceraturi. Et ex his ipsis sunt, qui dicant: Ora pro teipso, miser. Rejiciunt veniam, ignosci sibi nolunt. Sed his ipsis venia rogatur: Dimitte illis. Eleganter Augustinus: Illis, inquit, petebat veniam, à quibus accipiebat injuriam *a.*

NON ENIM SCIUNT QUID FACIUNT. Negare non potuit crudelissimam illorum invidiam, injustitiam summam, excusavit igitur & extenuavit per ignorantiam id factum. Simon Cassianus, Sciunt, inquit, quòd crucifigunt, ignorant quem crucifigunt. Bernardus Christi personam induens, Ideo, ait, ignosco illis, quia non agnoscor ab illis *b.* Hæc eò dicta, quasi Pater indulgentiæ concedendæ rationem petiisset. Et en ratio: Non sciunt quid faciunt. Accusatus Servator, damnatus & crucifixus à meris cæcis: cæco facilis est venia, licet in Principem, in Regem impingit. Nemo igitur, monente Augustino, de sui peccati dimissione desperet, quando illi veniam meruerunt, qui Christum occiderunt: si talis est crucifigentibus, qualis eris obsequentibus? si totus in  
nos

*a* Aug. tract. 31. in Joann.

*b* Bern. de precept. & dispensat.

nos orbis insurgat, si lapidibus nos ob-  
ruere conentur hostes nostri, ne cada-  
mus animis; illorum cæcitas in causa  
est: Nesciunt quid faciunt. Jacobus A-  
postolus Hierosolymorum Episcopus,  
Eusebio teste, ex alto præcipitatus, cla-  
mavit moribundus: Ignosce eis, Domi-  
ne, quia nesciunt quid faciunt.

Sed ô bone JESU, si ora pro omni-  
bus, quid faciant, ignorantibus; Nos  
certè tales sumus; quis enim cogitat,  
cùm gravius peccat, quid bonorum  
perdat, quid malorum incurrat? omnis  
peccans ignorans. Quisquis peccare co-  
gitat, similis est præcipitatus se in flu-  
men ex alto, prius enim oculos claudit,  
imò naturâ compellente, dum cadit, o-  
culos comprimit. Pro his omnibus oravit  
Christus. Sed addit Lucas:

JESVS AUTEM DICEBAT, Dum  
hostes in ipso facinore patrando occu-  
pati; dum sæviunt & furunt, dum ve-  
stes dividunt, dum calumniantur & irri-  
dent, dum rivuli cruoris desluunt, dum  
crucifixo injurias omnigenas inferunt,  
dicebat JESVS: Dimitte illis. Sunt qui  
è divi Lucæ verbis colligant, hoc à  
Christo sæpius pronuntiatum. Illa omnia  
videns, audiens, sentiens, nihilominus  
dicebat JESVS, Dimitte illis. Post inju-  
riam quandoque jam verustam, quàm  
difficile persuadere veniam, & injuria du-  
rante dimittere injuriam! Mandatū no-  
vum,

vum, exemplum novum veniæ dandæ Christo accipimus. Non attendebat, inquit Augustinus, quod ab ipsis moriebatur, sed quia pro ipsis moriebatur. Super inimicos meos, ait David, prudentem me fecisti mandato tuo *a*. Nec enim tantum pro calumniantibus & persequentibus, sed etiam pro occidentibus se oravit, inimicos omnes amoris brachiis complexus. Hoc est virgas, quibus quis cæditur, osculari.

Lacedæmonum respublica, quod Xenophon memorat *b*. legem tulit de injuriis vindicandis. Hæc mundi lex est impia; injuriarum nihil condonare. At vero Thrasylbulus Atheniensis exul comparato exercitu, Atheniensi duce Lylandro adjuvante, triginta tyrannos expulit, & legem oblivionis tulit, ne quis præteritis injurias insectaretur. Salutarem hanc legem *ἀμνηστία* vocârunt. Christus in cruce exul jam partâ victoriâ, oblivionis legem figens: Dimittite, ait, & dimitte mini. Nil boni habet ultio, quæ è malo pænæ, facit malum culpæ. Quis autem tam fatuus, ut si curtus calceus non respondeat pedi, de pede partem amputet, ut calceus ei habilis fiat? Stultissimum est, minus malum majori emendare vellet. Hoc omnes ij faciunt, qui vindictam quærent. Nam qui injuriam accipit, malam pænæ subit; qui vindictam quæ-

*a* Psal. 118. v. 97.

*b* Xenophon lib. 2. de reb. Græcor.

querit ; in malum culpæ incurrit. Quod priori longè deterius est. Pæna facit miserum ; culpa non tantum miserum , sed & malum : pæna privat bono temperario , culpa & temperario & æterno. Ecclesiastici præceptio est : Qui vindicari vult , à Domino inveniet vindictam , & peccata illius servans servabit. Relinque proximo tuo nocenti te , & tunc deprecanti tibi peccata tua solventur *a.*

Beatæ Mechtildi arcanis affatibus dictum à Christo. In servis meis tria mihi maximè placent. 1. Veritas , in hac coram me ambulent ore sincero , corde perfecto. Talem , ut mater filium , in extremis complectar. 2. Fiduciale refugium ad me solum in omni afflictione. Non aliis , sed mihi ærumnas suas conquærantur. Hos numquam deseram in necessitatibus. 3. Fidelitas in proximum ; peccata illius bono animo excusent , & ego ipso etiam apud Patrem meum excusabo.

Discamus igitur non exaggerare , non vindicare ; sed excusare , aut saltem extenuare , ac condonare injurias : non est faciendus mons è granulo , nec è rivulo mare. Dimittamus aliis & dimittetur nobis. Talem in nos Deum sentiemus , quales in alios fuerimus.

*Ecclesi. cap. 28. v. 1. & 2.*



## §. IV.

*Precatio Christi, fidem impetravit Latroni.*

Hæc Christi oratio ( Dimitte illis ) innocentem & sanctum oratorem ostendit. Hæc Numini divino summè placuit, & verò etiam efficacissima fuit, ut ad eas voces, quod Nazaræorum euangelium memorat, aliquot millia Judæorum ad crucem stantium, innocentiam Christi agnoverint *a*. Hæc ipsa oratio aliis illis obstinatissimis respiscendi spatium quadraginta annos impetravit. Sed his omnibus missis, latronum alter nobis considerandus, quem Christi pro hostibus deprecatio mirificè traxit ad beatissimam vitæ clausulam. Post istum namque supplicem Christi libellum, tanta fidei argumenta orbi exhibuit latro, ut rectè dixeris: Nescio an à mundo condito magis rarum & memorabile fidei exemplum unquam extiterit. In Christi scholâ hic reus numquam fuit: repente tamen Apostolis omnibus tandem instructis, altius mysteria fidei penetravit. Christum in patibulo pendentem adoravit Regem, moribundum hominem vitæ auctorem pronuntiavit, ita prorsus ab inferis supra cælos emerfit. Quàm vegeti, acres, & lyncæi prorsus fuerint illi oculi, qui vitam in morte, cellitudinem in ruinâ, gloriam in probro,

*a Glossa in cap. 13. Isaiæ.*

bro, victoriam in exitio, regnum in  
servitio viderunt! Væ nobis: Christum  
pendentem & omnibus execrabilem la-  
tro suâ fide in cæleste solium evexit: Væ  
nobis, qui scimus hunc ipsum Dominum  
à dextris Dei confidentem, ab omnibus  
adorandum, **BOSTON** reveren-  
ter suspicimus, veneramus.

Latro respiciens, cum cru-  
cifixis locutus, Christum detestatur, se-  
ipsum accusavit, socium reprehendit.  
De Christo liberè pronuntiavit: Hic ni-  
hil mali gessit. Illius bonè moriendi  
documentum. Cum sacras sub-  
finem nostra nobis peccata obierit,  
non exculemus, nec extenuemus, sed  
Christum monstremus, cum hoc ipso  
latronis elogio: Hic verò nihil mali  
gessit. Seipsum porro accusat, Nos  
quidem iuste, at nam dignè tactis reci-  
pimus. Aperta & submissa scelerum  
confessio. Proprium est electorum ama-  
re iustitiam, etiam asperè tractantem.  
Rex David & Mauritius imperator in  
ipsis suppliciis: Justus es Domine, in-  
quunt, & rectum iudicium tuum. Ma-  
gna pars veniæ, fateri crimen. Deinde  
hic ipse Christi caussidicus socium re-  
prehendens: Neque tu, inquit, times  
Deum, quòd in eadem damnationees.  
Latro alter homo perditissimus, furio-  
sæ obstinationis fuit exemplum. Hunc  
neque Christi patientia & charitas, ne-  
que socii exemplum & admonitio,  
neque

neque proprium supplicium, nec omnia prodigia Christo conjungere potuerunt. Neque tu times Deum? neque crux & extrema necessitas timorem Dei persuadeat? jam jamque stabimus ante tribunal Dei, & tu etiamnum ludis? Perditus est, quem pœna non emendat. Nimum protervi & frontis perfrictæ liberi sunt, qui cum castigantur, rident, aut obgannunt.

Latro demum: Domine inquit, memento mei, cum veneris in regnum tuum. Exiguam gratiam modestissime petit Deus, quanta fides! Petrus negat, Thomas dabitur, discipuli Emauntem proficiscentes, pœnè desperant, latro in ipso crucis tormento & scandalo credit. Hanc fidem Athanasius non immeritò admiratus dixit: Crucifigitur ut latro, & efficitur Euangelista. Nam hominem capitis damnatum, ab omnibus irrisum, jam moriturum, orbis dominum agnoscit: Domine memento mei. Quid minus rogare potuisset? Solam sui memoriam flagitavit. Memoria nobis lenta, segnis, mala, quæ nos sæpissime destituit, quod in omni genere peccati fit, cum quis suipsius oblitus, contemptâ Dei lege, diabolo se vendit pretio levissimo. Ab orbis origine nomen nobis est *Pulvis*. Et hujus nominis nostri idemtidem obliviscimur. Quando igitur memoria roties & tam sædè labat, ut quis cæli, inferorum, Dei, suipsius

im.

immemor, in varium nefas ruat, optime precamur: Memento mei Domine. Addit latro: Cum veneris in regnum tuum. O quantum brevi tempore profecit hic cruciarius, qui in Scholâ Christi Syllabarius vix prima elementa nôsse visus est, at ille jam Theologus, aliam & meliorem post hanc vitam, beatitudinem æternam prædicat. Rêges nostri dum vivunt, imperant, cum vitâ desinit imperium. At latro virum juxta se pendentem æternitatis regem adorat. Liceat hic cum Augustino quærere: Dic ô latro, ubi thronus ex sapphiro, ubi Cherubim & exercitus cæli, ubi corona, sceptrum, purpura, ut eum dicas regem cæli. Vidésne coronam aliam quàm spinarum, aliud sceptrum quàm clavos, aliam purpuram quàm sanguinem, thronum alium quàm crucem, ministros alios quàm carnifices? Quid ergo hic regium vides? Obstupescenda igitur hæc fides, tali loco, tali tempore. Pater deserit, Mater fiescit, Angelorum nullus apparet, Joannes & Magdalena juvare nequeunt, Apostoli pridem diffugerunt, Romani irrident, Judæi probris & maledictis confizunt; latro solus fit Christi patronus, infontem, regem proclamat. Magna fuit fides Magorum ab oriente venientium, & puerum in stabulo adorantium, major latronis in patibulo hominem & Deam venerantis.

H h h

Ma

a Aug. Serm. on Parasce

Magdalena propensè credidit, quia miracula vidit, conciones audiit, domesticum sororis exemplum habuit. Isaiam credidisse quid mirum? Deum solio confidentem, Seraphinis cinctum vidit, trisagion illud Sanctus, sanctus, sanctus, audiit. Longè alia & ab aliis diversissima audivit latro & vidit. Petrus credidit, quia Christum aquis inambulantem vidit, in cruce natantem sanguine non vidit. Joannes & Jacobus crediderunt, quia Christum in Thabore, formâ cælesti radiantem viderunt; vox, vultus, vestis, Moyses & Elias testabantur eum hominem homini multò esse majorem. ~~Hæc~~ omnia contraria. Hinc prisce Patres hanc latronis fidem mirari satis nequeunt. Chrysostomus interrogans: Videt in cruce pendentem, inquit, & orat quasi in cælis sedentem: Judæi crucifigunt; qui legem noverunt, & tu latro unde tanta philosopharis *a*? Prodigiorum fuit prodigium hic latro. Videte, obsecro, quàm suaviter cygnea Christi modulatio prima saxeum latronis pectus expugnârit, & hominem cædibus assuetum eò perduxerit, ut Arnoldus Cartonensis Abbas censeat latronem in Luciferi sedem evectum. Deo id non difficile, nobis incertum, eo tamen nomine non incredibile, ut Luciferi superbia tantò majore notaretur ignominia, quantò dissimilior Angelo, eam sedem occuparet latro. Sed quid

*a Chrys. hom. de Cruce.*

quid in homine patibulato tantam fidem excitavit? Singularis Dei gratia, Christi precibus impetrata, Christi amore in hostes summâque ejus patientia, & vis prodigiis aucta.

§. V.

*Fidem Christo, veniam debemus inimico.*

Christo igitur fides, venia debetur inimicis & ignoscentia. Fides excitatur & crescit, si ea omnia quæ passus est Christus, faciamus nobis præsentissima, velut hodie facta, tamquam si cruci adstemus, cernamus & audiamus omnia. Horum omnium imagines sibi ad arbitrium proponere nequaquam difficile est animo, qui quidquid vult sibi depingit. Hebdomade majore varia est Christianorum devotio. Sed fides, Ambrosio teste, præcedit devotionem *a. 1.* Crucifixi Christi effigiem osculamur: Præcedat Fides, & cogitet fidelis: Domini mei crucifixi pedes imos millies oscularer si possem, ergo statuae ac imagini Christi osculum figo quod Christo ipsi nequeo. *2.* Cenotaphia obimus: Fides præcedat, ut nihil curiositatis, sed cordis in Christum inflammatis sensa queramus. *3.* Officiis divinis intersumus, intersit pariter & fides. Noxas commissas in-

H h h 2                      timè

timè doleamus; statuamus firmissimè non amplius dolenda committere. Sed optima devotio est, Domino JESU crucifixo ea omnia, quæ quisque ad vitæ finem passurus est, amantissimè ac liberalissimè offerre. Cuivis hîc dicendum: Ego quidem justè (etsi plurima patiar) nam digna factis recipio. Tu tantùm Domine memento mei in regno tuo. Ita fides exercenda in omni devotione verâ. Nam, quod idem Ambrosius monet, Fides inexercitata citò languescit, & crebris otiosa tentatur incommodis. Si paschate peractò nil amplius lubeat pati, si cum latrone improbo de cruce descensum moliamur, si defletas veteres noxas repetamus, fides nimium inexercitata est, quæ cælum credit sine ullâ vi, inter delicias & tripudia, otio ac torpore obtinendum. Chrysostomo teste, Fides scutum est; credens omnia patitur *b*. Hanc fidem in nobis excitemus assiduè, ut ea semper viva sit, idem-  
tidem clamemus: Memento mei Domine in regno tuo.

Percontetur fortassis nonnemo: Num ille, quem delictorum nondum pœnitet, aut qui judicat se gravioribus peccatis obnoxium, hac precatiuncula juvetur? Putem ego juvari. Saltem impetraret lumen ad agnoscendas culpas, & accusandum seipsum, verterétque

com

*a* Ambrosius in Psalmum, Beati immaculati.

*b* Chrysostomus in epistola ad Ephesios.



commeritam pœnam in correctionem  
ternam, citiusque ad Christum redi-  
ret *a*. Itaque qui Christi cruciatus cum  
sensu & fructu cupit expendere, in seip-  
so fidem excitet animetque. Mâlo, in-  
quit Cyprianus, peccare in fide, quàm  
bene agere extra fidem. Ille apud Deum  
plus habet loci, si Augustino credimus,  
qui plus attulit non argenti, sed fidei *b*.  
Cum dilectione fides Christiani, sine  
dilectione fides diaboli. Fidem debemus  
Deo

Veniam debemus inimico. Non so-  
lùm Christus voce ac exemplo præit,  
Pater dimitte illis, sed omnes Christi  
imitatores. Rem oculis subijcimus. An-  
no Christiano millesimo quadragesimo  
Joannes Gualbertus patria Florentinus,  
gente nobilis, armigero stipatus Flo-  
rentiam urbem patriam petivit, in an-  
gusto colle obvium habuit cognati san-  
guinis homicidam. Gualbertus mox in-  
iras assurgere, gladium stringere, & ho-  
stem parricidam velle confodere. Quid  
ageret miser inter aram & saxum de-  
prehensus? ad genua irati procubuit,  
oravitque per Christum JESUM cruci-  
fixum, qui è cruce pro hostibus orâset,  
veniam daret delicto, & hanc unam no-  
xam ignosceret. Expugnavit animum  
brevis eloquentia. Joannes iram & gla-

H h h 3 dium

*a Ita Salmeron tom 10. tract. 40. mihi*

*pag. 333.*

*b Aug. lib. de civitate.*

dium statim posuit, hominemque, ut Pater filium prodigum, complexus in amicitiam recepit. Exemplum in tale genere obstupefendum. Sub hæc Joannes in Ædem sacram divi Miniatis abiit, & templi medio coram icone Christi crucifixi genua submisit. Hic imago certa fronte oculorum, capite annuit, habuitque gratias, quòd inimico sui causâ veniam non negasset. Hoc ita movit Gualbertum, ut in Canobio S. Miniatis & inter reliquos religiosissimè deinceps vixerit. Quàm luculentè monstravit hic Deus, sacrificium sibi longè gratissimum esse, inimico ignoscere. Quid vos ad ista homines sæxi, cantibus duriores, quibus suavius videtur mergi flammis & æternum perire, quàm inimico ignoscere. Precante iudice, reo non ignoscitis rei? Tantus è cruce orator, tot ora vibrans quot vulnera, non persuadet? Imago lignea se movet, vos duratis? Annuit Christus, vos abnuitis? Paratum in vos fulmen jam minatur; sententia jam lata est Christi ore; Sic & Pater meus cælestis faciet vobis, si non remiseritis unusquisque fratri suo de cordibus vestris *b.* Iis omnibus, qui vos quoquo modo læserunt, ignoscere, corpori, animo, famæ, fortunis consultissimum est.

s. VI. In-

*a* Ubi crux ea hodieque servatur.

*b* Matth. cap. 18. v. 35.

6. V. I.

*Inimicis ignoscere, corpus, animam.  
sanam, fortunas juvat.*

Et primò quidem juvat corpus. Veteres quandoque Martem ita pingebant. Stabat Mars armatus, vultu acerbo, & truculento, nube atrâ cinctus, & suum ipse pectus pugione hauriebat, Atra nubis iram & vindictam; pugio inimici odium adumbrat. Hoc pugione homo vindictæ cupidus suum ipse pectus confodit, seipsum, dum odit alterum, consumit, ita omnem sibi valetudinem & vitam violenter eripit. Quanti, quos familiariter novimus, occulto hoc animi morbo sunt extincti; odiis & simultatibus contabuerunt. Hoc enim facit vindicta, quod vipera, quæ ut vivat, matrem occidit, dum ventrem rumpit ut exeat. Oro te, quid delectationis præstat vindicta, quæ prius vindictæ appetentem, animi quiete, sæpissimè corporis etiam valetudine privat, quàm hosti noceat.

II. Inimicis ignoscere juvat animum. Summi beneficii est à Deo adoptari pro filio. Huic impetrandæ dignitati nil magis conducit, quàm inimicos diligere. Apertissimè Christus, Diligite inimicos vestros, ut sitis filii patris vestri, qui in cælis est. Quid centurionem

H h h 3 mo-

a Matth. cap. 5. v. 45.

movit exclamare publicè? Verè hic homo Filius Dei erat. Christus pro hostibus oravit, & cum clamore expiravit. Hæc aliquid divini sapiunt. Deinde Deus semper severissimè punit tam cupidus vindictæ, ut quæ amorì Christiano maximè adversatur. Hinc divinâ lege rejectus à sacrificiis camelus, quia læsus vindictâ furit. Hinc ericius, accipiter, milvus, aliæque prædatrices volueres sacris exclusæ, quia cùm offenduntur acerrimè, vindicant. Hinc Aman Mardocheum ultioni mactaturus, in suammet crucem est appensus. Apis pungens & aculeum in vulnere relinquens, perdit vitam: Ita sibi omnium maximè nocet, qui aliis nocumentum inferre studet ulciscendo. Gladius eorum intrat in corda ipsorum, & arcus eorum confringitur *a*.

II. Famæ ac honori plurimùm conducit inimicis promptè ignoscere? Nihil enim honorificentius, quàm ut res creata pro suo modulo assimilet creatorem, cujus natura & ingenium est inimicis benefacere. At mihi, ais, hoc dedecori est, mea tam ignaviter tueri, nec aude-re improbitati alienæ resistere. Ohe, quid dicis, homo nequam; gravissimus in fidem error est, ita sentire. Dei legem observare, nullius laudem aut honorem temerat. Si quis viro nobili pedes & manus ligato colaphum infringat,

quis fortitudinis laudem dixerit ereptam sic vincto? eum potius qui vi etiam aggressus est, pudendi facti arguet. Dei lex est, non vindicare injurias, hac ligamur lege; quis jam inhonestum & turpe dicat in ligatis, si cæsi non resistant? Illud potius probrosum tibi est, si alii de te ita loquantur: Homo est angustissimi pectoris, nec venulam habet generosiores ullam; nihil concoquere, nihil perpeti potest; vix tactus furit. At contra magnarum virium est, negligere lædentem, regium est ignoscere. Saul Davidi vaticinatus: Scio, inquit, quod certissimè regnaturus sis, & habiturus in manu tuâ regnum Israël. Unde obsecro scivit? Ex inusitatâ morum mansuetudine.

IV. Fortunas auget, Inimicis ignoscere. David, quem dixi, nec militem copiosum, nec dives ærarium habuit; penes Saulem ista erant. Nihilominus David ærarium, militem, nâque regnum acquisivit. Quibus artibus? Incredibili amore in hostes; hoc stragemate Saulem debellavit, urbes cepit, in folium evasit. Cur autem Sauli adeò parceret, hanc assignavit causam: Quia Christus Domini est. Nos omnes, licet pessimi, non olivarum liquore, sed Christi sanguine uncti sumus. Hinc certè, qui Christianum affligit, in Christum sævit. Eâdem verò mensurâ, quâ mensi fueris,

H h h ; tis,

tis, remetiatur vobis *a* Si dicissimus mercatorum dicat: Tales ego ulnas è panno, corio, holoserico admetiar, qualem mihi cubitalem regulam attuleritis: Si brevis sit vestra regula, brevis erit & ulna mea: Si verò regulam adferatis longam, non minùs longam referitis ulnam. Ita planè Deus amantissimè: Talem me geram erga vos, quales vos gesseritis erga inimicos vestros. Dimittitis? dimitto: vindicatis? vindico. Quàm bonus Deus! Si qui etiàmm abnuant inimicis liberalem dare veniam, simillimi sunt basilisco, qui solus inter serpentes nullo carmine devinciri potest, adeò venenatus est. Quod minatus Hieremias vates: Mittam vobis, inquit, serpentes regulos, quibus non est incantatio *a*. His simillimi sunt isti, qui ex injuriis adeò altè in animum demissis tantum veneni concipiunt, ut à nullo nec hominum nec Angelorum persuaderi possint, inimicis ignoscere, & gratiam culpæ facere.

Ergo pereant hoc certo fulmine: Judicium sine misericordia illi, qui non fecerit misericordiam *b*. Clamat Christus, Dimitte illis. Et Christiani contra seipsos assiduè clament, Desperde illos?

6. VII. Ex-

*a* Luc. cap. 6. v. 18.

*b* Hierem. cap. 8 v. 17.

*c* Jacob. cap. 2. v. 13.

## 6. VII

*Exemplo id monstratur.*

Philippus II. Hispaniarum Rex cautus Princeps, ut filio subditos conciliaret edictum scribi iussit, quod subditis fore ingratiſſimum non nesciebat. Et fama jam emanarat, brevi promulgandum. Hic filius sese interposuit, & subditis varia mustitantibus promisit, effecturum se, si possit ullo modo, ne promulgetur. Effecit. Hic filium omnes deprædicare, atque in cælum extollere, ac dicere; sua illi omnia deberi Pater æternus capitis nos damnaret, filius nostrorum scelerum pœnas expendens: Pater, inquit, dimitte illis. Dimisit. Quam jure nunc Christus illud nobis ingerit: Nonne ergo oportet & te misereri conservi tui, sicut & ego tui misertus sum *a*? Ne, quæso, basiliscæ simus aut aspides surdæ, quæ non exaudiunt vocem incantantium *b*. Amaritudinem omnem animo ejiciamus, & de cordibus nostris ignoscamus omnibus, quicumque nos unquam læsæunt. Alias per Christi mortem & Sanguinem rogamus nunc ipse Christi Sanguis, mors ipsa rogat, ut inimicos in gratiam receptos charitatis brachiis, exemplo Domini complectamur. Nullus jam amplius sit inimicus.

Cato.

*a Matth. cap. 18. v. 33.**b Psal. 57. v. 5. & 6.*



Catonem ajunt gestaſſe anulum, in quo inſculptæ fuerint hæ voces, Amicus unus, inimicus nullus. Amicorum optimus, ſinceriffimus, & verè unus pro mille Chriſtus eſt, inimicus poſthac nullus ſit. Cohortatus nos acriter Paulus: Accessiſtis, inquit, ad teſtamenti novi mediatorum JEſVM, & ſanguinis aſperſionem meliùs loquentem quàm Abel. Videre ne recuſetis loquentem <sup>a</sup>. Sanguis Abel vindictam, Chriſti Sanguis veniam clamat, eamque nobis offert gratiam, ut per veniam hoſtibus conceſſam, culpas à nobis commiſſas omnes eluamus. Videre ne recuſetis loquentem. Fidem Chriſto, veniam debemus inimico. Non enim dimittendi tantùm poteſtatem habemus, ſed & neceſſitatem. Præcipientis vox eſt: Non dico tibi, uſque ſepries, ſed uſque ſeptuagies ſepries <sup>b</sup>: hoc eſt, quadringentis nonaginta vicibus, ait Ambroſius, ut toties peccanti in die fratri dimitteret, quoties ipſe peccare non poſſet. Ne autem inquit, Auguſtinus, linguâ dicas, Ignosco: & corde differas. Vocem tuam audit homo, conſcientiam tuam Deus inſpicit. Melius eſt ut non clames ore, & dimittas corde, quàm ut blandus ſis ore, corde crudelis <sup>c</sup>. Videte ne recuſetis loquentem. Peccatis ſuis veniam exorat, qui eam

<sup>a</sup> Hebr. cap. 12. v. 14.

<sup>b</sup> Matth. cap. 18. v. 22.

<sup>c</sup> Aug. de verbis Dom. Serm. 13.

eam aliis non negat : sibi ipsi laqueum  
nectit, quisquis alteri non ignoscit.  
Sunt qui injuriam hactenus condonent,  
ut eam non vindicent, sæpe tamen ex-  
probrent. Sunt alii qui quidem fileant,  
nihilominus manet altâ mente repo-  
situm, quod ingratis illorum est commis-  
sum. Indulgentia mala, quia non ple-  
na. Totum & ex toto animo dimitte.  
Sic & Pater meus cælestis faciet vobis, si  
non remiseritis unusquisque fratri suo  
*de cordibus vestris*. Observate Domini vo-  
ces : De cordibus vestris *a*. Imperfecta,  
nulla est ignoscencia, quæ vel minimum  
amaritudinis aut similitatis reservat. Vis  
tibi è toto ignosci ? Nec aliis hanc gra-  
tiam negaveris. Quod tibi vis fieri, &  
alteri facito. O igitur formidolosa sen-  
tentia ! Si parva fratribus non dimittimus,  
magna nobis à Deo non dimittuntur.  
Videte ne recuseris loquentem. Aut  
tribue veniam, aut patere flammam.

*a Matth. cap. 18. v. 35.*

## CAPUT II.

*Alterâ Christi morientis cygnea modulatio:  
Hodie mecumeris in paradiso.*

**I**saïæ vaticinium est, Dabo clavem  
domûs David super humerum ejus :  
& aperiet, & non erit qui claudat ; &  
claudet, & non erit qui aperiat. Gran-  
des omnino & admodum caræ claves  
sunt

sint quæ humeris feruntur. Beatus Maurilius Andegavensis Præsul, rogatus à quadam matre, filium moribundum sacro chrismate firmaret; sed dum Maurilius aliquantulum sacris est immoratus, puer obiit. Nimirum hoc suum facinus Pontifex censere, nec aliter expiandum, nisi munere abdicato. Proinde, accusatore ac iudice seipso exul clam navim conscendit, lapsisque in mare, quas secum tulerat, templi clavibus, vover non prius patriam visurum, quam claves amissas recepisset. Mari trajecto, servum se viro Principi addicit, & horum colit. Jam annis omnino septem totâ Europâ à suis quæsitus, cælesti demum indicio inventus est. Tot preces precibusque mistæ lacrymæ, redditæque à pisce, qui navim insinuerat, claves redditum tandem persuaserunt *a*.

Ante aliquod annorum millia claves paradisi abjectæ sunt in divinæ Justitiæ pelagus. Mortalium nemo hâc urinatore agere, illasque in lucem eruere valebat. Dum denique Christus JESVS Pontifex summus & Episcopus animarum nostrarum per rubrum mare sui sanguinis trajecit, & perditas paradisi claves in immani ceto, *Mortem vocant*, reperit, idque post quinque millia annorum. Ab eo nimirum tempore possunt infantiuli unius diei vel horæ paradysum

rese-

*a* *Franciscus Hareus ad 13. Sept. obiit Maurilius an. Christi 410, ætatis 90.*

referare. Certissimum ejus rei testimonium accepimus ab ipso paradisi Domino, qui latroni juxta se pendenti dixit, Hodie mecum eris in paradiso. Amantissimum regis promissum. Atque hæc altera Christi morientis cygnea cantio est. Quando igitur superiori capite, oblatâ occasione, latronis preces: Memento mei Domine, cum veneris in regnum tuum exposuimus; nunc benignissimum Christi responsum, *Hodie mecum eris in paradiso*, explanabimus.

## S. I.

*Expenduntur voces: Hodie mecum eris.*

Nuptialis Samson covivis suis proposuit hoc ænigmatis: De comedente exivit cibus, & de forte egressa est dulcedo *a*. Nemo repertus est totis sex diebus, qui solveret nebulosam quæstionem. Demum Samsonis uxor hoc arcani eis patefacit: In faucibus leonis, quem Sampson occiderat, examen apum esse inventum. Hinc responsum: Quid dulcius melle, & quid fortius leone? Leo è tribu Juda est Dominus Jesus, quem necavit Hebræa Synagoga. Hic leo comedens fuit: Meus cibus est, ait ipse, ut faciam voluntatem ejus qui misit me *b*. Sed & fortis fuit  
hic

*a* Judic. cap. 14. v. 14.

*b* Joan. cap. 4. v. 34.

hic leo. Omnia quæcumque voluit, fecit *a*. Ex ore hujus leonis fluxit melius, Hodie tecum eris in paradiso. Hodie, inquit, non post aliquot annos, aut menses, aut dies, sed sole nondum abdituro tu tecum eris in paradiso. En sumus Pontifex noster confitentem reum continuò de reis eximit, & crimina ejus absolvit. Sed singulas Christi promittentis vuculas expendamus.

**HODIE.** Joseph in vinculis pincernam regium rogaverat, Tantum memento mei, cum tibi bene fuerit. Et tamen succedentibus prosperis, propositus pincernarum oblitus est interpretis sui *b*. Si quid curarum velis, Christo manda, Christum roga: memento mei. En responsum promptissimum: Hodie tecum eris in paradiso. Sicut Adam post commissum furtum vitiosè confitens, paradiso mox ejectus, ita latro post tot latrocinia seriò resipiscens paradiso mox receptus est.

Ad finem hujus vitæ illicò aut præmiis aut suppliciis Deus afficit. Quandoque etiam in hac vitâ. Nam Judæis murmurantibus, adhuc esæ eorum erant in ore ipsorum, & ira Dei ascendit super eos *c*. Pueruli in Elisæum illudentes mox ab uris laniati *d*. Quivis homi-

num

*a* *Psal* 113. v. 11.

*b* *Genes. cap.* 40. v. 14. & 23.

*c* *Psal.* 77. v. 30.

*d* 4. *Reg. cap.* 2. v. 24.

num exacta vita, momento primo non solum scit futurum præmium aut supplicium, sed sentit. Quod & latroni huic contigit.

Augustinus Christi personam induens, Non te differo, inquit, tantæ fidei reddo quod debeo: quia non solum credis me resurrecturum, sed etiam regnaturum *a.* Inauditum prorsus est simul seminare ac metere. Hoc latro fecit. O bone JESU, charissimos hominum in orbe hoc relinquis, & homicidæ nefario mox patet paradisus. Sed prædixit Siracides, In opere ipsius exiguum laborabis, & cito edes de generationibus illius.

Mattæus patrem familias dixisse procuratori memorat, Voca operarios, & redde illis mercedem, incipiens à novissimis *c.* Æterni Patris procurator Christus incipit à latrone post horam undecimam veniente, cui denarium persolvit. Suadet Salomon, Nec dicas amico tuo, vade & revertere, & cras dabo tibi, cum statim possis dare *d.* Fecit certe hoc Filius Dei. Sed quid hoc? Amicissimi petierunt præmii aliquid, at verò non statim id obtinuerunt. Abraham post iter ex Ur longissimum, post multa Deo præstita obsequia: Domine Deus, inquit, quid dabis mihi *e.* Promiserat qui-

I i i

dem

*a* Arg. serm. 144. *b* Eccl. cap. 6. v. 20.

*c* Matt. cap. 20. v. 8.

*d* Prov cap. 3. v. 28.

*e* Gen. cap. 15. v. 2.

dem Deus: Faciam te in gentem magnam; nondum fecerat: benedicam tibi, nondum benedixerat: magnificabo nomen tuum, nondum magnificaverat: perambula terram, quia tibi daturus sum eam, sed nondum dederat *a*. Petiit Moyses: Si ergo inveni gratiam in conspectu tuo, ostende mihi faciem tuam. Respondit: Faciem meam videre non poteris *b*. Philippus Christi discipulus petiit: Domine, ostende nobis Patrem. Nil novi vidit, sed hoc responsi accepit: Quomodo tu dicis: Ostende nobis Patrem? Non credis, quia ego in Patre, & Pater in me est *c*. Paulus ter Dominum rogat, & deprecatur colaphos atque plagas satanæ: neque tamen hujus angeli discessum impetrat. Hoc unum illi responderetur: Sufficit tibi gratia mea *d*. At latro solam sui memoriam in regno petiit, mox regnum ipsum obtinet. Quid hoc obsecro? Maximi refert, quàm opportunè aliquid peratur. Latro suas preces Christo allegavit opportunissimè. Si quis pecuniam roget, dum pecuniâ numeratur; si quis panem postulet, dum panis furno eximitur, aut penori mandatur, vix pecunia, vix panis negari potest. Ita hic prorsus, dum Christus Cherub flammato gladio armatum paradisi custodem

*a* Gen. cap. 12. v. 2.

*b* Exod. cap. 33. v. 13. & 20.

*c* Joan. cap. 14. v. 8. 9. & 10.

*d* 2. Cor. cap. 12. v. 8. & 9.



custodem amover, latro supplicem libellum offert: mox illi responsum: En paradiscus panditur: si vis, licet irrepere. Deinde hinc liquet, quàm verum sit cefatum illud: Unus actus intentus plus valet quàm mille remissi. Melior est unica fervens hora quàm multi anni languidi; melior est unicus paullò grandior nummus aureus quàm crumena obolis plena. Unicum memorabile facinus, seu, actus herøicus præstantior est, quàm aliæ actiones plurimæ, sed remissæ. Hoc actionum discrimen summi apud Deum momenti est, qui non attendit quantum offeramus, sed ex quanto; actiones medullâ boni spiritûs plenas desiderat. Reverà latro eam fidem, càmque humillitatem & charitatem in cruce ipsa exhibuit, ut hæ inferiores ipsius actiones plus valuerint quàm aliarum mille. Hinc illud promptissimum infiniti pretii promissum, Hodie mecum eris in paradiso. Christi ore in Sanctorum album est relatus latro, & omnium sanctorum a primus. Hodie mecum eris. Summum hoc solatium est è lecto in cælum rectissimâ viâ evolare posse. Hujus rectissimi volatus modum in Æternitatis Prodromo docemus *b.* Beatus Paulus illud *Hodie* menti altè infixurus; Adhortamini vosmetipsos, inquit, per singulos dies, donec Hodie cognominatur, ut non ob-

388 DE CHRISTO RESURE.

• daretur quis ex vobis fallacia peccati. Hodie si vocem ejus audieritis, nolite obdurare corda vestra *a*. Duo sunt Hodie; breve unum ac miserum, felix alterum & æternum. Latroni dictum: Hodie miserum ac breve paullo post finies; incipies æternum, non finientum. Sed & alias quoque vocolas expendamus.

MECUM. Hoc solum, esse cum Christo, hoc unum atque unicum abundè satis fuisset promittere. Nam, uti Augustinus loquitur, ubi malè esse poterat cum illo, & ubi benè esse poterat sine illo *b*. Latro igitur magnis & incitatis passibus, viâque prorsus compendiarîâ in paradysum pervolavit. Non ei dictum: Paullatim, post me illuc pervenies, sed Mecum. Adam, Enos, Mathusalem nongentis sexaginta novem annis ambulando non affecuti sunt, esse cum Deo, quod iste trihorio impetravit, Christus in cruce humanis ac divinis solatiis omnibus carere voluit, hoc unum admisit, hominem impium è gurgite scelerum extrahere, & unâ secum in beatitudinis domicilium perducere. Quod Apostolis in pridianâ cenâ promisit: Ut edatis & bibatis super mensam meam in regnò meo; id latro ante Apostolos experitur.

• David in Miphibosetum & Bercellai filios

*a* Hebr. cap. 3. v. 13.

*b* Aug. tract. 51. in Joann.

filios liberalis extitit, luculentis de causis Miphibosethus corpore quidem ca-  
duco clausus, sed tamen regis filius:  
Bercellai verò regem fugientem grandi  
munificentia excepit. At latro per om-  
nem vitam improbus, è gratia repen-  
tina regiàm Christi mensam accumbit.  
Jam audit: Mecum eris: Ego tibi, tu  
mihi.

Salomonem Magnificum & Clemen-  
tem alibi laudamus *a*. Christus Clemen-  
tissimus, Magnificentissimus Summæ.  
clementiæ fuit, ad probra omnia obmu-  
tescere, ad paucula sicarii verba velut  
reviviscere, & omnem expromere libe-  
ralitatem. Magnificentiæ maximæ fuit  
homini per omnem vitam improbo lar-  
gi paradisum. Quàm bonum huic Do-  
mino servire! multi compluribus annis  
serviunt, demum senes mendici sunt.  
Hic latro non Christo, sed diabolo tota  
vita serviit, jam repentè ditissimus, men-  
sa & regno Christi donatur. Promiserat  
quidem Servator: Ubi sum ego, illic &  
minister meus erit *b*. Atqui crucifixus  
iste non minister Christi, sed hostis fuit,  
rota illi, non cælum debebatur. Nihilo-  
minus ei munificus rex Judeorum ob-  
pium suspirium pollicetur paradisum.

Bernardi Clarævallensis ævo Arnul-

Iii 3                      phus

*a* *Scriptione jam paratâ, sed nondum ty-  
pis commissa.*

*b* *Joan. cap. I 2. v. 29.*

phus nobilis & dives, Cistercienti familiæ se addixit. Hic morbis gravissimis, præsertim sub vitæ finem, exercitatus, inter ipsos dolores exclamavit: Vera sunt omnia, Domine JESU, vera sunt, quæ dixisti. Interrogatus quid sibi vellent hæc voces; Promisit Dominus, agebat, iis omnibus, qui sui amore desererent caduca, centuplum recepturos, & æternam vitam. Ita prorsus est; promissi vim jam intelligo. Nam hæc ipsa doloris hujus acerbitas solatio est. Per hos ignes brevi desituros transitur, scio, ad delicias immortales. Spes futuri & immensi præmii, omnem hujus vitæ voluptatem milles antecedit. Famulum tam fideli: à Christo tam largiter remuneratum, nil miri; in admirationem rapit tam festinatam latroni præmium.

ERIS. Pilato varia sciscitanti respondit Christus: Regnum meum non est de hoc mundo. Verè non erat, Domine JESU, nec enim humiles superbis, castos impudicis, mites iracundis misceri passus fuisses, si regem hic agere voluisses. Hinc crucis socium his verbis animas: *Eris mecum.* Nondum in patriâ sumus, sed erimus, & simul erimus. Mater filio cibum aut potum in alienâ domo importuniùs petenti respondere solet; Mi fili, paullulùm expecta, ubi domum redierimus, dabo. Ita Christus sui memoriam roganti: Hodie, ait mecum eris. Nostra quidem corpora in sepulchris

erunt,

erunt, sed anima tua, pars hominis melior, cum meâ erit.

S. II.

*Christi in iis verbis benignitas, Latronis felicitas.*

Quamprimum in orbem venit Christus, animas ad se trahere cœpit; sic utero virgineo etiânum clausus Joannem Baptistam traxit, ita in cunabulis ad huc conditus ab Oriente Magos attraxit, ita Petrum & Andream, ita Matthæum & Zachæum, ita Nicodæmum & Madalenam ad se pertraxit, ita in ipso ex hoc orbe transitu, velut magnes traxit latronem. Sed cur, ô bone JESU, non etiam latronem alterum ad te traxisti? nam & pollicitus es, Omnia traham ad meipsum <sup>a</sup>. Alter trahi noluit, imò quo minùs trahi posset, omnibus modis obstitit; cor ejus mons plumbeus, immobilis fuit; obstinatissima ejus voluntas omnem saluti viam obfirmavit: perit, quia perire voluit.

At verò alter mox victas dedit manus Christo, ita è prædone præco Evangelicus evasit. E diverso Judas ex Evangelico præcone factus est prædonum, furum, latronum coryphæus; Dominum servus, Magistrum discipulus vendidit, quem coram orbe latro defendit disertissimus Christi advocatus.

Iii 4 Hæc

<sup>a</sup> Joan. cap. 12, v. 32.

Hæc mutatio dextræ Excelsi *a*. Facile est enim in oculis Dei subito honestare pauperem *b*. Ita solet Deus, qui ex armentariis Prophetas, ex opilionibus Reges, è telonariis Apostolos, è piscatoribus Doctores, è latronibus Martyres & paradisi cives constituit. Non possum, quin Augustinum eximiè de hoc loquentem huc sistam Verba ejus fideliter admetiar: Pendebat in cruce Christus, inquit, pendebat & latro. In medio ille, illi à lateribus. Insultat unus, credit alter, judicat medius ille. Ille enim qui insultabat, hoc dixit, Si filius Dei es, libera te Et alius ad illum: Tu non times Deum? si nos propter facta nostra meritò patimur, ipse quid fecit? Et conversus ad eum, Memento, inquit, mei Domine, dum veneris in regnum tuum. Magna fides! huic fidei quid addi possit, ignoro. Titubaverunt qui viderunt Christum mortuos suscitantem: credidit ille, quem videbat secum in ligno pendentem. Quando illi titubaverunt, tunc ille credidit. Qualem fructum Christus de arido ligno percepit? Quid enim Dominus dixerat? Amen dico, Hodie mecum eris in paradiso. Tu differs te, ego agnosco te. Quando hoc speraret latro? Ad ductus de latrocinio ad judicem, à judice ad crucem, de cruce ad paradysum.

Deinde

*a* *Psal.* 76. v. 11.*b* *Eccl.* cap. 1. v. 23.

Deinde ipse attendens merita sua non dixit, Memento mei, ut liberares me hodie: sed, Cum veneris in regnum tuum, tunc memor mei esto; si mihi tormenta debentur, vel quousque veneris in regnum tuum. Et ille: Non sic. Invasisti regnum cælorum, vim fecisti, credidisti, rapuisti: Hodie mecum eris in paradiso. Non te differo. Tantæ fidei hodie reddo quod debeo. Latro dicit, Memento mei Domine, cum veneris in regnum tuum. Non solum credebatur resurrecturum, sed etiam regnaturum. Pendenti, crucifixo, cruento ligno hærenti: Cum veneris, inquit, in regnum tuum. Et illi *a*. Nos sperabamus. Ubi latro invenit, ibi discipulus perdidit *b*.

Ne latro somnum putaret liberalissimum promissum, Christus jurando fidem faciens, Amen dico tibi, ait, Hodie mecum eris in paradiso. Viâ rectissima è cruce ibis in paradysum. Hæc mira, sed minimè injusta. Latent hæc sensus hominum, ait Gregorius, nec quidam de cujuslibet fine cognoscitur, quia divinorum judiciorum abyssus humanæ mentis oculo nullatenus penetratur. Scimus quod latro de patibulo transivit ad regnum, Judas de Apostolatûs gloriâ est lapsus in tartarum.

III ;

Quis

*a* In Emaus euntes. *b* Aug. tom. 10. ser. 3. Pasch. serm. 1. in ordine serm. 144. mihi pag. 320.



§ 64 DE CHRISTO RESURG.

Quis ergo discutiatur, in quâ viâ habitet lux, & tenebrarum quis locus sit, ut ducat unumquodque ad terminos suos, & intelligat semitas domus ejus?

§ III.

*Reliqua Christi verba (In paradiso) explicantur.*

IN PARADISO. O admirandam Domini bonitatem! qui Annæ, Caiphæ, Herodi, Pilato non respondit, latroni confitenti non tantum patientissimas aures accommodavit, sed auditæ confessionis trientem <sup>a</sup> reddidit paradisum. Quanta est, ô Christe, tua liberalitas! Homo nefarius pauculis verbis sui memoriam in regno non deponendam petit, mox ipsum regnum accepit. Quid amplius Joanni Baptistæ, quid Stephano Martyrum antesignano, quid Paulo Apostolorum maximo promissum? Verissimè dixit Ambrosius, Uterior est gratia quàm precatio <sup>b</sup>. Hæc Dei est liberalitas, plura quàm petas largiri solet. Abrahamus filium petivit non tantum id impetravit, sed cum filium, è quo filius Dei nasceretur. Jacob ut Benjamin rediret, unicè postulavit; non illum solùm, sed & Josephum incolumem recepit. Salomon unam atque unicam desideravit sapientiam: non illam

<sup>a</sup> Beichtpfenning.

<sup>b</sup> Ambr. in Psal. 118.

illam tantum, sed & opulentiam accepit. Ezechias extensorem vitam in annum unicum flagitavit, anni quindecim in augmentum vitæ concessi sunt. Tobias reducem dumtaxat filium optavit, non cum filio & filii conjux & argentum mutuo datum rediit. Obæratuſ ille ſervus non ſibi decem millia talentorum remitti, ſed penſionis moram tantum popoſcit; omnia ei nomino, totum debitum eſt remiſſum. Latronis votum erat, O ſi tam beatus ſim ego, Domine, ut mei ſolum meminiſſe dignareſ in tuo regno: non hoc tantum, Mecum eris in paradifo. Non in memoria tantum mea, ſed in meo regno rex eris, regibus omnibus beatior. Quam bonus Iſraël Deus his qui recto ſunt corde *a*! Quam bonum ſervire Deo, qui minima etiam obſequia tam munifice remuneratur!

Aſſuerus rex munificentiam ſuam in Eſtherem explicaturus, quid petis, ait, ut detur tibi? & pro quâ re poſtulas? etiamſi dimidiam partem regni mei petieris, impetrabis *b*. Idem & Herodes Herodiadi filiæ pollicitus, Pete à me, inquit, quod vis, quia quidquid petieris, dabo tibi, licet dimidium regni mei *c*. Sed nenter dedit, nec quidem dimidium. Chriſtus non provinciam, non regni dimidium, ſed regnum dat totum, quâ

*a* *Pſal.* 72. v. 1. *b* *Eſth.* cap. 5. v. 7.  
*c* *Marc.* cap. 6. v. 22. & 23.

qui potens est omnia facere superabundanter quàm petimus aut intelligimus *a*. Hebræis olim promissa vini,imenti, olei abundantia, refertum penu, distenta horrea: tandem autem, tandem promittitur & conceditur paradisus. Atque hoc vel intelligentiæ rudis aptissimè. Si dixisset Christus: Deo fuëris, Deum videbis; non tantas delicias, nec tam opima sibi gaudia cogitatione depinxisset latro, atque cùm viridarium & paradisum audiit promitti. Verus verbum est: Ubi Rex, ibi curia; ubi Papa, ibi Roma; sic ubi Deus, ibi paradisus. Ajunt Beatum Ægidium divi Francisci socium ex eo tempore, quo Christus ei spectabilis adfuit, tam concitatis in cælum desideriis raptum, ut audito vel à pueris per plateas paradisi nomine, rerum omnium sensu destituëretur *b*.

Vanilaboris sit, pluribus hic disceptare, quis ille promissus fuit paradisus. Non cælum, siquidem quadraginta post diebus in cælum Christus abiit. Non paradisi protoplastis habitatus, quem ajunt non extare amplius, quamvis Irenæus & Justinus contrarium affirmant. Non Persicus, pensilis hortus, quem vero nomine paradisum vocant. Promisit igitur, *claram Dei visionem* quæ die illo cunctis in Ahrahæ sinu collectis est concessa.

*a* Ad Ephes. cap. 3. v 20. *b* Sur. tom. 2. in ejus Vita die 23. April.

cessa. Hanc paradisum nominat. Est enim gaudium mille gaudiis refertissimum. Paradisum Christus in eam usque horam numquam nominaverat, sed in extremis velut Pater abditum thesaurum filios ostendit. Sublimis in regno, uti Bernardus loquitur, suavis in ligno.

De seipso Christus dixerat: Ego sum ostium, per me si quis introierit, salvabitur *a*. En ostium cum quinque grandioribus feris, patentioribus plagis. Una alterave horula ad hoc ostium pervigilata peperit beatissimam in cælo æternitatem; adeo infinitè bonus est Deus, homines & jumenta salvans *b*. Glorificabit me bestia agri, ait, dracones & struthiones *c*. Nemo miretur à Dei filiis, ab astris matutinis, ab omnibus Angelis me laudari, multo jam tempore majestatem meam intuentur, innumeris à me beneficiis affecti: illud admiratione dignius, latronem qui in agris, nemoribus, viis, velut cruenta bestia fame stimulata transeuntes jugulabat ut prædas ageret, jam in mitissimam ovem mutatum, ad primam pastoris vocem accurisse, illi se subjecisse, & tamquam Deum suum jam revereri. Pater videri poterat dereliquisse Filium, aberant Angeli, fugerunt Apostoli, Judæi accusaverant, Romani crucifixerant, latro solus descendit & gloriæ

*a* Joan. cap. 10. v. 9.

*b* Psal. 3. v. 7.

*c* Is. cap. 43. v. 20.

868 DE CHRISTO RESURG.

& gloriâ afficit. Promisit Deus: Quicumque honorificaverit, glorificabo eum *d.* Amplissimè hic præstitum; Regem ab omnibus irrisum honoravit latro quamvis exiguo tempore. Mox gloriam obtinuit æternam.

Diocletiano & Maximiano in Christianos sævientibus, cum ad supplicium duceretur Felix Presbyter, obvius ei fuit Christianorum aliquis, qui cum se ultro & elatâ voce Christianum profiteretur, mox cum eodem pariter ad supplicium raptus est. Cum autem illius nomen ignorarent Christiani, adauctum vocaverunt. Nam Felici Martyri velut incrementum additus erat ad coronam. Ita Christo Morienti & ad paradisum transeunti, in ipsa veluti viâ adauctus accessit latro. Felix in cruce societas, quæ paradisi viam tam citò tam certam reperit.

s. IV.

*Christus latronum medius, Judicis formam representat.*

Beatus Lucas iter Hierichuntinum describens, Homo quidam, inquit, descendebat ab Hierusalem in Hiericho, & incidit in latrones, qui etiam despoliaverunt eum, & plagis impioris abierunt semivivo relicto *a.* E cælesti Hierusalem in vanitatis Hiericho descendit.

*a. Luc. cap. 10. v. 30.*

scendit Christus, sed incidit in latrones; spoliatus & semivivus est relictus. Divinitas vitam quam perdere non potuit, retinuit, humanitas amisit. Verè in latrones est delapsus, nam & illorum medius pependit. Objectum Christo sæpius: Quia hic peccatores recipit, & manducat cum illis *a*. Jam cum illis etiam patitur, & moritur. Mi Deus qualis erat in monte Golgothæo hæc Trias! Servator orbis, & gemini latrones. Innocens unus, alter resipiscens, tertius perditissimus. Hæc trium societas triplex hominum genus adumbrat. Pœnas aliqui quas meruerunt, inviti & impatientes tolerant; ita è cruce in orci flammam properant, ter miseri. Pœnas alii committunt patientia laudabili persolverunt. Iram Domini portant, quia peccaverunt ei *b*. Alii patiuntur infantes & immerentes virtuti exercendæ, & coronæ adipiscendæ.

En igitur hominem innocentissimum, qui in latrones incidit, ut latro captus, flagris cæsus, cruci affixus, satis plagarum monstrat. Non simus, obsecro, Levitæ, neque Sacerdotes, qui transeat sine miserationis sensu; Samaritanissimus qui videant & misericordia moveantur. Et ô quale spectaculum! Deus ille, orbis conditor, qui in cœlo adoratur, in infami ligno sputis & maledictis

nota

*a* Luc. cap. 15. v. 2.

*b* Math. cap. 7. v. 9.

notatur. Ipse etiam latro insultans blasphemabat eum, & dicebat, Si tu es Christus, saluum fac te ipsum, & nos *a*. Referato cælo Isaias: Vidi, ait Dominum sedentem super solium excelsum & elevatum. Seraphim stabant super illud, & clamabant Sanctus, sanctus, sanctus, Dominus Deus exercituum, plena est omnis terra gloria ejus *b*. O Isaias denuò suspice, & hunc ipsum quem vidisti Dominum, intueri. Quantum hic intuitus ab illo divertit? Non Seraphinorum alæ, sed flexiles spinæ caput jam inumbrant; non jam sedet, sed pendet; non Angelorum, sed hostium, sed latronum medius; non adoratur, sed irridetur, & contumeliis vexatur ab omnibus. Non in cavo Bethlehemi sumus, qualis enim hic Joseph & Maria? Non sumus in cacumine Thabor, qualis enim hic Moyses & Elias? Verè semetipsum exinanivit. Hic oculos, hic figamus animum: nisi ad hunc aspectum superbiam in nobis omnem expugnemus, actum est de nobis. Paulò antè Christus cum Barabba latrone in eandem lancem est appensus, & vicit pondere latro. Vox populi fuit: Non hunc, sed Barabbam. At verè nos animalia ad omnem arrogantiam nata, ab omnibus coli & suspici, in omnium oculis & ore versari, omnium a plausu saluari, extolli cælo cupimus. Hæc hu-

mil-

*a Luc. cap. 23. v. 39.**b Is. cap. 6. v. 2. & 3.*



militatis nostræ sunt specimina. Superbe  
cis oculos ad Christum reflecte; alia  
cernes submissionis paradigmata. Aut  
imitare, aut hereditati promissæ renuntia.

Sed hic etiam supremi iudicii verissi-  
mam effigiem contemplemur. Chri-  
stus iudex, partium duarum medius in  
alto cernendus, hinc cælo adscribendi,  
illic tartaro præcipitandi sententiam  
expectant. Crux ipsa tribunal est. De  
futuro iudicio dixerat Christus: Tunc  
duo erunt in agro, unus assumetur, &  
unus relinquetur: duæ molentes in mo-  
la, una assumetur, & una relinquetur:  
erunt duo in lecto uno, unus assumetur,  
& alter relinquetur.<sup>a</sup> In omni homi-  
num genere erunt, qui in cælo recipian-  
tur ob sancta promerita, erunt & qui  
erebo sepeliantur propter opera prava.  
Væ miseris nobis, ait Gregorius, qui de  
electione nostra nullam adhuc Dei vo-  
cem cognovimus, & jam in otio quasi  
de securitate torpemus. Debet profectò;  
debet in spe esse non solum securitas, sed  
etiam timor in conservatione, ut & il-  
la certantes foveat, & iste torpentes  
pungat.<sup>b</sup> Nunc igitur quisque spem jun-  
gat timori, ne & ipse inter relinquen-  
dos numeretur. In duobus his latro-

K k k. . . nibus

<sup>a</sup> *Matth. c. 24. v. 40. & Luc. c. 17. v. 34.*

<sup>b</sup> *Gregorius: Ad paradisi requiem præhs la-  
tronem quam Petrum perduxit, tom. 3.  
hom. 19. in Euang. mih. pag. 49. Et tom.  
2. lib. 29. Mor. cap. 9. mih. pag. 903.*

nibus hæc iudicii forma vel oculis cernenda proponitur. Par peccatum, par supplicium, par resipiscendi subsidium, exitus diversissimus. Alter, inquit Hieronymus, præcedit Petrum in paradisum, alter judam in infernum.

Suppliciorum omnium summum est cum obstinato latrone sic abjici. Utrique gratia divina præstò fuit; illi efficax, ut in Theologorum scholis loquuntur, huic sufficiens; potuisset servari, si voluisset, sua culpa periit. Cur autem, inquires, non utrique dedit gratiam efficacem? Ad hæc talia illud Augustini semper ingero: Judicia Dei possunt esse occulta, injusta esse non possunt. Noli investigare, si non vis errare. Hi latrones velut duo Bajuli Botrum vitæ juncta opera portabant. Ille qui præcessit, nec botrum vidit, nec dulcedinem ejus gustavit, alter vidit & gustavit, quoniam suavis est Dominus.

Hoc autem obstinatæ mentis cruciatius omnes moneat: Ne procrastinatio. Heu quot millia hominum latronem alterum in sui ruinam trahunt quotidianis procrastinationibus! Nec cogitant temerarii, unum illum è tot centenis millibus sub ultimum vitæ finem serio resipuisse, diem illum singularis misericordiæ fuisse, omnia ceteroquæ facilia, in extremis reddi difficillima, unum quidem è duobus paradiso do-

natum, alterum ad inferos dejectum. Utriusque rigido fatali Christus & Christi Mater aderat, effusus Christi Sanguis recens fuerat, prodigia & miracula in aperto erant, reserata invitaverat salutis via. Nec hilum movebatur obstinatus; surdus ac cæcus obiit & perit. Quàm benè Ambrosius, Rapiamus, inquit, & festinemus, nam pascha non manducatur nisi festinanter. Regnum cælorum vim patitur, & violenti rapiunt illud *a*: rapuit bonus, neglexit malus. Naviga ergo, naviga, quisquis es, naviga, dum tibi flant zephyri: occasionem commodam distulisse semper obfuit: poenitendi tempus neglexisse multò magis semper nocuit.

Joannes Xiphilinus Patriarcha Constantinopolitanus, ut cacodæmonis mores perfidissimos detegeret. Ita, inquit, paciscitur diabolus: Da mihi diem hodiernum, Deo crastinum; mihi tempus præsens, Deo futurum, ut ita tardantes & procrastinantes abripiat. Non negamus Manassen impium senem obiisse, sed & hoc asserimus, Ammonem libidinosum juvenem sublatum. Summa vitæ jactura, Dilatio. Differt honesta semper serum ac noxium. Idcirco, Hodie si vocem Domini audieritis, nolite obdurare corda vestra *a*. Ah, nolite! Hodie est, dum vita est. Patet ostium,

Kkk 2 licet

*a* Matth. cap. II, v. 12.

*b* Psal. 94. v. 8.

licet ingredi. Pœnitebit, sed forſan ni-  
miùm ſerò, pœnitentiam diſtuliffè. Pa-  
ra-diſi claves jam in propatulo ſunt; ne-  
mini negantur ſerò petenti. Paradifus  
tribus omnino clavibus eſt reſerandus.  
Hæc illarum nomina ſunt: Accuſatio  
ſui, Reſignatio ſui, Perſeverans Tole-  
rantia, De ſingulis paucula.

## § V.

*De primâ paradifi clave.*

Prima, Accuſatio ſui. Latro paradifi  
ſi civis, Nos quidem juſtè, inquit, nam  
digna factis recipimus. Jobus non ſolò  
patientia, ſed ſui accuſatione quoque  
laudatiſſimus, Si abſcondi, ait, quaſi ho-  
mo peccatum meum, & clavi in ſine  
meo iniquitatem meam *a*. Pulcherri-  
mè hac de re Gregorius, Videatur, in-  
quit, vir iſte cuilibet magnus in virtuti-  
bus ſuis, mihi certè ſublimis appare-  
etiam in peccatis ſuis. Mirentur in eo  
qui volunt caſtitatiſ continentiam, mi-  
rentur integritatem juſtitia, mirentur  
viſcera pietatiſ: ego in eo non mi-  
nùs admiror confeſſionem humillima  
peccatorum, quàm tot ſublimium ge-  
ſta virtutum. Scio enim quòd per in-  
firmitatiſ verecundiam plerumque gra-  
vioris eſt certamiſ commiſſa peccata  
prodere, quàm non admiſſa vitare:  
& unumquodque malum quamvis  
rob

robustius vitetur, tamen humilius proditur Indicia veræ confessionis sunt, si cum quisque se peccatorem dicit, id de se dicenti etiam alteri non contradicit. Scriptum est: Iustus in principio accusator est sui *a*. Quod si superbè defendimus, liquet, quia peccatores nos ex nobis fictè dicebamus. Unde summo opere curandum est, ut mala quæ fecimus, & sponte fateamur, & hæc aliis arguentibus non negemus. Superbiæ quippe vitium est, ut quod de se fateri quisque quasi suâ sponte dignatur: hoc sibi dici ab aliis dedignetur *b*. Sed usitatissimum humanæ gentis vitium est, audendo peccatum committere, commissum negando abscondere, convictum defendendo excusare. Si Adam humiliter se accusasset, à paradiso non exulasset *c*; excusando culpam non delevit sed auxit. Quàm raro auditur illud? Ego quidem justè, nam digna factis recipio. Boni seipso, improbi non se reprehendunt, sed alios. Peccatum peccato addit, qui culpæ quam fecit, patrocinia defensionis adjungit.

A culpis nostris omne malum nostrum oritur, sed hoc quotidianum diaboli vasframentum est, ut culparum causas modò malæ fortunæ, modò

Kkk 3 con-

*a* Prov. cap. 18. v. 17.

*b* Greg. l. 22. Moral. cap. 10. ante mea. mihi pag. 211.

*c* Aug. serm. 19. de Sanctis.

concitatori naturæ, jam illis, jam istis hominibus adscribamus. Perquam rara vox auditur: Nos quidem justè. Culpam omnes regimus, nec admittimus nomen factorum rei. Jam quantæ excusationes in omni crimine? Imò & rationibus etiam propugnare malè facta conamur. Quid? quòd virtutis nomen non rarò vitiis indamus? Nonnumquam, quod deterius, gloriamur etiam in rebus pessimis. Quod si quis verum crimen obijciat etiam palàm factum, indignamur, & in iras consurgimus, & sæpe capulo manus propior quàm confessioni. Non erubescimus aures, oculos, manus medicorum in erubescendis morbis: tantus nos amor vitæ tenet, & animi vulnera detegere reformidamus, adeò nos æterna mors non terret. O quanti solo pudore malo perierunt æternum! poterant æternum vivere unà confessione: pudor noxius retraxit. Pudorem nociturum exiit latro, delicta palàm fassus, quòd faciliùs veniam mereretur, nec delicta tantùm, sed & pœnam illis debitam justè se pati confessus. Hic suos quisque mores excutiat: num. errores suos fateatur an tegat; damnet an defendat; vituperet an laudet; oderit an amet. Suimet accusationem in latrone reperiet, qui scelera sua damnavit palàm, laudavit innocentiam Christi.

Rex Balac Israël's hostis, omnibus  
con-

contendit viribus, ut Balaam Magus-  
Israëlem devotionibus & carminibus  
malediceret. At verò Deus Balaamo præ-  
cipiens, Noli, ait, ire cum illis, neque  
maledicas populo; quia benedictus est *a*.  
Quid obsecro, Deus suo populo timeret  
ab execratione magi? Anastasius Nicæ-  
nus eruditè hoc edisserens, Assiduè,  
inquit, populus peccabat, idcirco pæ-  
nè etiam assiduè puniebatur. Ne verò  
diceret originem punitionis esse impre-  
cationem vatis, non permisit illum Deus  
malè imprecari. Stipendia peccati mors *b*,  
& omnis comitatus mortis. Nos igitur  
accusemus nosipsos, & culpas nostras;  
ita prævertemus diabolum accusato-  
rem fratrum *c*. Hæc prima & ferè  
unica pœnitentiæ lex est: Accusare se-  
ipsum.

Rufinus Aquileiensis memorat ad Pœ-  
menem Abbatem venissè qui rogaret,  
eà sibi verba interpretaretur: Omnia  
munda mundis *d*. Cui Pœmen: Qui  
dicti hujus notionem caperet, omni re  
creata inferiorem se crederet. Cui fra-  
ter, Et quomodo, inquit, homici-  
dà me deteriores censeam? Cui denuò  
senex: Non occidisti alium? suam  
ipsius animam jugulasse nequius est.  
Necdum vim dicti cepit. Cui Pœmen

K k k 4 . . . deni-

*a Num. cap. 22. v. 12.*

*b Rom. cap. 6. v. 23.*

*c Apoc. cap. 12. v. 101.*

*d Tit. cap. 1. v. 15.*



3-8 DE CHRISTO RESVRG.

denique, Hæc sola inquit, iustitia est hominis, ut seipsum reprehendat. Tunc enim iustus est, cum sua peccata condemnat <sup>a</sup>. Inde fuit qui diceret, Virtutes aliquot diversantur apud me; sola est manet sui accusatio. Hæc prima paradisi clavis est: Nos quidem iustè.

<sup>a</sup> *Ruffin. num. 131. apud Rosw. Pelagius cap. 15. num. 3.*

§. VI

*De alterâ paradisi clave.*

Altera, Resignatio sui in manus Dei ad præmium & ad supplicium <sup>a</sup> Domine, memento mei. Bernardus æstuat affectu, Utrumque es mihi, ait, Domine. Jesu, & speculum patiendi, & præmium patientis. Tu caput meum per victoriam coronas, sive quia pugnatem te specto, sive quia expecto non solam coronantem, sed & coronam. Trahe me post te, libenter te sequor, libentius fruor. Si sic bonus es Domine sequentibus te, qualis futurus es consequentibus <sup>a</sup>? Illi ergo fidamus toto peccatore; quò major fiducia, hoc melior resignatio. Arnoldus Carnotensis ad eandem nos fiduciam animans, Sit qui invocet, inquit, erit qui exaudiet; sic quæ

<sup>a</sup> *Auffgnad vnd ungnad.*

<sup>b</sup> *Bern. Serm. 47. in Cant. med. m. pag 222.*

pœniteat, non deerit qui indulgeat *a*.  
 Dum halitus in nobis superest, spes et-  
 iam sit cum plena sui resignatione, uti  
 cenè latro divinis nutibus se totum tra-  
 didit. Quod Gregorius singulariter com-  
 mendans, Nihil, inquit, in eò à pœnis  
 liberum, nisi cor & lingua remanserant.  
 Inspirante Deo totum illis obtulit, quod  
 in se liberum invenit. Ille qui talis ad  
 crucem venit ex culpâ, ecce qualis à  
 cruce recedit ex gratiâ. Confitebatur  
 Dominum, quem videbat secum huma-  
 nâ infirmitate morientem, quando ne-  
 gabant Apostoli eum, quem miracula  
 viderant divinâ virtute facientem *b*. Huic  
 igitur Domino, quem inter tot negan-  
 tes publicè confessus est regem, totum  
 se tradidit.

Subinde lis suavissima inter amicos  
 oritur: ille rem mutuam vult reddere,  
 iste recusat accipere, cum affabili hoc  
 dicto: Bonâ manu possidetur. Quidquid  
 offerimus Deo, velut in Dei manu repo-  
 nentes, id omne summâ securitate mu-  
 nimus: ab optimâ manu tenetur, quid-  
 quid Deo committitur. Promissum Chri-  
 sti est: Et non rapiet eas quisquam de  
 manu meâ *b*.

Non ignota vox dilecti est: Quid ma-  
 gis à te requiro, quàm ut te studeas mi-  
 hi

*a Arnold. tract. 7. de verbis Domin.*

*b Gregor. lib. 18. Moral. cap. 23. miba  
 pag. 723.*

*c Joan. cap. 10. v. 28.*

hi ex integro resignare? Quidquid præter teipsum das, nihil curo; quia non quero darum tuum, sed te. Offer te mihi, & da te totum pro Deo, & erit accepta oblatio. Si autem in teipso steteris, nec sponte te ad voluntatem meam obtuleris, non est plena oblatio, nec integra erit inter nos unio. Igitur omnia opera tua præcedere debet spontanea tui ipsius in manus Dei oblatio *b*.

Homo divinæ voluntati ad nutum obsequens, & vero nomine *Resignatus* ita semper & in rebus omnibus etiam turbatissimis loqui solet: Si ita tibi visum, Domine, ita fiat. Si quid à te petam noxii, nega mihi. Tu nosti quid in rem meam magis expediat; age mecum prout volueris. Da quod vis, & quantum vis. In manu tua sum ut pila, huc illuc & quacumque placuerit, me mitte. Honorem tuum specto, non meum; tibi vivere desidero, non mihi. En ego servus tuus ad omnia paratus. Neque nescio tuam pro me providentiam, mi Deus, dies noctesque jugiter multò magis vigilare, quàm meæ omnes curæ pro meipso possint. In lubrico stat, imò non stat, sed nutat & cadit, qui non omnem suam sollicitudinem in te projicit; tibi cura est de nobis *a*. Modò igitur mea cum voluntate tuâ quàm integerimè consentiat: tibi omnia permitto

*a* *Imit. Christi l. 4. cap. 8.*

*b* *1. Pet. cap. 5. v. 7.*

mitto cetera. Quid sit futurum cras, quæ-  
rere fugio: quemcumque dederis dierum,  
lucro appono. Si tenebris me sepias, lau-  
do te: lucem affundas, etiam laudo te:  
si poenis me afficias, æquè laudo te: si  
morbo, si paupertate, si ærumnis aliis  
me affligas, iterum laudo te. Non pot-  
est non esse bonum, non esse optimum,  
quod de me statueris. Hoc enim semper,  
mi Deus, quod melius est, quod opti-  
mum est, facis. Pro te libentissimè pa-  
tiar, quidquid me pati volueris. Ama-  
rum & dulce, lætum & triste de tuâ ma-  
nu, decretis tuis contentissimus acce-  
pto. Ab uno atque unico me malo tue-  
re; dummodò te non offendam, & ego  
facile mortem & inferos ridebo. Quid-  
quid calamitatis in me irruerit, non for-  
midabo, modò non expunngar è libro  
vitæ:

Recordor, mi bone JESU, tua mihi  
monita jam centies jam sexcenties oc-  
centata, saluberrimas præceptiones tuas  
jam novi. Hæ voces tuæ sunt: Relinque  
te, & invenies me; pro tua voluntatem  
meam sequere. Nihil elige nisi quod  
mihi scieris placere. Grande lucrum,  
abundans gratia, ingens promeritum  
est, à meo semper arbitrio in rebus o-  
mnibus pendere, idque sine omni exce-  
ptione. Quantò sincerius hoc feceris,  
tantò mihi magis placebis, & tibi amplius  
lucraberis. Aliqui ad meam se volunta-  
tem conformant, sed cum exceptione;  
non

non placent. Aliqui bono impetu se mihi totos dedunt, sed brevi recipiunt quod dederunt: neque hi placent. Sunt pauci, qui sese totos suæque omnia è toto meæ voluntati transcribunt plenissimè: hi placent, Hoc fac, & vives:

Paratum cor meum, Deus, paratum cor meum. Hoc facere quod jubes, modis omnibus conabor. Et si quid in me cunctationis aut desidiæ fuerit, tu meam etiam rebellem ad te propitius compelle voluntatem. Ita me tibi penitus trado, tamque arctè devincio, ut si vel minimum tuæ resistam voluntati, verberibus etiam & plagis velim adigi ad præstandum, quod promisi, officium. Tua, mi Domine, voluntas, omnis justitiæ norma est. Fiat voluntas tua ab æterno usque in æternum.

Ita profectò sentit, ita & loquitur, qui suam voluntatem divinæ integrè adiunxit. Hæc *sui Resignatio* altera paradisi clavis est. Hæc una vel mille seras refferat.

## §. VII.

### *De tertiâ clave paradisi.*

Tertia paradisi clavis, Perseverans patientia Chrysostomo crux ipsa paradisi clavis est. Crucifixo certè paradisi promittitur. Quis socius crucis est, socius & paradisi erit. Latronum alter jure dixisset:

xisset: Nisi ligno suffixus fuisset, orco  
 præcipitatus fuisset. Ad cælum crux  
 evexit. Hominum afflictissimi, plerum-  
 que Deo charissimi. A virgis sapere di-  
 scimus. Innumeris principium salutis  
 est calamitas. Miseriarum multiplex  
 amaror dulce cælum facit. Tatissima  
 inter ærumnas ad astra via est. Ubi af-  
 fictio non est, ibi plerumque Deus non  
 est. Rarissimè sani sumus sine his caute-  
 riis. Quod patimur non pœna est, sed  
 medicina. Quem diligit Deus, corripi-  
 tit. Omnes qui placuerunt Deo, per  
 multas tribulationes transierunt fide-  
 les. Patientiâ opus est, sed constanti.  
 Noluît Christus ante constitutum finem  
 dolores crucis finire. Deponi de cruce  
 voluit, non descendere. Tormenta hæc  
 exhausit usque ad novissimum suspi-  
 rium. Potuit dicere: Consummatum est.  
 Fidem præstitit ad ultimum. Patientia  
 non est vera, quæ non est firma & per-  
 severans. Cur subito jam passi graviora  
 patientiam abrumpimus? Non est diu-  
 turnum, quidquid finem habet. Notus di-  
 vorum encomiastes narrat, Marianum &  
 Jacobum Martyres hilari viso recreatos  
 in carcere hunc in modum. Agapius mar-  
 tyr jam dudum omni cruciату perfunctus,  
 Jacobo per quietem se spectandum præ-  
 bens lætissima fronte, ad convivium  
 hilare invitavit. Illuc igitur, Jacobus  
 & Marianus velut ad Agapen prope-  
 rare

rare visi. In viâ occurrit puer, quem constabat ante triduum unâ cum matre martirium pertulisse. Hic rosas redimitus, & virentem palmam dextra præferens, Quo, inquit, tenditis? gaudete & exultate: cras enim & vos cœnabitis nobiscum *a*. Secundum quietem hæc vidisse, constantem Martyrum patientiam mirificè roboravit. Quin igitur duramus, & quod calicis amari reliquum est, fronte hilari perhaurimus? Acclamat Christus: Hodie mecum eris in paradiso.

Annæus Seneca de libro Q. Sextii disertans, In quacumque, ait, positione mentis sim, cum lego hunc (fatebor tibi) libet omnes casus provocare, libet exclamare: Quid cessas fortuna? congregere, paratum vides. Illius animum induo, qui quærit ubi se experiatur, ubi virtutem suam ostendat. Libet aliquid habere quod vincam, cujus patientia exercear. Nam hoc quoque egregium Sextius habet, quod & ostendet tibi beatæ vitæ magnitudinem, & desperationem ejus non faciet. Scies illam esse in excelso, sed violenti penetrabilem *b*. Christus crucifixus, liber admirandus, intus & foris scriptus, omnigenæ patientiæ compendium absolutissimum. De hoc libro Christianus quisque dixerit:

Cum

*a* Surius tom. 3. ipso initio. Alioqui die 30 Aprilis Maurianus & Jacobus martyres coluntur.

*b* Seneca epist. 64.



Cum lego HUNC, libet provocare omnia mundi adversa, omnes carnis illecebras, omnia diaboli machinamenta. Pro Christo & cum Christo pati suave est. Quidquid ego quidem patior, iuste, iustissimè patior; pœnas luo quas merui.

Et en patientiam Latronis & Constantiam. Admissæ sunt illius preces: obtinuit ampliora quàm petiit, dolor tamen crucis non mitigatus est, manserunt vulnera, adhuc erant frangenda crura, acerba mors oppetenda. Ille tamen è cruce descendere non cupivit, Christi gratiam non carnis sensu æstimavit, omnem sui calicis amarorem exhaustit. Exhaustiendus est calix usque ad fundum. Perseverantia virtutum finis & consummatio, patientiæ gemmarum diadema.

Apocalypseos divinus scriptor; Ego Joannes, inquit, frater vester & participes in tribulatione & regno *a*. Nimirum societas crucis & mortis, vitæ ac beatitudinis parit societatem. Nemo autem crucem suam putet gravissimam, aut intolerabilem. Inter omnes tribulationes, inquit Augustinus, nulla est major quàm conscientia delictorum *b*. Nemo de cruce ante finem moliatur descendere. Si compatimur ut & conglorificemur *a*.

Para

*a* Apoc. cap. I. v. 9.

*b* Aug. in Psal. 45.

*c* Rom. cap. 8. v. 17.

Paradisi claves in promptu sunt; si volumus, mors nostra erit transitus è cruce in paradisum. E Bernardo clausulam appono: Bona mors, inquit, si peccato moriaris, ut iustitiæ vivas. Hæc mors necesse est ut præcurrat, quò illa sequatur secunda: Dum vivis in carne, morere mundo, ut post mortem carnis incipias vivere Deo. Bona proinde mors iusti propter requiem, melior propter novitatem, optima propter securitatem. Huic morti succedit jucunditas de novitate, securitas de æternitate *a*.

*a Bern. epist. 105. med. tom. 2. mibi  
pag. 144.*

## CAPUT III.

*Tertia Christi morientis cygnea modulatio:  
Ecce Filius tuus.*

**O** Cellus Domini Joannes de primis in orbe fratribus, Non sicut Cain, inquit, qui ex maligno erat, & occidit fratrem suum *a*. Horrendum prorsus & primum homicidium, primumque hominis morientis paradigma! Quis sensus fuerit parentibus Abelis, Adamo & Evæ? Non dubium rei novitate attonitos stetit, cum hominem mortuum nunquam antè viderunt, nec ultimam mortis tyrannidem experti sint. Mœror illorum & dolor nequit explicari.

Mul.

*a 1. Joan. cap. 3. v. 12.*

Multò minùs verbis exequi poterimus  
mærores & dolores Matris sub cruce  
stantis Mariæ, quæ unigenam suum A-  
bele sanctiorem non tantùm defunctum,  
sed flagellis cæsum, sentibus corona-  
tum, crucifixum, morientem, mortu-  
um, lanceâ confossum, vulneribus ple-  
num, sepulchro inferendum, suis ipsa  
oculis spectavit, audiitque suis ipsa au-  
ribus è cruce has voces : Ecce Filius  
tuus, Ecce Mater tua. Verbum bonum  
& suave, ait Bernardus, verbum mira-  
bile, magnum continens piæ charitatis  
affectum *a*. Vates Hebræus, Admirami-  
ni, ait, & obstupescite : quia opus fa-  
ctum est in diebus vestris, quod nemo  
credet cùm narrabitur *b*. Filius Dei in  
cruce mortuus, priusquàm se morti per-  
mitteret, testamentum condidit, quo  
discipulorum charissimo, quem velut à  
secretis habuit, tale quid legavit, ut  
dici possit, Admiramini & obstupescite.  
Nec Matris oblitus aliam ei Filium a-  
mantissimè substituit. Sed heu priori  
minimè parem ! Ita crucifixi discipulis  
factus est Virginus filius, Admiramini  
& obstupescite. Nos, prout dicere insti-  
tuimus, de his Domini J E S U vocibus,  
Ecce Filius tuus, Ecce Mater tua, dis-  
feremus.

## §. I.

*Expenduntur verba Domini: Ecce  
Filius tuus.*

Grandævus Simeon in Templo vacinatus, tuam, inquit, ipsius animam pertransibit gladius *a*. Uti Christus suis hostibus suas vestes, unaque facinorosi patrati veniam, latroni paradisum, ita discipulo Matrem, Matri discipulum liberalissimè donavit. Hic maximè sævire cepit ille Simeonis gladius. cum Hieremia vate dici potuit, Ecce pervenit gladius usque ad animam *b*. Deuteronomium imperabat: Si ambulans per viam, in arbore vel terra nidum avis inveneris, & matrem pullis vel ovis desuper incubantem, non tenebis eam cum filiis, sed abire patieris *c*. Christus occisus, Apostoli fugati, illæsa Mater & furore Judæorum, cui tamen rhomphæa doloris non pepercit. Draconis viri Atheniensis leges non atramento, sed sanguine scriptas dicere solebat Demades *d*. Christi Domini testamentum verè sanguine scriptum, non ob severitatem, ob nimiam liberalitatem, qua suum nobis Sanguinem, suaque omnia in donarium reliquit. Cùm vidisset ergo

J.E.

*a* Luc. cap. 2. v. 35.

*b* Hier. cap. 4. v. 10.

*c* Deuter. cap. 22. v. 16.

*d* Gell. l. 22. Noct. Att. cap. 18.

JESVS Matrem & discipulum stantem, quem diligebat, dicit Matri suæ, Mulier, ecce Filius tuus ! Deinde dicit discipulo, Ecce Mater tua. Et ex illâ horâ accepit eam discipulus in sua *a*. Cor Matris hæc videntis & audientis fuit ut vasculum, aceti, myrrhæ, fellis plenum. Crucifigentes milites, Pharisei, Pontifices, ceterique hostes fel erant. Apostoli, aliique collacrimantes velut acetum erant. Christus vulneratus, moribundus, myrrhâ. Dicunt, quò generosius vinum, hoc melius acetum : quò flagrantior amor, hoc copiosior est mæror. Rerum creatarum nulla hunc Dominum sic amavit, sicuti Virgo Mater, quæ illum & creatorem & filium agnovit. Modus amoris, mensura doloris.

Ecce Filius tuus (de seipso Christus Matri) Ecce ille ipse Filius tuus quem in præsepi reclinasti, quem ubere virgineo lactasti, quem brachiis lætissimis gestasti, cujus te aspectu toties exhilarasti, en inter brachia crucis, & bestias agri, inter geminos latrones moritur. Etiamnum nosti filium tuum ? Credibile ad illius filii voces suspexisse Matrem lacrymis infusam. Dixerat Christus in nuptiis Canæ. Nondum venit hora mea *b*. Jam revera venit, hæc ipsa est hora.

III 2

Virgo

*a* *Joan. cap. 19. v. 26. & 27.*

*b* *In Cant. is cant. maxime cap. 6. v. 8.*

Virgo Mater columba illa fuerat à Salomone sæpiùs laudata : una est columba mea , perfecta mea *b.* Hanc Christi caput recepisset , sed illud spinis plenum horrebat ; recepissent oculi , sed lacrymis & sanguine pleni natabant , paullò pòst morte claudendi ; recepissent manus , sed cruci erant affixæ ; recepissent humeri , sed hiabant flagris aperti ; recepisset petus , sed erat perfodiendum lanceâ.

Ecce igitur , ô Mater , num filius tuus sit iste , qui Judæam & Galilæam concionabundus obiit , qui omnis generis morbos sanavit , mortuos ad vitam revocavit , heri venditus , accusatus , capitis damnatus , verberibus ad columnam castigatus , dumeto coronatus , in crucem sublatus ? Num filium , qui latronem egit , educâsti ? Illum igitur penitissimè intueamur ; Pilatus negat esse hominem , Isaias vocat leprosum , David vermem , tota plebs maleficum & seductorem . Num iste insons est Abel , cujus sanguis in cælum clamat *a* ? Si hominem hunc probè inspiciamus , merus sanguis , vulnus merissimum est . Hic ipse jam bis clamavit , priùs ad Patrem : Dimitte , Deinde ad supplicii socium , Hodie mecum eris . Jam etiam acclamat Matrem , Ecce Filius tuus .

Clarævallensis apud Bernardus hos Matris Virginis dolores considerans , An  
non,

*a* In Canticis cant. maximè cap. 6. v. 8.

*b* Genes. cap. 4. v. 10.

non, inquit, tibi plus quam gladius fuit sermo ille reverà pertransiens animam, & pertingens usque ad divisionem animæ & spiritûs: Mulier, ecce Filius tuus. O commutationem! Joannes tibi pro JESU traditur, servus pro Domino, discipulus pro Magistro, filius Zebedæi pro filio Dei, homo purus pro Deo vero. Quomodo non tuam affectuosissimam animam pertransfired hæc audicio, quando & nostra licet saxeæ, licet ferreæ pectora sola recordatio scindit *b*? Quomodo autem, inquires, intelligenda hæc Christi morientis verba? Neminem nominavit, manu aut digito loquente significare nil potuit. Imò verò potuit & oculis, & clementi capitis nutu, ante ortum tenebrarum loqui. Sed ista non fuerint; amor intelligentissimus est, unicum ei verbum, nutus unicus satis est. Vis solis in abditissima montium spelæa penetrat, & illic aurum coquit, ita & amor animos subit, & paucis multa loquitur. Dictum sapienti & amanti sat est *b*. Qui Christum diligit, facile novit, quid velit.

Jus priscum Romanis erat, quo Imperator viduæ, quæ unicum bello filium amittisset, concessit adoptare alium, novo solatio. Rex cæli Christus, unicus suæ

LII 3

Matris

a Bern. *serm. in verba Apoc. cap. 12. Signum magnum, &c. sermonis sine, mihî pag. 47.*

b *Der gelehrten und liebreichen ist gut predigen.*

Matris filius, cruento in bello occumbens, hanc Matri gratiam concedens filii alterius adoptandi, Ecce, inquit, filius tuus.

Ambrosius è communi opinione narrat, quâ ratione phœnix in adorato rogo vitam finiat, & nihilominus in successore vivat, qui è busto illo & cineribus emergit *a*: Ita Christus in unâ crucis veluti combustus, reliquit tamen successorem, qui suæ se filium Matri præstaret. Quod Siracides adumbrans, Mortuus est pater ejus, inquit, & quasi non est mortuus. Similem enim reliquit sibi post se: reliquit enim defensorem domûs contra inimicos *a*. Quantum homo similis Deo, tantum Joannes similis Christo; domûs defensor fidelissimus. Hinc additum illud: Et ex illâ hora accepit eam discipulus in sua *c*.

*a* Ambr. tom. 4. l. de fide Resurrect.

*b* Eccl. cap. 30. v. 4. & 6.

*c* Suam, alii libri: sed minus hoc receptum.

## §. II.

### *De verbis eisdem explicatiis.*

Ecce igitur, ô Mater, filius novus, qui heri noctu de vero filio tuo plurima, sed pleraque mœstissima nuntiavit. Quid is in suprema cena dixerit, quomodo ad oliveti colles orarit & sanguine sudarit, ibidem ab hostibus captus, victus, ad judices pertractus fuerit: hodie non filii



nuntius, sed ipse filius est. Et quia æternus Pater decrevit, ut filius tuus crucifigeretur, en Joannem satis crucifixum.

Matronam memorant honestam luctu gravissimo affectam è duabus maxime causis. Maritus curru exciderat, & fractis costis acerbo fato vitam finierat: paullo antè filius aquis submersus interierrat. His mœroribus ferendis impar era femina, nec ulla videbantur his lacrymis suffectura solatia. At ubi spectaculum primi omnino funeris, mors Abelis à fratre occisi proponeretur, unaque altius imprimeretur, quàm eam omnium primam mortem Adamus in Eva acerbè tulerint; hic mulier aliquantulum ad se rediit, & consolationis aliquid admisit. Sed longè amplioris est solatii, hoc Golgotheum spectaculum mentis oculis adhibere. Stabat Maria, misericordiæ Mater, & spectabat suum unigenam innocentissimum, flagris & spinis laceratum, vulneribus plenum, à suomet populo repudiatum, linguis & clavis crucifixum mori, imò & mortuum, in gremio suo positum spectabat. Hinc haurire licet, quantum satis est solatorum. Saxum est, quem hæc spectacula non afficiunt.

Ecce Filius tuus. Has voces ipsamet audivit, utrumque filium ipsamet aspexit. Barnardus censet aut nimio lacrymarum fluxu non potuisse oculos in

LII 4 vici-

a Joan, Mantius tom. I. mihi pag. 162.

vicina defigere, aut eos certè ab hoc spectaculo numquam deflexisse. Moriebatur vivens, inquit, vivendo ferens dolorem morte crudeliorem. Verè juxta crucem stabat, quia crucem filii præ ceteris majore cruciatu ferebat *a*. Et credibile prorsus est, cum amor sit oculatissimus, ab hac Matre cruci adstante, omnem filii motum nutumque vigilantissimè observatum. Beata Brigitta Matrem, hanc ita de filio loquentem facit: Nec ipse me adstantem cruci videre potuit, nisi sanguine per compressionem ciliorum expresso *b*. Vidit igitur Mater & audivit illa omnia. O quantò mitior Deus in amicos suos extitit! Abrahamus Saræ conjugii neutiquam dixit, Isaacum filium à se mactandum. Agar Abrahami ancilla filium suum extremè sistentem arbori acclinans, & abiens, Non videbo, inquit, morientem puerum *c*. Mater Moysis maluit videre filium flumini quàm sanguini innatantem *d*. Pharao durior omni marmore, viso tamen primogenito mortuo, ut cetera cœpit mollescere: vocatisque Moyse & Aaron, Ite, inquit, immolate Domino, sicut dicitis *e*. Heli sacerdos allato nuntio de filiis duobus interfectis cecidit

*a* Bernard. de Pass. Dom. cap. 10.

*b* Revel. S. Brigittæ, l. 4. cap. 70. med.

*c* Genes. cap. 21. v. 16.

*d* Exod. cap. 2. v. 3.

*e* Ibid. cap. 12. v. 31.

dit de sellâ retrorsum, & fractis cervicibus mortuus est *a*. David Absaloné filio degenerere confosso, inconsolabili planctu exæsttuans, Fili mi Absolon, clamabat, Absalon fili mi, quis mihi tribuat, ut ego moriar pro te *b*? Ita Domini Mater longè potiori jure, Fili mi JESU, dixerit, JESU fili mi, quis mihi det, ut ego tecum & propter te moriar, fili mi JESU, dulcissime?

*a* 1. Reg. cap. 4. v. 18.

*b* 2. Reg. cap. 18. v. 33.

§. III.

*Cur Mater Domini hunc spectaculo interfuerit.*

Miratur Apostolos Bernardus in Thaboris montem eductos sine Matre; miratur Matrem in Golgothæum clivum assumptam sine Apostolis, quorum unus adfuit. O Bernarde, non est quod adeò miremur: cacumen Thabor gaudis & solatiis, Calvariæ collis luctu & doloribus inundabat: in Thabore mulsum, Creticum, Falernum bibebatur; in Calvariâ acetum felle mistum ingerebatur, amarissimus dolorem calix erat exhaustiendus. Hîc illud priscæ legis erat, Aut abi aut bibe, hoc est, infanda patere. Atqui Mater Christi patiendò longè fuit robustior Apostolis, & filius cumprimis voluit, ut Mater è suo cali-

ce biberet prima, & plus aliis omnibus; quod pridie mortis à Patre petiit: Trans-  
eat à me calix iste. Rogabat Christus,  
Hilario interprete *a*, non tam ut à se  
penitus recederet hic calix, quàm ut ad  
alios quoque suorum amicorum perve-  
niret, velut circularis haustus & pocu-  
lum salutis *b*, ut quomodo à se, sic &  
ab illis sine spei diffidentiâ, sine mortis  
fugâ, sine omni impatientiâ biberetur.  
Reverà Mater cum filio bibit; nam à  
filio ad Matrem transit, à Matre ad fi-  
lium adoptatum Joannem. Sed etiâm-  
num hic calix inter nos circulatim obit:  
ebibendus est, velis nolis, ebibendus  
est. Nemo tergiversetur, cum eum  
bibendi ordo provocat. Est calix Do-  
mini, vinum Dominicum, calix trans-  
iens, idque duplici nomine; nam nul-  
lum præterit, nullum ab amaro potu hoc  
immunem esse finit, omnibus sese inge-  
rit, etiam nolentibus & invitis: sed ta-  
men hoc quoque nomine calix transiens  
est, quia non æternos spumat amaro-  
res: modicum, breve, momentum est,  
quidquid hic patimur. Bibamus pocu-  
lum salutis: qui Dominicæ cruci stant  
propiores, qui Christo magis cognati,  
qui ei chariores, plerumque sæpius &  
plus bibunt. Nullus horreat tam triste  
absynthium. Christus præbicit, Christi  
Mater, discipuli, amici omnes eandem  
banc

*a* Hilarius canon. 31. in *Mattheum*.

*b* *Umbtrunk, und Gesundtrunk.*

hanc potionem biberunt largissimè; omnes Sancti quanta passi! Et nos quid oblectamur frustra? si volentes bibimus, placemus Domino, gratiam Dominicam emeremur, spes certa nectaris in cælo bibendi. Eia fortiter & agamus & patiamur.

Rex noster exactissimè videt, quid quisque suo nomine toleret. Cum vidisset JESVS Matrem & discipulum stantem. Vidit proximos, vidit non ad latus sed ante faciem stantes. Penetrabat Mater immensam turbam, & ex adversum cruci se collocabat velut depositura filium. Hinc vidit audiitque omnia, hinc gladius tam altè pectus subiit. O Simeon, non unus hîc gladius; multi sunt, qui virgineum pectus hauriant: clavi, spinæ, aceti spongia, stillantia recens vulnera, vociferationes militum, irrisiones hostium, filii verba, meri gladii, acutissima spicula. Hæc filia Hebræi populi, quod Hieremias dixit, accincta cilicio, conspersa cinerè, luctum unigeniti fecit sibi planctum amarum a.

Hic mihi faciendum, quod Timanthes nobilis pictor excogitavit arti juvandæ. Iphigeniam pinxerat ad aras stantem vivam victimam, & cognatos omnes quâ potuit moestissimos penicillo expresserat. Cum omnem tristitiæ imaginem consumpsisset, patris Agamemnonis vul-tum velavit, quem dignè non poterat ostē-

ostendere *a.* Sint forsan colores, quibus Apostolorum, Magdalenæ, Petri, Joannis, Iugentium Marronarum lacrymas exprimamus, non sunt certè, quibus ægrimoniam Matris ostendamus. Verba dolor superat.

*a Plin l. 35. Nat. hist. cap. 8.*

S. IV.

*Expenduntur verba Domini: Ecce Mater tua.*

Valerius narrat, Pindaro poëtæ facundissimo quemdam discipulorum fuisse charissimum. In hujus gremium Magister capite reposito in ipso Gymnasio quieti se dedit, & obiit. Nec prius decessisse cognitus est, quàm Gymnasiarcha locum eum clausurus, necquidquam jam mortuum excitare conaretur *a.* Christus Patientiæ ac Humilitatis Magister, cùm ambas virtutes illas è cathedrâ crucis doceret in scholâ publicâ, auditorum multa millia numeravit, sed inter discipulos chariorem habuit neminem Joanne. Apud hunc quietis aliquid quærens, Ecce, ait, Mater tua. Ego post pauculas horas sepulchro condar, interim meam Matrem tibi commendo: Ecce Mater tua. His dictis ortæ sunt tenebræ, quibus ad trihorium durantibus, ut supra demonstratum est, Christus

velut

*a. Valer. lib. 9. cap. 12.*

velut mortuus contieuit, ut silentium hoc impenderet orationi. Cedentibus tenebris rursus loqui & suum fateri voluit.

Jacob in Ægypto moriturus præsentem ad fatalem lectulum Josepho, En ego morior, inquit, do tibi partem unam extra fratres tuos *a*. Christus in cruentâ trabe oculos solum & linguam habuit non ligatam: illos & istam matri ac discipulo impendens, En, inquit, do tibi partem unam extra ceteros Apostolos, partem optimam, quâ mihi nil unquam fuit charius.

M. Popilius vir Senatorii ordinis Appium Gallum ab ineunte ætate sibi familiarissimum, jam propè moriens pro vetusto jure amicitiae, & vultu benigno respexit, & verbis magnum præ se amorem ferentibus profecutus est; unum etiam de multis, qui assidebant, ultimo complexu & osculo dignum judicavit: insuper & anulos quoque suos ei tradidit, ne quid ex eâ hæreditate amitteret. Quos Appius vir diligens in locellum repositos diligentissimè hæredibus illius reddidit *b*. Si fas ima summis non tam conferre, quàm hæc per illa explicare, en Christus moriturus de cruce Joannem amplectitur & osculatur, tradens insuper dactylotheam, hoc est, Matrem suam virtutibus omnigenis ornata,

*a Genes. cap. 48. v. 21.*

*b Valer. l. 7. cap. 9.*

500 DE CHRISTO RESVRG.  
tam, gratiâ plenam. Joannes optimus  
æstimator gemmarum quas accepisset,  
Matrem sibi commendatam accepit qui-  
dem in sua, nihilominus hoc cimelium  
nobis minimè subductum. Hæc mater  
etiam est nostra, quamvis Joanni sin-  
gularissimè commendata: Ecce Mater  
tua. Illi enim præ ceteris Apostolis o-  
mnibus thesaurum hunc legavit. Ma-  
gnæ laudis erat de aliis dici: Vos estis,  
qui permansistis mecum in tentationi-  
bus meis *a*. Sed erat laudis maximæ, de  
Joanne dici potuisse: Tu es, qui per-  
mansisti mecum in morte meâ, ideò ti-  
bi pretiosissimum orbis gazophylacium,  
sanctissimum divinitatis ærarium, cupio  
esse cominematissimum, Ecce mater tua.  
Hic quidem adstat Salome Zebedæa,  
quæ te genuit, sed quid ea est ad istam  
matrem? Huic plura debes, major tibi  
ab istâ hæreditas est. Patrem in me a-  
mittis, sed en acquiris matrem.

Philemon Regis Ptolemæi Præfectus,  
uti memorant, ad insulam Topazion in  
mari rubro topazium gemmam invenit,  
quam Berenicæ reginæ Ptolemæi sequen-  
tis matri attulit, quæ mirè placuit *b*.  
Christus Dominus ad mare Galilæum  
obambulans unionem pretiosissimum  
Joannem reperit, gemmarii manu faci-  
le scalpendum & laborandum, hunc Ma-  
tri

*a* Luc. cap. 22. v. 28. *b* Plin. lib. 37.  
Nat. hist. cap. 8. instio, mihi pag. 783.



tri suæ cæli Regina moriens in cruce donavit : Ecce filius tuus. Joanni contra dedit vaginam merè gemmeam, matrem suam summis virtutibus ornatam, in quâ Christus ipse velut gladius penetrabilior omni gladio ancipiti & novem mensibus latebat.

Ecce Mater tua, sed mecum crucifixa, mecumque moritura sincerissimis affectibus. Jure discipulorum charissimo commendatur hæc Mater, cognatione & omni humanâ ope destituta. Ecce quàm afflicta & pariter tormento crucis affecta ! cum filio potius pendere, quàm cum populo stare dici poterat : sic enim filium ipsis medullis imbibit, ut omnes ejus dolores senserit. Vivebat illa jam, non illa, vivebat verò in illâ Christus, quæ cum Christo verè moriebatur, & tamen stabat. Imperatricem certè decebat stantem mori. Grande mirum Solis in cælo stantis, sed multò grandius Matris juxta filii patibulum persistentis. En altera, sed melior Eva, consistit ad lignum scientiæ boni & mali, & fructum nobis porrigit vitæ, non mortis. Statio prorsus admiranda. Ceciderunt Angeli, gens humana omnis cecidit, hæc animis perstat in societate crucis, in doloribus summis. Anselmus omnes Martyrum dolores existimat leves, ad tantos hujus Matris collatos ; & Damasceno teste, parturientis nixus, quos in puerperio non  
*a Hebr. c. 4. v. 12, . . . . . sensit,*

fenfit, juxta crucem sustinuit. Hæc est illa Noëmi luctu deformata, quæ omnibus elogium parantibus, Ne vocetis, inquit, me Noëmi, id est, pulchram, sed vocate me Maria, id est, amaram, quia amaritudine valdè replevit me Dominus *a*. Rachel parturiens inter ipsos laboriosos nixus egrediente animâ, præ dolore & imminente jam morte, vocavit nomen filii sui Benoni, id est, filius doloris *a*. Virgo Mater enixa est filium, sed verè filium doloris, quem nulli jam Angeli symphonia cælesti cingunt, quem Judæi & Romani linguis maledicis proscindunt:

Sed denuò quæras, cur Matrem filius spectaculo tam luctuoso interesse voluit, quam verbulo aut nutu solo arcere potuisset? Causæ complures. 1. Dolori suo & Matris augendo hoc fecit, aliàs enim hoc minimè solet fieri. Caligula vi tyrannica cogebat filiorum suppliciis & morti parentes interesse. 2. Ad patefaciendam Matris fidem, quàm Elisabetha tantopere laudavit; ea fides hic candelabro suffixa orbem universum collustravit. 3. Diximus in Calvaria portiones sudatorias, fel mernum, calicem amarissimum propinari, has tamen portiones generosissimè simul ac patientissimè bibit hæc mater verè Machabæa, supra modum mater mirabilis, repleta sapientia,

& bo

*a Ruth. cap. I. v. 20.*

*b Gen. cap. 35. v. 18.*

& bonorum memoriâ dignissima filium morientem conspiciens, bono animo ferebat propter spem quam in Deo habebat a.

§. V.

*Tres præceptiones huc spectantes*

Landolphus b. scriptor admodum pius memorat, fuisse virum religiosum, qui totus ierit in lacrimas, quotiescumque illa verba, *Ecce mater tua*, commeditaretur. Ita viginti annos assiduis pænè lacrimis consumpsit, quibus cibum & potum frequenter miscuit. Subinde Christum allocutus, Ecce, agebat lacrimans, quomodo Mater tua doloribus plena stat derelicta? Quandoque cum Matre verba faciens, Ecce ô Mater inquebat quomodo pendet filius inter tormenta maxima moriturus? Ita quandocumque Christi patientis historiam memoriâ repeteret, ab his verbis, *Ecce filius tuus*, *Ecce Mater tua*, initium ducebat a. Hic præceptiones aliquot & documenta instillamus salubriora.

I. *Miseratio miserorum.* Immenso charitatis affectu Dominus JESUS misericordios complexus, hostibus veniam, mortuis vitam, latroni paradysum, Matri fi-

M m m l i u m ,

a 2. *Mach. c. 7. v. 20. & seqq.* b *Alius Ludolphus, gente Saxo, Carthusianus circ. ann 1330.* c *Ludolphus parte 2, vite Christi, c. 63.*

liam, discipulo Matrem, nobis omnibus dedit seipsum. Unde Bernardus singulari sensu, O quam munificus, inquit, factus es in nuptiis tuis, Rex & Sponse? JESV bone, quam largè quæ habuisti, omnia tradidisti! Addit: Portavit Christus onera sua invitans te, ut & tu portes onera tua *a*. Quæ Christi sunt onera? Necessitates, penuriæ, calamitates miserorum ac panperum, quibus consilio, manu, marsupio, solatiis, quâ possimus ope, subveniendum. Expandes sinum, explica manum & frontem, succurre miseris, solare mœstos, erige pusillanimes, esurientibus panem frange, operi nudos, hospitio recipe desertos. Ne quis tamen, ait Augustinus, fortitan dicat: O beati, qui Christum suscipere in domum propriam meruerunt! Noli dolere, non tibi abstulit istam dignationem. Quod uni, ait, ex minimis meis fecistis, mihi fecistis *b*.

II. *Animus in omnibus adversis erectus.* Maria & Joannes sub cruce non sedebant, sed stabant, non corpore solum erecto, sed & animo: non eos Petri casus, non Judæorum rabies, non spectaculi horror ab his ad crucem excubiis abstertere potuit. Dixerat Thomas: Eamus & nos, ut moriamur cum eo *c*. Sed verbis deferunt facta.

Hic

*a* Bern. de Pass. Dom. cap. 10.

*b* Arg. serm. 26. de verbis Dom.

*c* Joan. cap. 11. v. 16.

Hic defunt verba, sed facta cernimus. En Domini Matrem, quam Salomon depingens, Statura tua, inquit, assimilata est palmæ *a*. quæ nulli cedit oneri. De Christo concionante Matthæus memorans, Adhuc eo loquente ad turbas, inquit, ecce Mater ejus & fratres stabant foris *b*. Jam non foris, sed proximè crucem stant, & à Rege crucifixo agnoscuntur. Non Matrem Christus, non amicum novit nisi sub cruce stantem. Amicos veros à falsis crux discernit, & statio sub cruce. Salomone teste, omni tempore diligit, qui amicus est, & angustiis comprobatur *c*. Non satis est pati, nisi erecto animo, & ingenti in Deum fiduciâ patiamur, ad arbitrium & omnes Dei nuntus paratissimi. Sub cruce non cubandum, sed standum est. Zebedæa supplicem libellum Christo porrigens, Dic, ait, ut sedeant hi duo filii me *d*. O bona, prius standum est, prius calix amarissimus perhauriendus. His legibus societas crucis stabilitur.

III. *Amor & cultus Virginis Matris.* Jacob futuri nondum gnarus, Rebecca matris opera, faustam Patris precationē obtinet *e*. Thecuitis sapiens faciendā

M m m 2

pru-

*a* Cantic. cap. 7. v. 7.

*b* Matth. cap. 12. v. 46.

*c* Prov. cap. 17. v. 17.

*d* Matth. cap. 20. v. 21.

*e* Gen. cap. 27. v. 28.

prudenti Absalonem fratricidam reponit in gratiam apud parentem David *a*. Abigail formosâ & prudens muneribus & linguæ suada Davidem jam cædes spirantem placat, & ab exitio domûs suæ avertit *b*. Regina Bethsabea pro filio Salomone sollicita opportuno Regis alloquio regnum extorsit Adoniæ, reddiditque Salomoni *c*. Eandem benevolentiam à Matre Domini Jesu expectemus, modò constanter illius opem imploremus, modò bona fide in illius ad crucem societate perstemus. Illa se numquam negabit Matrem, modò filii non negent se filios. Modus & ordo in cælitibus venerandis optimus est, ut partes primas, & secundum Deum proximas nuncpeamus divinæ Matri, eamque cultu singulari atque omnibus studiis demereri connitamur, & nihil quod virium nostrarum sit, in veneratione Virginis illius omittamus. Hac enim propitia Deum offensum esse non posse novimus. Bonaventura dicere ausus: Sicut, ô beatissima, omnis à te averfus & despectus, necesse est ut pereat; sic omnis ad te conversus, & à te respectus, impossibile est ut intereat *d*.

## §. IV. Tres

*a* 2. Reg. cap. 14. v. 21.

*b* 1. Reg. 25. v. 35.

*c* 3. Reg. cap. 1. v. 15.

*d* Bonar. l. 1, Phar. cap. 5.

## §. VI.

*Tres alie præceptiones.*IV. *Amor Puritatis & Virginitatis.*

Hanc præceptionem priori ritù ac ordine connectimus. Christus de cruce Matrem Virginem Joanni virgini commendavit. Nemo speret filium se perman-  
surum hujus Matris, nisi ipse permaneat amator & cultor puritatis. Pulchra est hæc Virgo ut luna, imò pulchrior quàm luna, & macula non est in illa, nec amare potest libidinum sordibus maculatos. Q. Metellus, Valerio teste, Urbanus Prætor Vetilio juveni, quòd vitam impuram ageret, bonorum possessionem secundum testamenti tabulas non dedit, ne aut mores illius approbaret, qui fortunas suas in stabulum contaminatum projecerat, aut ne illi tamquam integro civi jura redderet, qui se ab omni honesto vitæ genere abruperat. Si tantam honestati reverentiam habent idololatræ, ut lascivo juveni paternam hæreditatem jure negent, nil profectò hæreditatis speret à Virginum Virgine, qui præmortui pudoris homo & puritatis osor libidine vitam inquinavit. Impuros odit & arcet hæc Virgo. Casta placent superis. Hinc Ægidius Francisci Affiliatis tertius affecta illud ore sæpius versabat: Quid nos

M m m 3

Deo

*a Valer. lib. 7. cap. 7.*

Deo magis commendat, eique charos reddit, nisi illa mentis castitas, quæ sensus omnes custodit *a*. Evigilet hic cujusque conscientia, & sibi ipsa occinat Paulinum illud: Caro & sanguis regnum Dei possidere non possunt *b*. Qui seminat in carne sua, de carne & meter corruptionem *c*. Secundum carnem vivere, est mori.

V. *Animus ad Christocalicem bibendum promptus.* Hebræus Rex David quàm capax poculum felle plurimo mistum lætus ebibit? Annis compluribus sine regno Rex fuit, in perpetuo mortis metu, inter assiduas Saulis insidias silvam è silva, montem è monte, specum è specu mutans, famem & sitim toleravit. Regno demum potitus quantis bellorum turbis, calamitatibus quantis exercitatus est? Amnon filius domum regiam incestans, vitium sorori obtulit, Amnonem Absalon super mensam jugulavit, parentem David folio pulsum ingenti exercitu insecutus, ad quercum capillis inhærescens tribus lanceis confossus periit. Non defuit fames horrenda, quæ triennium occupavit. Hanc secuta est pestis non adeò diuturna, sed nimium sæva, quæ triduo septuaginta milia hominum extinxit. Ita clades cladem exceperit. Sed istas

*a Surius tom. 2. die 23. Aprilis.*

*b 1. ad Cor. cap. 15. v. 50.*

*c Ad Gal. cap. 6. v. 8.*



istas tōtque alias ærumnas poculum salutis nominans, Calicem salutarem accipiam, inquit, & nomen Domini invocabo *a*. Hanc felle spumantem pateram accepit animò alacri, & impiger hausit. Animus erectus, alacer, promptus, Deoque fidens omnia triumphat mala. Inter pugiles olim jactabatur notum illud: Jam pœnè vicit, qui gladium animosè strinxit. Animo frangi, est velle vinci. Ah quoties animo frustra reluctante calicem saluberrimum averfamur! Augustinus ad bibendum & patiendum efficacissimè animans, Fili, ait, si sub tuis afflictionibus plores, piè plora, nam quod pateris, medicina est, non pœna. Noli attendere, quam pœnam habeas in mundo, sed quem locum in testamento. Merum aurum, non verba. Augustini monitum Juditha vidua cœlesti oratione confirmans, Quomodo, inquit, pater noster Abraham tentatus est, & per multas tribulationes probatus, Dei amicus effectus est. Sic Isaac, sic Jacob, sic Moyses, & omnes qui placuerunt Deo, per multas tribulationes transierunt fideles. Illi autem qui tentationes non susceperunt cum timore Domini, & impatientiam suam, & improprium murmurationis suæ contra Deum protulerunt, exterminati sunt ab exterminatore *c*. quemadmodum latro-

M m m 4 num

*a* Psal. 115. v. 4. *b* Aug. in Ps. 99.

*c* Judith. cap. 8. v. 22. & seqq.

PIO DE CHRISTO RESVR-  
num alter, qui calicem quidem amarissi-  
mum bibit, sed bibit invitus, & ideo cum  
salutis dispendio. Accipe ergo calicem  
salutarem, accipe, & nomen Domini in-  
voca. Animus ad patiendum pro Deo  
promptus vincit omnia.

VI. *Jugis memoria patientis Christi ac  
morientis.* Hoc sciamus Christo Deo  
rem omnium esse gratissimam, crucia-  
tum suorum suarumque mortis perpetem  
memoriam. Hinc pro inestimabili be-  
neficio illud unum exigens, Hoc, in-  
quit, facite in meam commemoratio-  
nem *a*. Recordemur, inquit Bernar-  
dus, misericordiam Dei, ut sic in ejus  
amorem accendamus. Revocemus in  
memoriam bona quæ tribuit nobis,  
& tormenta quæ pertulit pro nobis *b*.  
Non est dubium quin illa Domini ver-  
ba, *Ecce filius tuus, Ecce Mater tua*, è  
beatissimæ Virginis & Joannis memoria  
numquam abierint; hærebant ea pecto-  
re altissimo reposita, assidue æter-  
numque memores erant tam mæstæ  
commutationis. Hanc ipsam Christi pa-  
tientis memoriam commendans Paulus,  
Recogitate, inquit, cum qui talem à pec-  
catoribus adversum semetipsum susti-  
nuit contradictionem *c*. Hunc Dominum  
pro nobis passum die uno alteròve cogi-  
tare, non satis est. Recogitate illum,  
recogi-

*a Luc. cap. 22. v. 19.*

*b Bern. de inter. demo. cap. 2. mihi p. 1389.*

*c Hebr. cap. 12. v. 3.*

recogitate. Cruciatu & mors Christi, animo numquam excidant. Causam adjungens Paulus, Ut ne fatigemini, ait, animis vestris deficientes *a*. Hoc homini Christiano in extremis summo erit solatio Christum crucifixum jungi memoria coluisse. Hoc moribundum mirificè refrigerabit, si conscientia non reclamante possit dicere: Ecce Mater mea, quæ tantum in me beneficiorum contulit, cujus ego si non fui, saltem esse conabar filius. O Mater Dei, per Sanguinem & mortem Filii tui te rogo, tuis apud filium deprecationibus, meam te Matrem esse monstra, & reo mihi veniam deposce. Ecce filius tuus, sed tanta matre indignus: O Mater misericordiae, ne deferas me brevî cum morte luctaturum.

Ita prorsus, ita mortis hora horis omnibus in memoriam reducenda. Latet ultima hora, ut observentur omnes horæ: omnes igitur observandæ. Quod facile fiet, si patientis ac morientis Christi numquam obliviscamur.

§. VII.

*Præceptio septima, & ultima.*

VII. *Humana voluntatis ad divinam integra conformatio.* En Solem Dominum Jesum, sed solem cruentum, nos

M m m 3, in-

*a* Heb. cap. 12. v. 3.

912 DE CHRISTO RESUR 6.  
instar heliotropii omnem voluntatem  
nostram ex toto ad illum vertamus. De  
prodigiis vaticinatus Joël, Sol, inquit,  
converteretur in tenebras, & luna in san-  
guinem *a*. Die morientis Christi sol ju-  
stitiæ conversus est in sanguinem, & lu-  
na in tenebras. Sol sanguineus in cruce  
Christus, sub cruce Mater Christi helio-  
tropium voluntatis fuit ad omnes Dei  
natus ad eò paratæ, ut si defuisset qui Fi-  
lium æterni Patris decreto crucifigendum  
in crucem attolleret, ipsa suis hoc mani-  
bus non recusasset exequi, ut divinæ vo-  
luntati fieret satis. Nimirum Abraha-  
mum agere, & filium sua manu li-  
tare victimam sustinuisset, si scisset id  
Deo placitum. Hanc summam Vir-  
ginis beatissimæ conformitatem cum  
arbitrio divino Sueca vidua Brigitta  
his omnino verbis, quæ integrè ad-  
numerabo, descripsit: Quando consi-  
derabam loca clavorum in manibus &  
pedibus, quos secundum Prophetas cru-  
cifigendos audivi, tunc oculi mei reple-  
bantur lacrimis, & cor meum quasi scin-  
debatur præ tristitia. Cùm verò consi-  
derarem potentiam Deitatis ejus, conso-  
labar iterum, sciens, quòd ipse sic vellet,  
& sic expediret; & omnem voluntatem  
meam conformavi voluntati ejus. Sic  
semper erat lætitia mea dolore mixta.  
O quam libenter posita fuissèm in sepul-  
chro viva cum filio meo, si fuisset vo-  
luntas

*a Joël. cap. 2. v. 30.*

Iuntas ejus *a*. En quàm fixis oculis Herotropium istud solem suum respiciat ! Hanc sanctimoniae normam viri feminaeque complures didicerunt.

Elisabetha Pannoniae Regina, Thuringiae Princeps, suam divinae voluntati tam arcto nexu conjungebat, ut mortuo marito Principe Ludovico diceret : Si ego amantissimum conjugem defunctum capillo vel unico possem è sepulchro evocare vivum, hoc tamen divinae voluntati non adeò placitum scirem, id profecto non facerem *b*. Dictum auro exarandum.

In nuperis illis Germaniae bellicis turbis maximus Principum tam generosè dixit quàm sanctè : Dominus meus mihi & domui meae plurima bona contulit : si ea iterum vult eripere, me ac meos punire, habet nos paratissimos ad excipiendam optimi Patris castigationem *c*.

Cùm quadraginta Sebasteni Martyres rigente gelu priùs in lacu frigidissimo collocati, dein fractis tibiis in rogam essent praecipitati, & Melithon naru minimus negligeretur, ecce adest mater Spartana, & spirantem adhuc filium ad mortem subeundam animans, Mi fili, ait, sustine paulisper, ecce Christus ad januam stat, & expectat te. Mox eo in hume-

*a* Revel. S. Brig. l. I. cap. 10. med. & fine.

*b* Bavaria sancta Vol. I. mihi p. 141.

*c* Ferdinandus II. Imperator. Augustissimus, circa annum 1632.

humeros sublato ad ceterorum cumulum magnis passibus contendit. Sed extinctum in via filium, Mater generosissima suis ipsa manibus in martyrum ro- gum iniecit. Divina Mater filium ad crucem profecuta, Patri eum obtulit, & velut in ignem iniecit mira suæ voluntatis ad divinam conformatione. Hæc ipsa nostrum omnium mater è cælo nos in- clamat: Filii sustinete paullulum: ecce Christus ad januam stat, luctantes adjuvat, vincentes coronaturus ex- pectat.

Quidquid igitur in nos doloris aut mœroris immiserit Deus, & fortiter per- feramus & constanter. Christo magis decorum est crucem pati quàm mereri.

## CAPUT IV.

*Quarta. Christi morientis cygnea modulatio:  
Deus meus, Deus meus, ut quid dere-  
liquisti me?*

CUM tres è Jobi cognatis, Eliphaz, Baldad, & Soophar, intellexissent sui consanguinei acerbos casus, officii causa ad eum unà properarunt. Condix- erant enim, ut pariter venientes visita- rent eum. Cùmque elevassent procul oculos suos, non cognoverunt eum, & exclamantes ploraverunt, scissisque ve- stibus sparserunt pulverem super caput suum in cælum. Et sederunt cum eo in terra

terra septem diebus & septem noctibus,  
& nemo loquebatur ei verbum: vide-  
runt enim dolorem esse vehementem a.

Patientissimus Job noster Dominus  
JESVS in Calvariae sterquilinio sedit  
percutsus ulcere pessimo, & non erat in  
eo sanitas. Si amici sumus, attollamus  
oculos, an nostrum hunc propinquum  
adhuc noverimus, scindamus non ve-  
stimenta sed corda nostra, spargamus  
caput cinere, sedeamus cum eo in terra,  
& videbimus dolorem esse vehemen-  
tem, qualis non fuit in hominum ullo.  
Inter cruciatus Christi nihil luctuosius  
aut horrendius quàm ea vox, qua Dei  
Filius se à Deo, ab ipso Patre desertum  
proclamavit. Ergo hæc ipsa Christi ver-  
ba, *Deus meus, Deus meus, ut quid dere-*  
*liquisti me*, hoc capite explicanda.

§. I.

*Quare derelictus sit Christus.*

Cum Chrysostomo dixerim: Exhor-  
rescat cælum, & contremiscat terra ad  
illas tam lugebres innocentissimi homi-  
nis voces. Et quomodo sese continere  
potuerunt Angeli, qui Helidorum  
prædonem templi gazophylacio immi-  
nentem flagris probè multatum ejece-  
runt è templo? Et vivum illud sanctissi-  
mumque templum in cruce tam tru-  
culenter vattari, excindi, solo adæquari  
sineant.

fiunt : Vider hoc Pater , & file ; nulas Angelorum se movet , succurrit nemo. Hinc Christi voces : Deus meus : Deus meus , ut quid dereliquisti me *a* ? Ah quare jam demum incipit queri ? Tanta jam passus nec minimum edidit querimoniz. Angores in oliveto sanguinem illi exprimunt , non queritur. Flagellis cæditur , vepreto incingitur , per publicas vias ad crucem trahitur , suis met vestibibus exuitur , in crucem suffigitur , nec verbulo injurias & dolores queritur. Unde igitur isti tam mæsti ac feri quiritatus ? Ordine succincto causas aperiemus.

I. Causa : Jessæ carminis oraculum erat complendum. Rex David , Christi archetypus clamabat olim : Deus , Deus meus respice in me , quare me dereliquisti *b* Hunc totum Psalmum existimant prisci Patres à Christo in cruce silentio pronuntiatum.

II. Innocentiæ testandæ hoc dictum. Latrones de seipsis interrogare non poterant , Cur in crucem sublati , cur deserti sumus ? Vos quidem justè , ô viri , & factis digna recipitis : hic autem quid mali gessit ? Hebræus Psalter canit : Non vidi justum derelictum *c*. Cur ergo derelinquatur justissimus ?

III. In membris suis derelictus Christus dixerit : Mæ Pater , cur populum è

quo

*a* *Matth. cap. 27. v. 40.*

*b* *Psal. 22. v. 1.*    *c* *Psal. 36. v. 25.*



quo Mater & ego nati, repudias? Prævidit etiam Servator sua membra Christianos miris modis vexandos, deferendos, excarnificandos, perimendos. Hos dolores jam senserat caput.

IV. Horrorem mortis, quem natura in horto monstravit, hunc etiam in cli-vo Golgothæo non dissimulavit. Num calix amarissimus usque ad faces ebibendus? Deus meus, Deus meus in eo jam sum: fiat voluntas tua.

Verum se hominem, & cruci hærentem inter dolores summos ostendit. Alioquin afflictorum aliquis aut ægrorum forsitan objecerit: Christus ea facile ferre potuit; non sensit. Imò verò sensit quam maximè. Hinc voces illæ lamentabiles. Hæc potissima tam acerbi plangitis causâ. Hæc enim Christus non ut actor comicus in theatro, sed ut homo derelictus jam jam moriturus seriò pronuntiavit:

VI. Ita cruciatus suos esse maximos testatus est, quales ab orbe nemo passus, nemo passurus. Nemo enim plures simul pertulit, nemo majores, nec ullius tenerior fuit aut sensilior corporis constitutio. Quod clarissimè Thomas Aquinas asserens his ipsis verbis, Dolores, inquit, quos Christus passus est, omnes excefferunt dolores, quos homines pati possunt in hac vitâ. Non modò propter passionis acerbicatem, & generalitatem, verùm etiam propter Christi patienti-

patientis constitutionem, & voluntariam dolorum assumptionem, quæ secundum quantitatem fini proportionata fuit *a*. Multa tulit Jobus, sed plura Christus, verè vir dolorum. Multa tulit paralyticus, qui annis triginta octo decubuit; multa Lazarus est perpeffus: sed plura & graviora Christus. Ille ulceribus plenus, hic merum ulcus, vulnus meriffimum: vir dolorum omne doloris & mœroris toleravit Christus, exceptis folis inferorum tormentis. Hoc testantur inhaerentes vertici spinæ, hoc vulneris liuor & tumor, hoc exhaustæ genæ, hoc humeri à columnâ & cruce saucii, hoc manus pedesque clavis fixi, hoc omne corpus flagellis laceratum, hoc omnia membra, ut in testudine fides, distenta; nihil non læsum & ulcerosum, vir dolorum.

VII. Animus omni solatio destitutus. Ægrimonia & mentis dolor omnem corporis dolorum superat. Acerba pati, simulque solatiis omnibus orbari, pondus intolerabile. Æger animi & in angustias adductus credit se pondus orbe ipso gravius portare. Videri poterat Christus patientissimus divinis solatiis inundatus, pleraque sine acerbo sensu perpeti. Aliter erat. Ut igitur luculenter ostenderet se solatiis prorsus omnibus subductis passim, in horto sanguine sudavit, in ligno se derelictum exclamavit.

Nihil

*a Thom. part. 3. q. 46. art. 6. conclus.*

Nihil erat in acerbissimis tormentis levamenti, nihil nec solatioli quidem, nihil fomenti. Omnia inconsolabilia. Nupiam nec capiti, nec manibus aut pedibus, nec tergori nec cordi quies. Effigiem hujus est cernere in Jobo vociferante: Pharetram suam aperuit, & affixit me: In memetipso narcescit anima mea; & possident me dies afflictionis. Comparatus sum luto, & assimilatus sum favillæ & cineri. Clamo ad te, & non exaudis me; sto, & non respicis me. Mutatus es mihi in crudelem *a*. Sagittæ tuæ acutæ *b*. Sagittæ tuæ infixæ sunt mihi *c*. Dominicum pectus post mortem Longinus ferro reseat, hoc ipsum Christum in cruce vivum tam lagubri dicto aperuit, tamquam si diceret: Aspicite, quantum hoc pectore lateat doloris & ægrimonix.

VIII. Prævidit etiam Servator paucitatem eorum, qui, ut beatus Petrus loquitur, communicantes Christi passionibus vellent vestigia hæc sequi *d*. Et unicum tunc in orbe hominem habuit Matrem, in quâ perfecta fides, unicum tunc lucratus est latronem.

IX. Plura pati paratus erat. eò enim hæc verba spectare autumat Beda; perinde ac si dixisset Christus: Ut quid tam

N n n

Pa-

*a* Job cap: 30. v. 11. & seqq.

*b* Psal. 44. v. 6.

*c* Psal. 17. v. 3.

*d* 1 Pet. cap. 2. v. 21. & c. 4. v. 13.

Pater, quàm vires & vita me derelinquunt? graviora tormenta & diuturniora perpeti non recuso. Nimirum videbantur ei dolores non satis multi præ amoris magnitudine.

X. Tam acerbæ perpeſſionis & deſertionis tam mirandæ cauſſam à nobis indagari voluit. Nulla in Chriſto ignorantia; Deus erat. Nulla impatientia; ſanctus & juſtus erat. Diabolus ipſe per Pilati conjugem fatetur: Nihil tibi & juſto illi *a*. Deinde illa ipſa verba, Deus meus, Deus meus, &, Pater in manus tuas commendo ſpiritum meum, ſummæ patientiæ hominem oſtendebant. Cur ergo filius à Patre adeò deſertus? Veſtigemus abditam cauſſam. Hæbræus Pſalmes ubi quæſiſſet, Quare me dereliquiſti? mox ipſe myſterium pandens, & cauſſam ſubjiciens, Longè, inquit, à ſalute meâ verba delictorum meorum *b*. Immenſa moles alienorum criminum ita Dei Filium affecit, ut nec ipſe Pater parcere voluerit Filio. Quemadmodum Joſeph Ægyptius Prorex puniſſurus furtum, Apud quemcumque, ait, fuerit inventum, ipſe ſit ſervus meus *c*: ita prorsus in Dei Filio inventa ſunt delicta noſtra. Nam poſuit Dominus in eo iniquitatem omnium noſtrum *d*. Hinc illa

*a* Matth. cap. 27. v. 19.

*b* Pſal. 21. v. 1.

*c* Gen. cap. 44. v. 10.

*d* Iſa. cap. 53. v. 7.

illa desertio, hinc terrificus sagittarum  
nimbus in unum Christum defluens, hinc  
clamor ille luctuosus: *Èli, Eli, lamma-*  
*sabacthani* <sup>a</sup> Humanæ gentis scelera ho-  
rum omnium causâ.

<sup>a</sup> *Matth. cap. 27. v. 47.*

§. II.

*Quomodo derelictus sit Christus.*

Liceat hîc quærere, Quî tandem po-  
tuit à Patre Filius ita descri? Inspicia-  
mus antè tempus facti, quàm dicta re-  
solvamus. Circa horam nostram duo-  
decimam, Judæorum sextam, Christus  
cruci affixus est, & tria prima protulit  
effata. His dictis ortæ sunt tenebræ du-  
rantes trihorio, quo Christus silens ora-  
bat, omniumque animos terror occupa-  
bat. Horâ pomeridianâ nostrate tertiâ,  
Judeorum nonâ, sol iterum visus, Chri-  
stus denuò loqui orsus, lugubres illas  
voces ad Patrem edidit: *D E V s meus,*  
*D E V s meus,* ut quid dereliquisti me?  
Et qui fieri potuit, ut à Patre Filius  
ita desereretur? Nam Christus non  
tantùm viator (ut in scholis loquun-  
tur Theologi) sed & comprehensor  
fuit <sup>a</sup>, atquæ secundùm totam animam  
*D E V M* vidit, & divinitas nunquam  
N n n 2. à cor-

<sup>a</sup> *S. Thomæ parte 1. q. 46. art. 8. conclus*  
*et q. 46. art. 2. et 3. cum eo omnes Theo-*  
*logi.*

à corpore, numquam ab animâ, nec in morte quidem separata est. Unde igitur tanta desertio? Nam qui Deum vidit, etsi medius flammarum ardeat, illi tamen benè, illi erit optimè, omnem doloris sensum exuperabit gaudium. Ad rogatum respondemus verbo. Justitia divina illo juris rigore hîc egit, ut ea miraculum patrare potius, quàm patratum scelus impunè dimittere voluerit. In extrema Christus desertione pati debuit, & quamvis anima Deum viderit, hoc videre tamen, animi nec corporis cruciatus quidquam mitigavit, miraculo singulari *b.* quod magnus ævi nostri Theologus exponit. Sed urget quæstio: Quis igitur deserendi modus fuit?

Potentia divina quatuor ferè modis aut juvat aut deserit in adversis. 1. Liberat ab afflictione, ab hoste. Ita Davidem à Saule & Absalone, Jonam è ceto, Susannam à mortè liberavit. 2. Mitigat minuitque afflictionem. Sic Josepho Christi nutritio dictum ab Angelo, licere quidem Herodis sicam evadere, sed fugiendum esse in Ægyptum. Durum fuit & hoc, ad idololatrias proficisci, sed tamen suavius quàm infantem perdere. 3. Solatur & roborat in ærumnis. Ita tres juvenes Hebræi in fornacem Babilonicam missi, sed præsentem sibi habue-

runt:

2 *Gott hat da dispensiret. Ita Gabriel Vasquez tomo 1. in partem. 3. S. Thom. 2<sup>us</sup> 2<sup>us</sup> pag. 764.*

runt Angelum, flammis in rorem mutatis Elias Jezabelem fugit, sed Angelus commeatu & solatiis fugientem erexit. Ezechiel exul & captivus in Chaldeam ductus, sed visis cœlestibus est recreatus. 4. Subinde Deus nil horum homini præstat, sed solùm à noxis immunem servat. Ita Jobum septennio inter morbos gravissimos, egestatem summam, & extrema omnia desertum à peccatis tantùm defendit.

Ita Filium cœlestis Pater deseruit. 1. E cruce non liberavit, à morte immunem non fecit. 2. Dolores non minuit, sed auxit ad supremum usque halitum. 3. Solatus non permulit, consolatores Angelos non misit, nil erat quod dolores vel minimùm leniret. Qui simul contristaretur non fuit, & qui consolaretur, non inveni. 4. Mater auxiliari nequirit, Apostoli fugerunt, abfuerunt Angeli, ipse Pater sese abscondit, Judas prodidit, Petrus negavit, Reges illuserunt, Judices condemnârunt, servi pugnis & flagris ceciderunt, crucifixerunt gentes. A notis, ignotis, suis alienis, summis imis desertissimus, coram orbe pendet vulgi ludibrium. Propinatum calicem auferre non vult Pater, nec illius amarorem dulcedine ullâ temperare. Exhaustiendus est usque ad fundum, fœx illius exinanienda b, usque ad fun-

N n n 3      damen-

a Psal. 68. v. 21.

b Psal. 74. v. 9.

damentum in eo *a*. Atque hinc flebilis ille clamor: Deus meus, Deus meus, ut quid dereliquisti me?

Seipsum imò (quod mirius) deseruit Christus. Theologiæ pronuntiatum est: Opera Trinitatis ad extra sunt indivisa. Quem igitur divinus Pater, hunc etiam eundem crucifixum hominem deseruit Filius. Quemadmodum verò Christus omni vitâ beatitudinem animi distinxit, ne in corpus redundaret, ita mortis tempore inferior & sensibilis pars animi solatiis omnibus destituta fuit. Hinc lamentabilis illa vociferatio: Deus meus, Deus meus, ut quid dereliquisti me? Sed rem oculis subjicimus.

*a Psal. 136. v. 7.*

### §. III.

*Exemplis id monstratur.*

Olympus mons supremo capite suo excedit nubes, summâ gaudet serenitate, lætissimam præ se fert faciem, nullis tempestatibus turbatur; monte medio & imo pluit, ningit, grandinat, tonat, fulminat. Ita in Christo suprema pars fruebatur Deo, sed ea inferiorem non adjuvabat. Ita Apocalypseo Angelus pedem unum in continente, in falso mari alterum collocavit. In cenâ quidem Christus dixerat, Ecce venit hora ut dispergamini unusquisque in propria, & me solum relinquantis: & non sum solus,



Ius, quia Pater mecum est. Erat certè; sed quarto, quem assignavimus, modo, humanam naturam servans, ne vel minimum contraheret impatientiæ. Cetera omnia desertissimus fuit Servator.

Verè Justitia divina hic jure usa est rigidissimo, nec ab orbe condito tale statuit severitatis exemplum. Isaacus in victimam jugulandus *a*, si Christo conferratur, fabulam egit, ludicrum edens spectaculum. Ponebatur quidem ara, struebantur ligna, aderat ignis, vinciebatur Isaac, imponebatur aræ, stringebatur gladius, destinabatur in cervicem ictus. Et en vox aures ferit: Contine manum, reconde gladium. Ita tantus ad sacrificium apparatus poterat videri ludus & jocus. Sed hæc in monte Moria. Nil horum in monte Golgotha. Sceria omnia & decreroria Crux ara fuit; lignorum strues, maledicta, ignis, tormenta; Isaac innocens ligatus, aræ impositus, & demum immolatus est; Pater gladium strinxit, percussit, interemit. Et fatetur: Propter scelus populi mei percussi eum *b*.

Rectè Damascenus dixit: Omnem iram Pater in filium effudit. Diluvium immisit orbi, Ægyptum clade multiplici affecit, Sodomæas urbes cælestibus flammis abolevit, in illis tamen omnibus suppliciis non ita furor divinus sævit,

N n n 4                      atque

*a* Gen. cap. 22. v. 7.

*b* Isa. cap. 53. v. 8.

atque cum in filio primam culpam  
punit. Quod obstupescens Paulus, Pro-  
prio, inquit filio non pepercit *a*. Omnes  
virgas plectendis mancipiis ligatas, om-  
nia iræ suæ spicula in eo confregit. Nunc  
verò post tam acerbum de filio sumptum  
supplicium longè punit mitiùs, gemitu-  
que vel unico placatur. Nam omnem  
iram in illam crucis victimam effudit.  
Reverà sensit filius, & dolorem his Psal-  
tæ verbis aperuit: In me transierunt iræ  
tuæ *b*. Gladium Pater ipsemet non tan-  
tum strinxit, sed in præcordia unigenæ  
adegit.

Hic animum subit quod Joannes Ma-  
riana memoriæ prodidit. Res prorsus  
tragica, & cothurno nobili ploranda.  
Alphonsus Tarisæ urbis *c* præfectus,  
cùm eam Marrocius Rex oppugnaret,  
constantissimè resistit. Accidit, ut Al-  
fonsi filius in Maurorum potestate es-  
set, quem illi patris oculis ostentantes,  
ni oppidum dederetur, sese jugulatu-  
ros minabantur. Ad eas voces pater nihil  
commotus, negavit deditæ urbis ma-  
culam ullo incommodo elui, ne si cen-  
tum quidem filii jugularentur. Gla-  
dium etiam, si in sententia perstarent,  
è muro projecit, & ad prandium inter-  
ritas abiit; inde militum clamore disso-  
no, & ululatu vehementi revocatus.  
Puer

*a Rom. cap. 8. v. 32.*

*b Psal. 87. v. 18.*

*c Sen Tarseſa, atque Carteia.*

Puer namque barbarâ crudelitate trucidabatur: crudele spectaculum, eoque fœdus, quod Joannes Principis jussu perageretur. Alfonsus causâ cognitâ, Credebam, inquit, ab hostibus urbem captam. Itaque ad uxorem & prandium rediit, nulla turbati animi significatione. Sic affectui, sic lacrymis potuit heros imperare. Barbari desperata victoria redierunt in Africam *a*.

Ita Deus proprio Filio non pepercit, sed pro nobis omnibus tradidit illum. Nam ab omni æternitate ita decrevit Filium esse crucifigendum, ac si crucem ac clavos ipse dejecisset cælo, additis vocibus, Crucifigite. Nimirum, quod Isaias dixit, Dominus voluit conterere eum in infirmitate *b*. Cogitatu prorsus horrendum! Deus ita peccatum odit, ut illud in seipso puniverit. Est hic aliquid, mi Lector, quod dici non possit, post dicta omnia.

*a Joh. Mariana l. 1. c. de reb. Hisp. cap. 16. med. mihi pag. 695.*

*b Isa. cap. 53. v. 10.*

§. IV.

*Quomodo Christum deserui nos juverit.*

Hebræus Rex David divinam benignitatem extollens, Apud Dominum inquit, misericordia, & copiosa apud eum redemptio *a*. Hinc Bernardus, Si

Nam 5 mille

*a Psal. 129. v. 7.*

mille mundos, ait, redimere debuisset, non plus dedisset; si te unum solum, non minus. Verè copiosa redemptio, copiosissima. Matthæi ore gallinæ se confert Christus *a*. Fuit profectò mater pullorum amantissima. Nec egrotare tantùm, sed & mori sustinuit, ut pulli viverent. Audite prodigium amoris in volucre. Gallina mediis agris errabat cum suâ pullitie. Hic bona mater cæli non observans, imminentem terræ tempestatem non declinavit. Subitò cælum omne lapidescere, horribilis grando ruere *b*; pulli celerimè sub maternas alas convolare, quos pia mater fidelissimè texit illæfos; nam lapides à lubricis alis excussi facillimè pullitiam non attigerunt, ipsam verò gallinam ita miserè contuderunt, ut reperta sit mortua salvis pullis. Hoc in terra & in imo amoris miraculum. Sed attollamus oculos, & contemplemur gallinam in alto, matrem nimis quàm piam. Et en ut alas pandat, sobolem operiat, mortem oppetat, ut pulli vivant. Christi patientis vox est: Omnes fluctus tuos induxisti super me *c*. Tempesta demersit me *d*. Nos autem in velamento alarum  
ipsius

*a* Matth. cap. 23. v. 37.

*b* Wie die Haselnüsse.

*c* Psal. 87. v. 8.

*d* Psal. 62. v. 3.

ipſus protegimur; ſub pennis ejus ſperamus *b.*

Omne genus dolorum ac ludibriorum excepit Chriſtus, ut nos tueretur illæſos, Matthæus memorans, Similiter, inquit, principes ſacerdotum illudentes cum ſcribis & ſenioribus dicebant: Alios ſalvos fecit, ſeiſum non poteſt ſalvum facere. Verè ſalvos fecit, qui ſuos in tormentis, in morte non deſeruit, ſed tolerantiam, vires, animos ſuffecit. Paulus, ſeiſo teſte, quotidie moriebatur, nihil-minùs cantabat hilaris: Repletus ſum conſolatione, ſuperabundo gaudio, in omni tribulatione noſtra *b.* Laurentius incubuit prunis tamquam roſis; in ipſo dolorum æſtu jocus eſt. Eraſmus Epico- pus, dum inteſtina illius è corpore tractim educuntur, videt turmam cælitum coronam ferentium ſibi deſtinatam. Hoc dolores ſopivit. Beatus Servulus à pauperie ac paralyſi miſerè habitus, in extremis cælites ad ſuum grabatulum cantantes audiens, Silete, inquebat, ut tantò ſuaviùs fruatur hac ſymphonia *c.* In cælo fuit, antequam migraret in cælum. Fauſtinus & Jovita nobiles Brixiani Martyres, ævo Adriani Imperatoris, ſeras, vincula, flammas experti, denique per omnem Italiam circumducti omnia penè theatra ſanguine ſuo.

*a* *Pſal.* 60. v. 5. & *Pſal.* 90 v. 4.

*b* *2. ad Cor. cap. 7. v. 4.*

*c* *De hoc Gregorius l. 4. dial. cap. 14;*

suo pinxerunt, sed Angelis solantibus; post omnes tormentorum species in patriâ gladio cæsi sunt. Tiburtius in igne deambulavit, tamquam si in pergula hortensi rosas & violas calcaret. Jacobus intercisus novem horarum carnificinâ, manuum primò pedumque articulis, tum brachiis surisque, capite demum truncatus periit membratim. At ille ad singula, quibus mutilatur, membra generosè hoc unum dixit: Deo gratias. Theodorus juvenis Antiochiæ, Juliani Apostatæ jussu in equuleo flagris foedissimè laceratus, nullum nec doloris quidem signum edidit. Dimissus ab equuleo interrogatus est, an hominem exuisset, qui verbera non sentiret? Quibus ille, Juvenis, aiebat, mihi adstitit, qui sanguinem exterfit, & recentes plagas liquore odorifero perfudit. Sed ille jam abiit. Vos porrò me attrahite, cædite, denuò lacerate; malo cædi, malo mori, quàm hoc martyrii socio privari<sup>a</sup>. Ad Christi cunas adfuerunt quidem cælestes genii, & auras modulis permulserunt: Ad Christi crucem illorum nullus comparuit. Alios reverà salvos fecit, seipsum noluit salvum facere; dereliquit seipsum

Videte Agatham virginem vultu lætissimo ad carcerem & catastam velut ad epulas & choreas invitata euntem. Eulalia virgo cum discerperetur flagris,

<sup>a</sup> De hoc juvne Augustinus tom 3. l. 18. de civit. cap. 32.

xist; suo p̄cta sanguine velut superbè se-  
 se circumspexit, cū ardentes admove-  
 rentur faces, flammās ore patulo exce-  
 pit, Deoque animum lætabunda trans-  
 misit. Luciam virginem hanc unicam  
 non mille manus, non funes mille, &  
 plura boum iuga de loco, minùs de pro-  
 posito casto dimovere poterant. Ergo sar-  
 menta congesta, rogos accensus. Sed lu-  
 cebat pulchriùs suis ignibus Lucia, & è  
 flammis Imperatoribus mortem, Syra-  
 cusanis præsentem opem, Ecclesiæ pa-  
 cem vaticinabatur: in igne ut phoenix  
 vivebat, & virgo viros animabat, dum  
 guttur gladio transfigeretur. Thecla vir-  
 ginum princeps leones, quibus objecta,  
 cecuravit; tauros, quibus alligata, do-  
 mavit; aquarum monstra, quibus immis-  
 sa, vicit; ignes, quos conscenderat,  
 triumphavit; flammæ, quæ nec Herculi  
 pepercerant, virgini pepercere. Unde  
 hoc robur puellæ, unde salus tam inex-  
 pugnabilis? Christus alios salvos fecit,  
 noluit seipsum. Christiana virgo patris  
 furorem quàm fortiter tulit? alapæ,  
 vincula, rotæ, unci, flammæ velitatio-  
 nis speciem præbuere. Diutissimè verbe-  
 ribus laniata deciduas carnes suas pa-  
 renti velut joco in os projecit. Angeli  
 deinde manu perfanata in lacum Vulsi-  
 num, molari ad collum appenso præ-  
 ceptis data est. Vicit Christiana undas,  
 & quæ nuper sanguine, nunc toto lacu  
 à Christo baptizari gavisæ est, arque  
 in-

incolumis enatauit. Post, inter serpen-  
tes illæsa, inter flammæ intacta cecinit,  
dum denique sagittis configeretur. Ana-  
tolia virgo post vincula, equuleos, flam-  
mas, serpentem immanem superatum,  
cervicem gladio læta porrexit, pudorem-  
que Christo sacrum sanguine tinxit, ira  
liliis rosas miscuit. Iustitiæ virgini de-  
vorandæ erant alapæ, ferenda verbera,  
& crudelis uberum carnificina. Atqui  
hæc inter supplicia talem Justina vultum  
præ se ferebat, ut inter paradisi amœni-  
tates, quas unas tunc loquebatur, ob-  
ambulare sit visa. Denique ad supplicii  
locum capite truncanda ridens propera-  
vit. Juliana virgo laudatissimæ formæ,  
capillis suspensa, verberibus cæsa, ferro  
ustulata est. Hos tamen cruciatus in  
Eleusio Nicomedis Præfecto velut blan-  
ditias laudavit. flammæ, ad quas dam-  
nata erat, lacrymis extinxit, leberem  
ab igne ferventem precibus rupit, deni-  
que priusquàm iudici manus daret, ca-  
put hilaris dedit. Quis tantas vires, tam  
viriles animos, quis patientiam tam in-  
victam, tam admirandam in tormentis  
lætitiâ, tam insignem inter supplicia  
victoriam tot puellis concessit? Christus  
crucifixus, qui alios salvos fecit, & se-  
ipsum dereliquit.

Sed & prisce legis homines hæc ea-  
dem Christi virtus inter tot malorum &  
mortis occursacula servavit. Apertissimè  
David, In te, inquit, speraverunt patres  
nostri;



nostri, speraverunt & liberaſti eos; ad te clamaverunt, & ſalvi facti ſunt *a*. Et de ſeiſſo, Abſcondit me in tabernaculo ſuo, inquit, in die malorum protexit me in abſcondito tabernaculi ſui *b*. In tam adverſis caſibus Joſeph minimè deſertus eſt. Nam illa ipſa Chriſti virtus deſcendit cum illo in foveam, & in vinculis non dereliquit eum *c*. Daniel inter leones ſeptem impaſtos tam ſecurus agit, tamquam ſi inter agnellos diverſaretur.

Sed en Danielem noſtrum non inter ſeptenos, nec inter ſeptem millia. ſed dixerim inter ſeptuaginta millia, leonum. Credibile prorſus ad hoc ſpectaculum, ut Lucas illud nominat, ſupra ſeptuaginta millia hominum confluxiſſe, inter iſtos tot leones, tot improbos hoſtes exclamat inſons noſter Daniel? Ego autem ſum vermis, & non homo: Deus meus, Deus meus, ut quid dereliquiſti me? Sagittæ potentis quàm acutæ ſunt!

Paralyticus triginta octo annis decumbens æger, & deſertionem ſuam altè ingemiscens, Hominem, inquit, non habeo. Habuit tectum, ſocios, grabatum, habuit qui ſtipem & cibum darent, nihilominus queritur: Hominem non habeo. Dei Filius queri poterat: Non tantùm non hominem, ſed Deum

non

*a* *Pſal.* 21. v. 5. & 6. *b* *Pſal.* 26. v. 5.

*c* *Sap. cap.* 10. v. 14.

non habeo. Longè fecisti notos meos à me, posuerunt me abominationem sibi. Deus nec à cruce nec à morte filium liberavit, sed nec dolores mitigavit, solatiis spoliavit omnibus: Et nos reputavimus eum percussum à Deo *b*. En pullos salves, & matrem gallinam morientem: eu innocentissimum Danielem, tot leonum milia maledicis linguis vulnerant, mors demum discerper, sed non deglutiet hanc prædam. Christus igitur ad Patrem succlamavit se derelinqui, ut per hanc derelictionem suam toti humano generi impetraret singularem gratiam. Nimirum optima mater sic pullos suos servari & liberari voluit. Livore ejus sanati sumus. Colligamus hinc documenta.

*a* Psal. 87. v. 9.

*b* Isa. cap. 53. v. 4.

#### S. V.

*Quinque documenta huc spectantia.*

I. Cùm malè habemus, epistolium mittamus æterno Patri. Cùm Lazarus decumberet, Magdalena & Martha sorores, litteras breves miserunt Christo; his conceptissimis verbis: Domine, ecce, quem amas, infirmatur *a*. Christus extremis angoribus circumstans, litteras ad Patrem misit his omnino verbis: Eli Eli lamma sabachtani? Sed Judæorum

*a* Joan. cap. 11. v. 3.

rum aliquis aut potius Romanorum joculariter voces corrumpens, Ecce, inquit, Eliam vocat. Sinite, videamus; si veniat Elias ad deponendum eum *a*. Nos pariter, quodcumque nobis est agere, litterulas mittamus in cælum: Deus meus, Deus meus, respice in me: Jocentur alii & irrideant, subsidio veniet cælum. Christi derelictio, nostra consolatio.

II. Consolationes sensibiles extra cælum non ambiendæ; sed ad mortem usque obtemperandum. Laboriosius hoc, sed lucrosius. Tarsensis Paulus hanc penuriam solationum animosè tolerans, Supra modum, inquit, gravati sumus, supra virtutem, ita ut tæderet nos etiam vivere. Sed ipsi in nobismetipsis responsum mortis habuimus. Nam natura & animus nec præfagiebant aliud, nec expectabant quàm mortem. Ita mihi de vitæ statu cogitanti mens & cogitatio mea non aliud respondit, quàm esse moriendum. Mox tamen adjungit Paulus: Ut non simus fidentes in nobis, sed in Deo, qui suscitavit mortuos, qui de tantis periculis nos eripuit & eruit in quem speramus, quoniam & adhuc eripiet *b*.

III. Afflictiones eâ fide sunt perferendæ, ut cum deseri nobis videmur, ad ipsum confugiamus desertorem. Illa

O b o mulier

*a* Matt. c. 27. v. 48. Marc. c. 15. v. 35.

*b* 2. ad Corinth. cap. 1. v. 8. & seqq.

mulier Chananæa exploratissimæ fidei hoc insigniter nos docet. Hæc manus supplices ad Christum tendens clamabat : Miserere mei Domine, fili David; filia mea malè à dæmonio vexatur. Nec verbulo responsum est. Rogârunt Apostoli, & nihil impetrârunt. Vitandis ergo clamoribus tam importunis dimittendam suaserunt. Nec alia tamen reddita est responsio quàm ista. Non sum missus nisi ad oves quæ perierunt domûs Israël. Nihilominus animo non cecidit constans femina, sed rediit & adoravit eum, qui aures obdurâsse visus, hoc unum precata : Domine, adjuva me. Sed necdum auditur, insuper & canis appellatur, indigna scilicet, cui panis è manu filiorum raptus projiciatur. At illa patientissimè ferens hæc omnia, nec tanto sui contemptu absterita, Ita est, Domine, inquit, sed tamen micas è dominorum mensa defluentes excipiunt catelli. Hic Christus ore suavissimo, O mulier, ait, magna est fides tua : fiat tibi sicut vis a. Constans fides ipsum etiam Deum expugnat.

I V. Etiam si nos summa premar defertio, numquam tamen recedendum à Deo. Cælum vel ferreum rosis potest pluere. Annuente Deo vepræ etiam melle stillant. De suis maioribus David, Appropinquaverunt, inquit, usque ad portas mortis. Et clamaverunt ad Domi-

a Matt c. 15. v 22. & seqq. mi-

minum, cum tribularentur, & de necessitatibus eorum liberavit eos. Misit verbum suum, & sanavit eos, & eripuit eos de interioribus eorum *a*. Deus ipse derelictioni brevissimæ solatia spondens amplissima, Ad punctum, inquit, in modico derelinqui te, & in miserationibus magnis congregabo te. In momento indignationis abscondi faciem meam parumper à te, & in misericordiâ sempiternâ misertus sum tui: dixit Redemptor tuus Dominus *b*, Neminem ex toto deserit Deus, nisi desertus.

V. Aliquamdiu à Deo deseri, non rarum est amicorum experimentum. Hic matrum lusus est, simulare fugam, ut infantis in matrem crescat affectus. Mater modò lactat filium, modò increpat, aut etiam flagellat. Jobo desertissimo dicitur: Semel loquitur Deus, & secundo idipsum non repetit *c*. Quid enim opus ut repetat, quod semel apertè dixit, hominem ob peccata jure affligi, jure deseri. Hæc explicans Gregorius, Quia semel, inquit, derelictus est Christus, semel nobis locutus est Deus, ut sciamus nos etiam quandoque derelinquendos, ut ei similes efficiamur. Sed Panopliâ nos Jobi obarmemus. Dicat pro se quisque: Etiam si afflixerit me Deus, etiam si

0002 desea

*a* Psal. 106. v. 18. & seqq.

*b* Isa. cap. 54. v. 7. & 8.

*c* Job. cap. 33. v. 14.

938 DE CHRISTO RESUR.  
deseruerit me, etiamsi occiderit me, in  
ipso sperabo a.

a Job. cap. 13. v. 15.

§. IV.

*Quinque alia documenta eodem per-  
tinentia.*

VI. Obstinatus animus ad repeten-  
das culpas expeditissimus est. En Scriba-  
rum & Phariseorum horribilem pervi-  
cacia. Durantibus tenebris non Chri-  
stus solum, sed & alii omnes siluerunt  
attoniti. Tenebris cessantibus maledi-  
cæ linguæ denuò cœperunt in Christum  
sævire. Mox iterum contumeliæ & pro-  
bra certatim sparsa. Auditis vocibus,  
Eli Eli; Eliam, ajunt, vocat iste. Heb-  
domade sacræ majore, pauculis, qui Pa-  
schati præmitti solent diebus, plerique  
Christianorum sanctiores mores induunt,  
silent aliquantulum consuetæ illorum  
nequitia. Paschate peracto mox iterum  
liberrimè delinquunt. O cæci & ne-  
quam Pharisei! qui antiquam recanta-  
tis fabulam, qui pristinam resumitis ne-  
quitiam, qui vitia priora omnia repeti-  
tis, qui cavillo improbo vocatis Eliam.  
Bibulus ille suos calices resumit: Ec-  
ce Eliam vocat iste! Lascivus iste repe-  
tit suas libidines: Et hic Eliam vocat,  
nec enim Christo in cruce vult commo-  
ri. Ita pecuniæ sitiens suam avaritiam,  
fastuo-

PARS III. CAP. IV. 939

fastuosus superbiam suam iterat: Eliam vocat & ille & iste. Ita crimina priora redeunt omnia, velut somnolentia, antiquæ procrastinationes, solitæ comestiones, usitatæ æmulationes, rixæ, similitudines, invidiæ veteres renovantur. Tam vitiosi post Pascha, quàm ante Bacchanalia. Ecce Eliam vocant isti omnes. Horum nemo in cruce durare, nemo vitiis vult mori. Exitiosissima pervicacia; quàm Bernardus largiter deplorans, *Prò dolor*, inquit, tempus peccandi, terminus recidendi facta est Resurrectio Salvatoris. Ex hoc nempe commestiones & ebrietates redeunt, cubilia & impuditiæ repetuntur, laxantur concupiscentiis frena, quasi adhuc resurrexerit Christus, ut nos in pristina, quæ deploravimus, vitia recidamus. Invenimur nunc iterum curiosi ut antè, verbosi ut antè, pigri & negligentes ut antè, vani, suspiciosi, detractores, iracundi, ceterisque vitiis impliciti quibus antè. Resurrectionem Paschæ privamus nomine, ut sit nobis in reditum, magis quàm in transitum. Reiteratio miserabilis, sed voluntaria. Cum Pharisæis perire vult, qui cum Christo non vult resurgere.

VII. Derelictus est Christus dictator cæli, vitæ necisque Dominus, & nos mancipia vilissima feramus iniquè, si

O o o 3 nes

a Bern. Serm. I. die sancto Pascha, ante  
finem, in his pag. 218,

nos ad punctum in modico Deus derelinquat, idque nostro bono? Si in ligno viridi hoc factum, in arido quid fiet? Dux noster hæc tulit; & nos gregarii milites, caculæ, calones, postulemus suaviora? Si miles suum ducem videat loricâ vel cataphractâ rudi & nigrâ tegi, tam inverecondi oris non erit, ut ille sibi politam, vel auro illusam poscat. Si cernat ducem in castris sine culinâ, sine lecto humi jacere, non rarò in armis vigilare; imprudentissimus sit, si ille sibi culinam, lectulum, longiorem somnum deesse conqueratur. Si filium Deus deferuit ad tempus, cur indignemur idem quandoque nobis fieri? Deferat nos Deus a tribus illis, quos dixi, modis *a*, dummodo parcat eatenus, ut à peccatis servet liberos. Si tulit ista filius, ferat & mediastinus, ferat servus.

VIII. Proprium Christi derelicti præmium fuit, ne nos umquam ex toto derelinqueremur, maximè cum precibus, suspiriis, gemitibus in vota Deum vocamus. Reposita est hæc spes nostra in sinu nostro *b*. Intentè precabatur David: Ne projicias me in tempore senectutis; cum defecerit virtus mea, ne derelinquas me *c*. Et tamquam si responsum benignissimum accepisset, Dominus, inquit, non derelinquet sanctos suos, in æternum conservabuntur. Considerat

pecca-

*a* De quibus hoc ipso cap. 4. §. 2. medio ferè.

*b* Job. cap. 19. v. 27. *c* Psal. 70. v. 9.



peccator justum, & quærit mortificare eum, Dominus autem non derelinquet eum in manibus ejus *a*. Hac in Deum fiducia erectissimi simus, non derelinquemur à Deo, nisi ad punctum, in modico. Sed ego, inquis, tot jam annis aridus, siccus, velut à Deo projectus solatiis extremè destituor. Bono animo; hoc ipsum modicum, hoc momentum est. An nescis, mi homo, mille anni ante oculos Dei sunt tamquam dies hesternæ, quæ præterit. Expecta Dominum, viriliter age, & confortetur cor tuum *d*. In miserationibus magnis congregabit te.

IX. Ne miremur Christum à Patre derelictum; à nobis Dei hostibus sterit, ad nostram se causam acclinavit, nobis Dei rebellibus adhæsit. Hinc in illam unum Pater, tamquam in humanæ gentis caput sævit, illum deseruit, quem desertorum ducem deprehendit. Testatur Paulus, Christus nos redemit de maledicto legis, factus pro nobis maledictum *a*. En Christus nostri causa maledictus, execrabilis, derelictus, Supplicium generi humano debitum de Christo est sumptum. Ergo amantissimus Dominus JESUS potius à Patre, & omnibus Angelis, & creatis rebus universis deserui sustinuit, quàm ut nos, no-

O o o 4 stram.

*a* Psal. 36. v. 28. 32. & 33.

*b* Psal. 26. v. 14.

*c* Ad Galat. cap. 3. v. 13.

stramque causam ipse defereret. Quam sæpè verò exilem referimus gratiam; cum Christi causa triobolaris voluptas deferenda, cunctamur & deliberamus: & non rarò ne nostros amores pessimos cogamur deferere, deferimus Christum. Nimirum Christo Barrabam potiorē ducimus

X. Ita Christus etiānum à plurimis malignè deseritur. Has ille desertiones gravius accipit, quàm illam in cruce. Deus olim humanissimè per Hieremiam suis objiciens, Quid invenerunt, inquit, patres vestri in me iniquitatis, quia elongaverunt à me *b*? Hoc cuivis Christus placidè instillans, Quid, ait, invenisti in me iniquitatis, quia elongasti à me? Ego diligentes me diligo, sed & desertes me defero. Quapropter scito & vide, quia malum & amarum est, reliquisse te Dominum Deum tuum *a*.

Væ igitur, væ filii desertores *b*. Domine, omnes, qui te derelinquunt, confundentur: recedentes à te in terrâ scribentur, quoniam dereliquerunt venam aquarum viventium Dominum *c*.

Azarias Obedi filius, ex tempore regi Asa concionatus, Audite me Asa, inquit, & omnis Benjamin: Dominus vobiscum, quia fuistis cum eo. Si quæ fieri-

tis

*a* Hierem. cap. 2. v. 19.

*b* Isa. cap. 30. v. 1.

*c* Hierem. cap. 17. v. 13.

tiſcum, invenietis; ſi autem dereliqueritis eum, derelinquet vos *a*. Ita ſolet Deus, qui triſtantes ſe redamat, ita deſerit ſui deſertores.

*a* 2. *Parál. cap. 15. v. 2.*

6. VII.

*Documenta totidem alia, cum modélacionis hujus clauſula.*

XI. Summo in extremis ſolatio erit, cum Domino. JESU crucifixo ita poſſe colloqui: Domine, ecce quem amas, inſirmatur. Si te tuáſque leges umquam dereliqui, nunc percutio pectus meum, & revertor. Miſerere mei Deus, miſerere mei, quoniam in te confidit anima mea, & in umbrâ alarum tuarum ſperabo, donec tranſeat iniquitas *a*. Sub umbrâ alarum tuarum protege me *b*. Scapulis tuis obumbrabis mihi, & ſub pennis tuis ſperabo *c*. Inhabitabo in tabernaculo tuo uſque in ſæcula; protegar in velamento alarum tuarum *d*. Adhæſit anima mea poſt te; me ſuſcepit dextera tua *e*. In pennis tuis ſanitas *f*. Tu in cruce, mi amantiſſime Domine

O O O JESU,

*a* *Pſal. 56. v. 2.*

*b* *Pſal. 135. v. 8.*

*c* *Pſal. 90. v. 4.*

*d* *Pſal. 60. v. 7.*

*e* *Pſal. 62. v. 8.*

*f* *Malach. cap. 4. v. 2.*

JESV, desertus es, ne ego jam deserer. Tu mater es, ego pullus sum, sub cruentis his alis tuis ab omni hoste protegar. Omnis inferorum potestas non lædet eum, quem hæ alæ tuæ texerint. mi bone JESV, tibi me totum, vivum, mortuum commendo.

Non sane interibit pullus, qui sub maternâs has alas hoc modo confugerit.

XII. Peccati odium hinc ingens concipiendum. In peccato quolibet hoc geminum malum est, aversio à Deo creatore, & conversio ad rem creatam. Quod Hieremias ore divino apertissimè pronuntians, Duo mala fecit populus meus, inquit, me dereliquerunt fontem aquæ vivæ, & foderunt sibi cisternas, cisternas dissipatas, quæ continere non valent aquas *a*. Huic aversioni & conversioni pessimæ duplex responderet pœna, quam *Damni & Sensûs* vocant. Damni est, aspectu Dei excludi: sensûs, ignes inferorum pati. Christus ut pœnas nobis luendas persolveret, pœnam sensûs maximam in cruce sustinuit; pœna damni non conveniebat Christo, proptereâ simile quid passus est. Desertus à Patre velut hostis, Tu verò, inquit, repulisti & despexisti, distulisti Christum tuum *b*.

O bone Deus! quid demum miserius est eo homine, qui peccando fit hostis Dei?

*a Hierem. cap. 2. v. 13.*

*b Psal. 88. v. 39.*

PARS III. CAP. IV. 245

Dei? Hæc summa in orbe miseria, hoc malorum omnium est maximum *a*, Dei hostem esse, Dei gratiam & unâ cælum perdidisse, æternis ignibus deberi. Hinc hostilis ille plausus & gratulatio: Deus dereliquit eum: persequimini & comprehendite eum, quia non est qui eripiat.

Quocircà ô Deus ne elongeris à me: Deus meus in auxilium meum respice *d*.

XIII. Sublimiorum virtutum amor aspectu crucifixi Domini excitandus. Christus effato in cruce primo, amorem & charitatem in hostes docuit. Secundo, misericordiam in miseros, quæ charitatis interior est effectus. Tertiò, curam in parentes & obedientiam. Quarto, profundissimam humilitatem & patientiam perfectissimam. En Dei Filium ad usque infandos patibuli cruciatus obedientissimum, perinde ac si Pater illi dixisset: En ego, fili, mitto te in mundum: Vade, recumbe in novissimo loco *b*. Ivit, recubuit in loco omnium prorsus novissimo, infimo. Nil certè magis imum infimùmque, quàm execrandum illud patibulum, in quo Dei Filius recumbens, nobilissimas virtutum non verbo solum sed facto docuit. Bernardus eas considerationi subjiciens, His, inquit,

virtu-

*a Unicum & solum ex omnibus malum nominandum.*

*b Psal. 76. v. 11. & 12.*

*c Luca. cap. 14. v. 10.*

virtutum gemmis quatuor cornua crucis ornantur : & est supereminentior charitas, à dextris obedientia, patientia à sinistris, radix virtutum humilitas in profundo. His ditavit trophæum crucis consummatio Dominicæ passionis, cum ad Judæorum blasphemias humilis, ad vulnera patiens, intus linguis, clavis exterius pungeretur. Nam & charitas in eo perfecta est, quod pro amicis animam posuit ; & obedientia consummata, cum inclinato capite tradidit spiritum, factus obediens usque ad mortem *a*.

XIV. Justitiæ divinæ quantus, & ad perpendicularum exactus rigor ! Hinc Jobus in omnem actionem circumspectissimus, Verebar, inquit, omnia opera mea, sciens quod non parceres delinquenti *b*. Sicut capillus tenerrimus suam umbram, ita delictum minimum suam habet pœnam. Non parcit ulli nocenti Deus, vel noxi. Cum non haberet à quo primævæ labis solutionem exigeret, strictissimè illam exegit à filio debiti omnino infontissimo. Hæc exactio instituta est tantâ severitate, ut vel hinc discamus, quid apud miseros sit pœna damni, privari scilicet aspectu DEI, Deum habere hostem nullis sæculis reconciliandum. Simulacrum ejus rei, derelictio Christi ad crucem suffixi. O Deus, quàm mundi sunt oculi tui, ne videas

*a* Bern. die sanct. Pasch. Serm. I. mihi pag. 212. *b* Job. cap. 9. v. 28.

videas malum, & respicere ad iniquitatem non poteris *a*. Hos Dei oculos mundissimos, hunc divinæ justitiæ rigorem obstupescens Jobus, Ecce, inquit, qui servant ei, non sunt stabiles, & in Angelis suis reperit pravitatem *b*. Ecce, luna etiam non splendet, & stellæ non sunt mundæ in conspectu ejus. Quanto magis homo putredo, & filius hominis vermis *c*? Rectè igitur Hebræus Psalteris justitiam Dei perhorrescens, Si iniquitates, inquit, observaveris, Domine, Domine quis sustinebit *d*?

XV. Omnia quæ & agimus & patimur, exigui temporis & momenti sunt. Quanta fuit passim Christi concionantis gloria! Nam is fuit undique ad JERUSALEM confluentis hominum è totâ Judæâ, Galilæâ, Idumæâ, Sidone ac Tyro, ex universa Syriâ & aliis vicinis regnis, ut ubique multa hominum millia eum virum comitarentur, & à dicentis ore penderent. Existimat eruditus scriptor, quod & sacris testimoniis firmat, celeberrimo die illo inter palmarum sparsiones, non minus quàm trigies centena millia Judæorum ex una Hierosolymorum urbe occurrissè Christo *e*. Summa fuit gloria Servatoris, etiam inter

*a Habac. cap. 1. v. 13.*

*b Job. cap. 4. v. 18.*

*c Job. cap. 25. v. 5. & 6.*

*d Ps 129 v. 3. e Joan. Bondinius Flander 6, 6. post med. mihi pag 48.*

248 DE CHRISTO RESVRG.  
inter Pharisæorum irrisus. Quod Joannes adstruens, Vidimus, inquit, gloriam ejus quasi Unigeniti à Patre &c. At verò de mortis videri poterant concidisse hæc omnia. Extincta potentia: Seipsum, ajunt, non potest saluum facere. Sapientia obscurata: ab Herode & omni ejus aulâ proclamatus est stultus & albæ mentis homo, vel ipsa veste id evulgante. Innocentia peracta est rea. Pependit medius latronum velut populi seductor, malefactor, imperii affectator. Majestatem regiam arundo, spinæ, patibulum, probra innumera tegebant. Accedebat illæ mæstissimus clamor: Deus meus, Deus meus, ut quid dereliquisti me? Vox omnium & sensus tunc erat: Malos & fraudis compertos Deus deferit. Hinc Cypriani dictum: Considero te Domine in patibulo, videbaris sine omni adjutorio. Omne decus Domini JESV, crux visa est funestasse. Sed gloriosissimus in vitam reditus, decus omne, omnemque gloriam multò quàm antè auctiorem reduxit. Quidquid sepultum fuerat cum mortuo, revixit cum redivivo. Pauculis horis tam admiranda mutatio est facta. Quantus enim fuit descensus è sinu Patris ad patibulum crucis, tantus fuit ascensus è patibulo crucis usque ad dexteram Patris. Modicis hæc intervallis distincta sunt. Momentum est quo patimur,



mur ; Mercedem patientiæ beata reddit æternitas.

## CAPUT V.

*Quinta morientis Christi modulatio cygnea : Sisto.*

**R**ex Juda & Israël David , rex ditissimus ac potentissimus , rex bello felicissimus , affectu in Deum sanctissimus , pollens divinâ gratiâ , nihilominus inter regias gazas & delicias , famem & sitim questus , tamquam extremum mendicabulum , Satiabor , inquit , cùm apparuerit gloria tua *a*. In hac vitâ fames mera & mendicitas , satietas nulla. Vehementissimam sitim expertus Rex iste , Quemadmodum , ait , desiderat cervus ad fontes aquarum , ita desiderat anima mea ad te Deus : Sitivit anima mea ad Deum fontem vivum *b*.

Rex Christus Regis David filius fuit. Hoc cum nomine affecerunt non mendici solum , qui clamabant , Domine , miserere nostri , fili David *c* ; ipsi etiam cives Hierosolymæi die sollenni gratulantur : Hosanna filio David , benedictus , qui venit in nomine Domini , Hosanna *d*. Christus Rex Israël verus fuit ,  
licet

*a* Psal. 16. v. 16.

*b* Psal 41. v. 1.

*c* Matth. cap. 20. v. 30.

*d* Matth. cap. 21. v. 9.

licet Pharisæi joco impio cavillarentur: Si rex Israël est, descendat nunc de cruce *a*. Hic ille Dávidis filius, toto priori temporis quo passus in summis doloribus de re nulla quæstus, nisi jam de unâ siti; *Sitio*, agebat. Hanc sitim omni studio sibi sumpserit describendam Joannes, qui testis oculatus omnium. Postea, inquit, sciens *JESVS*, quia omnia jam consummata sunt, ut consummaretur Scriptura, dicit, *Sitio*. Addit: Vas ego erat posatum aceto plenum. Illi autem spongiam plenam aceto, hyssopo circumponentes, obtulerunt ori ejus *b*. Nos unicam vocem illam, mysterii plenam, *Sitio*, dissertatione hac exponemus.

*a* *Matth. cap. 28. v. 42.*

*b* *Joan. cap. 19. v. 29.*

### S. I.

*Christi morituri sitis variè prædicta.*

Ubi Deus Filius in montem Golgotha pervenit, detractis vestibus crucem ascendit, & mox hostibus veniam, latroni paradisum, Matri discipulum, discipulo Matrem assignavit. His dictis tenebræ trihorio tenuerunt, quo Christus taciturnas inivit preces, ceteris etiam pavore silentibus. Post discussas tenebras lamentum Christi lugubre auditum: Deus meus, Deus meus, ut quid dereliquisti me? Has voces proximè secuta est illa: *Sitio*.

Hæc

PARS III. CAP. IV. 951

Hæc sitis utique vehementissima, maxima fuit. Ab uno ad alterum vesperem Christus nec miculam nec guttulam gustavit, extra myrrhati libationem. Atqui sanguineus sudor, ægrimonia & angores, deductio ad iudices, ascensus Golgothæi montis cum cruce, sanguis per flagra, spinas, clavos, largiter fusus, simileque mortis prolationes viribus omnibus exhausserunt, & ingentem moverunt sitim. Sitis tormentum maximum. Ægroti certè inter dolores gravissimos de siti singulariter queruntur. Bis Christo porrectus potus, qui tamen nihil ad sedandam sitim faciebat. Quàm primùm in Calvariæ clivum perventum, vini myrrhati poculum oblatum. Et cum gustasset, noluit bibere *a*. Spongia aceto merfa, pendentis ori admota. Ab utroque potu sitis erat irritatior. Hæc sitis celebrata vaticiniis diversis. Sibylla Erichræa, quæ mille quingentis annis præcessit Christum, hanc sitim dilucidè prædixit:

*Et sellis amiri*

*Apponunt escam, patimque immittis aceti.*

*Belle famas ejus, sitis illudetur aceto.*

*Hanc apponet ei gens scilicet hospita mensam b.*

Undique Deus perfidiam Hebræam obruit testimoniis. David apertissimè, Foderunt, inquit, manus meas & pedes meos,

P p p

meos,

*a* Matth. cap. 27. v. 34.

*b* Sibyll. l. 1. Oraculor.

meos, dinumeraverunt omnia ossa mea. Factum est cor meum tamquam cera liquefcens in medio ventris mei. Aruit tamquam testa virtus mea, & lingua mea adhæsit faucibus meis. Et dederunt in escam meam fel; & in siti meâ potaverunt me aceto *a*:

Atque hinc illa sitis, quam è sexcentis doloribus solam prodir. Nimirum hoc toto patiendi tempore duo solum queritur; à Patre se derelictum, & siti exhaustum, ita ut cum derelictione Patris vehementia sitis componatur. Hic grande quid lateat necesse est. Doctores quanti, de quibus poterat acerbè queri. Manus ac pedes perfossi, caput paliuris terebratum, membra omnia flagellis lacerata; corpus totum funibus extensum. Undique & undique cruciatus, dolorum plena omnia. A planta pedis usque ad verticem non erat in eo sanitas, & tamen unam atque unicam sitim queritur. Quippe noverat amantissimus Servator, singularem adhuc latère contumeliam à se tolerandam, & acetum sibi obtrudendum, Ut ergo consummaretur Scriptura, voce alta exclamavit, *Sitis*. Perinde si diceret: Quid quid imperavit Pater meus de me prædici, à me perferri, id obsequentissimè perferam nec unico quidem apice omisso. Ubi nunc igitur potius illè miserabilis,

*a Psal. 21. v. 16. ac seqq. & Psal. 68. v. 22.*

rabilis, ubi est acetum? ut consummetur Scriptura. Hoc sæpius non sine mysterio ingeminatur: Sicut scriptum est, Ut implerentur Scripturæ, Secundum quod definitum est.

Fit nonnumquam, ut filius Regis etiamnum juvenis nil parcens ærario utraque manu largiatur. Pater in singulos menses definitam pecuniæ summam assignans, Fili, ait hac usque largitiones tuæ poterunt excurrere, & non ulterius. Æternus Pater ingenium sui filii liberalissimum nōrat. Siquidem paratissimus erat Christus vel mare sanguinis è suo largiri, pro singulis hominibus singulatim mori, vel crucem ad judicii diem perpeti. Pater igitur quæ filio toleranda essent, certis concludens terminis, acetum ludibrio propinandum voluit esse ultimum, *Ut consummaretur Scriptura.* Ita immensum pelagus amoris in Christo suis constrictum metis hanc accepit legem, Huc usque venies, & non procedes amplius. Ita divinus Pater maximos, minimos cruciatus Filio tolerandos ab omni ævo decrevit; nec jota, nec apiculus restabat non consummatus.

Quamvis ergo acerbissimos ferret dolores, qui nullis verbis possent exprimi, non tamen eximere se voluit, vel hoc cruciatu reliquo, ut plenè satisfaceret Patri, & suis omnibus numeris consta-

P p p 2

ter

ret redemptio, nulla eorum, quæ diuinitus decreta, prætermisso. Ita suo nos exemplo ad solidam obedientiam instituit, ne detrectemus ea, quæ Deus nobis decrevit perferenda, licet sint gravissima.

Acetum porrò non oblatum ideò, quia id Scriptura prædixit, aut Pater decrevit, sed quia illi hoc facturi erant, ideò prævidit Pater, & decrevit ut ita fieret, humanâ usus malitia loco instrumenti. Quod quotidie fit. in pœnis maximè infligendis, quas sæpissimè ita infligit Deus ut sanctissima ipsius voluntas hominum voluntate malâ velut famulâ utatur in sui obsequium. Atque hoc modo, quod prævidit Deus, decrevit. Ita prorsus quidquid pœnarum quivis hominum subit, & vel levissimæ pœnæ cuiusvis ab omni æternitate sunt constitutæ. Ita definitum est. Ita Deus semper voluit, ut ista, & ista quoque, & illa etiam, & quidem hoc modo, tam tu, mi homo, quàm ego, ceterique omnes ac singuli pateremur, quæcumque demum patimur. Ita definitum, sic scriptum est *a*. Nos scripturam hanc non mutabimus. Utinam hæc consulta Dei ac decreta tandem caperemus, longè saaviùs ferremus, quidquid denique ferendum est, ut impleantur Scripturæ. Nec illud ignoramus,  
omnem

*a Si sit ultima, ut scholæ loquuntur, & prætoris Dei voluntas.*

omnem pœnam, quamcumque sustineamus, Deum non permittere tantum sed & velle, idque, ut Theologi loquuntur, reipsa *positivè*. Et Deus in isthac providentiâ sua non tantum non fallitur, sed nec falli potest.

Quod autem providentia divina in connedendis causis multò quàm admirabilissima sit, veletiam hinc liqueat. Causa propinati aceti fuit querimonia de siti. Nisi enim Christus exclamasset, Sitio, madidatam spongiam pro calice non libasset. Vidit igitur ex æterno tempore, qui videt omnia Deus, antequam fiant, huic filii supplicio & spongiam & acetum in promptu futurum ex aliis causis. his Pater usus in morientis Christi jocularem cruciatum Hoc igitur ante sæcula scripsit: Ultimus mei filii potus sit acetum, spongia sit poculum. Ut ergo hæc Scriptura Vatum oraculis signata consummaretur, proclamavit patientissimus J E S U S, Sitio. Liceat hic dicere: O quantum est subitis casibus ingenium *a*! Ex tempore fit è carnifice pincerna, è spongiâ carchesium & patera, ex arundine trulla, capedo *b* hasta potoria, ex aceto ficera mœrentibus propinanda. Hoc una vox illa potuit: Sitio.

*a* Martial. lib. spectac. epigr. 14.

*b* Trinckkopff, Lulixine puschken.

## §. II.

*Sitis morituræ Christi cum aliorum siti collata.*

Sed heu / servulis vilissimis ministratur porus in siti, quandoque etiam miraculo, Dei Filio etiam negatur frigida. Ismaëli & matri ejus in solitudine Bersabee sitientibus fontem dulcis aquæ monstrat Angelus *a*. Hebræis ingratis in deserto Sin aquam postulanti- bus, fontanam Deus è rupe scaturire jussit copiosissimam *b*. Cùm iidem per- vicaces Judæi aquas in Mara ob amari- tiem averfarentur, lignum illis osten- dit Deus, quod aquis immixtum dulce- dine amarorem omnem correxit *c*. Samsoni post jugulatoq; mille viros ad- modum sitienti ex asini mandibula sa- lientem fontem produxit Deus *d*. Si- tienti in castris Davidi militum robu- stissimi è Bethlehemitico fonte appor- runt aquam, quam anhelârat *e*. Eliæ vati subter juniperum accubanti, cere- rem & fontem ministravit Angelus *f*. Isaïæ in tormentis sitienti, cum impii Manassis jussu medius secaretur serra, Siloë

*a* Gen. cap. 12. v. 19.

*b* Exod. cap. 17. v. 9. Num. 20. v. 9.

*c* Exod. cap. 15. v. 25.

*d* Judic. cap. 15. v. 19.

*e* 2. Reg. cap. 23. v. 16.

*f* 3. Reg. cap. 19. v. 6.



Siloë fontem Deus apernit, ut Epiphanius testatur *a*. Ægidio regii sanguinis anachoretæ cibus & potus fuit lac cervæ *b*. Repererunt hi omnes, qui sitim suam propitiarent, & Filio Dei in extremâ siti moriendum?

Quàm concionatus nervosè Christus, Quicumque, ait, dedit uni ex minimis istis calicem aquæ frigidæ, tantum in nomine discipuli, amen dico vobis, non perdet mercedem suam *c*. Quæ verba divus Leo ponderans, Unde, inquit, exigua ista impendio tantâ æstimari taxatione meruerunt? Cùm amatur ab homine, quod à Deo diligitur, meritò in ejus ascenditur regnum, in cujus transitur affectum *d*. Ergo frigida sitienti porrecta non solum Dei favorem, sed totum Dei regnum promeretur. At verò hîc nullas nec hominum nec Angelorum de Rege suo bene mereri satâgit; nemo hydram, nemo caliculum aquæ præbuit. Mater audit lacrimosam vocem illam, *Sitio*, sed opitulari nequirit, paratissima tantum lacrimarum fundere, quantum filio suffecisset in levamen sitis. Nec recusasset in fontem mutari, modò sitiens ille cervus alto stipite confixus refocillari potuisset. Dolo-  
re quanto recordata fuerit, quoties hunc

P. p. p. 4. ipsam

*a* Epiph. de vita & moribus Prophetarum.

*b* Lippeloo. 1. Sept.

*c* Matth. cap. 10. fine.

*d* Leo. serm. 4. de Pass. Dom.

ipsum moribundum, hunc hominem adhuc tenerum infantem, virgineo lacte paverit.

Clemens Romanus Apostoli Petri discipulus, & in eadem sed Vicarius, solum vertere, & ultra Pontum Euxinum in exilium ire Chersonam iussus, duomillia Christianorum in latumiliis laborantes reperit. Hi rerum omnium praefertim aquae penuriam conflictabantur: nam dulcem aquam per sex millia petere cogebantur. Hanc plebem sanctam miseratus Clemens, in genua procubuit, & afflictis supplicas oravit e caelo. Finitis precibus montem conscendit, viditque ad agni pedem salire fontem. Ex eo Christiani gratulabunda voluptate sitim omnem sedarunt. At videte, obsecro, hic agnus palo fixus, in salutem orbis, immolatus extremam fert sitim, siti moritur, & nemo est qui gelidam e rivo porrigat. Eo res devenit. Dei Filius jam mendicorum infimus, aquam petiit, & nemo ei dabat. Hanc mendicitatem Christus velut in prologium experiri voluit ad fontem Sichar, cum diceret Samaritidi, Da mihi bibere *a*. Psalteris quidem representans Deum, si esuriero, inquit, non dicam tibi, meus est enim orbis terrae & plenitudo ejus *b*. Quis enim verò metuebat hujus supplicii, ut Dei Filius

*a* Joan. cap. 4. v. 7.

*b* Psal. 42. v. 12.

lius cruciaretur extrema siti? Deus olim ab Hebræâ plebe argentum, æs, aurum, purpuram, in tabernaculi usum, ab Abrahamo filium, stipem sanè largam petiit; hodie, eheu! mendicavit aquam, & nemo ei dabat. Acetum quidem porrectum est, sed in ludibrium & tormentum, unde potius cresceret sitis quàm exstingueretur, acetum enim exsiccatur.

Sed unde tam prompte acetum, spongiam, hyssopum protulerunt? Romano ritu hæc in promptu erant ad hoc supplicii genus, non ut daretur patibulatis bibendum, sed ut iis protolleretur eo vita, dum exhausissent quod deberent pœnæ, nam ossa vespere frangebantur. In eam rem acetum naribus admotum recreat semianimes, & sanguinem sistit, præcipuè hyssopo accedente ac spongiâ. Si ergo rei dum figerentur cruci, vel ob dolorem vel mortis metum animo linquærentur, mox aceto reficiebantur; aut si nimio sanguine manarent, comprimendo illi acetum admovebatur spongiâ. Crux tam lenta quàm acerbamors. Ut ergo durarent rei, his rigidioribus opus erat fomentis.

Testatur Cæsar Baronius a. hanc ipsam spongiam hodieque in Laterano Romæ servari sanguinolento colore tinctam, quod & alii testes oculati asserunt. Hæc ergo spongia vulneribus applicari solita, Christo sitienti pro cyathopor-

Ppp s. recta.

960 DE CHRISTO RESURG.  
recta Hæc, regium illud est poculum,  
hoc nectar illud suavissimum, acetum  
& spongia, cruore utraque infecta.

§. III.

*Esti hac gemina documenta.*

Pius II. Pontifex Maximus contracta  
ex itinere siti, lac camellâ lignea *a*, sed  
prorsus immunda propinatum à pasto-  
re, non recusavit bibere, partim riden-  
tibus partim indignantibus palatinis co-  
mitibus. Quibus Pater reverà pius, Et  
hoc mihi, ajebat, dulcius est quam Artax-  
erxis poculum: qui sitit, crySTALLINO  
non eget. Dum acetum, potus misera-  
bilis porrigeretur Christo, flebant aliqui,  
sed pauci, plurimi ridebant, sed Servatori  
hæc mordax vappa magis sapuit, quàm  
ficera lectissima, Apianum nobilissi-  
mum, idque amore nostri. Cur igitur  
non & nos amore ipsius amariores hos  
calices perhaurimus? Prior bibit Chri-  
stus & propinavit: non respondebimus?  
Aut bibendum hic aut abeundum. Nec  
enim habebit partem cum Christo, qui  
bibere recusarit hunc calicem Christi.  
Bibe, mi homo, bibe, bibe; & patere  
quod te Dominus tuus vult pari, quòd-  
que prior ipse passus est. Hic duo quæ-  
dam observanda sedulò.

I. Animus hominum ingratiſſimus.  
Iraë.

*a Melchnapff.*

Israëlis populus omnium gratiarum immemor, pro aqua è rupe fusa, pro annonà è nubibus delapsa, pro copiosissimis coturnicum nimbis, vinum myrrhatum, fel, acetum, rependit suo Conditori. Quod ingrati animi crimen detestatus Hieremias; Ego, inquit, plantavi te vineam electam, omne semen verum. Quomodo ergo conversa es mihi in pravam vinea aliena *a*? Idem exprobrans Isaias, Vineam facta est, inquit, dilecto meo in cornu filio olei. Et sepivit eam, & lapides elegit ex illa, & plantavit eam electam, & ædificavit turrim in medio ejus, & torcular extruxit in ea; & spectavit ut faceret nvas, & fecit labruscas *b*. Ita reverà Deus cum quovis hominum agit, cum ut vineam colit, innumeris eum beneficiis sibi devincit; hinc ab eo jure fructus exigit. Quid vinea tam operosè culta fructuum rediit? Tot malas, tot pessimas cogitationes, tot improbos sermones, tot perversas actiones, meras panè labruscas, hunc acidissimum potum cruenta offert spongia, cor immundum, appetens vindictæ, invidum. In hos Prophetæ clamant. Væ qui potum dat amico suo, mittens fel suum *c*. Hæc accepti beneficii turpissima est oblivio.

## II. Sum-

*a* Hier. cap. 2. v. 21.

*b* Is. cap. 5. v. 2.

*c* Habac. cap. 2. v. 13.

II. Summa Christi patientia. Nemi-  
ni precatur malè, neminem diris devover  
ob immisericordiam tam barbaram, quæ  
extremè sitienti denegavit vel frigidam.  
Servator suum nobis sudorem, suum  
sanguinem, suas lacrimas, imò & aquam  
è suo pectore promanare jussit, & ipse  
siti moritur.

C. Marius cum castra eo loci posuisset,  
ut aquationem haberet difficillimam ex-  
ercitu jam plurimum sitiente, in concio-  
nem progressus. A vobis hodie, commi-  
liones, inquit, emendus est potus, aut  
vestro, aut hostili sanguine. Oratione a-  
nimatos in aciem eduxit. Mariani fortiter  
rem egerunt, & magnam ediderunt stra-  
gem hostium, sic aquam emerunt, sed  
hostis sanguine. Dux noster Christus, ut  
aquam vivam in cælo hauriendam nobis  
emeret, ipse sitim pertulit, & aquam il-  
lam suo emit sanguine.

## §. IV.

*Animi sitis in Christo quanta?*

Darius Persarum rex ab Alexandro  
Macedone victus, ingenti prælio ex acie  
fugit vulneratus; sed ab Alexandri co-  
piis in ipsa fugâ deprehensus est. Rex mi-  
ser, imò jam exutus regno, & proxi-  
mus morti, hoc unum supremi benefi-  
cii loco petiit, posse sitim potu obvio  
levare. Porrecta est frigida. Ea hausta  
Polystratum Alexandri militem, qui  
aquam

aquam porrexerat, humanissimè affatus, Hic mihi, aiebat, omnis meæ felicitatis terminus est. In eum me redegit ordinem fortuna, ut nec istud quidem beneficii possim rependere. Rependet alius. Alexander Rex qui matrem, conjugem, liberos meos tam amicè habet, hoc apud te nomen expunget. In eam rem dextram hanc porrigo, te interprete, quid ego velim posse, non possim. Sic dextra Polystrati apprehensa decessit vita, Codris omnibus & Iris pauperior, Rex quondam opulentissimus.

Rex Angelorum Christus Joanni ac Matri velut eminus dextram porrigens supremum dixit vale. Deinde doloribus omnibus patientissimo silentio suppressis, se siti arere non dissimulans exclamavit, Sitio. Crudelis & horrenda fuerit hæc sitis necesse est. Sed ea certè non solum macerabat corpus, sed animum fatigabat. Quod Hostiensis Episcopus Drogo admiratus, O Domine, ait, quid sitis? Ergone plus cruciat sitis quam crux? De cruce siles, & de siti clamas, Sitio. Quid, obsecrò? Vestram sitidem, vestram salutem, vestrum gaudium. Plus animarum interitus, quam mei me cruciatus torquent. Quod Augustinus paucis complexus, Quid esurivit, quid sitivit Christus, inquit, nisi bona opera

964 DE CHRISTO RESVRG.

opera nostra *a.* Sitio, dixit, quamvis illi non hoc dederint quod sitiebat. ipsos enim ille sitiebat: At illi acetum dederunt, non vinum novum, quo implentur utres novi: sed vinum & malum vetus. Dicitur enim vinum vetus, veteres homines *a.*

Si Christum interrogemus ab ipso vendi exordio: Cur, bone JESU, hominem induisti, cur natus, cur in præsepis positus, cur circumcissus es? cur Ægyptum fugâ petisti, cur concionatus, cur famem sitimque passus, cur peregrinatus es? Ad omnem hanc quæstionem responderet: Sitio, sitio, sitio. Si rogemus ulteriùs: Cur autem te comprehendi ac ligari, cur flagellis tam atrociter cædi, cur verberibus tam immaniter compungi, cur in trabem clavis suffigi voluisti? Sitio, diceret, sitio, sitio salutem vestram. Sitis mea, salus vestra, redemptio vestra, fides & gaudium vestrum. Ita non sibi, sed nobis omnibus sitivit.

Rudolphus I. Imperator, cùm in Bohemiæ Regem Ottacarum rebellem arma moveret, exercitus Imperatorius summâ aquæ penuria laborabat, ipse etiam Imperator tolerare sitim disciebat. Inter hæc eminus conspicitur homo paganus, qui messoribus potum ferebat. In hanc prædam non tantùm oculi

*a.* Aug. in Psal. 34.

*b.* Et in Psal. 61. mihi pag. 254i



oculi plurimorum, sed & avidæ manus ibant. Abreptus est homo unâ cum lagenâ. Hanc Imperatori offerebant, quam tulisset bona fortuna, compescendæ sitis. At optimus Imperator non Reges tantum, sed seipsum doctus vincere, mox homini lagenam neminis ore libatam reddi jubens, Ego quidem, agebat, exercitui meo, non mihi sitiebam. Ita verissime Christus non sibi, sed humanæ genti sitiebat, nos ab interitu servatos cupiebat.

§. V.

*Christus moriturus sitiienti cervo collatus?*

Canit Rex David: Quemadmodum desiderat cervus ad fontes aquarum, ita desiderat anima mea ad te Deus *a*. Mirari quis non immeritò possit, cur Christus in divinis libris sæpius conferatur cervo. Causarum aliquot eruimus.

I. Cervus capitalis hostis colubrorum & serpentium. Ubi ubi occasio pugnae, digladiantur inter se. Cervus serpentes è cavernis suis vel halitu educit, & interficit. Hinc cervo venena glutienti sitis maxima. Christus cum antiquo pugnans serpente, delictorum nostrorum virus attraxit: Posuit Dominus in eo iniquitatem omnium nostrum *b*. Hinc sitis tam acerba.

II. Cer-

*a Psal. 41. 2. 3. b Isai. cap. 53. v. 6.*

II. Cervus sagittâ læsus, dum potest currit, tamquam fugâ & cursu excussurus sagittam, hinc accendit sitim. Christus amoris telo saucius, non solum pro universis simul hominibus, sed pro singulis seorsim pati paratissimus fuit, à patre quodammodò inhibendus. Immen- si telum amoris illum impulit ad cursum è cælo in terram conficiendum. A summo cælo egressio ejus ad currendam viam, & occursum ejus usque ad summum ejus *a*. Quid miramur maximam sitim post tam ingentem cursum?

III. Cervus quandoque altiusculam sepem transmissurus saltu, seipsum misere configit palo. Christus in horto sepem præaltam è mero dumeto textam vidit & cohorrui. Nam pavere coepit, tridere, & mœstus esse. Jamque transilire cupiens, Pater, inquit, si possibile est, transeat à me calix iste, transeat, transeat. Moliebatur saltum. Quippe viderat sibi præsentia flagella, orbiculare vepretum, trabales clavos, exetrandam crucem, doloribus & opprobriis plenissimam. Ab quàm acuta, quàm alta, quàm horrenda seps! Sponsa quasi prælagiens, & ideò monens, Fuge, inquit, dilecte mi, & assimilare caprez hirculôque cervorum super montes æronatum *b*. Malè metuebat scilicet sponsa, ne in monte Golgotheo

suus

*a* Psal. 18. v. 6. & 7.

*b* Cant. cap. 8. v. 14.

sus sibi raperetur sponsus. Hoc certè loco nobilissimus ille cervus in sepem excelsum sese inducens horribili crucis palo infixit. Ego pono animam meam, inquit, ut iterum sumam eam. Nemo tollit eam à me, sed ego pono eam à me ipso *a*.

IV. Spiritus divinus, scriba est non tantum velociter scribens, sed planè admirandus, qui literulâ unâ, apice vel unico complura claudit mysteria. Psalmus vigesimus primus de Christi cruciatibus conscriptus est totus. Inscriptio hujus Psalmi: Pro susceptione matutina. Hebrææ vocis origine spectata, inscriptionem hanc habemus: Pro cervâ matutinâ. Ita Basilius, Hieronymus, Bellarminus nos erudiant *b*. Rectè *Cerva*, quia pati maximè ad carnem Christi pertinebat. Quod Petrus asserens, Christo igitur, inquit, in carne passo, & vos eandem cogitatione armamini *c*. Hæc cerva, Christi caro, fixa patibulo avernalem aspidem triumphavit. Hinc illud triumphale carmen pro cervâ sitiente ac moriente, quæ matutinis horis ad vitam rediit. Hinc cerva matutina dicitur.

Qq q s. VI.

*a* Joan cap. 16. v. 14. & 18.

*b* Basil. in Psal. 23. Hier. in Psal. 21.  
Bellarm. in eundem.

*c* 1. Petri cap. 4. v. 13.

## §. VI.

*Christi sitientis duplex pars, sed  
miserrimus.*

Cùm illud roboris prodigium Samson mille Philisthæos asini mandibula in unum velut acervum jugulasset, horrendum sitiens clamavit ad Dominum: Tu dedisti in manu servi tui salutem hanc maximam atque victoriam: & en siti morior. Aperuit itaque Dominus molarem dentem in mandibula asini, & egressæ sunt ex eo aquæ. Quibus haustis refocillavit spiritum, & vires recepit *a*. Christus crucifixus omnes Acherontis exercitus profligavit. Victoria & salus maxima. Interim clamabat victor: En siti morior. Ah, mi Deus, liceat nobis ad modulum humanum loqui, quomodo hæc res Angelos præterit? quomodo huic occasione defuerunt? quomodo Christum extremè sitientem neglexerunt? Daniele in leonum cavo necari fame non permiserunt: annonam ei per Abacuc abundè ministrârunt; Eliæ famem & sitim cibo & potu recreârunt. Sed & Christi esuritionem post quadragintadiæ jejunium obsequiis suis levârunt; at verò sitim in cruce vehementissimam nec aquæ quidem caliculo sedârunt. Fel in escam, acetum in potum offertur: Angeli silent & dissimulant.

*Caco-*

*a Judi. cap. 15, v. 18. & 19.*

Cacodæmon admiranda duo celebra-  
vit convivium. Primum in paradiso, ubi  
mera eaque pretiosa, sed furtiva poma  
apposuit. Hujus convivii sumptus nec-  
dum ad ultimum æsem persolvimus: ex  
ære alieno adhuc laboramus. Altero  
convivio diabolus meros lapides appo-  
suit, & convivam Dei Filium, quem non  
noverat, invitavit, & ad alacriter eden-  
dum familiari sermone animavit. Judæi  
faxeo illo longè sanestius struxerunt  
convivium, fel pro edulio, acetum pro  
vino Dominico apposuerunt. Bis, ut di-  
ximus, accepit Christus potum in sup-  
plicii clivo. Primum, antequam in  
crucem suffixus; vinum myrrhatum,  
seu acetum felle mixtum. Moriserat,  
uri est hodièque, reis ad supplicii lo-  
cum perductis vinum generosius offer-  
re, ut mortem & minus considerarent,  
& faciliùs tolerarent. Judæi, ea qui-  
dem specie qua mortem retinerent, re  
autem vera, ut Christo rursus illude-  
rent, pro vino vappam evavidam, mu-  
cidam, felleam attulerunt. Nam ex  
contumelia, ut Chrysostomus ait, fel  
desiccatum panis loco vappæ intrive-  
runt, non pectori roborando, sed gustu  
discruciendo, quem solum hactenus non  
læserant. Ne qua ergo pars corporis à  
cruciatu foret libera, & ne quid ipsi lu-  
dibriorum omitterent, hoc genus portio-  
nis tam abominandæ excogitarunt.  
Censent aliqui fel ita Christo præbitum,

ut esset cibus simul & potus, quamquam magis fuerit potus quàm cibus. Euthymius dilucidè, Arbitror, inquit, fragmenta aridi fellis in aceto emollita fuisse, ut acetum quidem loco vini esset, illa verò fragmenta pro buccellâ panis. Et præcipuè tanè potum dederunt, consecutivè etiam cibum. His enim qui animo destituantur, vinum præbere solemus injeſto pane, ut primum bibentes, postmodum etiam possint edere *a*. Hunc autem potum felleum libare Christus voluit, potare recusavit, non tam hostium barbarie, nec potionis amaritiei offensus, quàm ut ostenderet, se placidè Patris arbitrio ad mortem progredi, non autem doloris impatientiâ præcipitem ferri, nec ultrò sibi mala & necem accelerari.

Primus igitur Christi potus ad crucem, acetum fuit myrrhatum, felleum. Alter acetum purum non ad sitim exstinguendam, sed ad irrisionem augendam. Quod apertè testatus Lucas, Illudebant autem ei & milites, inquit, accedentes, & acetum offerentes ei, dicentes: Si tu es Rex Judæorum, salvum te fac *b*. Quod asserens Victor beati Marci Græcus interpretes, Et hoc quoque, ait, quòd spongiam aceto plenam ori illius admovebant, insanæ absurdæque illusionis opus erat. Cyrillus hæc confirmans, Illi adeo

lon.

*a* Euthym. in cap. 27. *Matth.*

*b* *Luc. cap. 23, v. 36.*

longè, inquit, ab omni humanitate aberrant, ut pro iuvante potu atque iucundo, nocentem & acerbum attulerint, & humanitatem, quâ moveri videbantur, in impietatem converterint. Tam iste igitur, quàm prior crudelis potus Adami protoplasti gulam expiavit. Ita cernere voluit Christus ad pessimam illud in paradiso jentaculum hospiti solvendum.

Hic quisvis suam ipse conscientiam interroget, quem modum in cibo potuque sumendo teneat, nam temperantiæ ac sobrietatis metas non transfiliat, num fellis & aceti memor subinde gulam frenet, an verò potius omnes illi habenas laxet, nec genium re ullâ fraudet. Itaque secum ipse constituat, quam hac in re deinceps legem velit servare. Heu quàm nullam pro Christo, pro nobis sitim ferimus! Quoties mensam & pocula non plures tantùm horas, sed in alterum sæpè solem producimus *b*? quoties exulante verecundiâ verbis & factis pudendis, linguâ & manibus propudiosis, omnem pudorem inter bibendum exuimus? nec tamen ignorare possumus miserrimi epulonis sitim post pocula, post epulas, post convivium æternitatis omnibus duraturam. Aquæ guttulam ab extremo digito fundendam rogat, sed

Qq 3 nul

*a* Er hat die zech bezahlt.

*b* A cenâ surgitur, in der Kabin aufzreibt.

· nullis eam sæculis impetrabit. Dura commutatio, pro poculis & mensis tam celeri sine clausis æterna sitis, æternæ flammæ. Hæc scimus, ea tamen insaniam hilari concoquimus, nec obvia omnibus remedia, preces, sitim, jejunia admittimus. Nimirum maluimus mensas æternitate totâ diluendas, quàm jejunas Lazari dies & siccas cenulas æternis mensis ac deliciis donandas. Neque nos exempla terrent, neque interitus plurimorum cautos & prudentes faciunt. Plus potest inveterata consuetudo, sociorum provocationes, joci, risus, & quæ mensas largiores comitari solent, quàm Dei leges, quàm omnis exemplorum series, quàm ab omni ævo laudata temperantia.

Frustrâ sunt omnium Sapientum monita. Audiuntur Prophetæ, sed spernuntur: vociferatur Salomon, sed exploditur. Nil proficiunt apud nos saluberrimæ voces illæ: Fornicatio, & vinum, & ebrietas auferunt cor *a*. Luxuriosa res vinum, & tumultuosa ebrietas: quicumque his delectatur, non erit sapiens *b*. Hæc audimus, & negligimus. Dulce est sopiri vino. Quidquid Apostolus monet: Nolite inebriari vino, in quo est luxuria *c*. Hæc monita scimus, & contemnimus. Hinc ubique passim regnat

*a* Osee. cap. 4. v. 11.

*b* Prov. cap. 20. n. 1.

*c* Ad Ephes. cap. 5. v. 8.



gnat ebrietas, & cum ea omnis vitiorum tyrannis: neque enim ullum vitium ab ebrietate, & immodico vini usu exulat. Omnis omnino improbitas, scelera omnia, uno ebrietatis sinu foveantur. Libido, impudicitia, Dei oblivio, perjuria, cædes, rapinæ, alienus torus, latrocinia, & quidquid graviorum scelerum est, in hac unâ ebrietatis Lernâ totò stabulantur. Hæc omnia vino familiaria sunt. Famæ, valetudinis, crumenæ dispendia tacemus. Matrix malorum omnium ebrietas. Hinc apud inferos in epulone convivia cruciantur, hinc in Abrahæ sinu in Lazaro jejunia recreantur. Hinc immitissima Christi fitis, quæ mensas nostras nostramque crapulam damnat. Discamus pro Christo & cum Christo brevem sitim tolerare, aut saltem non ultra sitim (quod nec bestię quidem faciunt) potum ingurgitare. Sed hîc documentum quadruplex instillamus.

S VII.

*Quadruplex è dictis præceptio.*

I. Excitanda fitis Dominici calicis, desiderium patiendi pro Christo inflammandum. Rex David excitatissimus, Calicem salutaris accipiam, inquit, & nomen Domini invocabo. Senensi virgini Catharinæ Christus saluberrimam

Qq 4 præ

a Psal. 115. v. 4.

præceptionem istam tradebat : Quod amarum est , dulce puta ; & quod dulce videtur , pro amaro habe. Christianis id omnibus dictum. In hujus desiderii honestissimi stimulum sit vox ista , *Sicco*. Sciens JESVS , quia omnia jam consummata sunt , ut consummaretur Scriptura , dixit , *Sicco*. Ita in oliveto Petrum à vi reprimens , Calicem , inquit , quem dedit mihi Pater , non vis ut bibam illum ? Quomodo ergo implebuntur Scripturæ , quia sic oportet fieri. Acetum porro non idèò ori Dominico admotum , quia Deus ita fieri voluit , ut jam supra demonstratum est , sed quia Deus id futurum prævidit , idcirco fieri decrevit. Nos hostes nostri maledicunt , vexant , affligunt , non quia Deus ab æterno decreverit , ut illi hoc faciant , sed quia eos hoc facturos prævidit , idèò ut nos in poenam patiamur constituit.

Nos ergo in omnibus idemtidem dicamus : Ut impleatur Scriptura , libens hoc patiar , & hoc , & istud , & illud , & quidquid mihi seu hodierna , seu crastinâ , seu perendinâ luce , hoc alterove anno obvenierit patiendum. Nam quidquid à primo lucis exordio , ad ultimum vitæ halitum cuicumque perferendum , id omne in intellectu & voluntate Dei , volumine immenso vel ad extremum apicem perscriptum est. Omnium nostrum vita secundum omnes illius partes

tes maximas, secundum momenta omnia in hoc libro continetur exactissime descripta. Ut igitur impleatur Scriptura si istud, sit hoc, sit illud, quidquid Deo visum ut perferam. Christus non ignorans, unicum adhuc ad cruciatus ceteros additamentum superesse, acetum ludibrio porrigendum; ne igitur vel punctulum paternæ voluntariis omitteretur, dixit, *Sitio*. O sitim quæ non in cruce primum exarsit! Jam in itinere quod Hierosolymam versus instituit, sitire cæpit, desiderio desiderans illud Pascha cum suis manducare. Hinc & illæ sitientis voces: Ecce ascendimus Hierosolymam, & filius hominis tradetur principibus sacerdotum, & Scribis, & Senioribus, & damnabunt eum morte, & tradent eum gentibus, & illudent ei, & conspuent eum, & flagellabunt eum, & interficient eum. Nihilominus ad perferenda hæc properabat, imò & precedebat illos *a*; adeò hunc calicem sitiebat. In oliveto suos excitans, Surgite, inquit, eamus. Sitiebat pati. Apud iudices ferè semper tacuit, ne moram injiceret morti; sitiebat mori. Cum ad columnam caderetur flagris, congregaverunt ad eum universam cohortem, hoc est, mille ducentos quinquaginta milites. Vix dubium est, fuisse talem prætoriam cohortem, seu,

Qq q 5 . . . deci-

*a* Marc. cap. 10. v. 32. & seqq.

decimam Romanæ legionis partem <sup>a</sup>, ex arce Antoniâ convocatam. Ab eorum singulis cædi voluit; quemadmodum Academicis exteris mos est, ut reus à singulis adolescentibus studiosis plagas accipiat. Has nempe sitiebat Christus; nec debium quin aliquot plagarum millia acceperit <sup>b</sup>. Cùm verò sitiens Dominus flagella in corpore retinere non posset, saltem spinas voluit, quas capite excepit & asportavit, fors spinis etiam cæsus fuit. Sitiebat cruciatus. In itinere ad Golgothæum collem socium habere voluit Cyrenæum, ut eò citiùs perveniret ad crucis tormentum. Hinc & Solymæis fientibus matronis dixit: Nolite flere super me. Reverà hos dolores sitiebat immensum. Hic quisque sibi ipse dicat: Funde aquam, ô saxum durissimum, aquam funde: da lacrymas, da stipem, & preces, commiserationem ostende, sub umbrâ crucifixi conquiesce

Macarius, cùm ad eum hostis æstuans & sitibundus meridie divertisset, & aquam petisset; Macarius ille, Mi bone, inquit, sufficiat tibi hæc umbra frigidi-uscula, qua navigantium & viatorum plurimi carent <sup>c</sup>. Ita prorsus cùm temptationum aut afflictionum æstus & sitis urit, sufficiat nobis hæc umbra Crucifixi.

Hic

<sup>a</sup> Ita sentit Luc. Burgens. in Euang. Matth.

<sup>b</sup> Supra quinque millia numerant.

<sup>c</sup> Joannes Subdiaconus libell. 4. n. 17.

Hic cervus sitiens clavis confixus monstrat, quomodo perferamus sitim. O dulcis umbra! Jure sibi gratuletur hospes: Sub umbrâ illius quem desideraveram, fedi, & fructus ejus dalcis gutturi meo. Sitiamus, quem bibere necesse est, calicem salutis.

II. Excitanda sitis divini honoris, seu, zelus animarum exercendus. Non tantum ad fontem Sichar, nec in cruce solum, sed tota vita Christus sitiit salutem nostram. Hoc sitim ascendit & mœrores auxit, tot hominum interitus. Hoc & nos ad miserationem & opem erigat, tot animarum millia perire. In medium consulat & juvet, quisquis potest, ut tanta cacodæmoni præda subtrahatur. Hujus animi Paulus, Non quæro, inquit, quæ vestra sunt, sed vos. Ego autem libentissimè impendam, & superimpendar ipse pro animabus vestris *a*. Hæc vera sitis est, non sentire suam solum, sed & aliorum salutem

Tres Scytharum reges, Homarges, Sa-cepharas, Tamyris, contra Darium & Persas movebant arma. Qui cùm in locis desertis de re præsentis consilium caperent, Risaces *b* vir audax eos adiit, promisitque omnes Persarum copias sine ullâ Schytici exercitus jactura extinguendos, modò Reges jurejurando sponderent,

*a* 2. *Ad Cor. cap. 12. v. 14.*

*b* *Alu. Resares.*

derent liberis suis ac nepotibus equos  
& pecunias duros Jusjurandum de-  
derunt Reges. Mox Risaces in seipsum  
stringens ferrum, & auribus & nari-  
bus, sed & reliquo corpore se foedum  
mutilavit. Ita transfugit ad Darium.  
Hic vociferari ac ejulare, Schythas o-  
mnes execrari, ita se à Schytharum re-  
gibus mutilatum clamare, sed non diu  
impunè id laturos, si Dario regi lube-  
ret utilissimum in rem consilium audire.  
Scythas nocte proxima moturos castra.  
Quòd si Persæ per viarum compendia se  
duces sequi vellent, hostem imparat-  
um die unico debellari posse sine ullâ  
clade. Parato igitur comiteatu Risacen  
totis septem diebus comitantur per va-  
stas solitudines. Tandem Chiliarchus  
Rhanostates subodoratus dolum, Cur,  
inquit, Regem magnum fallere cona-  
tus exercitum in arenas fontium & a-  
quarum sterilissimas deducis, ubi nec  
progrediendi datur facultas nec regre-  
diendi? Ad ea Risaces complois mani-  
bus in risum effusus, Ut à civibus meis,  
inquit, periculum depellerem, Persas  
fame ac siti necare volui. Dixit, & fer-  
rum jugulo recepit a.

Quantus animus in hoc homine! Ut  
meos, inquit, servarem, me ipsum perdi-  
di. Quid nos audemus pro Regis summi  
honore? quid patimur, quid conamur  
pro

pro animarum salute? Christus atrocissimè vulneratus sitim toleravit, crucis tormenta subiit, pro suâ gente caput devovit, acerbissimam mortem pertulit. Quid nos, Christiani, quid agimus? qua sit ferimur in hominum salutem? Gregorius Magnus, Nullum, inquit, omnipotenti Deo tale est sacrificium, quale est zelus animarum *a*. Beatus, Ambrosio teste, qui zeli noverit disciplinam, & oderit eos, qui Domini gratiam relinquentes salutem propriam deserunt, & errorem sibi fraudis adsciscunt. *b*. Quæ Richardus Victorinus confirmans, Nescio, ait, an majus beneficium possit homini à Deo conferri, quam ut per ejus obsequium alii consequantur salutem, si tamen homo Deo cooperetur ex charitate.

III. Suis aspiciendi Dei accendenda, Beatus qui quavis non tantum die, sed & horâ suspirans, ait: Quemadmodum desiderat cervus ad fontes aquarum, ita desiderat anima mea ad te Deus. Sjtivit anima mea ad Deum fortem *c* vivum: quando veniam & apparebo ante faciem Dei *d*? Heu mihi quia incolatus meus prolongatus est *e*. Tam sanctos gemitus dissertatione longâ commendans

*a* Greg. in Exech. hom. 12.

*b* Ambros. in Psal. 118. serm. 18.

*c* fontem.

*d* Psal. 41. v. 1. & 2.

*e* Psal. 119, v. 5.

980 DE CHRISTO RESVRG.  
dans Augustinus, Hæc miror, inquit,  
hæc laudo; sed eum qui fecit hæc, si-  
tio *a*. Hæc siti laborabat Paulus, cui di-  
folvi & esse cum Christo multò melius b.  
Quantò quisque probior, tantò siti ar-  
dentiore vociferatur quotidie, Sitio, si-  
tio Deum vitæ fontem.

Quid, quæso, dulcedinis in hac aceti  
& absynthii valle nos detinet? Non  
multis abhinc annis vinariam cellam in-  
gressus quispiam, copiosum fatis, sed  
acidissimum *c* vinum invenit. Honoris  
caussa libare jussus nobilissimum nectar.  
Vix ille labris primoribus temetum illud  
gustans, O viri, ait, quantæ virtutis  
hoc mulsum esse dicam? Quantæ, ajunt.  
Quibus ille, Nemini umquam, ait, per-  
suaserit ebrietatem. Non vinum, sed  
acetum est, ad temperantiam docendam  
aptissimum. Talis hic orbis est, nusquam  
non acerum, fel, myrrhatum ingerit.  
Et tamen vappam amarissimam ore a-  
vido haurimus; ingens vitæ amor est,  
miseriis nostris pascimur. dulce est vive-  
re vel in ipsa cruce *d*. Amarum est mun-  
dus, & amatur; si dulcis esset, quan-

108

*a* Aug. in Psal. 41.

*b* Philip. cap. 1. v. 23.

*c* Hundsawr.

*d* Uti Mecanati abud Seneram epist. 101.  
Mecanatis turpissimum votum, quo & de-  
bilitatem non recusat & deformitatem, &  
novissimè acutam crucem, dummodò inter  
hæc mala spiritus proregetur.



tos haberet amatores? Aquam propinat mundus turbidam, qui biberit ex hac aqua, sitiet iterum *a*. Christus expirat sitiens, ut sub ipsam mortem ostendat, hinc nullâ re sitim expleri. Sitiamus igitur perennes vitæ fontes, qui quorumcumque desideriorum sitim restinguunt.

Sitis illa multo pessima, sitire libidines, honores, opes. Hæc sitis complet inferos inquilinis. Hieremias vates interrogans, Quid tibi vis, inquit, in via Ægypti, ut bibas aquam turbidam *b*? Illud humanæ nequitiae teterrimum est augmentarium, non peccare tantum, sed cupere amplius peccare, & velut sitire noxas. Hic lucis aliquid allucet ad quæstionem illam numquam satis explicandam: Cur Deus letale peccatum vel unicum cruciatibus puniat sempiternis: Hic istud causæ strictim assignamus.

In præmiis & suppliciis rependendis Deus non peccata tantum facta, sed sitim ad facienda spectat. Exemplo, quod dicimus, monstramus. Moritur quis annos triginta natus, & jure vitam finit, quia peccare non desinit: si quinquaginta, si sexaginta, si septuaginta vixisset, totidem peccasset annis. Si centum, si mille annis vixisset, annis mille peccasset; si perpetim vixisset, perpetim peccasset. Quia enim, mi homo, in te peccandi sitis æterna, calicem furoris Domini

*a* Joan. cap. 4. v. 13.

*b* Hier. cap. 2. v. 18.

ni æternum bibes. Maturè igitur, quisquis es, hanc sitim extingue Christi sanguine.

Lyfimachus, Plutarcho teste, victus siti, se suumque regnum Getis tradidit. Cumque jam dediuitius bibisset, Pro me hominem prauum, inquit, & fatuum qui tantillæ voluptatis gratiâ tantum amiserim regnum a! Ita prorsus, qui honores, aurum, voluptates, vindictam sitit, sitique victus explet animum, jure meritissimo sibi ipse dicat: Pro me hominem stultissimum juxta & nequissimum, vili delectatiunculâ vendidi cælum. Rex David de feris mentionem injiciens, Expectabunt, inquit, onagri, in siti suâ<sup>b</sup>. Etiam sitientissimi aquam foculentam non bibunt, sed limpidam expectant. Maligna hominum sitis turbidam tantum aquam expetit, præcipue libido. Expectemus amore Domini Jesu, dum ad fontem vivum perveniamus. Ignis ignem vincit, major minorem, ita dolor dolorem; amor amorem, ita sitis sitim: ita Christi crucifixi sitis vincat nostram. Cupiditatem omnem ad noxia stringamus. Expectemus fontes promissos. Hauriemus aquas in gaudio de fontibus Salvatoris c.

CA.

a Plutarchus tomo 2. Moral. Comment. De his qui sero à Numine puniuntur, mihi pag. 187.

b Psal. 103. v. 11. c Isa. cap. 5. v. 11.

## CAPUT VI.

*Sexta Christi morientis Cygnea modulatio:  
Consummatum est.*

**I** M A G O Christi, patientissimus viro-  
rum Jobus fuit. De Jobo Apostolus  
Jacobus, Sufferentiam Job audistis, in-  
quit, & finem Domini vidistis *a*. Jobus  
archetypum Christi. Vir iste pecus om-  
ne, omnesque facultates perdidit: nec  
Christo quidquam relictum, ipsæ etiam  
vestes abreptæ, scissæ, sorte divisæ. Jobi  
decem liberos una domus ruina sepeliit.  
Apostolus Christus liberis chariores ha-  
buit, sed eos illi omnes fuga abstulit.  
Ecce venit hora; & jam venit, ut disper-  
gami unusquisque in propria, & me-  
solum relinquatis *b*. Jobus ulcere pessi-  
mo percussus à planta pedis usque ad  
verticem ejus: flagellis Christus crude-  
lissimè conscissus, merum vulnus videri  
potuit. Jobus tam ab uxore quàm co-  
gnatis, criminatione ac convitiis vexa-  
tus, hypocrita, leo, tyrannus, tigris ap-  
pellatus: Christus à Synagogâ & Ju-  
dæis, à gentibus & omni genere homi-  
num in cruce irrisus, seductor, malefa-  
ctor appellatus. Non morbis tantum Jo-  
bus, sed mœroribus & angustiis variè  
afflictus: in horto Christus cœpit pave-  
re;

R R

re;

*a* *1<sup>a</sup> Pet. cap. 5. v. 11.*

*b* *Joan. cap. 16. v. 32.*

384 DE CHRISTO RESVRG.  
 re, tædere & mæstus esse; in cruce se de-  
 relictum à Patre succlamavit. Ut Jo-  
 bum modis omnibus torqueret, artes  
 suas omnes & vires explicavit diabolus:  
 hic idem Christum ut iratus leo agnel-  
 lum aggressus, omnem populum in eum  
 concitavit. Adeò ab omnibus desertus  
 fuit Jobus, ut ad finetum denique per-  
 venerit: Christus omni auxilio adeò de-  
 stitutus, pro maledicto à tantis habitus,  
 ut eum publica Præsidis sententia in cru-  
 cem ablegârit. Humilitas & patientia  
 Jobi, licet Principis, imò Regis, sum-  
 ma fuit: Christus Rex regum, Humili-  
 tas ipsa, ipsa fuit Patientia. Jobus in ex-  
 tremis miseriis & doloribus septennium  
 exegit constantissimè: Christus à primo  
 vitæ momento, ut suprâ demonstratum  
 est, ad annum usque trigesimum quar-  
 tum in cruce fuit, dum dicere potuit,  
 Consummatum est. Hoc sextum Domi-  
 ni pronuntiatum jam eâ, quâ cœpimus,  
 methodo explicabimus.

## §. I.

### *Consummationis hujus parabola.*

Cùm ergò, inquit Joannes, accepisset  
 JESVS acetum, dixit, Consummatum  
 est *a*. Calix amarissimus unà cum fœci-  
 bus est exhaustus. Dixerat Christus: Ba-  
 ptismo habeo baptizari, & quomodo co-  
 arctor,

*a Joan, cap. 19. v. 30.*

arctor, usque dum perficiatur *a*. Sanguis hic baptismus jam ad finem deductus, jam perfectus est. Ultimam manum opus recepit. Ad finem dolorum ventum est. Mercenarius qui tulit pondus diei & æstus, cum vesper adest optatus, suaviter respirat, in oculis est denarius diurnus. Agricola cum segetem demessam feliciter mandavit horreis, triumphat & sibi met applaudit. Vinitor cum vindemia jam soluta in doliis vinum spumat, lætus cantat. Peregrinus itinere confecto, in viæ termino hilaris pausat. Orator pronuntiata oratione, hanc epilogo necit clausulam: DIXI. Videte mercenarium fidelissimum, qui non tantum plurimorum dierum, sed tot annorum pondus & æstus pertulit. Videte agricolæ filium de messe securum, qui de seipso factus: Pater meus agricolæ est *b*. Videte vinitorem, qui torcular calcavit solus *c*. Videte peregrinum, qui exivit à Patre, & venit in mundum, iterum relinquit mundum, & vadit ad Patrem *d*. Audite oratorem disertissimum, cujus omnis vita oratio fuit pulcherrima. Orationis exordium dies Natalis; Narrationem orationis dederunt Evangelia; Confirmationem apposuerunt miracula; Epilogum & perorationem

R r r 2 Tab.

*a* Luc. cap. 12. v. 50.

*b* Joan. cap. 15. v. 10.

*c* Isa. cap. 63. v. 3.

*d* Joan. cap. 16. v. 28.

subjunxerunt crucis tormenta. Jam dicere licet, *Dixi*, Consummatum est. Dixerat Pilatus, orthographiæ suæ tenax, Quod scripsi, scripsi. Christus æquiori jure dixerit, Quod dixi, dixi. Nec litterula, nec syllaba, nec apex aut punctulum deest huic operi addenduin.

Consummatum est jam vetus Testamentum, longum per tot umbras prologium. Gaudeamus plurimum nos liberatos à jugo, quod neque Patres nostri, neque nos portare potuimus, uti Petrus in Apostolorum senatu loquitur *a*. Et fatetur Paulus: Nihil ad perfectum adduxit lex *b*. Omnia Synagogæ erant operis imperfecti. Nunc opus hoc exasciatum, Consummatum est.

Consummatum est ædificium grande, præcelsum, cujus culmen pertingit ad cælum *c*. Auctor omnium sex diebus orbem condidit, die septimo ab opere quieuit. Ita Christus hanc structuram editissimam die sexto finiit, in sepulchro interquieuit septimo. Noëmus annis centum fabricavit arcam, Operosa fanè ac diuturna fabrica, quâ solum octoni homines cum collecto pecore servabantur. Ædificium Christi fuerat quidem minoris temporis, sed molis longè majoris, jam Consummatum est.

Hic repeto, quod crebrius imprimendum

*a* Actor. cap. 15. v. 10.

*b* Ad Hebr. cap. 7. v. 19.

*c* Genes. cap. 11, v. 4.

dum alio pectori. A primo vitæ momento Christus in crucem actus est. Nam eo ipso temporis puncto, quo Dei Filius in utero virgineo hominem induit, mandatum à Patre recepit, pateretur se crucifigi, ut justitiæ divinæ satisficeret. Ad quæ utique Christus suum illud subjunxit: Ita Pater, quoniam sic placitum fuit ante te. Ita mi Pater. Sic in utero Matris factus obediens usque ad mortem, mortem autem crucis *a*. Hæc Paulus ipse confirmans, Ideò, inquit, ingrediens mundum dicit, Hostiam & oblationem noluisti; corpus autem aptasti mihi; holocaustomata & pro peccato non tibi placuerunt. Tunc dixit, Ecce venio. In capite libri scriptum est de me, ut faciam DEVS voluntatem tuam *b*. Ab hoc igitur momento Christus futuros cruciatus suos omnes, flagella, spinas, crucem, clavos, plagas omnes, ludibria, dolores universos in oculis semper habuit, & ita, si probè ratiocinemur, triginta quatuor annis in cruce pependit. Nos verò uti jumentum molarium, aut fullonicum cæcum *c* alia atque alia patimur, ignari meridie quid passuri simus vespere. Bonum nobis nescire seriem miserationum nostrarum, nec prævidere posse quid postera, quid ultima ferat dies; paullatim aliud ex alio.

R r r 3 nos.

*a* Ad Philip. cap. 2. v. 8.

*b* Ad Hebr. cap. 10. v. 5. & seqq.

*c* Wie ein blinds mangelst.

nos tangit malum. Idcirco Christus, Nolite, inquit, solliciti esse in crastinum. Crastinus enim dies sollicitus erit sibiipfi. Sufficit diei malitia sua *a*. Ipse verò Servator sua simul omnia præviderat tormenta; hinc longissimum crucis cruciamentum pertulit. Septennii periodo suas Jobus clausit ærumnas. In annos quatuor & triginta suos Christus extendit dolores. Tandem omnibus ad finem perductis dixit, Consummatum est, prælium ingens adversus peccatum, mortem, diabolum. Hos hostes ira subnervavit & vinxit, ut ab iis lædi non possit, nisi qui propius accesserit, & lædi velit.

## S. II.

*Consummationis hujus adumbrantes  
historiola.*

Cùm Athenienses, Suidâ teste, contra Medos Persasque Marathone pugnant & vincerent, Hæmonius licet lethali vulnere affectus, Athenas tamen eo ipso die pervolavit, & in senatu, qui eo ipso tempore confederat, proclamavit, Μέγα χαίρετε, νικῶντες. Gaudete gaudete, vicimini. Hæc ubi dixit, collapsus humi obiit *a*. Si summa imis liceat conferre, Christus nuntians victoriam, Consummatum est, inquit, & inclinato capite tra-

*a* *Matth. cap. 6. v. 34.*

*b* *Suidas, mæhi pag. 271.*



tradidit spiritum. In rem præsentem dixit Guericus Abbas: Sufferentia Jobi fuit usque ad reditum substantiæ; sufferentia Domini usque ad exitum vitæ æ. Consummatum est.

Jam omnia quæ præcesserunt sacrificia, imagines, figuræ, vaticinia, oracula suos habent exitus. Christus in iis omnibus & singulis quasi subscripsit, Consummatum est. Passuri Christi ac morituri effigies & apographum fuerunt, Iris in nubibus depicta, Abel à Caino interfectus, Noëmus arca clausus, Isaac à patre immolandus, Jacob hædinis pelliculis tectus, Josephus à suis met fratribus in Ægyptum venditus, Serpens æneus in desertis locis conto suspensus, Goliathus Davidis filice dejectus, Rex David urbe pulius trans torrentem nudis pedibus & flens egressus. Quidquid igitur David, Isaias, Daniel, Zacharias, alii de Messia ignominiosa & acerba morte prædixerunt æ, id exactissime impletum. Consummatum est.

Jam proclamari potest, Ite, licet: Sacrificium ceteris omnibus sacrificiis adumbratum, jam absolutum est. Una enim oblatione, inquit Paulus, consum-

R r r 4      ma-

a Gueric. serm. 3. in Domin. Palmar.

b David Psal. 21. de aceto & sorte in vesles mittendâ. Isaias cap. 53. clarissime de Domini vulneribus. Daniel cap. 9. de Messia necesse. Zacharias de 30. argenteis, de pastore ac ovibus dispergendis.

mavit in sempiternum sanctificatos *a*.  
 Quod & beatus Leo suaviter instillans,  
 Crux tua, inquit, omnium fons benedi-  
 ctionum, omnium est causa gratiarum;  
 per quam credentibus datur virtus de in-  
 firmitate, gloria de opprobrio, vita de  
 morte. Nunc etiam carnalium sacrifi-  
 ciorum ritu cessante, omnes differentias  
 hostiarum una corporis & sanguinis tui  
 implet oblatio; ita universa in te perfici-  
 cis mysteria, ut sicut unum est pro om-  
 ni victimâ sacrificium, ita unum de om-  
 ni gente sit regnum *b*. Missæ sacrificium  
 & res divina, Christi patientis est me-  
 moria, prout iussit Dominus: Hoc facite  
 in meam commemorationem *c*. Christi  
 Pontifex summus ad vestiendum se-  
 se sacrarium est ingressus, cum homi-  
 nem induit, habitu inventus ut homo.  
 Introitus sacri, dies natalitius Domini,  
 quo primam vocem emisit similem om-  
 nibus plorans *d*. Hymnum Gloria in ex-  
 celsis, cantârunt Angeli. Epistola, Chri-  
 sti doctrina in templo concionantis. Eu-  
 angelium, sermones Christi per Judæam  
 ac Galilææ urbes docentis. Trisagion  
 illud Sanctus, Sanctus, Sanctus, dies  
 Palmarum cecinit, quo clamaturn, Be-  
 nedictus qui venit in nomine Domini.

Con-

*a* Ad Hebr. cap. 10. v. 14.*b* S. Leo Serm. 8. de pass. Dom. post. med.  
 mibi pag. 157.*c* Luc. cap. 22. v. 19.*d* Sapient. cap. 7. v. 32.

PARS III. CAP. VI. 991

Consecrationem Dominici corporis suprema cena tradidit. Elevationem erecta crux in monte præsignificavit. Agnus Dei ab iis memoriæ proditus, qui percutientes pectora sua revertebantur. Canamus nunc : *Ite missa est : Consummatum est.*

Suum erat membris omnibus singulare tormentum. Nec venula se subducere potuit dirissimis doloribus. Caput verpibus perforatum, capilli vulsi; facies sputis & colaphis fœdata, oculi spectaculis inœstissimis cruciati, aures saturatione probris, nares fœtoribus affectæ, manus & pedes perfossi, corpus concisum flagris, funibus extensum. Sola poterat videri lingua dolorum vacua, sed & illa denique aceto, felle ac siti vexata. Ideo cum accepisset acetum, dixit : *Consummatum est.*

Ita Medicus noster pro nobis omne anterioris medicinæ imperium exhaustit : diætâ, sudorem, phlebotomiam amarissimam, ad radicem morbi tollendam non respuit. Diætâ usus, jejunium quadragintadiæle iniit. Sudavit in horto, & quidem sanguine. Prætorium Pilati missionem sanguinis excepit. Acetum illi mons Golgotha ministravit. Curatio expleta, Consummatum est.

## §. III.

*Christi consummatio absolutissima, nostræ  
vix ulla perfecta.*

Non habuit humana nequitia, quò progrediretur ampliùs, quàm ut ipsum aggressa Deum, Dei filium suffigeret cruci. Ergo, quod David dixit, Consummetur nequitia peccatorum *a*. Ergo quod dixit Christus, Implete mensuram Patrum vestrorum *b*. Nequitia magna, innocentem; major, benefactorem; maxima, Deum occidere. Judas improbissimus servus suum Dominum, discipulus Magistrum hostibus objecit, Judæi suum Messiam, orbis suum conditorem neci dedit. Hæc nequitia meta. Consummatum est.

Quidquid providentia & justitia Dei ab omni ævo ad humanæ gentis libertatem spectans decreverunt, id omne jam ad amissum, ad ultimum, ad unguem consummatum est. Clarissimè prædictum ab ipsamet Veritate: Jota unum, aut unus apex non præteribit à lege, donec omnia fiant *c*. Ecce ascendimus Hierosolymam, & consummabuntur omnia, quæ scripta sunt per Prophetas *d*.

*a* Psal. 7. vers. 10.

*b* Matth. cap. 23. v. 32.

*c* Matth. cap. 5. v. 19.

*d* Luc. cap. 18. v. 31.

de filio hominis *a*. Demum, Opus, inquit, consummavi, quod dedisti mihi ut faciam *b*. Absolutissima Christi consummatio. Hanc consummationem Jobus in fimo velut lineis figurans, Donec deficiam, inquit, non recedam ab innocentia mea: Justificationem meam quam coepi tenere, non deferam *c*. Sed multò molliùs in fimo federat Jobus, quàm in cruce pependerit Christus; neque suus Golgothæ fœtor defuit. Nos Jobi amicos insigniter repræsentamus. Suum illi cognatum initio non noverant: cùmque elevassent procul oculos suos, non cognoverunt eum *d*. Ah, quoties Christum crucifixum vel digito monstratum dissimulamus nosse? Consummatio humana perquàm rara, & plerumque vitiosa. Homini in noxam aliquam, præsertim in libidinem prurienti, Christum in cruce pendentem monstra, & interroga, num virum illum noverit? Ille aversis aliorum oculis reipsa negabit nosse, & furente cursu ad destinatam properabit nequitiam. Si Christum crucifixum nosset, Christum sibimetipsi non rursus crucifigeret, & ostentui haberet *a*. O perfidos amicos, qui amicissimum sibi nec nosse quidem volunt! Deinde illi Job cognati disputare magis venerant, quàm solari.

*a* Joan. cap. 17. v. 4.

*b* Job. cap. 17. v. 5.

*c* Idem cap. 2. v. 12.

*d* Ad Hebr. cap. 6. v. 8.

solari. Unde non mitesceret morbus & dolor, sed aggravesceret. Hinc illa Jobi querimonia: Consolutores onerosi omnes vos estis. Numquid habebunt finem verba ventosa *a*? Tales nos amici sumus, homines miserationis exiguae, & circa mores emendationis perquam raræ? Nihilominus hic noster amicus in ligno fixus, ab innocentia suâ non recedit, & ceptum in nos amorem non desinit, jamque in ipsa cruce canit: Consummatum est. Consummata est, inquit beatus Leo, proditio discipuli, negatio Petri, damnatio Pilati, aversio populi, crucifixio Filii Dei. Consummata est nox limbi, Scriptura impletur, Synagoga moritur, Ecclesia nascitur, voluntas Patris perficitur *b*. Cum Bernardo jam jure dixerim: Quàm dulciter, Domine JESU, cum hominibus conversatus es! quàm abundanter humanæ redemptionis opus consummasti! quàm perfectè voluntatem Patris explevisti! quàm fortiter tam indigna, tam aspera & dura pro hominibus passus es! dura verba, duriora verbera, durissima supplicia *c*. Acetum, Ambrosio teste, bibitur, vinum cum felle non bibitur; non quia fel, sed quia admixtæ vino amaritudines recusantur. Sinceritati namque non debuit amaritudo misceri,

*a* Job. cap. 16. v. 2.

*b* Leo de pass. Dom.

*c* Bern. in Cant.

ti, ut ostenderetur sine amaritudine immortalitas resurgentium futura. Berè ergo ad consummanda omnia acetum bibitur, corruptio sinceritatis hauritur, ut omnia quæ vitiata fuerant, cruci affigerentur *a*.

Siracidæ verbis meritò monemur: Gratiam fidejussoris (*tui*) ne obliviscaris; dedit enim pro te animam suam *b*. Ita dedit ut perfectissimè omnia de se vaticinia implerit, dum ad crucem ipsam suo corpore vestiendam Patri obsequentissimus fuit. Consummatum est. Hic quivis animo ardenti apud seipsum statuat: Malo mori, quàm Deum sciens volens offendere? servitium Christo debitum consummabo.

Valerius factum narrat memoratu dignum. C. Mævius, Centurio Augusti Imperatoris, cùm Antoniano bello æpenumerò excellentes pugnas edidisset, improvisis hostium insidiis circumventus, & ad Antonium Alexandriam perductus, interrogatúsque, Quidnam de eo statui deberet, Jugulari me, inquit, jube, quia non salutis beneficio, nec mortis supplicio adduci possum, ut aut Cæsaris miles desinam, aut tuus esse incipiam. Quò constantius vitam contempsit, eò facilius impetravit *a*. Nobilis

*a* Ambros. tom. 3. in cap. 23. *Lud. mihi* pag. 277. & seqq.

*b* Eccles. cap. 29. v. 20.

*c* Val. l. 3. c. 8. *fine*, ante *Externa*.

296 D'E CHRISTO RESURE.

bilis animus & generosum constantiæ propositum. Hoc nimirum est Duci servare fidem. Ita quilibet Christiani sanguinis cum animo statutum habeat: Ego decies, ego centies, ego millies malo mori, quàm à Christo meo averfus in istud, aut illud, aut aliud crimen prolabi. Nec vitæ beneficio; nec mortis supplicio adduci potero, ut aut Christi miles esse desinam, aut incipiam esse diaboli. Nec caro, nec mundus, nec totus cacodæmonum exercitus, à Christo meo me aveillent: juratam fidem explebo, inchoatum opus consummabo.

S. IV.

*Omnia deniq<sup>3</sup> consummantur: Consummatio Christi liberalissima.*

Rex David omnium rerum exitus considerans, Omnis, inquit, consummationis vidi finem *a*. Quidquid temporis est, vanum, breve, caducum est. Hic laborem quies, gaudium plerumque luctus terminat: omnia suo clauduntur fine. Vidi finem omnis consummationis. Pro Christo quidquid patimur, modicum, momentaneum est, & sine coronatur beatissimo: quod patimur pro mundo, initium in vita, incrementum in morte, consummationem habebit in judicio: sicut latronum alter cruciatus avernales. inchoa.

*a Psal. 118. v. 96.*



inchoavit in cruce : at iste crucis dolores, quos pauculis horis finiit, paradisi gaudiis mutavit. Non dabit in æternum fluctuationem justo *a*. Nullum est ædificium tam firmum, quin tandem ruat; nec ullum est gaudium tam copiosum, quin demum desinat; sed nec ullus dolor aut luctus est tantus, quin tandem finiat. Deficiunt denique omnia, nec est sub sole quidquam, quod perennet: suis quæque finibus arctantur. Latum mandatum tuum nimis. Præmium iustis promissum, supplicium improbis decretum, immortalia sunt & æterna. Uti autem certò scimus ab eventu fuisse vera, quæ Prophetæ tot annorum centuriis, antequam evenerint, prædixerunt; ita certò sciamus omnia quæ Prophetæ, quæ Christus & Apostoli vaticinati sunt, eventura. Suus omnem consummationem sepeliet finis. Mille nobis causæ sunt ad futurâ consummationem. Ævo Noëmi diluvio merfi nullum sæculis prioribus diluvium, quo terrerentur, sciverunt: nec Sodomæ Gomorrhæq; ci-ves simile incendium, quo extinguerentur, timuerunt. Nobis hæc omnia in oculis sunt, tot rerum præcedentium consummationes scimus, meminimus, audivimus, vidimus, & tamen ab amore rerum caducarum abduci non possumus, ut consummationis futuræ memores  
sanio-

998 DE CHRISTO RESURG.  
 faniora sapiamus. Dilucidissime Christus commonens, Sicut enim, ait, erant in diebus ante diluvium comedentes & bibentes, nubentes & nuptui tradentes, usque ad eum diem, quo intrauit Noë in arcam, & non cognoverunt donec venit diluvium, & tulit omnes; ita erit & adventus Filii hominis *a*. Si architectus moneat: Videte, ædes istæ malè materiatur vitium faciunt, & ruinam minantur, subito collapsuræ. Sibi jam imputent, si qui obterantur ruinâ. Christus orbis architectus, ex alto crucis pegmate monet: Cavete, domus ruer, omnium vestrum imminet consummatio. Christus ipse perseveravit in cruce, ne sua tantum opus privaretur consummatione. Perfidissimi Judæi perseverantiam Christi argumento in speciem non levi tentantes, Si Rex Israël est, ajunt, descendat nunc de cruce, & credemus ei *b*. Alios salvos fecit, se salvum faciat, si hic est Christus Dei electus *c*. His Augustinus cum priscis Patribus appositissime respondens, Propter hoc ipsum, inquit, non descendit de cruce, quoniam filius Dei est. Propter hoc enim venit, ut crucifigeretur pro nobis. Plus fecit in cruce manendo, quàm fecisset de cruce descendendo. Multo enim majus fuit, lapide ad monumentum appposito mortuum resurgere, quàm de cruce vivum descendere.

*a* Matth. cap. 27. v. 42.

*b* Luc. cap. 23. v. 35.

descendere *a*. In crucem ascendit Filius Dei, ut crucis tormentum non inciperet tantum, sed consummaret. *Æs* alienum omne Christus usque ad novissimum quadrantem exsolvit. Fit nonnumquam ut ad vesperum quis perpoter, denique non habeat unde symbolum solvat. Caupo in hominem manus injicit, qui maluisset in marsupium, & domo exire probibet, dum vel ære luat symposium, vel pelle. In paradiso nos cum majoribus nostris intemperanter convivari sumus: convivii erat symbola mors æterna; qui hanc justitiæ divinæ solveret, nemo unus fuit. Christus igitur nostrum omnium vicem tanti nominis reus, & è creditore debitor, quæ non rapuit, tunc exsolvebat, idque perfectissimè: Consummatum est.

Hac liberalitate rex noster Adriani Imperatoris munificentiam infinitè superavit. Compererat Adrianus, plurimos civium ingentem vim nummorum ærario suo debere. Eos igitur omnes convocari, & unà pyram maximam strui præcepit atque accendi. Nemo non pavidus solutionem explicandam capite censebat. At Cæsar præscriptiones omnium & syngraphas *b*. in medios ignes conjiciens, Bono animo cives estote, in-

SSS quit,

*a* Aug. tom. 10. serm. 130. de tempore, & 49. in appendice, mihi pag. 679. in MS. libris adscribitur Chrysostomo.

*b* Alteschuldbrief.

1000 DE CHRISTO RESVRG.  
quit, & hilares domum redite; om-  
nium vestrum nomina jam expedita, jam  
expuncta sunt; Vulcano mementote  
gratias. Rex cæli pyram statuit quadran-  
gulam, ligna suis ipse humeris congeffit,  
& ignem immensi amoris excitavit, hic  
nostras omnes syngraphas liberalitate  
summa combussit. Nemo nostrum fuit,  
qui non decies centena millia talentum  
auri, hoc est, æternam mortem, deberet  
huic creditori. Ah, quantum hoc æris  
alieni nullis sæculis enumerandi! nemo  
hominum erat solvendo. Christus igitur  
delens, quod adversus nos erat, chiro-  
graphum decreti, quod erat contrarium  
nobis, & ipsum tulit de medio, affigens  
illud cruci *a*. Quapropter æquo, sed &  
grato sinu animo, explicita est solu-  
tio, enumeratum pretium, Consumma-  
tum est. Aspiciamus in auctorem fidei,  
& consummatorem JESVM *b*. Hic subin-  
de præceptiones quinque apponimus.

*a* *Ad Coloss. cap. 2. v. 14.* *b* *Ad Hebr.*  
*cap. 12. v. 2.*

# S. V.

## Præceptiones geminae.

I. Principium omne à Deo ducendum,  
omnis finis reducendus in Deum. Ego  
sum A & Ω, principium & finis, dicit  
Dominus Deus, qui est, & qui venturus  
est, omnipotens *c*. Omnium ferè gen-  
tium sensus est:

*Ab*

*a* *Apost. cap. 1. v. 3.*

PARS III. CAP. VII. 1001

*Ab Jove principium Musæ; Jovis omnia plena a.*

Deus & centrum nostrum, & peripheria b est. Nos sæpissimè lineas curvas ducimus, & incassum aut etiam cum damno laboramus, quia nec à Deo incipimus, nec cum Deo finimus. A centro ad quamcumque peripheriæ partem linea recta ducitur. Res Euclidi certa, & per se nota. Ita incipere cum Deo & in Deo finire omnia animi recti haud fallax argumentum est. Sanctissimi quique hoc legis instar religiosissimè observârunt, nihil umquam operæ vel laboris sibi sumpserunt, nullam auspicati actionem, quin divinam poscerent opem. Quod Tertullianus de primævo Christianorum more asserens: Ad omnem aditum & exitum, ad vestitum & calceatum, ad lavacra, ad mensas, ad lumina, ad cubilia, ad sedilia, quacumque nos conversatio exercet, frontem crucis signaculo terimus c. Quid hoc aliud, quàm omnis actionis principium à Christo crucifixo petere? Ab hoc ordiri, cum hoc finire omnia, imbecillitas nostra nos jubet. Nec ignoramus nobis dictum: Sine me nihil potestis facere d. Abs-

§ § § 2. que

a *Maro eclog. 3. Ante ipsam Theocritus in Encomio Prolemaei Lagæ Idyll. 17.*

b *Circumcurrens linea, circumferentia.*

c *Tertull. l. de coronâ militis, cap. 3. sint: mihi pag. 342.*

d *Joan. cap. 15. v. 5.*

1002 DE CHRISTO RESURRE.

que ipso vana est omnis actio. Ita qui capit in nobis opus bonum, perficiet usque in diem Christi Jesu *a*. Adspiciamus ergo assidue in auctorem fidei & consummatorem JESUM.

II. Scripturæ sunt implendæ. Dixerat suis Christus è Zachariæ vaticinio: Per cutiam pastorem, dispergentur oves gregis. *b*. Dixerat super mensam in ipsâ cæna: Filius hominis vadit, sicut scriptum est de illo *c*. Dixerat in oliveto: Quomodo implebuntur scripturæ, quia sic oportet fieri *d*. Omnia de se vaticinia Christus ante oculos posita semper habuit, nec quidquam intermisit, dum expletis omnibus liceret dicere: Consummatum est. Nos pariter nosipsums idemtidem excitemus his ipsis vocibus: Scriptum est de te, scriptum est. Nam Deus de quovis hominum (ita loquimur) ab omni æternitate arcanum scripsit libellum, in quo vel ad extremam apicem perscriptum est, quidquid hætenus vel fecimus, vel passi sumus. Duæ sunt partes hujus libelli, promeritorum una, delictorum altera. Siquid jam obveniat perferendum, ipse sibi quisque, dicat: Scriptum est: quid tibi vis? scriptum est. Quid reluctaris? frustra est: scriptum est,

*a* Ad Phil. cap. 1. v. 6.

*b* Matth. c. 26. v. 31. è Zach. cap. 13. v. 7

*c* Matth. cap. 26. v. 24.

*d* Ibidem. v. 54.

est, quoniam sic oportet fieri. Calicem, quem dedit tibi Pater, non bibes? Tuam voluntatem divinæ, obsecro, subjunge, quoniam sic scriptum est. Quidquid pœnarum nobis subeundum est, voluntate divinâ est *a*. Promptè igitur velimus, quod vult Deus. Omnia, inquit Augustinus, ad divinæ providentiæ regimen referantur, quæ stulti quasi casu & temerè, & nullâ divinâ admiratione fieri putant *b*. Quæ Gregorius Magnus elegantissimè confirmans, Deus cum sit semper omnipotens, inquit, sic intendit omnibus, ut adsit singulis; sic adest singulis, ut simul omnibus numquam desit. Sic itaq; exteriora circumdat, ut interiora impleat; sic interiora implet, ut exteriora circumdet; sic summa regit, ut ima non deferat; sic imis præsens est, ut à superioribus non recedat; sic latet in sua specie, ut tamen cognoscatur in operatione; sic cognoscitur in suo opere, ut tamen comprehendi non valeat à cognoscentis æstimatione; sic adest ut videri nequeat; sic videri non valet, ut tamen ejus præsentiam ipsa ejus judicia testentur *c*. Omnia, minima, maxima prævidit & præscivit Deus, hinc omnia ordinatissimè ac sapientissimè disponit & gubernat nostro bono *d*.

§ § § 3

Sed

*a* Idque effectivè, positivè, ut jam supra & alias demonstratum est. *b* Aug. in Ps. 9. post int. *c* Greg. 16. moral. c. 5. med. *d* Vide Heliotrop. meum.

Sed objicias, quod passim ubique solet objici: Si Deus velit, ut omnem pœnam patienter perferamus, cur morbo, cur hostibus, cur incendiis, &c. resistimus? Ajo primò: Quia nescimus, quousque progressura sit Dei voluntas. Fortassis voluit tantùm incendi domum, non comburi; me unum dumtaxat alterùmve diem ægrotare; hostem mœnibus imminere, ad portas pervenire, non urbe potiri. Addo: Cùm resistimus, non voluntati divinæ, sed aut nostræ, aut aliorum culpæ resistimus. Exemplo rem demonstramus. Est qui nimio potu sibi morbum accersit: cùm iste pharmacum sumit, non Dei decretis, sed suæ intemperantiæ resistit. Ita in bellis non Dei voluntati, quæ bella immittit, sed aliorum resistitur perversitati.

Hinc Epictetus sapienter prorsus ac piè, Semper, inquit, illud potiùs volo quod sit: melius enim id judico quod Deus vult, quàm quod ego. Adhæreo illi, ut minister & pedissequus, cum illo desidero, cum illo expeto: denique quod ille vult, idem & ipse volo. Quid nos, ô Christiani, sentire par est & dicere?

Tu igitur, mi homo, vade, patere, imò & morere, ut impleantur Scripturæ quas Deus ab æterno de te, de me, de nobis omnibus scripsit. Aspice in auctorem



ctorem fidei, & consummatorem Jesu-  
m. Nec antè patiendi finem opta,  
quàm dicere liceat, Consummatum est.

§. VI.

*Due præceptiones alie.*

III. Quotidiana in agendo perseve-  
rantia est necessaria. Hæc, quam dixi-  
mus, Perseverantia, tribus omnino  
modis coronat opus, agendo, patiando,  
consummando. Agendo prima trium-  
phat Perseverantia. O quanta grandi  
nonnumquam molimine incipimus, &  
non perficimus! diebus aliquot, vel  
hebdomadibus, vel etiam mensibus,  
quandoque annis cœpto insistimus, re-  
mittimus paullatim & difficultati cedi-  
mus, denique simul omnia cadunt; nec  
cœpta perveniunt ad consummationem.  
Voluntas hominis defultoriæ prorsus est  
levitatis. Reverà Sardum illum Tigel-  
lium decorè agimus:

*Nil aequale homini fuit illi: sæpè velut  
qui*

*Currebat fugiens hostem: persæpè velut  
qui*

*Junonis sacra ferret: habebat sæpè du-  
centos,*

*Sæpè decem servos* ————— a.

Nulla hîc consummatio, summa incon-  
stantia. Tales creberrimè nos sumus. In  
pace leones, in prælio cervi b. præclare

SSS 4 incho-

a Horat. l. 1. ser. sat. 3. initio.

b Tertull. l. de coronâ mil. c. 1.

inchoamus, malè definimus. Statuimus facturos, non facimus. Nimirum longè aliud est dicere, aliud facere: magnum est chaos inter operis desiderium, & opus. Quemadmodum verò dictum & factum sibi dissimilia sunt, cùm illud facile, hoc arduum sit atque difficile, sic actionis principium & finis inter se plurimum distant, cùm aut principio finis sæpissimè desit, aut certè difformis sit. Incipimus, & non finimus. Sunt qui quidem grandia spirent, hoc autem solum possint dicere, Inchoatum est. Alii plusculum addunt, quos hoc uno laudes, Laboratum est. Alii demum triplici hoc encomio digni, Inchoatum, Laboratum, Consummatum est. Ingenium Dei est, Consummare ac perficere. Dei perfecta sunt opera, canit Moses *a*. Quod vel idololatriis notum. Qui contra Mardocheum Amano consilia suggererant, viri sagaces & cauti. Si de semine <sup>88</sup> Judæorum est Mardocheus, inquit, ante quem cadere cæpisti, non poteris ei resistere, sed cades in conspectu ejus *b*. Perinde si dicerent: Si Deus illum cæpit evehere, perficiet; frustra nos oblectamur. Dei est, cæpta omnia perficere ac consummare. Adimitandum Syracides hortatur: Esto firmus in viâ Domini *c*. Finis coronat opus. Quid seges læta & copio-

*a* Deuter. cap. 32. v. 4.

*b* Esth. cap. 6. v. 13.

*c* Eccle. cap. 5. v. 12.

copiosa juvat, si ad maturitatem non perveniat, si subitâ sternatur grandine? Quid fertilissimæ profunt vineæ, si racemi degenerent ante vindemiam? Quid arborum numerosissimi flores commo-  
dant, si ad ventum aut nebulam omnes defluant? In ignem ferrum frustra mit-  
titur, si antequam ignescat, ex igne ra-  
piatur. Cursor incassum cursu certat, si  
cursu medio subsistat. Quid pistor panes  
in furnum mittit, si eos iterum extrahe-  
re nolit, aut extrahat nondum exco-  
ctos? Quid lucri pictor faciet, si tabu-  
lam nullam perficiat? prorsus & nos præ-  
clare multa incipimus, vix pauca fini-  
mus. Jure nos irrident Angeli, dicuntque:  
Hic homo cœpit ædificare, & non po-  
tuit consummare *a*. Aut ergo non inci-  
pe, aut fini & consumma. Ad triumphum  
non pertinet, qui triumphale canticum  
illud canere nescierit: Consummatum  
est. Aspiciamus igitur in auctorem fidei,  
& consummatorem JESUM.

IV. Non minùs in patièdo necessa-  
ria est Perseverantia, quàm in agendo.  
Non rarò incipimus pati cum laude, sed  
ante finem finimus, & bonum princi-  
pium corrumpimus malo fine, promeri-  
tæque jam collecta effundimus demum  
impatientiâ. Apertè pronuntiat Christus:  
Nemo mittens manum suam ad ara-  
trum (*crucis*) & respiciens retrò, aptus  
S I I 5 est

est regno Dei *a*. Patientia opus perfectum habeat *b*. Bernardus ad hanc perfecti operis consummationem nos exstimulans, Neminem audiamus, inquit, non carnem & sanguinem, non spiritum quemlibet descensum à cruce suadentem. Persistamus in cruce, moriamur in cruce: deponamur aliorum manibus, non nostrâ levitate *c*. Virtus in pace acquiritur, in pressurâ probatur, approbatur in victoriâ *d*. Sola perseverantia meretur viris gloriam, coronam virtutibus. Prorsus absque perseverantiâ nec qui pugnat victoriam, nec palam victor consequitur. Vigor virium, virtutum consummatio est, nutritrix ad meritum, mediatrix ad præmium; soror est patientiæ, constantiæ filia, amica pacis, amicitiarum nodus, unanimitalis vinculum, propugnaculum sanctitatis. Tolle perseverantiam, nec obsequium mercedem habet, nec beneficium gratiam, nec laudem fortitudo. Denique non qui cœperit, sed qui perseveraverit usque in finem, hic salvus erit. Saul cum esset parvulus in oculis suis, Rex est super Israël constitutus: non perseverans in humilitate, & regnum amisit & vitam. Si cautela Samsonis, si Salomonis devotio perseverantiam retinisset, nec ille profectò privatus fuisset

*a* Luc. cap. 9. v. 62. *b* Jacob. cap. 1. v. 4.

*c* Bern. serm. 1. Pasch. mihi pag. 15.

*d* Idem tom. 2. epist. 126. mihi pag. 167.

set sapientia, nec iste viribus *a*. Ah neuter cecinit, *Consummatum est*. Omnibus istis Siracides graviter indignatus, Væ, inquit, his, qui perdiderunt sustententiam *b*. Heu quanti sustententiam hanc perdiderunt! Iscariotes aliquamdiu cum Christo paupertatis crucem sustinuit, sed avaritiâ victus, & excusso jugo in præceps abiit. Cui tamen commissum scelus condonari potuisset, nisi poenitentiam tam scelestem elegisset. Latronum alter in bonam fuerat deductus semitam, nisi eum impatientia transversum egisset ad inferos. Potuisset, sed noluit canere: *Consummatum est*. Licinii Imperators ævo Sebasteni quadraginta milites sub frigidissimo cælo, aut nudi in lacu frigore mori, aut vicinum tepidarium subire jubebantur, qui facere diis mallent; omnes constantissimè cecinerunt, *Consummatum est*. Unicus è martyre transfuga factus in proxima sese balnea recepit. Potuisset miser brevi patientiâ immortalem vitam obtinere, si mortem non fugisset, sed infelix dum luctam consummare renuit, & vitam quærit, vitam perdidit.

Quanti verò alii annis pluribus sustententiam constantissimè retinuerunt! Tarsensis Paulus carmen illud, *Consummatum est*, ingenti spiritu cantans, Bonum certamen, inquit, certavi cursum consumsum

*a Bernard. epist. 129. med. mihi pag. 174.*

*b Eccli. cap. 2. v. 16.*

IOIO DE CHRISTO RESURG.  
summavi, fidem servavi; in reliquo re-  
posita est mihi corona justitiæ a. Paulus  
Thebæus eremicularum primus, plūs  
Decium quam eremum horruit. Quin-  
decim annorum adolescens in solitudi-  
nem profugit, ubi spelunca tectum, una  
eademque arbor palma. & vestem & vi-  
ctum dedit. Hic vigiliis, precibus, jeju-  
niis Deo constantissimè servit, & vitam  
ad annum centesimum tertium exten-  
dit. Perseveravit in cruce Paulus ultra  
centenos annos, demum hilaris cantavit,  
Consummatum est. Antonius Ægyptius  
domi suæ nobilis, annos octodecim na-  
tus, loca deserta petiit, & in iis ad an-  
num centesimum quintum in summa  
vitæ inopia, inter horrendas dæmonum  
tentationes & plagas permansit. Qui &  
ipse lætus demum cecinit, Consumma-  
tum est. Timotheus & Maura conjuges,  
superatis jam pluribus tormentis, in cru-  
cem affixi sunt, in eâque ipsis novem  
diebus pependerunt vivi. Eo tempore  
toto mutuis sese hortatibus ad fidei con-  
stantiam animârunt. Demum & ipsi læ-  
tissimum hoc epiphonema cecinerunt,  
Consummatum est. Optimè dixit Hiero-  
nymus: Non quærentur in Christianis  
initia, sed finis. Sola usque in finem per-  
severantia coronatur. Ut servemus fidem,  
aspiciamus in auctorem fidei, & consum-  
matorem JESUM.

## §. VII.

*Præceptio quinta.*

V. Perseverantia denique necessaria est in consummando, quæ fidem teneat, usque dum animam agat. Hanc ocellus Domini Joannes exigens, *Esto fidelis*, inquit, usque ad mortem, & dabo tibi coronam vitæ *a*. Inter humanas miserrimas sunt quædam, quas catenatas dixerimus & perpetuas. Quo in genere numerandum discors conjugium, cum duo conjuges valdè dissidentes inter alternantia probra sibi met illud objectant: Nec possum tecum vivere nec sine te *b*. Hic lis è lite feritur; bellum intestinum, atrox, diuturnum nutritur; longa miserrimarum catena trahitur. Grande malum, & quandoque remedio nulli opportunum. Huic adnumeramus ad æternos carceres damnari, triremibus perpetuis affigi, paupertate onerosâ, immedicabili premi, morbis aut contumeliis insaniabilibus jactari. Quicquid horum sit, exhaustiendus est usque ad fundum amarus calix, dum tandem liceat dicere, Consummatum est. Calicem dedit nobis Pater, non bibemus illum? Quidquid calamitatis uspiam aut crucis est, à Deo est. Quamcunque autem Deus imponat crucem, ferenda est. Neque verò tantum hoc

*a Apoc. cap. 2. v. 10.**b Martialis l. 12. Epigram. ep. 47.*

1012 DE CHRISTO RESURG.

hoc onus portandum, sed pendendum & moriendum in eo, Ultimus hic actus, posse dicere, Consummatum est. E cruce in paradysum iter tutum est. Sub vitæ finem quisque nostrum audier: Consummata est vita tua, completus est labor tuus, voluptas pariter & dolor finiunt.

Quâ perseverantiâ consummârunt tot teneræ virgines, puerique medio luxu nati, inter delicias educati, quos forma, opes, amicorum turba, spes honorum maxima ad vitæ licentiam trahabant? Et tamen inter malorum irritamenta, inter tot blandimenta fortunæ steterunt impavidi, nec cervices mundo flexerunt, steterunt opum, honorum, voluptatum contemptores. Non defuerunt amicorum & parentum indignationes, minæ, contemptus, spoliationes, vincula, verbera, mors ipsa: steterunt interriti, inter crudeles carnificum manus, inter forcipes & candentes laminas, inter immitia flagra, belluarum dentes & ungulas, fornaces igneas, steterunt ridentibus ac modulantibus similes. Illis dulce fuit & pati pro Christo, & mori.

Quid nos torpidi, quid simile conamur? quin animos erigimus, & amorem nostrum in Christum crucifixum non verbis, sed factis, & insigni constantiâ testamur?

Quantum erit illorum gaudium, qui tam brevi cursu feliciter consummato, coronâ



coronâ se cingi sentient immortali & æternâ? quantum illorum, qui pro fugacissimarum rerum neglectu præmia sibi viderint parata nullis sæculis desitura; pro contemptu opum, omnis æternitatis divitias; pro dubiis & fugitivis honoribus, cæleste regnum non morituris honoribus perpetuum?

Felices ac beatæ nimis animæ, quæ in fine vitæ poterunt cum divino Paulo cantare: Bonum certamen certavi, cursum consummavi, fidem servavi. In reliquo reposita est mihi coropa justitiæ; aut cum Christo suo: **CONSUMMATUM EST.** Transiit labor, effugerunt molestiæ, dilapsa periculorum nulla memoria, nihil mœroris superest, siccata lacrimæ, præteritorum sudorum & damnorum nullus sensus, deterfa lamenta omnia, in manu sunt regna numquam eripienda.

Infelices nimirum animæ, quæ pro securis fallacia, pro solidis vacillantia, pro plenis inania, pro profuturis nocitura, pro victuris moritura, pro æternis momentanea elegerunt, quæ ut suas sibi voluptates, commoda, delicias, honores tuerentur, neglexerunt facili, ut putabant, dispendio æterna: quarum omne studium, sollicitudo, cura, cogitationes, labor & sudor omnis in peritura ibat. His veniet inexpectata mors finem caducis bonis omnibus allatura. Clamabunt

1014 DE CHRISTO RESURG.  
bunt & hi miseri, Consummatum est, sed  
sensu animoque planè alio; nec prio-  
rum more, sed dolore pleni ob tam ce-  
lerem & improvisam rerum hic amata-  
rum consummationem; pleni mœrore  
ob honorum, delectiarum, opum, quas  
vix gustaverunt, tam lacrimabilem fu-  
gam. Jámque frustra ingeminari preces,  
frustra lamenta; frustra prætendi nobi-  
litem, eruditionem, ætatem, famam,  
vires, formam; frustra divitias, digni-  
tates, regna, purpuram, sceptrum; frustra  
favores Principum, cognatorum tur-  
bam, amicorum potentiam, jam frustra  
esse omnia. — C O N S U M M A T U M  
E S T. Nunc igitur, quisquis es, in au-  
ctorem fidei, & Consummatorem J E-  
S U M aspice. Ut vivas, vince. Desideras  
transitum è cruce in paradysum? In cruce  
consummata.

## C A P U T VII.

*Septima Christi morientis cygneæ  
modulatio: Pater in manus  
tuas commendo spiri-  
tum meum.*

**H**EBRÆVS dux Gedeon trecen-  
tos milites suos, quos divino jussu  
selegerat, eo impetu innisit in hostem,  
ut Madianitarum omnes copias fugarint  
fuderintque. Turmæ hujus armatura,  
gladius, vacua lagena lampas inclusa,  
clamor

PARS III. CAP. VII. 1015

clāmor unanimis & tubā. Ita Gedeon,  
quod liber Judicium testatur, divisit tre-  
centos viros in tres partes, & dedit tu-  
bas in manibus eorum, lagenāsque va-  
cuas, ac lampades in medio lagenarum.  
Et dixit ad eos: Quod me videritis fa-  
cere, hoc facite, ingrediar partem castro-  
rum, & quod fecero, sectamini *a*.

Dominus JESVS Dux noster, Ge-  
deon verissimus, humanæ gentes vindex  
desideratissimus, sua morte Hiericho mu-  
ros subruit, avernales exercitus omnes  
debellavit, non ferro, sed ligno. Jam-  
que acturus animam, clamans voce ma-  
gna, Pater, ait, in manus tuas com-  
mendo spiritum meum *b*. Hæc Domini  
fuit suprema in cruce oratio. Nam, quod  
Lucas addit, Et hæc dicens expiravit *c*.  
Hoc nostri oloris funebre, sed suave  
carmen, quā cœpimus methodo expla-  
nabimus.

*a* Judic. 7. v. 16. & 17.

*b* Luc. cap. 23. v. 46.

*c* Ibidem v. 47.

S. I.

*Voces singule breviter expense.*

Ille ipse, quem dixi, Gedeon noster  
cælo descendit, non pacem sed gladium  
missurus, adolescenti prodigo ex parte  
non absimilis. 1. Dissipavit omnem sub-  
stantiam suam, si quidem amore nostri  
amicos, vestes, famam, lacrymas sudo-

Tut. rem,

1016 DE CHRISTO RESURG.  
 rem, sanguinem, vires, vitam, animam;  
 bona omnia amisit. 2. Cum Judæis, Pu-  
 blicanis, Pharisæis, hominibus impro-  
 bilissimis humaniter vixit: non enim ve-  
 nerat vocare justos, sed peccatores.  
 3. Cùm annum ageret duodecimum, tri-  
 duo lugebatur ut perditus, demum in  
 templo repertus. Iterum sub mortis  
 tempus triduo amissus, in inferis, Pa-  
 trum limbo inveniendus. Si descendero  
 in infernum, ades *a*. Nos ipsos suaviter  
 subinde ita perdamus, ut perdi non pos-  
 simus: addamus nos templo, hoc est,  
 cælo aut orco. Cælum numinis templum.  
 Dominus in templo sancto suo *b*. Æ-  
 què conducit, tartaro quandoque se ab-  
 dere. Consilium est Psaltæ: Descendant  
 in infernum viventes *c*, ne scilicet des-  
 cendamus morientes. 4. Ingemiscens  
 prodigus, Quanti, ait, mercenarii in do-  
 mo patris mei abundant panibus, ego  
 autem hîc fame pereor *d*? In cruce Chri-  
 stus dixerit: Quot Angeli in domo Patris  
 mei abundant omni voluptate, ego autem  
 hîc fame sitisque morior! 5. Ibo igitur  
 ad Patrem, & dicam ei: Pater, in ma-  
 nus tuas commendo spiritum meum.

Hæc ultima morientis verba, verè  
 acutus in pectore Matris fuerunt gla-  
 dius, qui & piorum animos transcin-  
 dat,

*a* Psal. 138. v. 8.

*b* Psal. 10. v. 4.

*c* Psal. 54. v. 16.

*d* Luc. cap. 13; v. 17.

PARS III. CAP. VII. 1017

dat. Cùm rebellem filium Absalonem fugeret David pater, hæc ipsa verba pronuntiavit: In manus tuas commendo spiritum meum *a*. Non incredibile, quod aliqui censent, à dicto illo, *Consummatum est*, Christum Psalmo trigesimo inchoato pervenisse ad illa utque verba: In manus tuas commendo spiritum meum. Nos voces singulas strictim expendamus.

I. PATER. Primum hoc & propè ultimum in cruce verbum fuit. Pater, dimitte: Pater commendo. Affectus hic ingens, summa fiducia. Ita in adversis omnibus, & in ipso mortis accessu succlamandum ad Deum: Tibi me, Pater, tibi spiritum meum, meaque omnia commendo. Tuam, Pater, gloriam quaesivi, non meam, ex tuâ voluntate, non meâ, feci omnia. Nec acerbissima mors ab hac obedientiâ me avellet; in hac morior. Tempus est, ut revertar ad te, qui in hunc orbem misisti me.

II. IN MANUS TVAS. Illas cæli terræque ac rerum omnium architectonicas artifices manus. Si quod in orbe tutum est asylum, hæ manus sunt tutissimum. Gemma Deo manus est, *Sapientia & Potentia*, seu, Intellectus rerum omnium scientissimus, & voluntas omnipotens. His manibus cælum terramque claudit: his brachiis quidquid supra cælum, quidquid infra tartarum est, strin-

T t t 2

git:

## 1018 DE CHRISTO RESVRG.

git : his manibus architectatur universa, nec ullis indiget instrumentis. Velle in Deo est posse, voluntas Dei est potentia rerum omnium effectrix. Nam, ut Psalter canit, omnia quaecumque voluit, fecit, in caelo & in terra *a*. In paternas manus istas Filius spiritum commendavit.

III. COMMENDO. Non ut alii, qui ne dampnentur ad inferos, rogant, sed ut obsequentissimus sese filius amantissimo patri suo commendat. Domo abiturus peregrinè, amicorum fidelissimo uxorem & liberos, & si quid vel oculis vel animâ habet charius, commendat, ita Filius Parenti animam velut depositum tradit, quod sibi forebat brevi restitutum fidelissimè, Ulpiano & Jurisconsultis Depositarius & Commodatarius non possident *b*. Hic cœlestis Pater Depositarius commissum sibi depositum non diu detinuit. Cum Psalte regio Petrus id affirmans, Neque, ait, derelictus est in inferno, neque caro ejus vidit corruptionem *a*.

IV. SPIRITUM MEVM. Non opes & thesauros commendo, qui, ubi corpus reclinem, non habeo. Non famam & gloriam, quæ videtur jam omnis extincta; hic pendeo ut latro. Non corpus jam jam moriturum tumulo inferendum, sed

meum

*a* Psal. 111. v. 3. *b* Instituit de latrone dict. 9. Possidere autem.

*c* Psal. 15. v. 10. Act. cap. 2. v. 31.

PARS III. CAP. VII. 1079

meum spiritum commendo. Christus discipulis pacem, hostibus veniam, latroni paradisum, Matri discipulum, discipulo Matrem, crucifigentibus vestes, sepulchro corpus, Patri spiritum delegavit, ut immortalitatem animi nostræ intelligentiæ altè infingeret. Neque verò Patri spiritum ita commendavit, tanquam si esset quod metueret, uti nos, sed celerem rogavit in vitam reditum, & expectatam animi cum corpore conjunctionem. Nos idem longè aliter precamur, & diversâ ratione fidei creatori commendamus animas nostras *a*, nescimus enim utrûm amore an odio digni simus *b*. Christus solutione jam omni explicatâ, Consummatum est, inquit. Hoc unum superest, mori. Idcirco, Pater, in manus tuas commendo spiritum meum.

Hic morientis clamor, gladius acutissimus pectori præcipuè materno fuit. Beata vidua Brigitta referens arcanos inter filium & Matrem affatus, Christus hoc modo loquentem facit. Ita tu Mater mea à juventute didicisti sequi voluntatem meam, & relinquere omnem voluntatem tuam pro me. Ideò benè dixisti, Fiat voluntas tua. Tu enim es quasi aurum pretiosum, quod extenditur & percutitur super duram incudem, quia tu omnibus tribulationibus percutiebaris, & in passione meâ præ cæteris patiebaris. Quia quan-

T r r 3

do

*a* 1. Pet. cap. 4. v. 19.

*b* Eccles. cap. 9. v. 1.

do cor meum in cruce præ vehementia doloris rumpebatur, cor tuum ex hoc quasi ferro acutissimo, vulnerabatur, & libenter scindi permisisses, si fuisset voluntas mea. Verumtamen etiamsi optas- ses vitam meam, & potuisses restituisse passioni meæ, tu tamen noluisti, nisi juxta voluntatem meam. Ideò benè dicis, Fiat voluntas tua *a*. His illa ejusdem sensus, styli & affectus adjungenda. Audiens quoque postmodum illam flebilem filii sui vocem, in mortis agone dicentem, Deus meus, Deus meus, ut quid me dereliquisti? videns deinde, quòd omnia ejus membra obriguerunt, & inclinato jam capite spiritum exhalabat: tunc doloris acerbitas ita cor Virginis suffocavit, quòd nullus sui corporis articulus moveri videbatur. Unde non parvum miraculum in hoc Deus tunc fecisse dignoscitur, cùm Virgo Mater tot & tantis doloribus intrinsecus sauciata, suum spiritum non emisit, quando tam dilectum filium nudum & cruentatum, vivum & mortuum, atque lanceâ transfixum, omnibus eum deridentibus, inter latrones pendere perspexit: illis præter omnibus, quibus notus extiterat, ab eo fugientibus, & multis eorum à rectitudine fidei enormiter exorbitantibus. Igitur quemadmodum suus filius super omnes in hoc mundo viventes amarissimam

mqr.



PARS III. CAP. VII. 1021

mortem sustinuit, ita ipsius Mater in suâ benedicta anima amarissimos dolores sufferendo portavit *a*.

*a* In sermone Angelico B. Brigittæ, cap. 18, mibi pag. 163.

§. II.

*Cur Christus in clamore valido expiravit, sex causæ.*

Ita validus Christi morientis clamor, & Matris, & omnium piorum mentem summè affecit. Beato Lucâ teste, Clamans voce magna J E S U S, ait Pater, in manus tuas commendo spiritum meum. Et hæc dicens expiravit *a*. Clamoris hujus causæ aliquod expendendæ,

I. Ad tenebrarum finem Christus velutiorator è cruce, omnibus spectatoribus & auditoribus suis comprobare voluit, se etiamnum vivere jam jam moriturum; tenebras cælo terræque inductas esse testes, Dei Filium in cruce mori.

II. Suam & vivendi & moriendi potestatem testatus est orbi Servator. Qui jam antè Hierosolymis ad circumfusam plebem perorans, Ego, inquit, pono animam meam, ut iterum sumam eam. Nemo tollit eam à me, sed ego pono eam à meipso. Potestatem habeo ponendi eam, & potestatem habeo iterum sumendi eam *b*.

T t t 4 III. Suam

*a* Luc. c. 23. v. 46. *b* Joan. c. 10. v. 18.

III. Suam adversus hostes victoriam in orbem totum proclamavit. En noster Gedeon stans coram iudicibus magnam partem siluit, cum morte congressurus clamavit, perinde si dixisset, Hic capitalis est hostis meus, hic mihi debellandus. Hostes potentissimi, mors & inferus. Fortis sicut mors dilectio, dura sicut infernus æmulatio. Uterque horum hostium jam victus est: Christus vicit, & victoriam morte consignavit, promulgavitque illam sub ipsum è vitâ decessum.

IV. Cùm clamans expirat, quid aliud quàm hoc ipsum animis nostris intonat: Videte, quo peccata me vestra deduxerint: ad falsos iudices, ad columnam crucentam, ad supplicii locum, ad funestam crucem, ad mutuatam tumultum, ad ipsos inferos. Summum in orbe malum, malorum omnium seminarium, miseriarum omnium pelagus profundissimum, suppliciorum & pœnarum omnium insatiabile barathrum, peccatum vel unicum.

V. Deus patitur, Christus occiditur, Veritas opprimitur, Vita extinguitor, Lux moritur. Obstupescendæ hujus tragiæ choragus jure clamat, ut undique omnes confluant ad inauditum hoc spectaculum, quale non fuit in orbe umquam, nec erit. Videte & attendite. Desiderium Angelorum, deliciæ gentis humanæ, salus omnium nostrum in patibulo expirat.

VI. Fa.

VI. Fatalis hic clamor satis edocet, quantus, quàmque vehemens, tam exterior quàm interior fuerit Christi Patientis & Morientis dolor. De exteriore illud Hebræi vatis accipiendum: Si est dolor sicut dolor meus *a*. Sed illo non minor erat interior, ob altissimos animi mœores eâ etiam ex causâ conceptos, quod lytro tam liberali spreto, tot hominum millia nihilominus sponte in æternos ignes essent ruituri.

*a Thren. cap. I. v. 12.*

§. III.

*Ejusdem in moriente Christo clamoris  
altæ sex causæ.*

VII. Clamavit Christus, ut doceret nos in periculis & adversis omnibus, & ipsâ morte clamare ad Deum. Nemini innocentia tunc ab insidiis diaboli tuta. Refert Historia Scholastica ex Bedæ sententiâ, satanam in lævo brachio crucis Christi subsedisse *a*, ac vigilantissimè observâsse, num in eo homine juris aliquid obtinere posset, nec recessisse nebulonem dum Christus expirâre *b*. Beatus Lucas certè triplici aggressu Chri-

T t t 5. stum

*a In viâ subsidere, Ciceroni, auffs cæ-  
nen lauren.*

*b Hist. Scholast. l. de hist. Evang. cap.  
172. Salmer, tom. 10, tract. 46. mihi  
pag. 372.*

stum memorans tentatum, Et consummata, inquit, omni tentatione diabolus recessit ab illo usque ad tempus *a*. Nulla quidem in Christo antiqui seminis sui vestigia reperit, non tamen ab eo ita recessit, ut ei reliquo vitæ tempore molestus interpellatus non esset, sed ad tempus dumtaxat, opportunitate datâ, vel etiam captatâ occasione rediturus ad tentandum. Rediit profectò, affirmante Christo: Venit princeps mundi huius, & in me non habet quidquam *b*. Hæc est hora vestra, & potestas tenebrarum *c*. Tunc enim diabolus non dolis tantùm certans, sed apertè impugnans vim omnem exeruit, ut Dominum JESVM à Deo abstraheret, aut illum certè perderet & extingueret, quem nullâ rerum objectâ specie poterat, corrumpere. Dum in hoc orbe sumus, numquam à satanæ temptationibus tuti sumus. Nam etsi aliquando interquiescat vaferrimus tentator, redit tamen, & plerumque graviore insultru valentior. Non enim pugnam intermittit, ut malitiæ finem faciat, sed ut animum quiete solvat, & securum reddat, sicquè male paratum repentè obruat, sibi que subiciat. Si ausus est hic Cerberus Christo ipsi sæpiùs, & in extremis etiam insidias struere, cui nostrum parceret?

Certè

*a* Luc. cap. 4. v. 13.

*b* Joan. cap. 14. v. 30.

*c* Luc. cap. 22. v. 53.

Certè nunquam vehementius in nos insurgit, quàm cum pugnae finem imminere cernit. Nimirum hominis calcaneo acerrimè insidiatur. Hinc magnus ille Antonius, teste Pelagio, dicere solebat: Hoc est magnum opus hominis, ut cul-pam suam super seipsum unusquisque ponat coram Domino, & expectet tentationem usque ad ultimum vitæ suæ tempus. Panopliâ igitur opus in hunc hostem; resistendam illi precatione ardenti, & extrema hominis singularibus præsiidiis tam in antecessum, quàm eo ipso tempore munienda, clamandum toto pectore: Pater, in manus tuas commendo spiritum meum. Sed ne obliviscamur brevitatis nostræ.

VII. Hoc clamore Christus homines surdos, nec socordiae veterno pressos; aut scelerum lethargo mersos excitare instituit. Monentis Apostoli voces sunt: Surge qui dormis & exurge à mortuis, & illuminabit te Christus *b*. Ante annos triginta circiter in superiore Germaniâ terræ tremor vehemens & grandis, sed quia nocturnus fuit & brevis, à plurimis non est observatus. Moriente Christo cælum & terra insolitum commoventur; obnubilat æther, terra tremit, architectus orbis animam agit, & vel expirans clamat, Evigilemus & surgamus. Hora est jam nos de somno surgere *c*.

IX. Mor-

*a Pelagius interpres Græcus libell. 15. n. 2.*

*b Ad Ephes. c. 5. v. 14 c Ad Rom. c. 13. v. 11.*

IX. Mortem inclamavit, alias non ausam accedere, quandoquidem in Dei Filium nil juris habuisset. Mortem igitur vocat, perinde si dicat, O mors, en adsum mori paratissimus; tu mandata perage in meo æquè ac in omnium aliorum mortalium corpore. Transfige, Ignotis spoliis non diu gaudetis. Ita pridie Christus in oliveto locutus, Quem, ait, quæritis? JESUM Nazarenum, ajunt. Quibus promptissimè dixit, Ego sum. Mox iterum quærens, Dixi vobis, inquit, quia ego sum. Si ergo me quæritis, finite hos abire *a*. Ita mortem inclamans, In me, inquit, vim tuam omnem exprome. Ego sum, qui pro humanâ gente moriar.

X. Clamavit Christus moriens, ut mortuos ad vitam revocaret. Ita Lazarum evocans è sepulchro, voce magnâ clamavit: Lazare, veni foràs *b*. Ajunt, leunculum recens editum jacere aliquanto tempore mortuum, sed ubi leo pater rugire inceperit, velut evigilans catulus vitales motus ostendit. Clamavit in cruce Christus, & velut leo irrugit. Ad hos leonis de tribu Judâ rugitus, monumenta aperta sunt, & multa corpora Sanctorum, qui dormierant, surrexerunt *c*. Perinde ac si editam è cruce vocem audissent. Venite foràs.

XI. Su.

*a* *Joan* cap. 18. v. 5. & 8.

*b* *Joan* cap. 11. v. 43.

*c* *Matth.* cap. 27. v. 52.

XI. Supremus hic Christi clamor miraculum ingens fuit. Morientes sanè non clamant, præsertim crucifixi, præsertim viribus jam defectis, sanguine jam penè omni effuso. Vox horum fracta, mortua, ferè nulla: Christus jam animam agens, altùm nihilominus clamat. Naturæ viribus id fieri non poterat. Hinc illa, quam beatus Marcus commemorat, Romani ducis liberrima confessio: videns autem Centurio, qui ex adverso stabat, quia sic clamans expirasset, ait, Verè hic homo Filius Dei erat *a*.

XII. Denique clamavit, cùm expiraret in cruce Christus, quia plurimorum, videlicet omnium nostrum animas Patri commendavit, cùm commendaret suam. Qui adhæret Domino, inquit Paulus, unus spiritus efficitur *b*. Nos fide piisque affectibus Christo adhæremus, unus ergo spiritus cum illo sumus. Quocircà, si Patri suum, & nostrum quoque spiritum commendavit. Deinde corpus unum nonnisi unam habet animam. Unum corpus multi sumus, omnes qui de uno pane participamus *c*. Sicut enim corpus unum est, & membra habet multa, omnia autem membra corporis cùm sint multa, unum tamen corpus sunt, ita & Christus. Etenim in uno spiritu omnes nos in unum baptizati sumus. Nunc autem

*a* Marc. cap. 25. v. 29.

*b* I. ad Cor. cap. 6. v. 17.

*c* I. ad Cor. cap. 10. v. 17.

1028 DE CHRISTO RESURG.

autem multa quidem membra, unum autem corpus *a*. Si corpus unum, unus ergo & spiritus. Itaque Christus omnium suorum animas Patri commendavit valido clamore. Hic clamor orbe toto, infero superoque, terrâ cæloque auditus est.

*a* 1. ad Cor. cap. 12. v. 12. 13. & 20.

S. IV.

*Christi morientis obedientia longissima, & per omne genus obsequii exercitissima.*

Pompejus Magnus sibi ipsi visus est tantus, ut dicere non dubitaret, si vel uno pedis applausu terram ferirer, orbem in arma ruiturum. Dux noster Gedeon Magnus clamavit in monte. Mox clamantis vocem non vivi tantum, sed & mortui audierunt, & è tumulis prodierunt. Multa corpora Sanctorum qui dormierant, surrexerunt. Et exeuntes de monumentis post resurrectionem ejus, venerunt in sanctam civitatem, & apparuerunt multis *a*.

Obstupescenda fuit Christi morientis obedientia. Hanc Paulus omnium animis affixurus, Humiliavit semetipsum, inquit, factus obediens usque ad mortem, mortem autem crucis *b*. Undequaque de-

*a* Matth. cap. 27. v. 52. & 53.

*b* Ad Philip. cap. 2. v. 8.



demum perfectissima fuit hæc obedientia, cum Christus jam jam moriturus diceret: Pater, in manus tuas commendo spiritum meum.

I. Longissima prorsus & assiduissima fuit hæc obedientia. Exordium ea sumpsit à momento primo Christi Virginis visceribus concepti, & ad ultimum usque expirantis halitum perduravit. Nam & in utero Matris perfectum usum rationis Christus habuit, & imperio Patris de morte obeundâ se objecit, imò quorundam sententiâ, ut suprâ demonstratum est, voto se obstrinxit ad mortem crucis tolerandam. Quemadmodum angelus apostata ob superbiam & inobedientiam primo à sui creatione momento præcipitatus est; ita Dei Filius unâ & vitam & obedientiam exorsus est Qui de seipso fatetur, In capite libri scriptum est de me ut facerem voluntatem tuam: Deus meus volui, & legem tuam in medio cordis mei. Tunc dixi, Ecce venio *a*. Voluntas Patris erat, ut filius offerendo corpore suo ad mortem, repararet nobis vitam, In quâ voluntate, inquit Paulus, sanctificati sumus per oblationem corporis JESU Christi semel *b*. De justo asseritur: Lex Dei in corde ipsius *c*. Justorum princeps, Legem tuam, inquit, in medio cordis mei posui.

De-

*a* Psal. 39. v. 10. v. 11.

*b* Ad Hebr. cap. 10. v. 10.

*c* Psal. 36. v. 31.

1030 DE CHRISTO RESUR.

Decretum tuum, mi Pater, libenter  
mè acceptavi, nec enim aliud quidquam  
magis desideravi, quàm legi tuæ obse-  
qui. Meus cibus est, ut faciam volun-  
tatem ejus qui misit me, ut perficiam o-  
pus ejus a.

II. Varia & nimisquàm multiplex fuit  
hæc Christi obedientia. Servorum qui-  
que certo destinatur officio. Ille ama-  
nientem agit, iste ministrum mensæ, a-  
lius œcononum, hic musicum, illi à cubi-  
culis, isti à secretis aut auriculis sunt, i-  
sti à pedibus, hi equos curant. Christus  
diversissima obivit munia. 1. Infantem  
egit in præsepi. 2. Discipulum in syna-  
gogâ. 3. Lignarium fabrum in domo,  
idque ad annum usque trigessimum. 4. E-  
remicolam in locis desertis. 5. Medicum  
in viis & plateis, cui morbus omnis e-  
rat sanabilis. 6. Ecclesiasten & conciona-  
torem in templo, in campis, in monti-  
bus, in ipsis aquis. 7. Peregrinum, qui  
è loco in locum commeabat. 8. Piscato-  
rem hominum; quod & alios exerce-  
re docuit. 9. Exorcistam dæmonum.  
10. Convivam Phariseorum & plurium  
aliorum. 11. Annonæ præfectum, qui  
multa millia hominum non multis pani-  
bus saturavit. 12. Convivatorem, qui to-  
tum orbem etiânnum suo reficit convi-  
vio. 13. Egit & captivum in horto. 14. E-  
git & stultum in aulâ regiâ. 15. Olito-  
rem

tem & hortulanum egisse quis miretur ; cum denique malefactorem & latronem egerit in cruce ? Hic pectus igneum , & centum nihil linguas optem , ut qualicumque modo possim eloqui , quæ Pater jufferit , quàm ea Filius obsequenter perfecit , quot personas egerit , nec enim ullius personæ vilitate ab integritate obsequii potuit absterri. Apertissimè professus est ipse : Descendi de cælo , non ut faciam voluntatem meam , sed ejus voluntatem , qui misit me *a*. Ab , quàm nos longè aliter ! agere personas volumus , sed nemo viles ; iste quidem domini , hic fortunati , ille opulenti , iste honorati ambit personam ; qui servi , mendici cupiat , nemo est. Christus & captivus & stultus , & seditiosus & latro , imò & Barabbâ latrone deterior haberi non recusat. Eò progressa est ipsius obedientia. O quantum chaos inter nostram & illius obedientiam !

*a* Joan. cap. 6. v. 38.

§. V.

*Obedientia morientis Christi patientissima  
& perseverantissima.*

III. Obedientia Christi suprâ quàm accipiamus , humilis & patiens. Hanc orsus in utero Virginis , infans perfectæ rationis , cetera nobis omnibus non dissimilis , novem mensibus maternum carcerem habitavit. Hymnus Ambrosii

V u u      testa-

1032 DE CHRISTO RESVRG.  
testatur: Tu ad liberandum suscepturus  
hominē, non horruisti Virginis uterum.  
Ex utero in stabulum & præsepe. Inde  
in Ægyptum idololatriæ omnis planta-  
rium. Ex Ægypto rediit Nazarethum.  
Hic in maternis ædibus velut homo anal-  
phabetus, vilis, indoctus, opifex me-  
chanicus ad trigessimum ætatis annum  
latuit, in quo sunt omnes thesauri sa-  
pientiæ & scientiæ absconditi, quia in  
ipso inhabitat omnis plenitudo divini-  
tatis corporaliter *a*. Exacto anno trige-  
simo, cum jam ageret concionatorem  
publicum, quantum injuriarum & pro-  
bri, quantum famis, fatigationis & si-  
tis tulit, dum denique in supplicii locum  
pertractus, in lignum infame attollere-  
tur velut latronum coryphæus, clavis fi-  
xus, vespertilionis instar extensus *b*. Hinc  
illæ gementis voces: Ego autem sum  
vermis & non homo; opprobrium ho-  
minum & abjectio plebis *c*. Nimirum  
filius hominis non habet, ubi caput suum  
reclinat *d*. Quam submissa, quam pa-  
tiens obedientia!

IV: Obedientia Christi perseverantis-  
sima. Factus obediens usque ad mortem,  
mortem autem crucis. Ad culmen obse-  
quii tam ardui pervenit, cum dixit, Pa-  
ter,

*a* Ad Colof. cap. 2. v. 3. & 9.

*b* Ad januas affigi solent.

*c* Psal. 21. v. 7.

*d* Luc. cap. 9. v. 58.

ter, in manus tuas commendo spiritum meum. Mi Pater, surdos habeo homines, ad te igitur me verto, fidelem depositarium, tibi animam meam committo. Ego quidem omnium voce destinor ad interitum, humani iudicii temeritas huc illuc raprat meam animam, sed illa absconditam bonitatis tuæ custodiam immigrabit: tibi illam commendo. Acerbissima quidem est hæc animæ à suo corpore avulsio, nihilominus ad nutum tuum, & honori tuo in hunc calicem amarissimum exhauriam, ut præceptis tuis ex toto satisfaciam. Quia sic mandasti Pater, ut in causâ hominum profunderem animam, in tuas illam manus commendo. Cùm igitur exhaustâ clypeidra supremum vitæ punctum fuisset, quo Pater ab omni ævo filium mori voluit, inclinato capite tradidit spiritum. Nec enim manibus & pedibus affixus aliter adversus Patrem reverentiam adhibere potuit. Itaque caput inclinavit veneratus Patrem, & mortem obiit complexus humanam gentem amore perseverantissimo. Mementote, ait Bernardus, quòd Christus, ne perderet obedientiam, perdidit vitam, in ipsos usque inferos obsequentissimus.

Narrant, à Rogerio, viro religiosissimo, sub vitæ finem Arsenium his talibus rogatum: Quid patiar, mi Pater, cernis; oro te igitur, jube me mori, ut moriar obediendo, & merear etiam moriendo.

Anni jam sexaginta sunt, quibus ego Altissimum precor, ut mori mihi liceat ad Præsidis mei arbitrium. Arsenius postulat tam religiosus motus, Ergo, mi Rogeri, ait, ad majus obedientiæ promeritum mori te jubeo, & animam tuam conditori tuo reddere. Juvet te patientissimus JESVS pro nobis in cruce mortuus. Dictum, factum. Abbas loqui desinit, & desinit Rogerius vivere. Eâdem se nocte sistens Aresenio defunctus, Christus Dominus, agebat, pluris fecit mortem ex obedientiâ obitam, quam ullam actionem aliam in omni vitâ susceptam. Nimirum melior est obedientia quam victimâ, & auscultare magis quam offerre adipem arietum *a*. Quot igitur Christi actiones, quot gemitus, quot cogitationes, quot verba, tot erant obedientiæ sacrificia. Hic disce homo pulvis, vermicule superbissime, hic obedire discere, servus hero, ancilla dominæ, monachus Abbatî, civis Principi, suo quivis præsidi. Quoniam quasi peccatum ariolandi est, repugnare, & quasi scelus idololatriæ, nolle acquiescere *b*. Noster Gedeon in vallo crucis, obedientiæ lampadem extollit & clamat: Quod me facere videtis, hoc facite; qui amat me, imitetur me. Quod facio sectamini *c*. Non est magis seria firmiorque fidei ac obedi-

*a* 1. Reg. cap. 15. v. 22.

*b* Ibid. v. 13.

*c* Judic. cap. 7. v. 17.

tæ approbatio, quàm si quis undique incommodis conflictatus, malis undique oneratus, curas & dolores in Dei sinum exoneret, acquiescat spe promissionum erectus. Hic Christi morientis saluberrima quatuor documenta subnectimus. Disce orare, disce vivere, disce mori, disce beari.

S. VI.

*Dua ad rem præceptiones.*

I. Disce orare. Serio precaturus intendat vires & clamet. Hoc precationis genus rex David creberrimè usurpans, Voce meâ, inquit, ad Dominum clamavi, & exaudivit me. *a.* Deus meus clamabo per diem, & non exaudies: & nocte, & non ad insipientiam mihi *b.* Ad te Domine clamabo, Deus meus ne fileas à me *c.* Domine Deus meus clamavi ad te, & sanasti me *d.* Domine exaudi orationem meam, & clamor meus ad te veniat *e.* Omnis præne præcatio Davidis clamor fuit. Cordis clamor est precantis ardor & magnum desiderium. Quotiescumque vel cubitu surgimus, vel redimus cubitum, clamemus illud cum Christo: In manus tuas, Domine, commendo spiritum.

V u u 3

ritum

*a* Psal. 3. v. 5.

*b* Psal. 21. v. 3.

*c* Psal. 27. v. 1.

*d* Psal. 29. v. 3.

*e* Psal. 101. v. 16.

ritum meum, & unà voluntatem meam, cogitationes, verba & omnes actiones meas: Domine JESU miserere mei, & dirige me. Sunt qui numquam quieti se tradant, quin prius conscientiam excutiant, illudque singularissimè à Christo petant: Domine JESU, per extremas illas in cruce voces, quibus Patri spiritum commendasti, te rogo, suscipe spiritum meum in fine vitæ meæ. Omne nostrum agere incipiat à Deo, & in Deo finiat; ex hoc mari effluat, in hoc refluat.

Pari modo in omnibus periculis, tentationibus & rebus adversis succlamandum: Tibi, Domine, commendo spiritum meum, ne seducar à cacadæmone. Cùm defecerit virtus mea, ne derelinquas me. Ita Christus crucifixus jugi memoriæ traditus assiduè ob oculos obversetur. Nam & ipse Dominus memoriâ nimis memori nos complexus, Ecce, ait, in manibus meis descripsi te, muri tui coram oculis meis semper b. Tui non possum oblivisci. Quin nos amantissimo Servatori paria respondeamus: Ecce, Domine JESU, in corde meo, in lingua mea, in universis actionibus meis descripsi te Licet omnia perdam, modò Christum crucifixum servem. Etiam si serpens in multas partes dissecetur, modò caput servet, reliquum corpus faciliè restaurat. Cor nostrum,

a *Psal.* 70. v. 9.

b *Isa.* 49. v. 16.



strum, eheu, quandoque curis, sollicitudinibus, ærumnis miserè discerpitur. Parùm id refert: Tu modò serva caput, serva Christum & complectere, etiamsi pecuniam, etiamsi famam, etiamsi vitam perdas, serva Christum, & hunc crucifixum; recuperabis omnia. Estote prudentes sicut serpentes.

II. Disce vivere. Dixerat Christus: Venit hora, & nunc est, quando mortui audient vocem filii Dei, & qui audierint, vivent. Tunc reverà fuerat illa hora, qua Christi validissimus clamor tumulos penetravit, & ad vitam revocavit mortuos; hac hora pridem sepulti è tumulis prodierunt. Etiamnum clamat Christus, & magna voce foetida sepulchra subit, humana pectora, multum in iis jacet cadaverum, ubi abstrusum latet domesticum cujusque vitium. O quoties tale aliquod cadaver annis decem, annis viginti, annis triginta & pluribus, in ejusmodi apogæo, pectore humano hæret defossus. Audite ô mortui, vocem expirantis Christi, audite & reviviscite. Quid, ô Domine, quid me vis facere? Commendo tibi spiritum meum. Hactenus in te spiritus vanitatis & mundi, spiritus carnis ac diaboli vivebat, & mori te jubebat. Ego meum tibi spiritum commendo: ille te jubebit reviviscere.

Hic insigniter Bernardus de spiritus

V u u 4

tam

tam diversi notitia, Sunt ergo hi duo satellites, inquit, maligni illius principis tenebrarum: ut dominetur spiritus nequitiæ spiritui carnis, & spiritui hujus mundi, Quisquis ergo ex his tribus spiritibus spiritui nostro loquatur, ne credamus ei, quoniam sanguinem sitiunt, non quidem corporum, sed, quod gravius est, animarum. At quoniam spiritualis omnium natura est, à sermonibus eorum cognoscemus eos: & quis spiritus sit qui loquatur, ipsa suggestio declarabit. Semper enim spiritus carnis mollior, spiritus mundi vana, spiritus malitiæ semper amara loquitur. Quotiens ergo importunè (ut assolet) carnalis cogitatio mentem pulsat: verbi gratia, cum de potu, de cibo, de somno, ceterisque similibus ad carnis curam pertinentibus cogitantes, humano quodam inardescimus desiderio, certum sit nobis spiritum carnis esse qui loquitur, & tamquam adversarium repellamus eum, dicentes: Vade retrò satana, quoniam non sapias ea quæ Dei sunt, sed magis sapientia tua inimica est Deo. Cum autem non de illecebris carnis, sed de ambitione sæculi, de jactantia & arrogantia, ceterisque similibus cogitatio vana versatur in cordibus nostris, spiritus mundi est qui loquitur, longè perniciosior hostis, & majori sollicitudine repellendus. Interdum verò satellitibus istis terga vertentibus, princeps ipse habens iram

magnam tamquam leo rugiens insurgit  
adversus nos, cum videlicet non ad vo-  
luptatem carnis aut sæculi vanitatem,  
sed ad iram, ad impatientiam, ad invi-  
diam, ad amaritudinem animi provoca-  
mur, importunè ingerendo, si quid minùs  
amicabiliter minùsve discretè factum vi-  
detur, aut dictum. Si qua denique aut  
in signo aut in opere quolibet data vide-  
tur indignationis occasio, materia suspi-  
cionis. Huic ergo cogitationi non aliter  
quàm ipsi diabolo resistendum est; nec  
aliter ab eâ, quàm ab ipsa perditione ca-  
vendum. Scriptum est enim: In patien-  
tia vestra possidebitis animas vestras *a*.

Fuge igitur, fuge, fuge hos spiritus  
nequitiae. Spiritus intelligentiae huma-  
nus, benignus, stabilis, certus, securus o-  
mnem habens virtutem, omnia prospe-  
ciens *b*. Hunc tibi spiritum commendo.

O Judæi, quàm malignus vos agit spi-  
ritus! Terra movet, tartarum tremit,  
cautes diffiliunt, templi velum scindi-  
tur, monumenta panduntur, extingun-  
tur sidera, tunduntur pectora, adhuc  
veritati resistitis? sed æquiore jure dixe-  
rim: O Christiani, clamant Prophetæ,  
clamant Apostoli, clamat è cruce Chri-  
stus, & adhuc vitiorum somno indul-  
getis? ô surdi & impio lethargo merfi!  
clamatum hætenus satis est, tot co-  
hortationibus, tot monitis, tot concioni-

V u u 5 bus

*a Luc. cap. 21. v. 19.*

*b Sap. cap. 7. v. 23.*

1040 DE CHRISTO RESVRG.  
bus laboratum est excutiendo veterno;  
& adhuc jacetis pravâ vivendi consuetu-  
dine sepulti? saltem hic supremus mori-  
entis Christi clamor lethargum rumpat.  
Discite, dum vita est, vivere: suum quis-  
que inquilinum vitium à se profliget, o-  
mnem in se vitiosam assuetudinem ex-  
pugnet, seipsum animosè vincat, &  
triumphet. Hic intimo sclerum horrore  
opus est, quisque malit ardentem po-  
tius rogum insilire, quàm sciens ac  
volens delinquere: satius est vitam  
centies & sexcenties amittere, quam  
letali se culpa vel unica obstringere. O  
Christiani, non tantum saxa, sed &  
saxis duriora Judæorum corda discin-  
dit pœnitentia: percutientes pectora sua  
revertebantur. Et vester vos sopor et-  
iamnum ligat, adhuc dormitis? adhuc  
otium & desidiam amatis? genium ad-  
huc & profundam gulam tam sollicitè  
curatis? In omnem adhuc libidinem ef-  
fusi ruitis? nummos ad huc ante virtu-  
tem colitis? adhuc invicem mordetis, &  
comeditis, & invidetis? Immortales ad-  
huc iras geritis? cædes adhuc & vindi-  
cæ supplicia spiratis? Etiamnum animi  
sublati estis, & tantos vobis spiritus tan-  
tâque sumitis arrogantiam? suum vo-  
bis spiritum commendat & clamans, &  
expirans Christus. Surgite & exurgite à  
mortuis, & illuminabit vos Christus.  
Quem hic ultimus Christi clamor non  
excitat, non veter nosus tantum, nec tan-  
tum

tum mortuus, sed jam sepultus est, & propè in inferno.

## §. VII.

*Præceptiones ad institutum due alie.*

III. Disce mori. Notissimum illud Annæi: Vivere totâ vitâ discendum est; & quod magis fortasse miraberis, tota vita discendum est mori. Tot maximî viri relictis omnibus impedimentis, cum divitiis, officiis, voluptatibus renuntiassent, hoc unum in extremam usque ætatem egerunt, ut scirent: plures tamen ex his nondum se scire confessi, è vita abierunt *a*. Ab hac una profectò scientia totius vitæ felicitas dependet. De summa rerum agitur, quando mors vocat. In hoc puncto salutis nostræ cardo vertitur. De beatitudinis & cæli jactura periclitamur, cum ad æternitatem evocamur. Nullum in omni vita graviorem, nullum magis serium laborem habemus, quàm hoc unum, *Mors*. Ad hunc igitur novissimum, sed & difficillimum, sed & periculosissimum laborem nos omni vita paremus: nullis hic impendiis, nulli operæ parcendum. Ad ultimum hunc actum nostræ fabulæ nos prius horis omnibus exerceamus. Quotidie & vel quavis horâ dicendum: In manus tuas, Domine, commendo spiritum,

*a Seneca l. de brevitate vite. c. 7. initio.*

ritum meum. Ecclesia vocem præit. Nam ea, quod Amalarius Trevirensis exponit *a*, ter potissimum utitur his vocibus. 1. In sacra synaxi porrigenda, tamquam in mortis hora sacerdos has voces effatur: In manus tuas, Domine, commendo spiritum meum. Qui enim, inquit Paulus, manducat & bibit indignè, iudicium sibi manducat & bibit, non dijudicans corpus Domini *b*. Alimentum aut venenum est. 2. Ad precum horariorum clausulam *c*. eadem voces aliquoties repetuntur. Dormientes majoribus pluribusque periculis quàm vigilantes subiecti sumus. 3. Ad vitæ finem. Tunc certè cacodæmon hominis calcaneo infidiatur, & nihil non agit, ut si quâ possit, moribundum irretiat. Nunc igitur quisquis es, dum sospes & vivus es, spiritum tuum conditori tuo commenda. Confessus magni æris debitor in omnem se partem torquet, & paulatim circumspicit asylum, quò se recipiat, interim vetusta nomina sarcit novis, & versuram facit *d*. Si denique abdicant omnia *e*. ad destinatum properat asylum. Dominus Iesus crucifixus refugium nostrum & virtutis, asylum tutissimum

*a* Amalar. l. 4. de offic. divin. cap. 8.

*b* 1. ad Cor. cap. 11. v. 29. *c* Zur Compeltzeit.

*d* Bricht ein loch auff, damit er das ander zu klab Zahlt schulden mit schulden.

*e* Wanns iversal fehlt, laufft er in de Freyung.

munum est. Huc quotidie, huc quavis hora, idque in actionibus nostris omnibus, vigilantia oculo collineemus. Hic esto terminus noster, hæc nostra mera, ad quam eant omnia. Commendemus animas nostras, ut monet Petrus, in benefactis fidei creatori *a*. Non cognatis, non amicis, non filiis. frustra id agimus. Cum itaque suprema hac hora illuxerit, age quod agis, non auri negotium tracta, sed cæli, ad obeundam mortem promptus, paratus esto. Hic velle tergiversari, valdè noxium. Te tuaque omnia plenissimè Deo commenda. Assiduè cum Stephano clama: Domine IESU, suscipe spiritum meum *b*. Ita Basilus Magnus, ita Rex Galliarum Ludovicus *c*, ita innumeri alii Christum Servatorem imitati precabantur. Spiritus eo tempore curandus, cetera omnia Deo permittenda. Orto incendio ad id quod domus pretiosissimum habet, curritur. Arcam numariam, aut si quid gemmarum vel thesauri loco servavimus, igni subducere properamus. Thesaurus noster, est animus noster; commendemus illum in benefactis fidei creatori.

IV. Disce beari. Beatitudinis pars maxima est, divinis manibus arbitrio Numinis committere omnia. Hic solùm securitas, hic rei nostræ augmentum, hic

*a* 1. Pet. cap. 4 v. 19.

*b* Act. cap. 7. v. 59.

*c* Ludovicus Rex Gallie IX.

hic opulencia, hic vita est. Quæ nostris aliorumvè manibus inferuntur, mille periculis exponuntur, nimium intuta sunt. Monuit Christus, ut quod thesauri nobis est, hoc ærugini, furibus, igni, insidiis omnibus subtrahamus, & reponamus cælo, quò nec ærugo, nec fures, nec ignis, nec insidiæ ullæ possint pertingere. Codicis divini phrasis est: Posuit animam suam in manu sua, hoc est, in summum se discrimen objecit. Quæcumque in manu Dei collocantur, seu voluntas nostra, siue facultates, seu eleemosynæ nostræ, loco sunt tutissimo; nemo hanc custodiam effringet. Dilucidè hoc Christus affirmans, Oves meæ, inquit, vocem meam audiunt; & ego cognosco eas, & sequuntur me. Et ego vitam æternam do eis, & non peribunt in æternum, & non rapiet eas quisquam de manu mea *a*. Non miramur. Domine, è manibus tuis nil posse rapi; Altissimum posuisti refugium tuum, non accedet ad te malum *b*.

Is porrò in manu Dei se suaque omnia ponit, qui cuncta negotia sua, eorumque exitum, qui tam gaudia sua, quàm suos mœrores, qui omnem suam voluntatem seque totum ex integro divinæ voluntati tradit ac submittit, sibi que ipse dicit: Deus suprà me curat, tamquam me solum curet; fido illi, cui me committo

perfe-

*a* *Joan. cap. 1. v. 27.*

*b* *Psal. 90. v. 9. & 10.*



perfectissimè, quod partium mearum est, facio; cetera prorsus omnia divinæ gubernationi ac providentiæ permitto. Prævio Deo, prævio Christo nocere mihi nec hominum quisquam nec dæmonum potest, nisi ego mihi noceam ipse. Nisi meo memet gladio convulnerem, hac certè invulneratus persisto.

Rabbi Moyſes epistola ad Judæos Masſiliæ degentes, ait, divinæ legis fundamentum esse hoc, quod omnium animis altissime infigendum: omnia in mundo contingentia, miseriæ omnes & pœnæ, castigationes & turbelæ omnes, à voluntate nostra proficiscuntur nobisque propter nostras immittuntur noxas *a*. Ita profecto est: Unum atque unicum in orbe malum est peccatum, malorum omnium seminarium. Ab hoc tuti simus, & illæsi erimus ab omni malo. Verissima terræ beatitudo est, Peccatum fugere, & totum sese Deo committere Disce beari. Et cur Deo nostra omnia in manus demus? Sartori pannum, corium telam, bombycinam, scutulatam, Damascenam, holosericam, pictam, Attalicam credimus, cum liberali dicto, Sume hinc quantum opus, & vestem concinna: non est quod textili materiæ parcas; Et avaritia tam exitiabili voluntatem nostram nostraq; omnia non credimus Deo.

Sapienter

*a* Laudat hunc locum Petrus Grægorius Tholſanus tom. 1. Comment. in syntaxos artis mirabilis, l. 3. cap. 12, num. 1.

Sapienter & sanctè David, In manibus tuis, inquit, fortes meæ *a*. Tu illas misce; tempera, dispone: quidquid demum mihi est eventurum, è manibus tuis expecto, id omne paratissima voluntate accepturus. Sat bonum, & sat fortem habeo protectorem Deum meum, cui vitæ mortisque meæ summam confidentissimè credo. Vivam quamdiu volueris, mi Deus, & quando volueris, moriar. Idcirco jam nunc & quovis momento spiritum meum in tuas manus commendo.

Si cui prospecturus dicat Deus: Elige tibi fidum hominem, cui negotia tua committas. Patrem, opinor, aut matrem; aut quem amicorum sciret fidelissimum, eligeret. At habemus his longè fideliozem, quia & providentiozem & nostri amantiozem, Christum Dominum. Hoc sciamus, quia omnia dedit ei Pater in manus *b*. Si omnia, cur nos facultates à Patre datas his manibus subtrahamus? Odi orbem, homo diffidens, num invenias manus, quæ cælum condere, & stellis inoculare; quæ terram aëris medio firmare, & eam plantis, animalibus, metalis opulentare possint. Manus Domini fecerunt hæc omnia. In manibus ejus omnes fines terræ *c*. Orbem odi, homo incredibile, &

manus

*a* Psal. 30. v. 18. *Hebræa*: In manibus tuis tempora mea. *b* Joan. cap. 13. v. 3.

*c* Psal. 94. v. 4.

PARS III. CAP. VII. 1047

manus medicas quære, quæ cæcos, surdos, mutos, quæ hydropicos, paralyticos, fanaticos, energumenos, lunaticos, quocumque morbo ægros contactu solo sanare possint. Hoc Christi manus possunt. Hinc omnis turba quærebat eum tangere, quia virtus de illo exibat, & sanabat omnes. <sup>a</sup> Universos orbis sinus peragra, homo pusillanimus & emortuæ fidei, quære manus, quæ pro te victæ, terebratæ, confossæ, vulneratæ, clavis transfixæ sint, nec alias uspiam reperies nisi Christi manus. Quin igitur his ipsis manibus quavis horâ, quovis momento te tuâque omnia, ingenti animo summâque fiduciâ commendas & clamas: In manus tuas commendo spiritum meum; redemisti me Domine Deus veritatis <sup>b</sup>?

<sup>a</sup> Luc. cap. 6. v. 19.

<sup>b</sup> Psal. 30. v. 6.

C A P U T VIII.

*De beatissimo Christi reviviscents  
horto.*

**L**UËNTIS Ecclesiæ sacrum carmen  
est: Ecce quomodo moritur justus,  
& nemo percipit corde. Verissimum.  
Moritur Christus, & quis est qui hanc  
mortem percipiat corde? Iconem crucifixi Jesu salutamus osculis, Piè hoc:

XXX sed

sed ubi cor? Ceremoniis inhæremus, sed ubi dolentis animus? Crucem veneramur, sed quis pendentis in cruce societatem ambit? Morientem Christum aspicimus; sed ubi commorientes sunt? Ah! nemo percipit corde.

Ergo mortuus est iustorum omnium iustissimus, sed moritem vicit moriendo. Si ergo, inquit Bernardus, desideras Deum videre sublimem, humilem prius Jesum videre curato. Intuere prius exaltatum serpentem in deserto, si videre desideras Regem in folio residentem. Ista te humiliet visio, ut illa exaltet humiliatum; reprimat ista tumorem tuum, ut illa repleat desiderium tuum. Moïs Christi tot sæculis sperata, tot annorum centuriis expectata, tot desideriiis ac gemitibus optata, tot vatum oraculis denuntiata, tot sacrificiorum differentiis adumbrata, in vitam nos omnes restituit. Hac unâ morte vivimus, aliter æternum moriuri, nisi illa præcessisset: æterno cælorum exilio damnandi, nisi mors illa patriæ, quam perdidimus, restituisset; æternâ premendi servitute, nisi mors ista in libertatem asseruisset; vinculis perpetuis, immixti æternitatis carcere damnandi, nisi mors Christi nos exsolvisset. Non falsius, sed impius fuit vates, qui dixerat: Expedit nobis, ut unus moriatur homo propulo,

pulo, & non tota gens pereat *a*. Periisset non Israelis tantum populus, sed humana gens universa. Unâ igitur morte vivimus omnes, morituri omnes sine hac morte. Mirum, ter mirum: Mors nisi perimere docta, vitam est largita.

Vivit Dominus J E S U S, qui in cruce nostri causa est mortuus. Surrexit sicut dixit *b*. Pendentis in trabe mortem consideravimus; nunc & redivivi gloriam contemblemur. Hæc duo tam sibi adversantia juxta se statuere nostri erat consilii, principio hujus libri. Et ejus rei causam assignabimus.

*a* Joan. cap. 11. v. 50.

*b* Matth. cap. 28. v. 6.

§. I.

*Mors & vita juxta se posita magis elucescunt.*

Ita se habet multarum rerum venustas & pulchritudo, ut, nisi eam deformitas & opposita turpitudine comitetur, velle etiam præcedat, multum illa sui amittat, & incipiat vilescere. Solem etsi per se pulcherrimum, illum tamen multo gratiorem rorisflua nox facit, & nigre matris obductum pallium. Æstatem ex se amoenissimam, plurimum tamen hiems commendat, & glacialia illa marmora, & canæ nivis inancenum velamen. Valetudinem nulli non jucundam, tamen

1050 DE CHRISTO RESURG.

eam jucundiorē reddit invaleudo, Cibus suavis non est, quā qui post famem sumitur : potus hilaris non est, quā qui post sitim conceditur. Non est accepta quies, quā quæ laborem sequitur. Quid cælo favente & innubi lætius? minustamen esset, nisi ei formam hanc commendabilem faceret nigrarum nubium deformitas & horror. Rîsus etsi naturâ suâ delectet, magis tamen sapit post lacrimas. Illius diei, quâ Christus in vitam redit, lætitiā, perquā auget prægressa tristitia: ridentis denuò cæli favorem, emissæ prius lacrimæ commendant. Christum in vitam reducem mors fecit, mors illa, quæ astra jussit expallescere, cælum nigrescere, ingemitcere soxa: mors illa, quæ vitam imperavit, mori, & eos qui pridem mortui, è tumbis provocavit: mors illa, quæ totum fecit lugere orbem, eundemque totum fecit gaudere. Hiems fuit & acerba, quæ multarum virtutum flores necavit, & ipsum vitæ florem conculcavit letali frigore. At conculcatus flos iste, caput denuò erexit & ostendit se vivere, stetitque erectus in eo ipso horto, in quo depressus antè jacuit. Hortē beate, quā mihi intimos percellis sensus, cūm dere cogito!

Superi, date veniam, avelli ab hoc horto nequeo, in quo noster Servator ut flos agri, aratro crucis contusus jacuit,  
livo.

livore, pallore, vulnere plenus. At odor & color, & recens vita huic flori in hoc horto rediit. Horte divine! si licet, pedem in te penetro: da, quæso te, ingressuro mihi aditum. Sed & vos omnes alios invito, ut hunc deliciarum locum juxta mecum ingrediamini, fausto & benevolo, quod opto, pede. Neque puto, hujus ingressus poenitebit: ipse forsan hortulanus occurret, qui ducat, qui viam monstrer, qui florum arcana, herbarum abdita, arborum secreta edisserat, & voluptatem nobis pariat Christo redivo dignam. Ingrediamur propitio Numine.

§. II.

*In Horto Christus ad vitam redit.*

Cælum mihi videre videor, non hortum, cum hoc amœnitatis theatrum intueor, in quo scintillantes micantesque variè flores magis profectò nitent, quàm illi astrorum ignes serena nocte. Campos Elysios prisca poësis somniavit, & locavit illos in inferorum regione. Somnium planè fuit, imò delirium: nam quæ sit apud interos vel umbra voluptatis? Hic hortus, hic verè campus Elysus est, quem suæ post mortem quieti, quem suo post reducem vitam triumpho delegit Servator, eumque magis ornavit, quàm ullus Imperatorum suum, et si sua manu consitum.

Egregium profectò & laudabile fuit  
 priscorum studium in re hortensi, quam,  
 qui Epicuro ut auctori attribuunt, meo  
 iudicio largiter errant. Nam in hanc  
 hortorum voluptatem ab omni ævo cu-  
 pidè consenserunt clarissimi virorum.  
 Et sacras litteras lustramus? Videbi-  
 mus unà cum orbe nato natos hortos,  
 quos Deus ipse primo homini domici-  
 lium attribuit, & velut sedem beatæ  
 vitæ. Profanas paginas inspicimus?  
 Ecce Semiramidis hortus æreus & pen-  
 silis, in quo construendo trecenta mil-  
 lia hominum defudârunt. Ah! quàm  
 hic noster hortus minus operosus &  
 multò cultior est: ille laborem, iste ni-  
 torem habet majorem. Quid enim ille  
 habuit, nisi fontes, flores, arbores: ille  
 verò eum in se recepit, à quo fons om-  
 nis, flos & arbor accepit originem.  
 Celebres sunt & Hesperidum horti, in  
 quibus.

*Arbores frondes auro radiante nitentes*

*Ex auro ramos, ex auro poma ferebant,*  
 quæ Ladon draco custodiebat. Noti  
 sunt & Corcyræi regis Alcinoi, Adoni-  
 dis & Tantali vireta & horti, quos pro-  
 verbia loquuntur & fabulæ. In certis  
 verisque historiis reperiuntur Cyri re-  
 gis manu instituta plantaria. Sed habeat  
 suos sibi hortos rex Cyrus, hunc ego  
 malo, cui Christus tuum corpus quasi  
 granum insemnavit, eumque tanti the-  
 sauri custodem & tutorem esse voluit.

Jam



Jam inter Græcos Romanosque, quot illustres viros est producere, qui positis aliis curis, soli fuerunt in hac curâ. E Græcis quidem reperio in hortis omnes Phiplosophos & Sapientes, qui remoti ab infano foro & urbe, horrorum se spatiis sepibusque clauferunt. E Romanis Tarquinium regem video jam tum prisca illa Roma, in hortis molliter ambulantiem & papaverum capita reserantem. Catonem Censorium agnosco rei hortensi deditum, & de ea serio scribentem. Lucullum post Asiaticas contra Mithridatem victorias, in viridibus istis & floriferis ædibus orientem conspicio. Sullam abjecta Dictatura, suaviter hic inter flores senescentem itueor. Diocletianum Principem olera sua & lactucas ad Salonam, purpuræ & omnibus sceptris præferentem admirror. Sed en, dum illustres hortulanos recito, hortulanum video, qui humanâ quidem specie augustior, habita tamen est ab humano nil differente. Et nisi me fallunt oculi, sermones miscet cum femina, quam Magdalenam nominant. Quis iste hortulanus? alium vultus, alium vestis loquitur; ille Deum, hæc hominem fatetur. Non errem, credo, si hunc hortulanum eum esse dicam, qui ante triduum magis sanguine quam patere oblitus, vulneribus magis quam foribus deformatus, latronum medius in infami stipite exhalavit animam. Revera

## 1054 DE CHRISTO RESURG.

hic ipſus eſt , qui animorum hortos aliquot annis cœleſtis doctrinæ ſemine percoluit , tandem pro tam fideliter poſita opera in crucem actus , & in horti monumentum è cruce delatus eſt ; hodie redivivus priſtinam & ampliorem dignitatem recuperavit. Non multum abſimili fato (ſi ſummis ima fas comparare) Abdalonymus ad diadema & purpuram pervenit.

## §. III.

*Abdalonymus ex horto ad purpuram & ſceptrum prodit.*

Erat Sidoniæ rex dandus , Juſtino & Curtio teſtibus. Erant Hephæſtioni Alexandri clariffimo duci clari juvenes , qui facta ſibi poteſtate regnandi , negaverunt quemquam patrio more in id faſtigium recipi , niſi regia ſtirpe ortum. Admiratus Hephæſtio magnitudinem animi ſpernentis , quod alii per ignes ferrumque peterent , Vos quidem maſti virtute , inquit , eſtote , qui primi intellexiſtis , quantum majus eſſet regnum faſtidire quam accipere. Ceterum dare aliquem regiæ ſtirpis , qui meminerit à vobis acceptum habere ſe regnum. At illi ſtatunt neminem eſſe potio- rem quam Abdalonymum quemdam , longa quidem cognatione ſtirpi regiæ annexum , ſed ob inopiam ſuburbanum hortum colentem exigua ſti-  
pau.

paupertatis, sicut plerisque, probitas erat, intentumque operi diurno, strepitum armorum, qui totam Asiam concusserat, non exaudiebat. Subito igitur dicti juvenes cum regis vestis insignibus hortum intrant, quem forte steriles herbas eligens Abdalonymus repurgabat. Tunc rege eo salutato, alter ex his, Habitus, inquit, hic, quem cernis in meis manibus, cum isto squalore permutandus tibi est. Ablue corpus illuvie, æternisque sordibus squalidum. Cape regis animum, & in eam fortunam, qua dignus es, istam continentiam perfer. Et cum in regali folio residebis, vitæ necisque omnium Dominus cave obliviscaris hujus status, in quo accipis regnum, imò propter quem Somnio similis res Abdalonymo videtur. Interdum satissime sani essent, quod tam protervè sibi illuderent, percunctabatur. Sed ut cunctanti squalor ablutus est, & injecta purpura, & fides à jurantibus facta serio, jam rex iisdem comitantibus in regiam pervenit, quem cum diu contemplatus fuisset Alexander, Corporis, inquit, habitus famæ generis non repugnat: sed libet scire, sed inopiam qua patientia tuleris. Tum ille novus rex, Utinam, inquit, eodem animo regnum pati possim! Hæc manus suffecere desiderio meo: nihil habenti nihil defuit. Alexander delectatus hac indole, non regiam modò supellectilem ei attri-

1066 DE CHRISTO RESVRG.  
bui iussit, sed pleraque etiam ex Persi-  
câ predâ, regionem quoque urbi appo-  
sitam ditioni ejus adjecit *a*.

Videtis nostram hunc cælestem hor-  
tulanum in Abdalonymo depictum. An  
non Christus Deus, qui in vitam hodie  
redux, regiam stirpem extrema pauper-  
tate celavit, summa abjectione texit, oc-  
cultavit infanda morte? Eò nâmq̃ue  
calamitatum sponte devolutus est, ut  
per totum corpus sputis, livore, plagis,  
cruore sædatus, non tantum non re-  
giam, sed nec humanam quidem for-  
mam præ se ferret, & inter parricidas  
in furca pendulus, indignante cælo, fre-  
mente terra, astris lugentibus, gemen-  
tibus faxis vitam poneret, sed triduo  
pess recepturus. Recepit hodie, & re-  
vixit, in horto funeratus hortulanus. At  
non vitam tantum recepit, sed & acce-  
pit immortalem purpuram, & è cælo  
diadema. Somnium hoc visum est mul-  
tis, ipsis etiam undenis hujus hortulani  
assecclis. Et regressæ à monumento, in-  
quit Lucas, nuntiaverunt hæc omnia il-  
lis undecim, & ceteris omnibus. Erat au-  
tem Maria Magdalene, & Johanna, &  
maria Jacobi, & ceteræ quæ cum eis e-  
rant, quæ dicebant ad Apostolos hæc:  
Et vita sunt ante illas sicut deliramen-  
tum verba ista, & non crediderunt il-  
lis *b*. Vix induci poterant, ut crederent,  
homi-

*a Curtius l. 4. cap. 2.*

*b Luc. cap. 24. v. 9. & seqq.*

hominem illum tam ignominiosa morte sublatum, in vitam assertum tam gloriosam. Sed adest in hoc ipso horto juvenis è cælo candida bysso amictus: adest, non ut redivivo huic hortulano insignia regni deferat, sed ut delata nuntiet, & fidem faciat incredulis. Hic ergo verus Abdalonymis à morte ad vitam, à cruce ad solium, à spineo ferto ad diadema, à sordibus ad purpuram, ab ignominia ad gloriam, ab horto ad cælum vocatus. prædam non è Perside, sed ex orco abductam secum avexit: hanc suo cruore partam stitit æterno Patri, à quo vitæ necisque omnium constitutus Dominus regnum accepit orbem universum.

## §. IV.

*Paulinus ab horto in sacrum solium  
revertit.*

Occurrit hic, quod de Paulino Nolano Præsule, testes credi dignissimi referunt. Illic magnus Antistes, cum in captivorum libertatem argentum omne erogasset, nec liberaasset omnes, tandem pro redimendo viduæ filio, seipsum in Africam vendidit, & pervenit ad generum Guntharii regis, cui eâ lege se mancipavit, ut liber abiret viduæ filius. Abiit ille, remansit iste. Quem cum barbarus hortorum culturam callere intellexisset, suis illum hortis præfecit, imò suum fecit & amicum.

Vultu

IO:8 DE CHRISTO RESVRG.

Vultu siquidem Paulinus erat elegantiore, industria rariore, cultiore sermone, quibus se ita probavit suo hero hic servus, ut tandem illi Dominus reditum in patriam, & quidquid aliud à se peteret, promitteret annuendum. Cui Paulinus, Unum est, inquit, beneficium ô Domine, quod à te postulem. Me liberum esse, in patriam redire, meis restitui quid juret, si multi meorum absint, & adhuc in vinculis ingemiscant? Quas te, meæ civitatis aliquot captivos tenes: dimitte unà, & æquam libertatem indulge omnibus. Omnia annuit regis gener, & naves ad abitum frumento instrui præcepit Interea illud Vandalorum flagellum Guntharius moritur, Paulinus dimittitur, & ad suos cum suorum parte redit feliciter.

Christe, Rex redivivè & immortalis, quàm in plerisque omnibus huic hortulano fecisti paria? Servivisti, non in cælo (quæ enim ibi servitus?) sed in hac horrida solitudine. Servivisti, non coactus (quis enim cogeret?) sed sponte tua & volens lubens. Servivisti non pro amico (quid enim hoc tanti?) sed pro inimicissimo tibi homine. Et quis tuæ servitutis potissimus labor? Hortus iste, mundus iste, quem sterilem & incultum percoluisti. Sed gratia, quam hic hortus optimo suo cultori retulit, crux fuit, in quo durissimo lecto hic hortulanus occubuit. Funus illius ex infami monte

PARS III. CAP. VIII. 109

monte in hortum delatum, & illatum est saxeo sepulchro. Actuarius cæli Johannes id testatur: Erat autem in loco, inquit, ubi crucifixus est, hortus, & in horto monumentum novum, in quo nondum quisquam positus erat. Ibi ergo propter Parasceven Judæorum, quia juxta erat monumentum, posuerunt JESVM <sup>a</sup>. Lugubria hætenus omnia & tristia. At tertio die à suo funere redivivus obambulat in horto hortulanus iste, & cum magna suorum parte, reditum in patriam, hoc est, in cælum meditatur.

Horte fortunatissimè, qui concitius fuisti magni simul mœroris & gaudii! Tu hortule lacrymas excepisti, quàs fuderunt, qui tulerunt in tuum gremium orbis Servatorem. Tu mœstitiam vidisti eorum, qui mortis victorem mortuum, intra tua septa sepeliverunt: Tu lamenta illorum & planctus audivisti, qui vitam in cruce extinctam, in te, ô horte, sepultam deseruerunt. Sed hæc tibi amara & funebria. Illud verò lætissimum, quod tu idem horte, vitæ Dominum in vitam restitutum, hortulani forma in te inambulantem primus vidisti, & multis illum ut mortuum lugentibus, vivum videndum exhibuisti. Cujus unquam hor-ti dignitas, ô veræ voluptatis sedes, tua fuit superior? quæ tempe aut viridaria, quæ silvæ aut vivaria nitelam tuam æqua-

1060 DE CHRISTO RESVRG.  
æquarunt & elegantiam? Valetè mihi  
vel mille paradisi, valetè. Vestras ego  
voluptates non ambio. Hic mihi hortus  
vobis iucundior est, quia illum regem  
in illo reperio, qui, quorquor vult para-  
disorum millia, verbo potest extruere.  
Verè hortorum omnium decus es, o  
magnum terræ delictum & mundi ocellus  
Solymæe horte. Sed heu, quam vix  
ullum a mœrore purum fuit gaudium!  
Est & hic quod lætitiā turbet, & hu-  
jus horti ex parte fœdet elegantiam.

§. V.

*In Christi Resurgentis horto sibilant ser-  
pentes, mendacissimi  
milites.*

Serpentes sub herbis hic delitescunt,  
& quò metum augeant, horrendum si-  
bilant pestilentes hi colubri. An non vi-  
rosi dracones, milites illi, qui Dominicum  
sepulchrum accubant? Non in vitam re-  
vocatus, vociferantur illi, sed è condito-  
rio ablatus est Galilæus vester. Agnos-  
co noxios afflatus istorum draconum,  
quos Hebræi Pontifices argentea offa de-  
mulserunt, & hæc in Christum tam im-  
pia iusserunt evomere. Sed dicite, scele-  
rissimi milites, si ille crucifixus homo ab-  
latus est, quis abstulit? Discipuli. Itane  
discipuli? Illi scilicet, qui pænè ad an-  
cillæ voculam exanimati conciderunt?  
Illi, qui triduo antè vivum deseruerunt,  
tanto



tanto cum periculo repertiverunt mortuum? Mendacissimi blaterones quid dicitis? Et quando hi discipuli suum Magistrum ita subdixerunt? Cum dormiremus. Itane verò? ad vigilandum & servandum vos appositos censebam: ut video, ad dormitandum conducti estis, egregii vigiles. An non vestram tam apertam vanitatem & manifesto arguendam putastis? Hoc sub Alexandro Severo fecissetis, fumo (ut vobis dignum) in cruce fuissetis necati, clamante præcone: Fumo puniuntur, qui vendiderunt fumum. Et moris fuit in Thessaliâ, ut si quis mortui custodiam promississet, perpetem noctem eximè vigilaret, exertis & in conversis oculis, semper in cadaver intentis, nec aciem usquam diverteret, imò nec obliquaret quidem: & manè si corpus non integrum restituisset, quidquid inde decerptum imminutumque fuisset, id omne de facie suâ defectum sarcire compellebatur. Si hæc lex in vos valeret, an non totum corpus vestrum deberetis, qui cadaver custodiendum, totum perdidistis? Sed uti effrons vestra falsitas pateat magis, agite, ô vigilantissimi excubitores: Si discipuli illud saxo clausum cadaver sunt furati, cur nemo vestrum restitit, cur omnes hoc passi? Dormivimus. Quomodo ergo clancularios illos fures vidistis, si dormivistis? nisi fortè vos apertis oculis dormiatis ut lepores? At forsan id quod narra-

narratis, somniaſtis? Fidem ergo dictis  
 vſtris ne ſperate, ſomnia narratis, qui-  
 bus nihil eſt fallacius. Quid igitur ob-  
 ducitis venenatæ hydræ, quid responde-  
 tis Plutonis vernæ, qua ratione fures fa-  
 citis Chriſti diſcipulos? Audiuimus id ex  
 aliis. Eja verò ex aliis; quibùſnam il-  
 lis aliis? An præter vos alii quoque ade-  
 rant, qui ipſos cuſtodirent cuſtodes, ne  
 quis auferret dormientes? Perfrictæ fron-  
 tes, ad cõne pudorem omnem decoxiſtis,  
 ut hanc fabulam in vulgus ſpargere non  
 vereremini? Quis heri natus infans hoc  
 tam luculentum commentum non tane-  
 gat? ſed crocitate mendaces corvi, &  
 Chriſtum in vitam denuò aſſertum nega-  
 te: nihil evincitis, niſi hoc ſolùm, ut  
 plus majestatis & laudis habeat in lucem  
 producta veritas. Reſurrexit cruci aſſi-  
 xus, ſicut dixit. Cerne jam manus Ju-  
 dæe, quas fixeras; cerne latus Roma-  
 ne, quod foderas, intuere; Falſitas  
 corpus redivivum, quod à diſcipulis  
 ſubductum ſparteras. Hoc Petrus Chry-  
 ſologus aurei vir eloquii venuſtè pro-  
 ſecutus, Inter hæc, inquit, Judæi  
 crimina, aut malè emunt ſua, aut di-  
 ſtrahunt pejus aliena, dum peccata ta-  
 xant pretio, dum pecunia penſant &  
 compenſant delicta: dum in ſceleribus  
 ſuis fundunt, quod tot ſcelere congrega-  
 verunt. Sic Judam comparant tradito-  
 rem Domini ſui, & pretio Redemptoris  
 mundi ſanguinem penſant: ſic aperti  
 ſepul-

sepulchri fides claudunt sacculo, ut negandæ resurrectionis crimen nummis criminum mercarentur. Pecuniam, inquit, copiosam dederunt militibus, dicentes, Dicite, quia discipuli ejus venerunt nocte, & furati sunt eum, nobis dormientibus: & si hoc Præses audierit, nos suadebimus ei, & securos vos faciemus. At illi acceptâ pecuniâ fecerunt sicut erant edocti; & diffamatum est verbum istud apud Judæos usque in hodiernum diem. Apud Judæos; numquid apud Christianos? Judæe, quod tu in Judæâ obscurabas auro, fide toto clamavit & eluxit in mundo: discipuli receperunt, non furati sunt Christum, tu perfidiam comparâsti, sed non furatus es veritatem. Judæe, resurrexit Christus, tu pecuniam perdidisti. Sanguis ejus super nos, & super filios nostros. Judæe, Christus vivit: tu & te & tuos posteros occidisti a.

Sed ad te redeo, divine Hortulane, & quàm tecum finio, priùs id unum ex te quero. Cur, Christe, hos virulentos basiliscos in horto illo passus es, in quo placidè letalem somnum dormivisti? Cur circa illud sepulchrum, in quo à cruce quievisti, has bestias stabulari permisisti? Si benè conjicio, bone Jesu, per hos ipsos fabularum præcones, veritatem magis in lucem dari voluisti.

Y y Et

\* Et naturæ opera si spectemus, spinæ ros-  
 as armant, mella defendunt aculei, au-  
 rum imæspecus, gemmas ima maria;  
 & est cùm sol per nubem ferit poten-  
 tius. Tu item Sol vere, Christe trium-  
 phator, per hanc commentorum nubem  
 potentiam tuam magis asseruisti; ne-  
 que sic effulisset veritas, nisi eam falsi-  
 tatis caligo sic pressisset; neque hortus  
 iste ita frequentatus fuisset, nisi prius ab  
 istis serpentibus fuisset, ita vastatus. Ho-  
 nor istius horti è contemptu crevit, fa-  
 ma illius auxit ab infamiâ. Furtum in  
 eo commissum spargebatur, sed tandem  
 patuit Veritas, & purpureum hono-  
 ris Ver per hoc viretum semet difflav-  
 it. Ita fieri decuit in eo horto, in quo vita  
 sepulta jacuit, & à seipsa sibi restituta,  
 mortem sepelivit.

## CAPUT IX.

*De futurâ mortuorum in vitam revo-  
 catione.*

**C**H R I S T V S igitur resurrexit, sicut  
 de seipso dixit: Tradetur gentibus,  
 & illudetur, & flagellabitur, & conspue-  
 tur; & postquam flagellaverint, occi-  
 dent eum, & tertia die resurget *a*. Re-  
 surrexit, sicut dixit: Ego sum resurrectio  
 & vita, qui credit in me, etiam si mor-  
 tuus fuerit, vivet. Et omnis qui vivit  
 & cre-

PARS III. CAP IX. 1085

& credit in me, non morietur in æ-  
ternum *a*. Hæc est enim voluntas ejus,  
qui misit me, Patris, ut omne quod  
dedit mihi, non perdam ex eo, sed re-  
suscitem illud in novissimo die *b*. Re-  
surrexit sicut dixit. Nolite mirari hoc,  
quia venit hora, in quâ omnes, qui in  
monumentis sunt, audient vocem filii  
Dei; & procedent, qui bona fecerunt,  
in resurrectionem vitæ, qui verò mala  
egerunt, in resurrectionem judicii *c*.  
Ne miremur, neque dubitemus: de his  
qui dormiunt in terræ pulvere, evigila-  
bunt alii in vitam æternam, & alii in op-  
probrium ut videant semper *d*. Si credi-  
mus, quòd J E S V S mortuus est, & resurre-  
xit, ita & Deus eos, qui dormierunt  
per J E S V M, adducet cum eo *e*. Scientes  
quoniam qui suscitavit J E S V M, & nos  
cum J E S V suscitabit, & constituet  
nobiscum *f*. Si complantati facti simus  
similitudini mortis ejus, simul & re-  
surrectionis erimus. Si mortui su-  
mus cum Christo, credimus, quia si  
tul etiam vivemus cum Christo; scien-  
tes quòd Christus resurgens ex mortuis  
jam non moritur, mors illi ultrà non

Yyy 2. domi-

*a* Joan. cap. 11. v. 25. & 26.

*b* Joan. cap. 6. v. 39.

*c* Joan. cap. 5. v. 28. & 29.

*d* Daniel. cap. 12. v. 2.

*e* 1. ad Thess. cap. 4. v. 14.

*f* 1. ad Cor. cap. 6. v. 3. & seqq.

1066 DE CHRISTO RESURGO.  
dominabitur a. De Reviviscente Christo  
superiori capite diximus; jam & de no-  
strâ in vitam revocatione paucula adda-  
mus.

a *Ad Rom. cap. 6. v. 5. & seqq.*

§. I.

*Mortuorum in vitam reditus nec præsci-  
Philosophis ignotus.*

Aquila cornicum aut psittacorum in-  
sidiis intercepta, pennis se spoliari non  
verat: occasionem nacta injuriam ulci-  
scitur, & obvium inimicum rostro  
transfigit. Avis est, quam Indi Zebu-  
appellant, hæc balæne os infidet, scæ-  
que grandibus illis faucibus hauriri per-  
mittit, callido consilio: nam alvo rece-  
pta in cor rostro incurrit, quo perro-  
cate illud immanè perimit. Aquila  
quæ supernè sese in has valles ruit, ab  
Hebræis capta, ligata, laniata, vulla,  
trabi fixa, à morte transfixa, opportu-  
nè tertia post mortem obitam die, ho-  
stem ultum ivit, & in mortem telum  
illud regressit, quod suomet gessit cor-  
pore. Revixit Servator noster. Absor-  
ptus videbatur, & erat etiam à morta-  
lium voracissimâ voragine, sed dum  
saxeo illo ventre clausus jacuit, com-  
mori peredit, & mortem ipsam mor-  
coëgit. Capiti nostro vitam reddidit  
spectamus, nobis uti membris spera-  
mus reddendam. Sed spes hæc vacilla-

sap

scire, ideò nunc illam conformatum i-  
bo, & de mortuorum in vitam reditu  
paucà differam.

Rem magnam adfectas, inquit, &  
campum ingrederis, quem vix pervolet  
Tertullianus Pegasus. Omnia consen-  
tio, & cedo. Sed quis nescit rerum et-  
iam maximarum esse compendia? Repe-  
rit & orbis suam epitomen Romam. Ca-  
rolo Imperatori anulus fuit, in quo  
præter indicem, libramenta, rotulas, et-  
iam campanula; & hic digito, ut ceteri,  
insertus est anulus. Notus & ille Pyrrhi,  
in quo gemma, quæ Novensiles Deas  
cum Apolline citharam tenente, à natu-  
ræ artificio accepit. Homericam Iliadem  
nux unica conclusit. Neque ego me in-  
ter hos artifices numero. Hoc solum af-  
firmo, multa dici posse compendio. Bo-  
no animo lectorem esse jubeo, ad Roma-  
nam clepsydram non perorabo.

Leonis exuvias à tineis immunes du-  
rare, naturæ scriptores docent. Leo noster  
è stirpe Judæ, in prælio cruento cecidit,  
sed ideò ut nos cadentes erigeret. Illatæ  
sunt tumulo illius quasi exuviæ, ver-  
mium familiæ credebatur offusum pa-  
bulum. Sed Leo fuit, nec quidquam in il-  
lum juris tinearum dentibus. Integer è  
marmoreâ tumbâ prodiit, & sacro rugi-  
tu universum orbem à funere revocavit.  
Nos quidem morti paramur omnes, il-  
lam experti antequam nati: mors enim  
est non esse, & hunc ipsum, quem agi-

mus diem, cum morte dividimus. Æterna lex à principio dicta omni huic mundo, oriri, aboriri. Nec quidquam stabile aut firmum arbiter illi rerum esse voluit, præter seipsum. Abeunt omnia in nascendi pereundique fatalem gyrum, & longævum aliquid est in hac machinâ, æternum nihil. Mors ita per omnes; & vivere non vult, uti rectè Seneca, qui non vult mori Sed post mortem denuò vita erit, & vera vita. Dies erit, cum tellus parturiet, quotquot fovit intra viscera tantâ sæculorum ambage. Animabuntur ossa divino flamine, & umbræ prodibunt è tumulis. Nihil esse post mortem, vociferatur senex ille de horto a. Sed ad haram abeant hæ voces, è quâ prolatae, vel ad orcum potius in quo natae. Melius aliorum Philosophorum scholæ, quæ animos in sua domicilia redituros adstruxerunt. Donandus venia præ aliis Pythagoras, qui non interire, sed transire animum de corpore in corpus voluit vagâ quadam speregrinatione. Sed decantatum hoc satis & etiam explosum. Certè plerique olim sapientes, in ceteris cæci, hoc tamen viderunt, cum corpore non extinguantur animas. Præclarissimè hac de re Annæus philosophus dissertans, Mors, inquit, nullum habet incommodum. Quòd si tanta cupiditas longioris ævi te tener, cogita nihil eorum, quæ ab oculis abeunt,

a *Epicturus.*



eunt, & in rerum naturam, ex quâ prodierunt, ac mox processura sunt, reconduntur, consumi. Desinunt ista, non pereunt. Et mors quam pertimescimus ac recusamus, intermittit vitam, non eripit. Veniet iterum, qui nos in lucem reponat, dies. Æquo animo debet rediturus exire. Observa orbem rerum in se remeantium: videbis in hoc mundo nihil extingui, sed vicibus descendere ac resurgere. Æstas abit, sed alter annus illam adducit: hiems cecidit, referent iliam sui menses: solem nox obruit, sed ipsam statim dies abiget. Stellarum iste decursus, quidquid præterierit, repetit: a. Tangit & Lucretius hoc dogma lib. 3.

*Nec si materiam nostram collegerit ætas  
Post obitum, rursumque redegerit, ut sita  
nunc est,*

*Atque iterum nobis fuerint data lumina  
vitæ.*

Sed nihil roboris ab illis ad meam causam postulo. Alia mihi firmamina & solidiora.

a Seneca epist. 36. fine.

§. II.

*Mortuos in vitam redituros, variis argu-  
mentis docet Natura.*

Anastasin Deus prius operibus docuit, quàm literis; antè viribus ostendit, quàm verbis. Naturâ præmisit, missurus natu-

707 DE CHRISTO RESURG.

rae interpretes. Quid dici noctisque ortus & obitus clamant, quam animi in corpus reditum, cui tot sectarum hydrae obfibilant. Considera mihi, quilibet Sadducæam luem oles, quotidiana naturæ miracula. Quot diebus dies moritur, & tenebris sepelitur. Funestatur orbis honor, & atro firmate cuncta vestiuntur. Sordent, silent, stupent omnia; ubique iustitium est, ubique rerum alta quies. Sic amissa lux lugetur: & tamen rursus cum suo cultu, cum sua dote, cum sole suo eadem & integra dies orbi universo reviviscit, mortem suam, noctem internecat: tumultum suum tenebras disturbat, hæres sibi met existit, donec & nox reviviscat cum suo & illa comitatu; donec & nocturnus sol, luna, os suum cælo exerat, & accendantur denuo nocturnæ cæli faculæ, quas mundi oculi matutinâ luce obruerat. Quod menstrua senescentis lunæ dispendia tam constanter tot annis reparata, quid doceant aliud quàm exulum animorum in suas domos regressum?

De cælo terra disciplinam accipit, & discit arbores post folia vestire, floribus colorem & odorem reddere, herbis viridem vitam restituere, exhibere eadem quæ mortua sunt semina, nec prius exhibere quàm mortua. Mira ratio. Ut reddat tellus, eripit; perdit, ut custodiat; ut integret, vitiat; enecat, ut in vitam revocet. Omnia in statum redeunt, cum

abcesserint; omnia incipiunt, cum desierant; & ideo finiuntur, ut fiant. Totus hic igitur revolubilis rerum ordo, quam perdocet manifestè, omne hominum genus post longum illum & ferreum somnum huic luci, & quidem meliori, restituendum? Quod si necdum docenti te naturæ accedis, vestigia mea sequere, ad agros te manu duco. En tibi; unum dumtaxat granum seritur sine folliculi veste, sine fundamento spicæ, sine munimento aristæ, sine culmi superbiâ. Ita, inquam, seritur, & satum etiam moritur, sed morte tam fecundâ, ut post certas anni vices resurgat, cultu munitum, numero auctum, ordine structum, compagine ædificatum. Et adeo in hac morte sterile fenus non est; ut (sic me docent Indicæ historiæ) duo millia granorum fuerint numerata ex unicâ aristâ. Et adhuc ambigis ossa nostra & cineres in vitam post mortem asserendos? An & aër mihi scrutandus, & montium juga, ut futuram ἀνάστασιν illic ostendam? Non recuso. Neque invixæ rupes, neque aspera cautium malignitas auspicata comprimet vestigia: Tu modò præeuntem sequere. Intuere homo nullius fidei, orientis alitem, qui redivivus suo è funere nascitur. Quippe senio jam tardus in flammis finire parat, ut vitari, quàm vivus retinere non potest, recipiat mortuus. Oderum com-

Y y y ; por-

a Phœnicen.

portat fomitem, è quo tenuem acervum molitur, qui nidus fit & tumulus, bustum & domicilium, in quod à sole flammam devocat alarum concussu. Mox Sabæis ramis illapsus ignis plumas populatur, & avem post exitium visuram consumit. Protinus è cinerum massa vermis, inde ovum, hinc alter aut idem Phoenix prodit, sine suo expers finis, sibimet parens & soboles, spei nostræ verum specimen, & ingens argumentum animandi denuò post putredinem humani cineris. Ergo nos interibimus, nec redibimus in vitam, Arabiæ volucres immortales vivent? Multis passeribus antistamus, si non & phœnicibus, nihil magnum: colubri stringunt exuvias, & novam sibi juventutem concinant, homo id nequeat?

## §. III.

*Profanis & sacris historis noster in vitam reditus affirmatur.*

Sed num hic limus, inquis, & hoc cœnum, corpus hominis æstimandum tanti, ut solutum reparetur? Certè tanti. Neque oberit illi origo sua è terra, quia opus est summi artificis. Phidiæ manus Jovem Olympium figurat ex ebore, & adoratur. Nec jam bestiæ dens, sed Deus creditur; non quia elefantus, sed quia tantus Phidias. Et Numen corporis vilitatem nequeat ad sublimiorem dignitatem

tatem attollere? An hoc supererit, ut honestus homo Deum finxerit, quam hominem Deus? Caro liuus fuit, aliud erit. Aut, an nos Deo diligentiores, qui rubri littoris candens granum auro cingimus, ferro gemmeas vaginas cum Dario inducimus: Et Numen spiritus sui auram, cum Tertuliano loquor, orisque sui operam commiserit vilissimo capulo in terram mutando, nec redeunte animam honorando? Certè reficere poterit, qui fecit. Neque animus sine suo hospite, neque hic sine suo inquilino iudici sistetur. Simul deliquerunt, simul luent. Ambo laborarunt, & ambo præmium ferent. In ærumnis focii, an in gaudiis separentur?

Sed quid illud corpus quod omnia pœnarum ingenia expertum, in quo plura tormenta visa quam membra: quod ferarum rictibus discerptum, freti fluctibus absorptum, flammæ viribus consumptum? an ædes sic disturbatæ denuò inædificari poterunt? Ne trepida, mi homo, & Terrullianum audi. Reddent, inquit, carnem & ignes, & undæ, & ferarum alvi, & ipsius temporis immensa gula, quidquid omni ævo hausit, revomet. Prodiunt ergo manes tubam vocati, suisque artubus vestientur. Docet hoc cælum, docet aër, docent hoc terræ germina. An forsan terræ moles obstabit evocatis è terra? Deliria sunt hæc, quæ ad crudelitatem C. Cæsaris referenda. Hic moriturus  
scin-

scindi vestimenta, & in os farciri panes imperavit, quasi exituræ animæ locum negaturus. Cuius mihi es, quisque evigilantes ad illam tubam mortales terræ pondere detinendos metuis. Sed ut discas Numinis potentiam, sequere, & mecum in terræ viscera pedem penetra, sepulchra rimabimur. Sed prætereo hic Aviolum Consularem, & L. Lamiam Prætorium virum, quos in rogo revixisse, & cum subveniri non posset, prævalente flammâ vivos crematos asserit Plinius *a*. Taceo Hermotimi Clazomenii vagum relicto corpore animum. Sileo Corfidium, qui funeris sui locatorem extulisse fertur. Neque huc accessit Gabienum, qui Siculo bello, ab inferis, uti vult Plinius, remeavit. Ab eo à fabulis, & te marcentis spei hominem duco ad vera prodigia. Primum oculum mitte in Saraptanæ viduæ filium, qui, uti sentit D. Hieronymus, non alius fuit quàm Jonas vates, cui ab Eliâ vitale lumen restitutum. Non commemoro Sunamitidis puerum ab alio vate secundâ vitâ donatum. Lazari tumulum quis nescit? è quo ille redi-vivum ad Servatoris vocem sese surrexit. Transeo ceteros à Christo & sacro Christi Collegio ab umbris ad vivos translatos. Constantinus quidam

cùm

*a* Plin. l. 7. nat. hist. cap. 52. initio, ubi plura talia recenset. Valer. Max. l. 1. cap. 8. Celsus lib. 2. cap. 6.

PARS III. CAP. IX. 1075

cùm Hebræam perfidiam ejurasset, puel-  
læ à se examinatæ, crucis signo animam  
in cadaver insinuavit. D. Severinus, te-  
ste Eugippio, Silvīnum Sacerdorem vi-  
tā functum in vitam restituit, sed prius-  
quam ex urnâ prodiret Silvīnus, quæ-  
sivit Præsul, num vitam mortalem de-  
nuò luberet vivere. cui ille, Per Nu-  
men, inquit, te rogo, ne mihi patriam  
morare. Sopiri placet iterum, & illic  
vivere, ubi nulla mors est. Et cùm di-  
vum haberet non obnitentem quievit  
exanimis. Maclovius Antistes, aucto-  
ribus Vincentio & Sigeberto, cùm in  
Insulis Fortunatis giganteæ molis se-  
pulchrum cerneret, ingens Mausoleum  
fidenti voce concussit, & cadaveri, sur-  
geret, edixit. Paruit illud, & procera  
mole è tumulo sese levavit. Multa hic  
gigas Maclovio super alterius vitæ sta-  
tu enumeravit, post dies demum qui-  
nos denos ad umbras remigravit. No-  
tum ex orbis antistite Gregorio, à For-  
tunato Marcellum, ab Agnete Præfecti  
filium, patrem familias à Severo mor-  
tuis exemptum. De Trajano & Falconil-  
la nihil attingo.

§. IV.

*Geminis singularibus exemplis dicta  
firmantur.*

Ævo Heraclii miles Carthaginensis,  
iii

1076 DE CHRISTO RESURG.

ut ex Menæis Græcorum disco 2, subito  
post patratum quoddam facinus extin-  
ctus, ab ephebis duobus ad cælum du-  
ctus, sed non perductus. Moram inje-  
cerunt in viâ cacodæmonum diversa te-  
lonia, in omnibus vectigal exactum.  
Hic pro invidiâ, ille pro avaritia, pro su-  
perbiâ iste sibi satisfieri voluit. Satisfa-  
ctum. Ventum ad cæli fores, ubi spurcum  
agmen in Veneris telonio excubias egit,  
& ob impuras noxas vectigal exegit,  
cumque non esset quo fieret satis, recel-  
serunt florentes illi juvenes ab animo,  
quem in subterraneum ergastulum ve-  
nerea phalanx deturbavit. Dum plangit  
illic captivus, dum gemit, dolêrque com-  
missum scelus, adiunt iterum cælestes  
genii; educunt tandem specu illo diu  
precantem animum, & ad conditorium  
deducunt, junguntque corpori. Atque  
dum in æde sacrâ canitur, cadaver  
postliminio animatum ex imo tumulo,  
Miseremini, exclamat, & solvite. Ac-  
curritur ad vocem, trepidatur, pandi-  
tur tamen sepulchrum, sepultus sol-  
vitur, & ad Thalassium Præfulem ad-  
ducitur; cui omnem rei gestæ seriem  
exponit, dies quadraginta impastus  
templa obit, corpore pavimentum ver-  
rit, perpetuos imbres ex oculis pluit,  
& has voces, Væ peccantibus, & non  
dolentibus! irrequietus iterat, & sic  
secun-

a Vide Matth. Radernum parte 1. Viridavis  
Sanctorum, mibi pag. 184.



secundâ morte defungitur. Nota, inquit, historia. Pro me facis, qui sic contra me. Notam censebam & ego, ideò recensebam. Ignotis fabulis hîc locum non esse probe sciebam. Innumera alia in hanc rem sese offerunt: Dimittito; satis ista evincunt. Agmen mihi claudet locuples testis Cyrillus. Narrat is de Andreâ purpurato Patre, qui Romæ multis lectulo circumfusus fato concessit. Cadaver jam pollinctum, unguine odore jam delibutum, jam busto paratum effertur, & sacram ædem infertur. Exequias veniunt plurimi. Adest Romanus Præsul, adsunt sacri, politici omnis ordo, sexus omnis: ordent mortuales cerei, voces inclinatæ lugubre carmē plorant mortuo. Subitò attonitis cunctis, mortuus altius ingemiscere adstantes circumspicere, abrupto veluit somno residere, feretro sese erigere, tandem etiam surgere. Affirmavit is postmodum Romano Pontifici, animum ad D. Hieronymi preces incorporis remissum, quò rectius contractas sordes elneret redintegratoluctu. Neque verò hic mihi quis animam incorporis latibulis delitescentem denuò per membra sese diffusive opponat. Nullus hic effugio locus. Neque hunc, quem dixi mortuum Asclepides aliquis vespillonum manibus extorsit, & medicamentis quibusdam spiritum latentem procreavit. Verè defunctum asserunt non unus scriptor. Et quid adhuc in  
caussa

caussa iam clara trepidamus? Anastasis erit omnium mortalium: expergiemus olim è longo sopore. De tempore nec tango quidem: nemini illud notum, quia nemo Fati tabellas legit. Certum nihilominus, rediviva ossa latibulis suis exciendi ad tubæ clangorem. Monstratum hoc nobis in nostro capite. Rediit illud ad amissum vitæ munus, & suismet viribus jam in mortis familia numeratum sese morti eripuit. Caput sequentur membra, & decretorio illo die patebunt cum vilibus tumbis maufolea. Prodibit universum hominum genus, sistendum iudici.

Dicta omnia luculentissimè confirmans Paulus, *a* Si Christus, inquit, non resurrexit, inanis est ergo prædicatio nostra, inanis est & fides vestra. Nam si mortui non resurgunt, neque Christus resurrexit. Quòd si Christus non resurrexit, vana est fides vestra, adhuc enim estis in peccatis vestris. Ergo & qui dormierunt in Christo, perierunt. Si in hac vita tantùm in Christo sperantes sumus, miserabiliores sumus omnibus hominibus.

*b* Nunc autem Christus resurrexit à mortuis, primitiæ dormientium; quoniam quidem per hominem mors, & per hominem resurrectio mortuorum. Et sicut in Adam omnes moriuntur, ita & in Christo omnes vivificabuntur. Alioquin quid

ficient,

*a* 1. Cor. 15. v. 17.

*b* Ibid. v. 22. 23.

facient, qui baptizantur pro mortuis, si omnino mortui non resurgunt? Ut quid & a baptizantur b pro illis? ut quid & nos periclitamur omni horâ? Quid mihi prodest, si mortui non resurgunt? Manducemus & bibamus, cras enim moriemur. Ecce mysterium vobis dico: Omnes quidem resurgemus, sed non omnes immutabimur. Itaque fratres mei dilecti, stabiles estote & immobiles; abundantes in opere Domini semper, scientes, quod labor vester non est inanis in Domino.

a Baptizantur, seu purificantur ad sacrificia, quae offeruntur pro mortuis, quod Hebraeorum ritu fiebat. Seu, quae verior videtur interpretatio: Cur omnes fideles verum baptismum suscipiunt, ad t standam spem resurrectionis, ut ipsis scilicet bene sit post mortem, si mortui non resurgunt? Nam, uti Tertullianus liquitur, dum Sacramentum Baptismi impenditur corpori, corpus consecratur immortalitati.

§. V.

Revocationem mortuorum ad vitam à plurimis non credi.

Sed quid, objiciat quis, contra larvas disputas? Hæc nobis à verâ fide certa; neque ullus est, qui te audiat, & non prius hæc talia quàm audiat, credat. Au-  
Z z z
dio

1080 DE CHRISTO RESURG:  
dio & ego. Et quæso liceat vel in sum-  
ma Christi resurgentis gloria ingemi-  
scere, & quod sentio, liberè profari. Post  
mortem in vitam reditum, verbis faten-  
tur omnes, factis negant innumeri. Ne-  
que fieri potest, sic vivere, uti passim vi-  
vitur, & vitam aliam sperare. Ab iis hoc  
disco, qui de secunda vita certi, pri-  
mam illam amittere pro levi habue-  
runt, corpus quod sciverunt in foveam  
abjiciendum, bufoni viperæque in ri-  
xam objiciendum, cespitem non suo te-  
gendum, vilius illi texerunt, paverunt  
parcius; & cum opus, omnem sanguinem  
per stillicidia emiserunt, cum fenore re-  
cepturi. Spes hujus tam illis indubia fuit,  
ut nihil non tolerare sint ausi. Laminas,  
bestias, tædas, rogos, rotas, cruces per-  
pessi (recentia memoro) lento sarmento-  
rum ambitu tosti, vivi terra obruti, pro  
meta & scopo infandi lusus constituti,  
acutissimo injecti saxo, tabula recti li-  
brarum mille pondo superjecto pondere  
in frustra comminuti, eò crudelius quò  
lentiùs, pellibus urforum vestiti, molos-  
sis laniandi objecti. Taceo ceteros qui  
torti, lacerati, dissecti, quorum spiran-  
tium adhuc & à suspendio repentium vi-  
scera palpitantia erepta, in ahenum bul-  
lienda injecta sunt. Alii intestina lenta  
ad baculum circumductione educenda,  
ut tardior mors iret, præbuerunt: disse-  
cto ventre (horret animus) inspersam a-  
venam receperunt, equis pabulum offu-  
furi,

PARS III. CAP. IX. 1081

furi, plantis ferreas soleas prægrandibus  
clavis adfixas gestarunt; linguam sub  
mento evellendam non recusarunt; ti-  
biarum pellem in modum ligularum a-  
vellendam porrexerunt; bulliens oleum  
per os infusum impavidi hauserunt; nu-  
dis ventribus injectos vivos glires igni-  
tis & obversis pelvibus decentos, atque  
dentibus effugium parare coactos pertul-  
erunt. Et hæc quæ Tiberius aliquis &  
Totila erubescat, hæc, inquam, ævum  
hoc nostrum vidit paucis abhinc annis  
in Gallia, Anglia, Belgica Christianis  
in Christianos designata. O nimium mi-  
seros, si vitam in tantis suppliciis & in-  
nocentes amiserunt, illam non ampliùs  
recuperaturi! Certi fuerunt, aliàs num-  
quam passi tam immania, animos suos  
tanto furore exturbatos, in corpora non  
lacerata, sed integra, & quovis sole  
splendidiora reversuros. Sed heu! quàm  
a multis in contrarium itur, quibus ver-  
minosa caro colitur, comitur, pascitur,  
sulcetur, faginetur; jacet neglectus &  
incompactus animus! Atqui hoc non est,  
ut mihi objectum, de meliori vita nil  
ambigere. Nam & lex illa scitur, nemi-  
nem hñctis voluptatibus saturum, ad veras  
vitas admitti. Hanc legem promulgans  
Paulus, Si, ait, commortui sumus, &  
convivemus; si sustinebimus, & conte-  
gnabimus a. Si tamen compatimur, ut &

Z z z z

con-

conglorificemur *a.* Nimirum Christus in doloribus, nos in deliciis vivemus? illius erunt sputa, spinæ, flagra; nostrum erunt mensæ, risus, joci, voluprates, gaudia, honores, tripudia? Et quamdiu consiliis tam fatuis inhærebitur? Humiliavit semetipsum, & exinanivit Christus; nos extollimur, & quidquid humilitatem sapit, ut inimicum detestamur & refugimus. Hoc profectò sustinere, hoc compati, hoc commori non est: quâ igitur ratione conregnabimus? Quam verendum, ne quam longè è Christi humilitate, tam longè ab illius gloriâ simus. Hæc illam sequitur mensurâ pari reddenda, ut quantum quis sese hîc abjecerit, tantum in meliore vitâ extollatur, nec ultra; & quantum hîc sese quis extulerit, tantum abjiciatur in altera. Vera gloriæ mensura humilitas. Proinde seriò vide, an hîc abjici malis cùm Christo, an extolli cum Lucifero. Spes vana est, quæ promissa affectat præmia, & præmittenda detrectat supplicia. Non conglorificabimur, si non compatiamur; non convivemus, si non commoriamur; non conregnabimus, si non sustineamus. Optimè Chrysostomus: In omni re auctu virtus agendi spes est præmii futuri. Qui enim arat, arat ut metat; qui pugnat, pugnat ut vincat. Nam cùm sit ita difficile in hoc mundo servare justitiæ sanitatem, quis contentus esset adver-

PARS III. CAP. IX. 108

fas seipsum quotidie luctamina exercere, nisi ad spem respiceret resurrectionis? Tolle ergo spem resurrectionis, & soluta est tota observantia pietatis *a*. Si igitur, inquit Damascenus *b*, resurrectio non est, neque Deus neque providentia est, sed casu feruntur omnia. Videmus justos plurima patientes, improbos florentes, voluptatibus diffuentes. Quis non mutandas aliquando vires dixerit, sed suo ac definito tempore? Erit igitur resurrectio; justus est DEVS omnem virtutis actionem remuneraturus, omnem sceleris turpitudinem puniturus. Laboremus Christo, & speremus. At verò meliorem vitam nemo verè sperat, qui perituram nimium amat.

*a Chrysost. tom. 2. in cap. 21. Matth. hœmil. 42. msh pag. 909.*

*b Damasc. l. 4. de fide Orthodoxa.*

CAPUT X.

*Christus reviviscens variè suis se spectantem præbet.*

A DOLESCENTIS prodigi pater, ut filio natu majori persuaderet festæ domus ingressum, & communis lætitiæ societatem, Epulari autem, inquit, & gaudere oportebat, quia frater tuus hic mortuus erat & revixit, perierat & inventus est *a*. Moriente Christo, Apostoli

*a Luc. cap. 13. v. 32.*

stoli velut optimi pastoris oviculæ vide-  
 ri poterant amissæ, ita in latebras sese  
 penetrarunt; pastor ipse à lupis inter-  
 ceptus, ad crucis pedum occubuit, nec  
 à vivis visus est ampliùs in diem usque  
 tertium, prout vaticinatus Zacharias,  
 Percute pastorem, inquit, & dispergen-  
 tur oves *a*. Percussus pastor & mortuus  
 erat, sed revixit, & dissipatas oviculas  
 collegit; ad mutuos aspectus & collo-  
 quia utrimque cum gaudio ingenti redi-  
 tus est apertus. Gavisi sunt discipuli vi-  
 so Domino *b*. Hic necessarium prorsus  
 compendio docere, quomodo suis Do-  
 minus JESUS sese à reditu in vitam  
 ostenderit, quo loco, quo tempore, qua  
 hora sepultum corpus animarit.

*a* Zach. cap. 13. v. 7.

*b* Joan. cap. 20. v. 20.

### S. I.

*Quo tempore Christus, & an primus omnium  
 resurrexerit.*

Corpus beatissimum quod habitavit  
 Verbum æternum, non solum non in ci-  
 neres & talem ire debuit, sed nec mo-  
 ri debuisset, si hujus hominis dignita-  
 tem spectare mors potuisset. Cum enim  
 anima beatitudine sua jam frueretur,  
 corpori quoque immortalis debebatur  
 vita. Sed bono nostro subiit mortem,  
 amor nostri in crucem illud extulit. At  
 post.



postquam iustitiæ divinæ litatum est, celestis vita, quam moriendo promeruit, huic corpori concessa. Humilitas passionis, Augustino teste, meritum est resurrectionis.

Quàm autem certum est hebdomadis sexto, seu Veneris die Servatorem esse mortuum, tam compertum est ante diem Dominicam ad vitam non esse revocatum. Sed finem primæ, & principium tertiæ diei sumamus. Die Veneris sero vespere in tumulum receptus, initio Dominicæ è tumulo progressus. En optimus pastor absentia tempus & tristitiæ, quantum potuit, contraxit solatio suorum.

Quod horam reviviscentis Christi attinet, sunt è priscis Patribus, qui censeant Christum post noctis medium hora prima in vitam rediisse. Alii, à quorum parte nos stamus, ad auroræ ortum redeunte jam sole id factū existimant. Hebræus Vates cantando velut provocans, Exurge, inquit, gloria mea. Respondetur: Exurgam diluculo a. Itaque à Christi morte ad reditum vitæ fluxerunt horæ quadraginta. His anima fuit in limbo. Tringenta sex horis corpus exanime sepulchrò cludebatur. Christus enim mortuus est hora nostrate tertia pomeridiana. Quod divus Prosper hac sententia expressit: Vespere Dominus in cruce, manè in Resurrectione, meridie in Ascensione.

ZZZ 4 . . . Quod

1086 DE CHRISTO RESVRG.  
Quod & sacrum Ecclesiæ metrum con-  
firmat :

*Aurora calum purpurat,  
Resultat ether laudibus,  
Mundus triumphans jubilat,  
Infernus horrens infremat :  
Rex ille dum fortissimus  
De mortis inferno specu  
Victor triumphat, & suo  
Mortem sepulchro funerat.*

Dixerat Christus, Me oportet operari o-  
pera ejus qui misit me, donec dies est *a*.  
En dies operantis Christi, triginta qua-  
tuor anni; nox autem triginta solum sex  
horæ. His elapsis denuò illuxit lætissi-  
mus dies.

Hic Theologorum scholæ quærunt,  
num Christus omnium primus ad vitam  
redierit, cùm Matthæus asserat, Chri-  
sto etiânum in cruce pendente monu-  
menta esse aperta, & multa corpora  
Sanctorum qui dormierant, surrexisse *b*.  
Sed liquidum est responsum : Christus  
omnium primus ad immortalem vitam  
rediit, dormientium primitiæ, uti Pau-  
lus loquitur *c*. Sed & Matthæus ipse af-  
firmans, Exeuntes, inquit, de monu-  
mentis post resurrectionem ejus, venerunt  
in sanctam civitatem, & apparuerunt  
multis *d*. Quod Ambrosius confirmans,  
Primo-

*a* Joan. cap. 9. vers. 4.

*b* Matth. cap. 27. v. 52. & 53.

*c* I. ad Corinth. cap. 15. v. 20.

*d* Matth. cap. 17. v. 53.

Primogenitus, inquit, ex mortuis dicitur, quia primus resurrexit *a*. Num autem eo tempore omnes illi ad vitam immortalem sint evocati, jam olim gravis fuit quæstio. Præscorum Patrum aliqui censuerunt, illos ad modicum temporis velut Resurrectionis testes è tumulis prodissse. Sed pace illorum, & cum veniã sentire liceat diversa, è sepulchris evocatos ad immortalitatem. Ita Cyprianus, Origenes, Epiphanius, Clemens Alexandrinus, alique complures sentiunt. Nam, Matthæo teste, apparuerunt multis. Hæc inter ceteras gloriosi corporis prærogativa est, gloriam suam aliis quoque pandere. Et certè hoc pœnæ ac supplicii fuisset, reviviscere ad noxam mortem. Deinde cum Christi deliciæ sint esse cum filiis hominum, hanc utique redivivorum societatem in cælo desideravit. Et cur inferi jure potiori gaudeant quàm Beatorum sedes? Ad inferos Dathan, Core, & Abiron, ipsa etiam corpora deportârunt, cur in cælo nondum sint tam corpore quàm animo Beati, idque in testimonium Dei misericordiæ singularis & copiosæ redemptionis? Et quid aliud beati manes quàm suorum corporum societatem desiderant? Miraculum fuit, Christi animam jam ante funera beatam mortali corpore detineri. Nec dubium quin illam Beatorum revivi-

Z z z 5

scen.

fcientium cohortem vultus divinus exhilararit, quàm primùm oculos Christus in mortem clausit. Sed videamus jam, quibus & quo ordine Christus redivivus sese spectandum præbuerit. Nam ipso Paschatis lætissimo die quinquies aut sexies suis spectandi sui copiam fecit.

## §. II.

*Quibus, quo ordine cernendum se Christus redivivum exhibuerit.*

I. Manè summo Virginis Matris oculos amœnissimo resurgentis filii spectaculo recreatos, nemo rationis incorruptæ ambigit. Rem veterum testimonii variè assertam, & Ecclesiæ consensu stabilitam, pluribus docere super sedemus.

II. Mulieres Solymæ, Christo devotissimæ, Maria Magdalena, Maria Jacobi, & Salome cum ceteris ante lucem ad monumentum venerunt, saxum ab ostio revolutum viderunt, terræ tremorès audierunt. Harum mulierum plures tribus fuisse constat, sed earum certus numerus & nomina nesciuntur.

III. Iis, quæ diximus, auditis & visis redierunt omnes feminæ, & Apostolis enarrarunt. Magdalena Petro & Joanni singulariter audita & visa exposuit. Idcirco hi duæ cum mulieribus ad sepulchrum properarunt, quos & currere cœgit Domini amor. Spectarunt omnia,

quæ

quæ à mulieribus narrari audierunt; sed Magistro ipso non invento redierunt. Ad verò mulieres ad monumentum perstitit, videruntque Angelum in sepulchri vestibulo sedentem, qui Dominum surrexisse asseruit, & hortatus est, porro ipsum subirent monumentum, ac sepulti locum cernerent. Ingressæ duos Angelos invenerunt, ut in ore trium testium staret Resurrectionis verbum. Hoc insolito viso territæ mulieres abeunt à monumento.

IV. Magdalena sola ceteris digressis perstitit plorans, & iterum iterumque se inclinans in sepulchrum quærebat quem diligebat. Hæc amoris indoles est, illic etiam scrutari, ubi præsciat nil posse reperiri. Plus affectat amor quàm confici queat. Hoc tamen effectum est. Duos Angelos denuò vidit, qui eam allocuti, Mulier, ajunt, quid ploras? At illa secum ipsa utique cogitabat: Non Angelos sed Angelorum Dominum quæro: non Regis famulos, sed Regem ipsum videre desidero. O perseverantia recti propositi tenacissima, ad laborandum & tolerandum promptissima!

V. Dum igitur Magdalena plorans perstat, Christus à tergo adstat: hunc ubi Angeli reverente gestu præsentem significarunt, conversa illa hortulanum vidit, à quo unica ea voce, Maria, compellata, mox Dominum agnoscens & exclamans,  
Rab-

1090 DE CHRISTO RESVRG.

Rabboni, ait. Nec distulit, quin illicò rueret ad oscula pedibus figenda. Sed istud genus obsequii nondum tempestivi prohibens Christus, Vade, inquit, ad fratres meos, & dic eis: Ascendo ad Patrem meum, & Patrem vestrum, Deum meum, & Deum vestrum <sup>a</sup>. Ita Christus post Matrem, non solùm ante alias feminas, sed & ante discipulos omnes soli se spectandum præbuit Magdalenz. Nimirum prima merebatur gaudia, quæ plus ceteris amabat. Atque hæc altera reviviscentis Christi visio est.

VI. Magdalena igitur viso Domino lætitiis jam omnibus perfusa ocyùs monumento egressa, & ceteras feminas etiàmm affecuta, quid viderit, narravit. Ita simul inter admirationem & gaudia pergebant. In viâ Christus occurrens, Avete, inquit. Illæ autem accesserunt & tenuerunt pedes ejus, & adoraverunt eum. His JESVS: Nolite timere, ite, nuntiate fratribus meis, ut eant in Galilæam, ibi me videbunt <sup>b</sup>. Hæc ipso die Paschatis tertia est Christi Resurgentis visio. Omniâque ista ex Evangeliiis certa.

VII. Mulieres Christi tabellariæ ad discipulos eâdem domo collectos perveniunt, & narrant omnia. Nemo credit narrantibus Duo veluti rebus despiratis iter parant in Emmaus. Petrus desiderio

<sup>a</sup> *Joan. cap. 20. v. 17.*

<sup>b</sup> *Matth. cap. 28. v. 9.*

PARS III. CAP. X. 1091

derio videndi Domini ardens ad sepulchrum redit, & prius visa inspicit, eandemque viam meditabundus relegit: in via Christus cernendum sese objicit. Paulus & Lucas testes: Christus resurrexit die tertiâ, & apparuit Cephæ, & post hoc undecim *a*. Surrexit Dominus verè, & apparuit Simoni *b*. Et quidem citius quam aliis discipulis. Nam Petri mœror & pœnitentia vehementior, amorque in Christum erat ardentior. Hinc & Angelus peculiarem Petri mentionem injiciens, *Ite*, inquit, dicite discipulis ejus, & Petro *c*. Et hæc in ipso die nostri Paschatis quarta visio.

VIII. Eodem hoc die Christus geminis discipulis Emmaunta peregrinantibus viæ comitem se junxit, eorûmque pectora productione colloquio calefaciens, Nonne, inquit, hæc oportuit pati Christum, & ita intrare in gloriam suam? Ei incipiens à Moyse & omnibus Prophetis, interpretabatur illis in omnibus scripturis, quæ de ipso erant. Demum jam vicinus Emmaunti, violentiâ familiari ab ipsis tractus, idem cum ipsis hospitium subiit. Hic pane fracto, sui corporis edulio & cognoscendum se præ-

*a* 1. ad Corinth. cap. 15. v. 4. & 5.

*b* Luc. cap. 24. v. 34.

*c* Marc. cap. 16. v. 17.

*d* Ita sentiunt è priscis Patribus Augustinus, Hieronymus, Chrysostomus, Isidorus, Theophylactus, Beda, alii.



1092 DE CHRISTO RESVRG.  
præbuit. Atque hæc quinta fuit die Resurgentis visio.

IX. Duo hi discipuli Magistro jam cognito, ab Emmaunte rectâ redunt Hierosolyma sub serum vesperem. Hic discipulorum ceteros de Petri visione colloquentes inveniunt, visa & audita omnia de redivivo Domino confirmant; narrant insuper itineris sui rationem, comitis in via divinam facundiam, ejusdémque in diverforio luculentam notitiam concessam. Dum hæc percentsent, en ipse Christus discipulorum medio consistit, & vitam à se receptam documentis pluribus ostendit. Hæc sexta fuit Christi Resurgentis primo die visio.

Hoc prorsus ordine sibi ea, quæ diximus, successerunt. Gavisi sunt ergo discipuli viso Domino, quamvis Thomas his gaudiorum primitiis non interfuerit. Adfuit quidem cùm illi ab oppido Emmaunte reduces rem testatissimam narrarent, ejus tamen narrationis epilogum non expectavit, audiendi tædio, aut tam arduæ rei credendæ difficultate victus. Ita Dominum eo die non vidit, quia finem proluxioris historiæ operiri non sustinuit. O perseverantia ad patiendum fortis, ad obtinendum stabilis!



## §. III.

*Quam latum Pascha Servator nobis omnibus seipsum dederit.*

En pastorem interfectum, & oviculas dissipatas; en Magistrum, crucifixum, & discipulos in latebras coactos, iterum tamen in amplexus mutuos convenire. Perierat Pastor, & inventus est, mortuus erat & revixit. Itaque epulemur, inquit Paulus, non in fermento veteri, neque in fermento malitiæ & nequitiae, sed in azymis sinceritatis & veritatis *a*. Lex prisca de pane fermentato non edendo gravissimè præcipiens, Quicumque, ait, comederit fermentum, peribit anima illa de Israël, à primo die usque ad diem septimum. Omne fermentatum non comederis, in sanctis habitaculis vestris edetis azyma *b*. Sat diu fermenti acorem nostra impatientia, fastus, pigritia & invidia nostro incoxit pani. Nunc azymos patientiæ, submissionis, piæ sollertiæ, spirituales lætitiæ, casti amoris comedamus. Pascha nostrum immolatus est Christus. Hunc nobis agnum cælestis Pater dedit in epulum beatissimum. Epulemur, sed in azymis, absit omnis amaritudo & acor nequitiae.

He,

*a* 1. ad Corinth. cap. 5. v. 8;

*b* Exod. cap. 12. v. 13. & 20.

Hebræus rex Josias, quod Regum facti produnt, tale pascha celebravit, cui simile numquam fuisse historicus sacer memorans, Præcepit omni populo, inquit, facite Phasē Domino Deo vestro. Nec enim factum est Phasē tale à diebus Judicum, & omnium dierum Regum Israël & regum Juda, sicut in octavo decimo anno regis Josiæ factum est Phasē istud Domino in Hierusalem. Sed & pythones & ariolos, & figuras idolorum, & immunditias, & abominationes, quæ fuerant in terra Judæ & Hierusalem, abstulit Josias, ut statueret verba legis *a*. Nimirum hoc est paschales dies agere, vitiorum sordes, & quidquid in animo abominandi est tollere, & Christi Patientis monita ac exempla, memori menti altum infigere.

Rex Israël Joas, cum Amasiam regem Juda prælio vicisset, captivum duxit in Hierusalem, destruxitque murum ejus à porta Ephraim usque ad portam anguli quadringentis cubitis *b*. Hierusalem cælestis, ô Christiani pater, dejecti sunt muri, qui cælum obvallaverant. Ingrediamur illam urbem ad celebrandum pascha sempiternum. Ingressum aperit victoria; vincenti dabitur manna. Vince teipsum, & expugnasti cælum.

Ævo Ezechix regis laudatissimi (quod Regum Chronicon testatur) fecerunt fi-

lii

*a* 4. Reg. cap. 23. v. 21. & seqq.

*b* 2. Paral. cap. 25. v. 25.

in Israël, qui inventi sunt in Hierusa-  
 lem, Solemnitatem azymorum septem  
 diebus in lætitia magna, laudantes Do-  
 minum per singulos dies. Placuitque  
 universæ multitudini, ut celebrarent et-  
 iam alios dies septem, quod & fecerunt  
 cum ingenti gaudio. Ezechias autem  
 rex Juda præbuerat multitudini mille  
 tauros, & septem millia ovium: Prin-  
 cipes verò dederant populo tauros mil-  
 le, & oves decem millia *a*. En, duo  
 millia boum, & septemdecim millia o-  
 vium consummenda dantur in paschale  
 epulum. Sed parum hoc, si grandiora  
 perpendamus.

Rex Josias dedit omni populo, qui ibi  
 inventus fuerat in solemnitate Phæse,  
 agnos & hædos de gregibus, & reliqui  
 pecoris triginta millia, boum quoque  
 tria millia. Hæc de regis universa sub-  
 stantia. De suo Principes & sacerdotes  
 addiderunt octingentos boves, & reli-  
 qui pecoris septem milla sexcenta. Quæ  
 omnia Regum Chronicon fideli calculo  
 signavit. Ita universè boum quatuor  
 millia, ovium triginta octo millia pa-  
 schali gaudio sunt jugulata. Fecerunt-  
 que filii Israël, qui reperti fuerant ibi,  
 Phæse in tempore illo, & solemnitatem  
 azymorum septem diebus. Non fuit  
 Phæse simile huic in Israël à diebus Sa-  
 lomonis Prophetæ; sed nec quisquam

A a a a

de

de cunctis regibus Israël fecit Phasē, sicut Josias, Sacerdotibus & Levitis, & omni Judæ & Israël, qui repertus fuerat, & habitantibus in Hierusalem *a*.

Nos verò longe ampliorem lætandi causam in nostro paschate habemus. Divinus Pater unicam nobis oviculam dedit, quæ ad occisionem ducta obtulit, & non aperuit os suum *b*. Hæc in furcam crucis appensa nos ab interitu suâ morte servavit. Cum hoc agnello unico non centum millia taurorum, non ovium decies-centena millia vel minimum comparanda. Victimæ paschali laudes immolent Christiani, Agnus redemit oves, Christus innocens Patri reconciliavit peccatores. Verùm hic illud accuratissimè observandum, quod Regum Chronicon apponit: Cùmque hæc fuisset rite celebrata, egressus est omnis Israël, qui inventus fuerat in urbibus Juda, & fregerunt simulacra, succideruntque lucos, demoliti sunt excelsa, & altaria destruxerunt, donec penitus everterent *c*. Nimirum hoc Christiani paschatis primum est: succidendi sunt luxuriæ luci, excelsa superbix demolienda, altaria gulæ destruenda. Hæc forsau hætenus esearum deliciis, dapibus opimis, potu præ-

*a* 2. Par. c. 35. v. 7. & seqq. v. 17. & seqq.

*b* Is. c. 53. v. 7. & Act. c. 8. v. 32

*c* 2. Par. cap. 31. v. 1.

prælaro nimium oneravimus; destruantur. Nec illud negare possumus, suum ferè cuivis homini clandestinum esse simulacrum, uti suos quisque manes patimar, & sua quemque trahit voluptas, nam vitiis nemo sine nascitur *a*. Illic irâ urgetur, ille invidiâ, avaritiâ ipse, hic concordiâ & pigritiâ. Hæc nostra sunt simulacra, quæ furtivis sacrificiis propitiâmus. Frangantur, & evertantur penitus. Decernat ille statuâtque sanctè non irasci amplius, hic invidiam detestetur, iste omnem odisse avaritiam incipiat; hic ignaviæ validè resistat. Sterili cultu celebramus Pascha, nisi vitiorum evertamus simulacra.

§. IV.

*Laudata vita, resurrectio assidue cogitata.*

Nunc igitur monente Petro vivamus justitiæ. Nam ille mortuus est & revixit, qui peccata nostra ipse pertulit in corpore suo super lignum, ut peccatis mortui justitiæ vivamus *b*. Debitam peccatis poenam expers peccati pertulit, ut qui peccatis mortui eramus, soli jam viveremus justitiæ. O verè vitam quæ vincit peccatum omnis mali seminarium! Illud hic solatii plenum: Cujus livore sanati sumus. Nova omnino res, per

A a a a 2

Chri-

*a Horatius sermon. l. 1. sat. 3.*

*b 1. Pet. cap. 2. v. 24.*

2098 DE CHRISTO RESVRU.

Christi Vulnera curari nostra, nec nos aliter curandos, nisi ipse vulneraretur; per illius livores medelam fieri nostris languoribus, illius morte nobis donari vitam; nec aliter nos vita donandos, nisi ipse moreretur; fuso illius Sanguine, non amplius peccata nostra; nec alia nos lege servandos, nisi ipse periret in cruce, nec umquam nos vinculis exolvendos, nisi ligaretur ipse, ut ipsius vincula libertas esset nostra, ipsius flagra, sanitas nostra, ipsius vulnera, integritas nostra, mors denique ipsius, nostra vita. Qua de re Paulus Colossenses erudiens, Et vos, inquit, cum essetis mortui in delictis, &c. convivificavit cum illo, donans vobis omnia delicta, delens quod adversus nos erat chirographum decreti, quod erat contrarium nobis. Et ipsum tulit de medio, affigens illud cruci, & expolians principatus & potestates, traduxit confidenter palam, triumphans illos in semetipso *a*. Mortui omnino eramus delictis, imo per delictum mortui. Interemerat enim nos delictum morte omnium pessima. Sciebat hoc qui dixerat: Mors peccatorum pessima *b*. Sed hoc peccati chirographum, hoc mortis decretum, jam Christi sanguine deletum, primogeniæ libertati à Christo sumus restituti. Fortior armatus prorem armis exiit & prædā, *captivam duxit captivā.*

*a* Ad Coloss. cap. 2. v. 13. & seqq.

*b* Psal. 33. v. 22

*ivitatem*, triumphum egit de omnium retro sæculorum hostibus. Surrexit Dominus verè & apparuit Simoni &c.

De Resurrectione assiduè commeditanda divinè Petrus Chrysologus, -Tota spes, inquit, fidei Christianæ in Resurrectione constituta est mortuorum. Repetere hæc eadem inculcare hæc ipsa vehementius, Resurrectionis ipsius ardore gestimus. Fratres, semper de Resurrectione libet dicere, jugiter de Resurrectione delectat audire, quia mori nunquam libet, vivere semper delectat. Resonet ergo in ore nostro Resurrectio semper, semper Resurrectio ad nostræ mentis transmittatur auditum, ut mors, quæ nostros semper obsidet sensus, cum terrore suo, cum lamentiis suis à nostris sensibus effugetur. Quia sic agricola fructus uberes & exsatiatas epulas cantat, ut imminutum vomeris laborem non sentiat & sudorem. Sic nauta portus modulatur & lucra, ne undarum ruinas, ne maris discrimina pertimescat. Sic miles, ne vulnera metuat, ut gladios non pertimescat, prædas personat & triumphos. Unde Resurrectionem mente, ore, oculis aspecet, canet, cogitet Christianus, ut totam mortis possit despiciere & calcare formidinem. Mors est, Fratres, desperationis domina, incredulitatis mater, germana corruptionis, inferni parens, diaboli con-

A a a a 3 junx,

a Luc. cap. 24. v. 35.

1100 DE CHRISTO RESURG.

juxta, omnium malorum regina, quæ  
 me genus hominum tali ordine inex-  
 plebili impugnat, ut primum suffragri-  
 cem suam desperationem præmittat ta-  
 lia suadentem: Homo, cur tua perdis  
 tempora? Ecce domina mors tua venit  
 animam tum in nihilum redigens, car-  
 nem tuam putredine, ossa tua vetustate  
 consumens, ut te qui non fuisti ante-  
 quam nascereris, faciat non esse post  
 mortem. Redde ergo debita ante mor-  
 tem, moriturus cito, tibi, ætatibus tuis:  
 da lusibus infantiam, da deliciis adoles-  
 centiam, da voluptatibus juventutem,  
 da senectutem mihi, ne sine causa de  
 spe cogites desperatus. Post istam mit-  
 tit incredulitatem suam filiam, sic mi-  
 nantem: Quasi non moriturus, quasi eva-  
 surus mortem, sic de vita disponis.  
 Homo, te decipit fides, tu fidei credis,  
 quæ, ut tollit præsentia, futura promit-  
 tit, & ut auferat quæ sunt ante mor-  
 tem, nescio quæ invisibilia pollicetur  
 esse post mortem. Quis inde venit, aut  
 quis sapiens credit toto sæculis promissa  
 esse reddita? O si manduces & bibas!  
 manduca & bibe, cras enim morieris.  
 Tertiam germanam nequitiae suæ cor-  
 ruptionem tali dirigit cum furore, ut  
 aspectus hominum invadat, attrahat, oc-  
 cupet, per sepulchra extremos osten-  
 dens carceres, suos jacere ibi demonstrat  
 immobiliter vinculatos: & ut homines  
 sensuque hominum horrore toto, toto  
 pa.



pavore conturbet, effundit putredinem, eructat sanie, spargit foetores, atque ad unum corpus hominis innumeros carnifices ab se vermes dedisse proclamant. Quare non desperationi, quare non incredulitati crederent Christiani? Hæc sunt mortis bella, his ducibus, his consiliis, tali conflictu captivat, vastat, interficit omnes, quos natura præsentem perducit ad vitam, ducit reges, trahit populos, gentes impellit, non divitiis redimi, non flecti precibus, non lacrimis moliri, non viribus unquam potuit ista superari.

Sed nemo his larvis terreatur: Surrexit Dominus verè. Et nos omnes resurgemus. Nam in Christo omnes vivificabuntur, unusquisque in suo ordine, primitiæ Christus *a*. In ea rem Chrysostomus à se dicta stabiliens, Non solum, inquit, sine causâ credidit, sed & sine causâ vixit, qui se ad hoc solum natum credidit, ut periret. Homo, quid tibi oritur, quod non occidat? quid tibi quod occiderit, non resurgit? Dies manè oritur, & iterum resurgit in manè: ferò sepelitur in nocte, & iterum resurgit in manè. Sol quotidie nascitur, quotidie moritur: resurgit ipse quotidie: tempora dum transeunt, pereunt: dum redeunt, reviviscunt. Unde homo si Deo non credis, si non acquiescis legi,

A a a a 4 si non

si non consentis auditui, vel oculis tuis crede, vel elementis Resurrectionem tuam tibi jugiter prædicantibus acquiesce. Certè si ista longè sunt inferiora, quæ in tuis manibus sunt, & de morte tuo opere suscitantur, te posse Dei opere doceant suscitari. Vade ad semen, Apostolo te docente: tolle triticum aridum sine sensu, sine motu: duc sulcum, fodi terram, fac sepulchrum, sepeli triticum, inspicere quem admodum morte deperit, humore turgescit, putredine corrumpitur: & cum pervenerit ad totum quidquid desperatio, quidquid incredulitas, quidquid corruptela tibi superius ingerebat: tunc subito reviviscit in germine, in herba pubescit, juvenescit in caule, maturascit in fruge, & ad illam totam ipsam, quam tu periisse deflebas, speciem refurgit & formam: ut te homo triticum non tam doceat manducare, quàm sapere; non tam cogat laborare, quàm credere. O homo accipe fidem, quia gratis datur: crede Resurrectionem, quia qui promittit illam, pretium non requirit *a.*

*a Petrus Chrysologus serm. 118. mihi pag. 307. & seq.*

## §. V.

*Resurrectionis fides stabilitur, Resurgentis  
Christi victoria summam at-  
tingitur.*

Igitur resurgemus omnes, sed non omnes immutabimur. De resurgendi modo jam olim respondens Paulus, Insipiens, inquit, tu quod seminas, non vivificatur, nisi prius moriatur. Et quod seminas, non corpus quod futurum est, seminas, sed nudum granum, Deus autem dat illi corpus sicut vult *a*. Ad ingerendam altius Resurrectionis fidem, variè Deus in rerum naturis hoc mysterium depinxit. Et ecce, arbores post spolia vestiuntur, cæcæ inoculantur, emortuæ in vitam redeunt, in frondes & fructus denuò erumpunt; ita suus redit color floribus, succus & liquor vitibus, anima vitæque plantis omnibus. Nec prius tamen exhibentur ista quàm absumpta fuerint: incipiunt cum desierint, redeunt cum abscefferint; & quod amisimus, iterum est, quasi hæc finiantur ut fiant. Ita totus hic revolubilis rerum ordo, manifesta est Resurrectionis testatio. Haud aliter dies in noctem moritur, & tenebris sepelitur; amissa lux lugetur, ea tamen rursus cum suo cultu reviviscit orbi, noctem mortem suam interficiens, tenebras sepulchrum suum reserans.

Aaaa 5

Ita

*a* 1. ad Cor. cap. 15. v. 36. & seqq.

Ita revolvuntur hiemes & æstates, iter  
& autumnus cum suis quisque moribus  
revertuntur. Et quis de Resurrectione  
hæreat? Nónne manus Moïsis emoritur  
exanguis, & refuso vitam recepit co-  
lore? Nónne ad contactum ossium Eli-  
sæi revixit inhumatum pridem cadaver?  
Nónne ad ejusdem Elisæi imperium Su-  
namitidis filius in vitam revocatus?  
Nónne ad dimensionem Eliæ, filius  
Sareptanæ viduæ jam defunctus iterum  
cœpit vivere? Nónne ad vocem Petri  
mortua resedit Tabitha? Nónne ad  
complexum Pauli Eutychus adolescens  
in vitam rediit? Nónne resurrexit caro  
& sanguis in Christo? An verò plus in  
suam quàm in alienam potuit? Quid in  
alienam potuerit, vide filiam Jairi, vi-  
de viduæ filium, vide Magdalenæ &  
Marthæ fratrem Lazarum. Audi tes-  
tes Apostolos, Evangelistas, Angelos.  
Matthæus post narratam Domini sepul-  
turam, Vespere autem sabbathi, ait,  
quæ lucefcit in prima sabbathi &c. De his  
Petrus Chrysologus eleganter differens,  
Quid hoc, ait, verbi est? Hoc nescit  
dies sæculi, hoc non habet mundi usus.  
Vesper finit, non inchoat diem; tene-  
brefcit vesper, non lucefcit, non in au-  
roram vertitur, quia lucis ortum igno-  
rat. Vespera, noctis mater jam parturit  
diem, mutat ordinem, dum agnoscit an-  
ctorem; radiat de novitate mysterium,

auhe-

PARS III. CAP. XI. 1105

anhelat conditori servire, non temporari. Resurgente Christo fidelibus luceffit vesper, dies infidelibus tenebrescit: discipulis nox mutatur in diem, Judæis dies vertitur in noctem. Et ecce terræ motus factus est magnus. Angelus enim Domini descendit de cælo, & accedens revolvit lapidem, & sedebat super eum *a*. Tremuit terra, non quia Angelus descendit de cælo, sed quia ab inferis dominator ascendit. Ecce terræmotus factus est magnus. Moveretur chaos, dissiliunt ima terrarum, rimet terra, montium tremunt pondera, orbis fundamenta quatiuntur, corripitur tartarus, sistuntur inferna: adducitur mors, quæ in reos tendens incurrit in judicem; dominata servis, exarsit in Dominum; sæviens in homines, proslivit in Deum. Merito ergo perit lex tartari, remota sunt inferni jura, potestas mortis ablata est, & in pœnam temeritatis suscitavit mortuos cognitoris injuria: denique redduntur corpora, redintegratur homo, vita reparatur: & constat de venia jam totum, quia in auctorem vitæ mox est transgressa sententia. Mutatur hic ordo rerum: mortem, non mortuum devorat hic sepulchrum, domus mortis mansio fit vitalis, uteri nova forma mortuum concipit parit vivum. Angelus enim Domini descendit de cælo, & accedens revolvit lapidem,

*a Matth. cap. 28, v. 2.*

dem, & sedebat super eum. Et angelus quæ causâ sedendi erat, cui nulla inerat lassitudo? sed sedebat ut fidei Doctor, ut Resurrectionis Magister: sedebat super petram, ut soliditas sedis daret credentibus firmitatem. Ponebat Angelus super petram fundamenta fidei, super quam Christus erat Ecclesiam fundaturus, qui dixit: Tu es Petrus, & super hanc petram ædificabo Ecclesiam meam. Erat, inquit, aspectus ejus sicut fulgur, & vestimenta ejus sicut nix. Ad Angeli gloriam non sufficit fulgor, ad cælestem naturam quid facit vestimentum? sed splendore tali referebat speciem nostræ Resurrectionis & formam: quia resurgentes per Christum, Christi mutantur in gloriam. Prætimore autem ejus exterriti sunt custodes, & facti sunt velut mortui. Miseri, quos tunc perculit pavor mortui, quando securitas redditur vitæ: sed crudelitatis ministri, perfidiæ executores alienæ, fiduciam sumere quomodo poterant de supernis? obsidebant sepulchrum, Resurrectioni januas obstruebant, & ne qua posset intrare vita, mors perire, servabant: merito eos Angeli perculit & prostravit adventus. Misera & sibi semper inimica mortalitas dole se mori; ne resurgere possit, oppugnat: sepulchrum aperire convenerat, & ad resurgendum quidquid erat facillitatis affere, ut esset miraculum de facto, de exemplo

emplo spes, de reverso res, credulitas  
de videndo. Grandis dementia est, hoc  
hominem nolle credere, quod sibi desi-  
derat evenire.

Præ timore autem ejus exterriti sunt  
custodes. Quare territi? quia custodie-  
bant crudelitatis studio, non pietatis  
obsequio. Ruit, destruitur, stare non  
potest, quem conscientia destituit, im-  
pellit reatus. Hinc est, quod Angelus  
percellit impios, pios alloquitur & so-  
latur: Nolite timere vos. Hoc est, illi  
timeant: quærentes non timeant, ti-  
meant persequentes. Timeant Judæus  
qui tradidit, Pilatus qui cruci addixit,  
milites qui crucifixit: timeat impietas  
quæ illudit, crudelitas quæ acetum &  
fel propinavit; timeat sævitia, quæ se-  
pultum obsedit, perfidia quæ menda-  
cium emit, & fidem vendidit, inhumani-  
tas quæ suum Dominum occidit. Vos au-  
tem gaudere convenit, non timere:  
quia resurrexit, quem quærebatis mor-  
tuum, vivit quem lugebatis occisum.  
Nolite timere vos, scio enim quod Jesum  
qui crucifixus est, quæritis: non est. hic  
Hoc est, ego veni ut instruerem vos, non  
ut illum eximerem, qui & rerum factor  
est, & sui est susceptor. Non est hic.  
Surrexit enim sicut dixit. Vides quia  
venit Angelus; ut factis assereret servus,  
quæ Dominus prædixerat verbis, &  
doceret moriendi & vivendi penes il-  
lum potestatem fuisse, qui ante suam  
mor-

# 1108 DE CHRISTO RESVRG.

mortem prædixerat resurrectionem : nam utique qui scire potuit , potuit & cavare : sed quia vincere potuit , declinare contempsit , quia Resurgentis gloria sepelivit morientis injuriam a.

Igitur cæli plaudite , aër insona , triumphum clamate littora , terra resul-  
ta ; & tu Echo mille ora indne ; gratu-  
lentur , jubilent . applaudant universa .  
Vicisti , Domine Jesu , vicisti . Victtricem  
manum tuam laudamus pariter b . Vide-  
mus etiamnum in bono duce victoriæ  
vestigia , plagas adversas , trophæum no-  
bile , purpuratam crucis arborem prædi-  
camus . Non est gloriosa victoria , nisi  
ubi fuerint laboriosa certamina . Tutis-  
sima est pro Christo & cum Christo pæ-  
na , in qua nec vulneratus , nec prostra-  
tus , nec conculcatus frudaberis victo-  
ria . Tu tantum ducem tuum non dese-  
re , cum illo pari est vincere .

## CAPUT XI.

*De Christi Reviviscentis triplici  
victoriâ.*

**A**NTE annos circiter octoginta  
Francofurti ad Moenum duo Prin-  
cipes foras prodeambulant animi caus-  
sa . Et ut lætior iret hic dies , geminos  
falco-

a Petrus Chrysol. serm. 74. mihz pag. 197.  
& seqq.

b Sap. cap. 10. v. 20.



falcones emisertunt in auras prædatum. Incurrit in aleatos venatores istos avis plebeia. Mox uterque prædo eo impetu in oblatam sibi volucrem iuebant, ut seipfos rostris confixerint *a.* foedeque lacerarint; ita delapsi & volare simul & vivere desierunt. Pica, ea erat avis, hostium quidem unges evaluit, sed territa decidit, & antequam subvolaret, à canibus discerpta est

Sanguinaria sententia in Christum pronuntiata robusti duo falcones, Mors & diabolus, subvolarunt ad diripiendam prædam. Iam antè inter olivas Christus dixerat: Hæc est hora vestra, & potestas tenebrarum. Sed uterque hostis turpissimè victus est. Osecas hoc prædixit: Ero mors tua, ô mors; mortuus tuus ero inferne *b.* Avis discolor pica, fallax mundus & mendax synagoga, quamvis etiamnum spirent, destinatum tamen sibi supplicium non evadent. O bone Jesu, ecce confundentur & erubescunt omnes, qui pugnat adversum te *c.* Absorpta est mors in victoria *d.*

Vicit Christus elephantum, leonem vicit & crocodilum. Hoc ajo: Mundum crucifixus, & diabolum & mortem debellavit. De illustrissima triplici hac victoria nunc differendum.

§. I.

*a.* Gespist.

*b.* Os. cap. 13. v. 14.

*c.* Is. cap. 14. v. 11.

*d.* 1. ad Cor. cap. 15. v. 54.

*Christus Reviviscens vicit elephantum.*

Elephanto mundum conferimus sagaci belluæ, & quæ Plinio atque Eliano testibus *a*, religione singulari crescentem lunam veneratur. Jam intelligis, credo, Lector, cur huic bestię mundum comparem. Elephantorum varius est usus in bellis L. Metellus primo bello Punico elephantes centum quadraginta duos cepit Hi Romæ omnes in circo jaculis & hastis occisi, inopia consilii, quoniam neque ali placebat, neque Regibus donari. In præliis, ut veteri jactatur verbo, primi omnium vincuntur oculi. Ingenti mundus apparatu aciem struxit adversus Christum tanquam primis insultibus debellandum atque ut ipsi omnium primi vincerentur oculi, armatas copias velut ad latronem capiendum emisit in olivetum. Nam irruentibus in se turbis Servator, Tamquam ad latronem, inquit, existis cum gladiis & fastibus comprehendere me *b*. In Christi necem omne genus hominum conjuravit; sacri, profani, summi, imi, Hebræi & Romani, Sacerdotes & Reges, amici & hostes. Agmen duxerunt Pharisei, Scribæ, Legisperiti,

Sena-

*a* Plin. l. 8. nat. hist. cap. 1. Elianus l. 4. de Animal. c. 10. *b* Matth. c. 26 v. 55.

PARS III. CAP. XI. 1117

Senatus omnis Hebræus, Pontifices, Annas, Caiphas, Herodes, Pilatus. Censuit mundus Christum Dominum adversa multitudine opprimendum Deceptus est. mundus, & suamet fraude victus.

Eduxerat rex Antiochus contra Machabæos Principes numerosissimum exercitum, centum millia peditum, & viginti millia equitum, elephantorum triginta duos ad ineunda prælia eruditos. Et commovebantur omnes inhabitantes terram à voce multitudinis eorum, & incessu turbæ & collisione armorum: erat enim exercitus magnus valdè & fortis. Huic Judas Machabæus cum suis itidem copiis in occursum venit. In ipso congressu & ardore prælii, vidit Eleazar unam de bestiis loriceatam *a*. loricis regis, & erat eminens super cæteras bestias: & visum est ei, quòd in ea esset rex: & dedit se, ut liberaret populum suum, & acquireret sibi nomen æternum. Et cucurrit ad eam audacter in medio legionis interficiens à dextris & à sinistris, & cadebant ab eo huc atq; illuc. Et ivit sub pedes elephantis, & supposuit se ei, & occidit eum, & cecidit in terram super ipsum, & mortuus est illic *b*.

Hunc Elephantum regium fortissimus Eleazar noster Christus prostravit. Vehementur hac bellua ducum maximi

B b b b peltis

*a* Elephantem.

*b* 1. *Machab. cap. 6. v. 43. & seqq.*

1112 DE CHRISTO RESVRG.

peltis aureis armati, Annas, Caiphas, Pontifices, rex Herodes, Pontius Præses; singuli speciosa ratione Christum addixerunt morti: illi ut blasphemum, iste ut stultum, hic velut hominem plurimorum sententiis damnatum. Hac armaturâ mundus velut turritus elephante in Christum ibat. Ex hujus bellæ turri quatuor viri illi, judices iniquissimi, in innocentem pugnabant. Sed cæsus est elephante, judices dejecti. Resurrexit Christus, sicut dixit. Et videte nostrum Eleazarum, quo ausu & animo dimicantem in se belluam jugularit.

1. *Vidit unam de bestis loricatam, & erat eminens super ceteras bestias.* Testatus id Psaltes, Quare, inquit, fremuerunt gentes, & populi meditati sunt inania? Astiterunt reges terræ, & principes convenerunt in unum adversus Dominum, & adversus Christum ejus a. 2. *Et dedit se, ut laceraret populum.* Cruciatu & mortem Christus subiit sine duplici, cùm ad omnem humanam gentem ab interitu servandam, tum ad gloriam æternam suo nomini parandam. Propter quod & Deus exaltavit illum, & donavit illi nomen, quod est super omne nomen b. 3. *Et cum urrit ad eam audasset in medio legionis.* Quàm intrepidè Christus in oliveto, inveniendi armatæ legioni dixit, Ego sum! Quod

a Psal. 2. v. 1. & 2.

b Ad Phil. cap. 2. v. 9.

Quod & ingeminans, Dixi vobis, inquit, quia ego sum: si ergo me quæritis, sinite hos abire *a.* 4. *Et erit sub pedes elephantis, & suppositus feci.* Ut nos extolleremur, non recusavit Dei filius conculcari. Hinc illæ voces: Misere mei Deus, quoniam conculcavit me homo, totâ die impugnans tribulavit me. Conculcaverunt me inimici mei totâ die, quoniam multi bellantes adversum me *b.* 5. *Et occidit eum.* Exarmatus, cæsus, prostratus est mundus; universæ mundi machinationes dejectæ Et ubi nunc saxum ostio sepulti advolutum? ubi appressum monumento sigillum? ubi tot armati milites unius mortui custodes? Surrexit mortuus; illi ceciderunt, & facti sunt velut mortui *c.* Vicit Eleazar, vicit Dominus, vicit Christus. Jure meritiſſimo proclamat victor: Confidite, ego vici mundum *d.* Si mundus vos odit, scitote, quia me priorem vobis odio habuit. Non est servus major Domino suo. In mundo pressuram habebitis: sed confidite, ego vici mundum. Nemo sævientem mundum formidet: periculosior mundus & magis cavendus, cum blanditur, quam cum sævit. Optimè dixit Augustinus: Ecce ruinosus est mundus, & ambitur; quid si dulcis esset?

B b b b 2 Ecce

*a* Joan. cap. 18. v. 8.

*b* Psal. 55. v. 1. & 2.

*c* Matth. cap. 28. v. 4.

*d* Joan. cap. 16. v. 33.

#### IIII DE CHRISTO RESVRG.

Ecce turbat mundus, & amatur; quid si tranquillus esset Formoso quomodo legeres, qui sic amplecteris. scedum: Flores illius quomodo colligeres, qui à spinis non revocas manum a? Hic fallax mundus perversitatem habet veram, iucunditatem falsam, certum dolorem. incertam voluptatem, duram servitutem, timidam quietem, rem plenam miseriæ, spem beatitudinis inanem. Hæc Augustini verbis consigno. Non nos teneat voluntas propria, non nos terreat crudelitas aliena, & victus est mundus b. Quoniam omne quod natum est ex Deo, vincit mundum: & hæc est victoria, quæ vincit mundum, fides vestra c. Confidamus; Christus vicit mundum.

a *Arg. tom. 8. in Psal.*

b *Aug. tom. 10. serm. 1. de S. Vincentio.*

c 1. *Joan. cap. 5. v. 4.*

#### §. II.

*Christus Reviviscens vicit Leonem.*

Illum ipsum certè leonem vicit, qui rugiens circuit quærens quem devoreret a. Jam licet proclamare; Vicit bonus ille J E S V S, vicit, vicit leonem ab orco. Petrus Jarricus & Horatius Tursellinus memorant, eo ipso die, quo Lusitana classis prælio navali cum Aceris barbaris conflavit (erat is. Dominicus dies)

a 1. *Pet. cap. 5. v. 8.*

PARS III. CAP. XI. IIIS

die) Franciscum Xaverium Malacæ in  
 a de primaria circa nonam decimamque  
 horam ad cives verba fecisse. Inter per-  
 orandum Franciscus (iisdem testibus)  
 miram vultus, oculorum, ac totius cor-  
 poris mutationem concipere, adeò ut  
 ceptum orationis filum abrumpens, u-  
 triusque clavis congressum eloquentia  
 & ardore non solito per ambages ordi-  
 retur describere, auditoribus admira-  
 tione plurima defixis. Aberat enim à na-  
 vali pugna centum quinquaginta leucis.  
 Ita narrationem novam ingressus Xa-  
 verius, mox vultu oculisque ardenti-  
 bus, junctis manibus ante imaginem  
 Crucifixi effusius lacrymans exclamare:  
 O J E S U Christe, Deus cordis mei,  
 obsecro te quæsoque per supremos vi-  
 tæ tuæ cruciatus, ne deseras quos tuo  
 sanguine redemisti. Hæc elocutus in-  
 clinatum ac deficiens caput, summa  
 suggesti sponda paulisper excepit, ac  
 quadrante medio quievit. Exin, velut in-  
 gentem defatigationem abstersisset, caput  
 subito attollens, vultu alacri & læto pro-  
 clamat: Vicit, vicit, ô Fratres, bonus ille  
 J E S U S. Nunc igitur mœrore posito, hi-  
 laritati vos ac lætitiæ date. Jam nostri  
 hostem prælio devicerunt, non amplius  
 quatuor e nostris desideratis. Tantulo  
 impendio tam insignis stetit victoria.  
 Propediem victores aderunt incolumes.  
 Nam sexta feria proxima spoliis & præ-  
 da onusti cum captivis navigiis revehen-

tur domum. Agitedum ergo & Deo victoriæ auctori gratias agimus. Vicit, vicit, ô Fratres, vicit bonus ille *JESVS a.*

Quid rectius Redivivo ac Victori Christo acclamemus, quàm hoc ipsum: Nostra est victoria; jam fusi fugatique sunt hostes. Vicit, vicit, ô Christiani, vicit bonus ille *JESVS*, & vicit victorem nostrum leonem acheronticum. Futurum hoc prædicens dux noster, Nunc, inquit, princeps hujus mundi ejicietur foras *a.* Nunc autem ejectus est foras. Cum diabolus, ille fortis armatus custodiret atrium suum, in pace erant ea quæ possidebat. Sed jam fortior eo superveniens vicit eum; universa arma ejus abstulit, in quibus confidebat, & spolia ejus distribuit *c.* Morsus tuus, inferne, homo est crucifixus, jam à funere redivivus. Summo id nobis solatio est atque gaudio. Leo avernalis jam ligatus est: rugire potest: mordere non potest; nisi propius accedentem.

Palladius Helenopoleos præsul memorans. Erat adolescens, inquit, emortui pudoris ac profligatæ vitæ, vario scelere contaminatus. Resipiscens tandem & alto dolore faucius sepulchro quodam velut virtutis scholâ se conclusit. Hic gemit.

*a Petrus Jarricus de Rebus Indicis cap. 1. mihi pag. 240. & Horatius Turfellinus l.*

*3. Vite Xaverii, cap. 11. mihi pag. 309.*

*b Joan. cap. 12. v. 32. c Luc. c. 11. v. 21.*



PARS III. CAP. XI. III7

gemitus iterare, lacrymas fundere, solo adsterni, preces perpetuare, non ausus nec oculos quidem cælo attollere, aut Dei nomen pronuntiare, illud unum ingeminans: Miserere mei Domine, miserere mei. Pessimè habuit cacodæmonem tam seria & ardens pœnitentia Exacta igitur hebdomade adest veterator ex orco cum sociis, & vociferatur: Quid agis hominum flagitiosissimè? Nempe jam libidinum spurcitia satur, videri vis castus & religiosus? & vires quas inter flagitia consumpsisti, jam Deo consecras, & cælum tibi polliceris, jam pridem inferis devotus? Noster es, ne dubita, serò nimium è nostris castris transfugium moliris. Redi ergo, & quod vitæ reliquum est, assuetis gaudiis consume. Non deerit voluptas, noviste deliciis fovebimus, juventutis florem reparabimus. Revivisces. Quid enim verò te ipsum ante tempus suppliciis frustra conficias? actum agis. Spes aliunde affulget nulla. Nec apud nos passurus es diriora quàm tu ipse tibi mala irrogas. Nunc igitur oblatis fruire, & dulcem carpe vitam dum licet. Hæc terrore amicabile certatim hostes ingerebant. At ille inter preces & lacrymas immobilis hærebat terræ affusus. Nec illi tamen iisdem cantilenis precantem obtundere desistebant. Ubi nec minus nec blanditiis quidquā profecissent, verberibus etiam, annuente Deo, in trans-

# III DE CHRISTO RESVRG

fugam sœviverunt. Contutum probè, nec tamen à cœptâ pœnitentiâ retractum deseruerunt. Die altero adfunt cognati, & pugnam movent periculosiorem. Quanto enim humanius egerunt, tantò prouiore ad malos assensus viam struxerunt. Nec defuerunt præces; rediret saltem, & suis viveret legibus, neminem impedimento fore, dummodò non repentè hominem exueret. Sed à cœpto non dimouent: persistit ille anteaactam vitam lacrymis expiare. Proximâ nocte diaboli redeunt, acerbius sœvitur. Nec tamen alia vox atrocibus plagis expressa, quàm insigne illud constantiæ testimoniam: Malo mori, quàm vobis obsequi. Nocte tertia eo assaultu, iisque terroribus, tantâque verberum sœvitia ruunt in obluquantem, ut corpore inter plagas collapsò, constans animus hoc unum vocis emiserit: Vobis non obtempero. Hac constantiâ exarmati hostes stygii, Vicisti, clamant, vicisti, vicisti. Et præcipiti fugâ discesserunt a.

Dei filius, si divina liceat conferre humanis, contra triplicem hostem patientiâ constantissima pugnavit. Victus tamen videbatur J E S V S, nam in crucem actus in cruce mortuus, sepulchro absconditus est. Ita Deus fieri præcepit ob humanæ gentis crimina. Attritus est propter

a *Ruffin. Aquil. l. 2. cap. 1. mihi pag. 454.*  
*& Palladius cap. 5. mihi pag. 743. apud Roswyd.*

Pars III. Cap. XI. 1119

propter scelera nostra tam strenuus pug-  
nator, qui voluit mori, ut Patri posset  
obsequi. Hic die tertio à morte ad vitam  
redit, jam mundi, mortis & diaboli vi-  
ctor. Hinc orbis universus, humana gens  
omnis, ipsi etiam hostes victori huic ac-  
clamant: Vicisti, vicisti. Rex gloriæ,  
vicisti.

Iverat Samson unà cum parentibus in  
Tamnatha. In itinere ad oppidi vineas  
apparuit catulus leonis fævus & ruziens,  
& occurrit ei. Irruit autem spiritus Do-  
mini in Samson, & dilaceravit leonem,  
quasi hœdum in frustra discerperit, nihil  
omnino habens in manu a Diabolus leo  
fævissimus, omnes exeruit vires, ut Sam-  
sonem nostrum sterneret; hinc illi rugi-  
tus terrifici. Crucifige, Crucifige. Et oc-  
currit ei, quanto potuit impetu, nam hoc  
unum egit, ut Christum in crucem rape-  
ret. Eò Phariseos, Pontifices, Judæos,  
Romanos, iudices iniquissimos, ipsos, et-  
iam Christi discipulos concitârat, ut  
quem suis unguibus destinâisset, perde-  
ret. At Samson noster leonem hunc fæ-  
vissimum velut hœ lalum discerpfit, ni-  
hil omnino habens in manu. Hic olim  
Samson dextra gerebat ignes, gladium,  
aquis, serpentes, fulmina, grandines, qui-  
bus noxios feriebat. Jam verò penitus  
inermis, nec ullum teli genus præferens,  
ligari sibi manus permisit, & tamen vi-  
ci; bonus ille J E S V S, ostenditque no-

B b b b ;

b is

a Judic. cap. 14. v. 6.

1120 DE CHRISTO RESVRG.  
bis modum triplicis istius hostis vin-  
cendi.

I. Mundum vincimus *Contemnendo*.  
Qui mundi falsa iudicia, vanos sermo-  
nes, impia vaframenta metuit, jam  
pænè victus est. Hæc acer bellator sper-  
nit omnia. Eleazar ad regium elephan-  
tium properans interfecit à dextris & à  
sinistris obvium quemque. Ita nos tot  
vanas considerationes *a*, tot inania  
terricula impavidi proteramus. Sed mun-  
dum, inquires, tota mole sua in me  
ruet, & opprimeret me. Ruat & oppri-  
mat; invito non nocebit. Nam Eusebia  
Emisseno teste *b*, Dejectio prostrati, oc-  
casio fit triumphi. Contemptu mundus  
vincitur. Contemne mundum, & vi-  
cisti mundum.

II. Diabolum vincimus *Resistendo*. Eò  
Jacobi Apostoli horratus spectat: Resi-  
stite diabolo, & fugiet à vobis *c*. Adversus  
cacodæmonem Christus imperterritus pa-  
tientia pugnavit. Post triplicem oratio-  
nem in horto versus ad suos, Surgite,  
ait, eamus. Et hostibus jam jam inva-  
suris. Hæc est, inquit, hora vestra, &  
potestas tenebrarum: prehendite, vin-  
cite, ducite. Cùm Petrus ab ipso au-  
disset Christum Hierosolymis occiden-  
dum, magno in Magiltrum affectu, Ab-  
sit à te Domine, aiebat, non erit tibi hoc:  
Cui

*a* *Welliche respect.*

*b* *Euseb. Emisf. hom. 8. de Pasch.*

*c* *Jacobi cap. 4. v. 7.*

PARS III. CAP. XI. 1125

Cui Christus: Vade post me satana, scandalum es mihi: quia non sapis ea quæ Dei sunt, sed ea quæ hominum a. Hæc diaboli sunt molimina. Nos abstergere nititur à generosa malorum perpetratione. Cum dolus non succedit, vim parat, & hostium multitudine timidiore cogitat opprimere. Resistite; & victus est adversarius. Hic verus illud verissimum: Audere, pars potissima est victoriæ b.

III. Mortem vincimus *Non vincendo*, sed moriendo. Eusebius Emislenus, quem dixi, hanc vincendi artem demonstrans, Dabit ipsa, inquit, infirmitas fortitudinem, lapsus palmam, ruina victoriam c. A morte Christus configi se passus cecidit, sed cadendo vicit. Cum priscis hic licebit dicere:

*Plerumque vincunt, vitam qui minime æstimant.*

Mortem non timere, est mortem vincere, & suo sepeliri triumpho. Christus jam acturus animam, Pater, inquit, in manus tuas commendo spiritum meum, Et hæc dicens expiravit. Nos ipsos nostraque omnia divinæ voluntati atque providentiæ quàm integerrimè committamus, & illum ineluctabilem horam non formidabimus. Cadendo surgimus. Mors vincitur non vincendo.

5. III. *Christi*

a *Matth. cap. 16. v. 22. & 23.*

b *Jambus vetus.*

c *Euseb. loco dicto.*

## S. III.

*Christus reviviscens vicit cro-  
codilum.*

Cum crocodilus cibo piscium, aut hu-  
manæ carnis, cujus est appetentissimus,  
jam satur, ad somnum se componit in lit-  
tore, avis parva, quæ Trochilos ibi voca-  
tur, rex avium in Italiâ, exporrectam  
helluam ad hiandum invitat, pabuli  
sui gratia. Nam (uti Ælianus & Ili-  
nius testantur) primum os ejus assul-  
tim purgans, mox dentes & intus fau-  
ces quoque ad hanc scabendi dulcedi-  
nem maximè patulas oberrat. In hac  
voluptate crocodilum somno pressum  
conspicatus ichneumon *a* serpens, per  
easdem fauces ut telum aliquod immis-  
sus, alvum erodit *b*. Quis ichneumo-  
nem alvo crocodili mersum conspiciens,  
non putet victum & absorptum? sed  
hæc callidi serpentis est victoria, dum  
hostis faucibus glutitur, hostem perim-  
mit. Ita mors planè Christum glutiit,  
sed ita quoque victoriam amisit. Serpen-  
ti se Christus conferens, Sicut Moyses ex-  
altavit serpentem, ait, in deserto, ita ex-  
altari

*a* Ab aliis Erydræ appellatur.

*b* Plinius l. 8. Nat. hist. cap. 2. mibi  
pag. 164. Ab hac narratione paululum  
abit Ælianus lib. 8. de Animal. cap. 25.  
mibi pag. 306.

altari oportet filium hominis *a*. Capitulissimus Christi hostis mors. Nec mirum. Christus se vitam affirmans, Ego sum, inquit, Via, Veritas, & Vita *b*. Quid novi, gratissimis odiis Mortem & Vitam diffidere? Ichneumon, quod dicti scriptores memorant, cum crocodilo prælium ingressurus, mergit se limo sæpius, siccatque sole: mox ubi pluribus se coriis loricavit, in dimicationem pergit. Christus corpore humano tectus, sed & limomersus tot ludibriorum & execranda crucis, Infixus sum, inquit, in limo profundi *c*. Ita loricatus miseriis humanis in hostem pugnavit, quem & vicit: Ubi est mors victoria tua, ubi est mors stimulus tuus *d*? Ecclesia ob victoriam hanc Christi lætissima cantat: Qui mortem nostram moriendo destruxit, & vitam resurgendo reparavit. Eadem etiam agendo gratias, ita præcatur: Deus, qui per Unigenitum tuum, æternitatis nobis aditum devicta morte referasti, vota nostra, quæ præveniendo aspiras, etiam adjuvando prosequere.

Sed dicas: Quomodo mors victa est? Omnes morimur, & quasi aquæ dilabimur in terram, quæ non revertuntur *e*. Hinc rectè quærimus cum Psalte: Quis est

est

*a* Joan. cap. 3. v. 14.

*b* Joan. cap. 14. v. 6.

*c* Psal. 68. v. 1.

*d* 1. ad Cor. cap. 15. v. 55.

*e* 3. Reg. cap. 14. v. 14.

est homo, qui vivet, & non videbit mortem *a*? Ausculta, mi homo, in capita conferam responsum.

I. Mortem non ita vicit Christus, ne moriamur amplius: jus suum morti non abstulit, tyrannidem ejus infregit. Nam ante Christi cum Morte congressum nullus mortuorum ad vitæ principium potuit evolare. Frustrà erat dicere: Mortem obii, debitum persolvi, finite nunc ad conditorem meum rectà proficiscar, Deum desidero videre. Incaustum hæc jactabantur. Mortis imperium & tyrannos omnes omnino quos jugulavit, ad inferiora terræ misit, velut æternæ mortis reos. In ponte dejici, tolerabile videri poterat; è ponte in aquas præcipitari, rigidum. Atqui hoc ante Domini mortem fiebat. Nunc tantùm in ponte dejicimur; momento spiritus à labe purus ad conditorem subvolat, Angelorum mediis Deum intuetur, vix à corpore abit animus, & inter cælites numeratur. Ita Christus devictâ morte æternitatis nobis aditum referavit.

• II. Prærogativa mortuos ad vitam revocandi multò amplior est in lege novâ quàm in prisca, in Ecclesia quàm in synagoga.

Ruffinus Aquilensis memòrat, ad Macarium seniore[m] Ægyptum venisse Hieraticam, prævæ religionis hominem. Hic ubi plurimos loquendi arte turbasset,



basset, Macarium etiam suis officiis ausus est invadere, & de fidei scitis audacissimè differere. Restitit vir sanctus, ut potuit. At homo vaser simplicem senis dictionem argumentatione callidâ elusit. Macarius adstantium auditorum fidem periclitari animadvertens, Quid opus, inquit, verbis contendere? exeamus ad sepulchretum, & cui Deus concesserit ad vitam evocare mortuum è tumulo, ejus religionem asseremus veram. Placet omnibus fiducia plena sponso. Egrediuntur ad sepultos. Hieracitam Macarius hortatur, ut in suæ religionis demonstrationem è sepulchro jubeat prodire mortuum. Cui adversarius, Tu, inquit, tuâ sponione provocasti me; tu prior defunctum evoca. Macarius ergo in genua ruens, ingenti fiducia precatus est. Ad finem precum oculis calo elatis, Mi Deus, inquit, quis è nobis duobus veram fidem teneat, ostende hoc mortuo in vitam reducto. Et cum dicto hominem illic non ita pridem sepultum evocavit nomine. Ad humanam vocem obsequentissimus mortuus mox respondit, & amota tumuli mole, præsentium oculis se vivum stitit. Adversarius prodigio tam luculento victus in fugam se vertit a.

Hæc gratia à mortis victore Christo pluribus in nova lege concessa. Turo-

nenfis

a *Ruffin. cap. 8. mihi pag. 480. apud Rosweyd.*

nensis præsul Martinus, Ecclesia teste *a*, tres mortuos ad vitam revocavit. Totidem beatus Dominicus Calariganus eodem testimonio laudatissimus, sanctæ familiæ parens. Franciscus Xaverius Indiarum Apostolus, viginti quatuor defunctos vitæ restituit. Taceo complures alios è Divorum tabulis jam notos.

III. Hæc mortis victoria summo est solatio in adversis placet omnibus. Job vermibus scaturiens, carnibus jam corrosis, omni pecore abactio. liberis ruinâ domûs obtritus, vix jam offibus hærens, spirans cadaver, animâ in corpore ulceroso & in extremis parè labris malè morante, in fimo velut in sepulchro compositus, canit tamen: Scio, quod Redemptor meus vivit, & in novissimo die de terrâ surrecturus sum *b*. Spes ista sic exhilarat, ut qui verus Christiamicus est, totum fœlis dolium exhauriat, nec querelarum aut impatientiæ quidquam prodar, nam illud inter lacrymas lætus canit: Scio, quod Redemptor meus vivit: Quem vitulus sum ego ipse & oculi mei conspecturi sunt, & non alius. Reposita est hæc spes mea in sinu meo *c*. Nos quidem, quanta Jobus, vix unquam patimur, nihilominus can-

*a* A quâ trium mortuorum suscitator magnificus appellatur.

*b* Job. cap. 19. v. 25.

*c* Ibid. v. 27.

eandem Jobi spem in sinu repositam habemus: Scimus, quia Redemptor noster vivit, & nos de terrâ denuò surrecturi sumus. Ita licet nobis quotidie honoris, pecuniæ, valetudinis, virum, vitæ aliquid defluat; non refert, redibit vita, & cum eâ bona omnia. Mors victa est. Dejicere nos potest in ponte, præcipitare in aquas non potest, nisi volentes.

IV. Victoria hæc Mortis ad omnem virtutis actionem extimulat. Cum Paulus resurrectionis mysterium argumentis compluribus affirmasset, addit exortandis ad virtutem Christianis: Deo autem gratias, qui dedit nobis victoriam per Dominum nostrum JESUM Christum. Itaque fratres mei dilecti, stabiles estote & immobiles, abundantes in opere Domini semper, scientes, quod labor vester non est inanis in Domino *a*. Quod si quis adeo sibi parcat, viam ad cælum nimis arctam & arduam queratur, hæcere ac quiescere ubique velit, uti pigri viatores solent, ne quæso fidem ac spem Resurrectionis jactet. Nec credit iste, nec sperat, nisi forsan fide mortua, spe vana. Qui reditum in vitam fide viva, spe certa opperitur, etsi orbis universi jacturam faciat. Quantillum est, ait, quod perdidit: redibunt hæc omnia, & nos cum illis. Quid enim sunt caduca hæc omnia, nisi umbra, non plauden-

Cccc tis

*a* 1. ad Cor. cap. 15. v. 57. & 58.

tis manûs sibi lo digna *a*? Perierint peritura; quid mea interest? modò mihi non pereat cælum. Unum atque unicum damnum est, æternam vitam perdere. Cetera titivilitium sunt & somnium. Et licet via ad cælum confragosa sit & aspera, non refert; pergamus impigro pede, scientes quòd labor noster non est inanis in Domino.

V. Hæc mortis victoria hoc ipsum idemtidem monet, quod Paulus clamat: Ut quomodo Christus surrexit à mortuis per gloriam Patris, ita & nos in novitate vitæ ambulemus. Hoc scientes, quia vetus homo noster simul crucifixus est, ut destruat corpus peccati, ut ultra non serviamus peccato *b*. Hic nobis ad istam mortis victoriam quæstio duplex nascitur. Prima: Cur Lazarus resurrexit cum sudario, Joanne teste, & statim prodit, qui fuerat mortuus, & facies illius sudario erat ligata *c*. At verò Christus sudarium reliquit in sepulchro. Nam, eodem teste, venit Simon Petrus, & introivit in monumentum, & vidit lintamina posita, & sudarium, quod fuerat supra caput ejus non cum lintaminibus positum, sed separatim involutum in unum locum *d*. Hæc prima

*a* Solt einer nicht ein schneller drum geben.

*b* Ad Rom. cap. 6. v. 4. & 6.

*c* Joan. cap. 11. v. 44.

*d* Joan. cap. 20 v. 7.

ma quæstio. Altera: Cur hoc ipso tempore hujus victoriæ monumenta sint aperta, Matthæo teste: Et monumenta aperta sunt, & multa corpora Sanctorum, qui dormierant, surrexerunt *a*. Utrique quæstioni respondebimus.

*a* *Matth. cap. 27. v. 52.*

§. IV.

*Cur Lazarus cum sudario, Christus sine illo prodierit è tumulo.*

Ergo Lazarus cum sudario, sine illo Christus è sepulchro prodiit. Ægypti prærex Josephus iconicum Christi simulacrum tam in aliis multis quàm etiam in isto. Ab herà Joseph ne malà vi teneretur, pallium reliquit. Nam, quod facer historicus prodit, Relicto in manu ejus pallio fugit, & egressus est foras *a*. Hæc Eusebius Emislenus expendens, Joseph, inquit, detinetur à muliere, Christus à morte; Joseph pallio relicto aufugit, Christus linteamina in sepulchro reliquit, & exsurrexit. Non ita Lazarus prodiens è sepulchro cum sudario, quod Christus reliquit, & Angelus monstravit. Nec id mysterio vacat. Christus resurrexit non moriturus amplius, immortalis æternam. Lazarus morti subiectus, iterumque moriturus, secum fert sudarium.

Cccc 2

Si

*a* *Genes. cap. 39. v. 12.*

### 2130 DE CHRISTO RESURG.

Si quando classicus remex triremi exeat, sibi aliquid de foro præstinaturus, compedum aut catenæ partem pede trahit. Quod certè argumento est, eum à scalmis & transtris non esse liberum. Ita velit nolit, ad trahendum remum ipsi est redeundum. Ita & Lazarus è tumulo prodit, sed secum institas, sudarium, lodicem mortualem trahit, ut ipse aliique omnes nòrint, esse mortis subditum, spectare ad maris mortui remum, sandapila denuò claudendum. At verò Christus sine sudario emergit tumulo, solutissimus, liberrimus ab omni mortis vinculo. Gratulatur Paulus, & sacro applausu, Scientes, inquit, quòd Christus resurgens ex mortuis jam non moritur, mors illi ultrà non dominabitur. Quòd enim mortuus est, peccato mortuus est semel: quòd autem vivit, vivit Deo b.

Nec Christus tantùm immortalis, sed & Christi sudarium inter ipsos etiam ignes immortalitatem præ se tulit. Mahultas Saracenorum Princeps, quod Beda & Baronius c. narrant, hoc ipsum, quod diximus, sudarium octo pedes longum habuit: ut autem exploraret quàm certæ id fidei esset, in ignem conjici præcepit. At illud ex igne in aëra se librans, & aliquamdiu velut placidissimè

a Vom Ruderbanck.

b ad Rom. cap. 6. v. 9.

c Beda libello de locis sanctis, c. 5.

diffimè volans in alto cunctabundum hæsit, demum cernentibus cunctis in præsentis cujuscumque Christiani brachia tranquillo motu se demisit. Prodigium tot testatum oculis, quot spectatum.

Porro alterum sudarium, cui cruenta Christi facies impressa, in supremo illo itinere mœstissimo Veronicæ relictum est. Hæc matrona civis Solymæa Christi discipula, Magistri ultimos labores miserata, hoc munus à morituro Domino, ut suprà demonstratum est, accepit. Perinde si dixisset Christus: Hoc donarium hæredes sequitur. Testimonia cruciatuum meorum habeant Christiani. Hi nōrunt quantæ molis, quanti & sudoris fuerit, hominem æternæ mortis reum redimere. Penes Christianos ergo mea sint sudaria. Quocirca Christus Dominus sine sudario, Lazarus cum illo ad vivos rediit, ut luculentum esset discrimen inter Lazarum resurgentem, sed denuò moriturum, & Christum mortis victorem, immortalitate supra omnes beatissima coronatum.

a Parte 2. de Christo moriente, c. 5. v. 6.

§. V.

*Quid mysteriorum fuerit, moriente Christo tumulos referari.*

Altera erat quæstio: Quid mysteriorum, tumulos referari. Ex Matthæo discimus:

Cccc 3

Et

1132 DE CHRISTO RESVRG.

Et monumenta aperta sunt, & multa corpora Sanctorum, qui dormierant, surrexerunt. Sed an non maior fuisset gloria Resurgentis Christi, solum resurgere? Isaias aliquoties minatus, Væ, inquit, qui prædaris, nonne & ipse prædaberis? Non est in orbe prædo similis morti; rapit ea omnibus omnia, terrâ marique, mendiculos & reges juxta habet, & istos & illos peræquè spoliât; petasos & diademata, ligones & sceptrâ eâdem mergit foveâ. Mors orbis expiator & prædo, nemini non horribilis, nullum unquam se fortiozem invasit, nisi illum unum atque unicum cruci suffixum. Væ tibi, mors rapacissima, quæ ab orbe condito innumera commisit furta, quæ tot milliones hominum spoliasti vitâ. Immanis bellua, quæ nescit parcere; doctos, indoctos; pauperes, opulentos; debiles, robustos; juvenes, adultos; senes, pueros; infantes, decrepitos sine delectu, vi pari abripit: omnes quos unquam vidimus, omnes de quibus aliquid audivimus aut legimus, & quantula ea pars hominum est quam nôsse possumus; omnes omnino qui vel olim nati sunt, vel omnibus terris ac sæculis pascuntur, in hujus prædonis ungues incidant necesse est. Nemo hætenus ab hoc prædone liber evasit, evadet nemo. Certe animo longissimam præcedentium, nec minus longam



longam sequentium catervam. Hac ipsa, quâ loquimur, horâ quot mortalium millia mortis falaricâ sternuntur? Mors artes omnes eludit, preces conceptissimas spernit, amplissima promissa rejicit, non ætatem, non sexum attendit, natalium imagines, titulos, fauces proterit, imperium nescit, Principes non agnoscit, blanditias omnes contemnit, vim nullam metuit, superstitum omnium vitam extinguit.

Sed æquo simus animo, jam ipse etiam in prædam cessit tam immanis prædo. Fit subinde ut juvenis malè ingenuatus, & ad furta pronus, modò pecuniolam, modò strophium, modò chirothecas, modò telam; jam cingulum, jam librum, jam pileum furaci manu subducatur. Ita minutioribus furtis initiatus ad majorem harpagandi peritiam dies proficit. Audacior tandem ex auctore Principis argenteum vel scyphum, vel patinam, vel guttum aut malleum depicit, sed apud aurificem miser, quem furtum venditurus adit, à Principalibus insignibus proditur; in vincula trahitur, torquetur; hîc minora furta omnia prioris vitæ fatetur. Mors ab orbis origine furtis & rapinis continuis assueta, mortalium nemini non charissimum quod habuit, vitam eripuit. Hanc protoplastis, hanc posteris universis extorsit; nulla domus quam non expilavit, nullæ latebræ quibus prædam non extraxerit; ita

oppida, civitates, provincias, regna, jam sæpiùs vacuavit incolis, huic rapiendi licentiæ jam nimium affluera. Sed hæc omnia minuta possunt censeri furta, & Lavernæ artes jocosæ. Illi omnes erant homines caduci, velut poma vermiculosa, putrida, ad moriendum nati. Hinc homines ejuscemodi abriperre in prædam, morti non erat probrosum. Sicuti cerasos ad viam consitas depopulari, aut silvestria pirâ vel poma furtis nata carpere, viatoribus non vitium; quis enim ea curat? ita mors impunè sustulit, quos ad interitum editos scivit. At ubi mors Christum Dei Filium, benedictum virginei uteri fructum carpsit, cum vitæ Dominum occidit, cum aureum hoc carchesium surripuit, furtum audacissimum, & prioribus minutis omnibus longè grandius commisit, nec enim peculatus tantum, aut rapina vel sacrilegium, aut plagium, sed læsæ majestatis crimen fuit maximum. In hoc flagrantissimo delicto mors deprehensa, & ad crucem Dominicam, velut ad equuleum torta, priora furta omnia est confessa. Atque hoc obeunte Christo sepulchra referata testantur. Sepulchrorum apertio, sceleris confessio, rapinarum restitutio. Perinde si mors dixisset: En Domine, arcum & sagittas meas, in prædam, quam rapui ac sepulchris abdens occultavi. Me victam fateor, parata furtum omne restituere.

PARS III. CAP. XI. 1015

Vicit ergo, vicit bonus JESVS, vicit Elephantem, vicit Leonem, vicit & Crocilum. Mundus, mors, diabolus, triumphali curru Christi captiva mancipia trahuntur. Iò triumphe! Absorpta est mors in victoria. Ubi est mors victoria tua, ubi est mors stimulus tuus? Nōne prædictum: Ero mors tua, ô mors a: vœ qui prædaris; jam prædata, jam ipsa facta es præda. Deo autem gratia qui dedit nobis victoriam per Dominum nostrum JESVM Christum b. Jam mori non formidemus. Bona mors, initium est vitæ.

a Ose. cap. 13. v. 14.

b 1. ad Corinth. cap. 15. v. 57.

CAPUT XII.

*De Christi in cælum ascendentis gloriâ.*

PROMISSIS, reor, stetimus, & de Christo etiam Resurgente disseruimus. Sed omnino par est, ut qui Resurgentis victoriam spectavimus, Ascendentis quoque triumphum hilari erectoque vultu prosequamur. Hic ego, mi Lector, quàm potero, brevissimus ero, & summa rerum capita non explicabo, sed eò solùm digito monstrabo, altiori cogitatione commeditanda. Esset quidem dignissimum & Ascendentis gloriâ singulari libro proponere spectandam: nec ad eam rem parata jam copio-

Ccc. s.

fior

1136 DE CHRISTO RESURG.  
fior scriptio deesset, sed ne nimium ex-  
tra promissum abeam, & demum de  
tabulâ manum amoveam, hanc visum  
est coronidem ac clausulam apponere,

§. I.

*De Christo in cælum ascendente oracula  
& vaticinia.*

Enoch homo justus in cælum à Deo  
translatus est, idque ante Moseas leges.  
Et facti sunt omnes dies Enoch trecenti  
sexaginta quinque anni. Ambulavitque  
cum Deo, & non apparuit, quia tulit  
eum Deus *a*. Elias dum Moseæ leges  
starent, in cælum curru igneo subvectus  
est. Cùmque pergerent, & incedentes  
fermocinarentur (Elias & Elifæus) ecce  
currus igneus & equi ignei dividerunt  
utrumque: & ascendit Elias per turbi-  
nem in cælum *b*. Servator orbis Chri-  
stus novâ lege gratiæ stabilitâ, nec trans-  
latus, nec subvectus, orbis cælestes suâ  
virtute penetravit, non sine spoliis eò  
reversus unde ad nos descenderat. As-  
censionis ergo suæ Dominus prænun-  
tios & testes habuit: unum ante le-  
gem, unum sub lege, ut quandoque  
veniret ipse, qui veraciter cælos trans-  
ire posset.

Ita nepos Abrahami Jacob, In baculo  
meo, inquit, transivi Jordanem istum:  
8& nunc

*a Genes. cap. 5. v. 23. & 24.*

*b 4. Reg. cap. 2. v. 11.*

& nunc cum duabus turmis regredior *a*. Ita noster è cælo peregrinus ad nos pauperrimus venit stabulo exceptus, nunc hominum & Angelorum turmis stipatus revertitur. Hac in re non dissimilis opilioni, qui habet centum oves, & si perdidit unam ex illis, dimittit nonaginta novem in deserto, & vadit ad illam quæ perierat, donec inveniat eam. Et cum invenerit eam, imponit in humeros suos gaudens, & veniens domum convocat amicos & vicinos, dicens illis: Congratulamini mihi, quia inveni ovem meam, quæ perierat *b*. Ita Christus Angelis relictis, perditæ genti humanæ in subsidium properavit. Ubi amissam hanc oviculam invenit, inter gaudia in cælum remeavit.

Canebat olim Moyses: sicut aquila provocans ad volandum pullos suos, & super eos volitans, expandit alas suas & assumpsit eum, & portavit in humeris suis *c*. Christus aquilæ non abfimilis è pluribus caussis: 1. Aquila volucrum regina, volatu vincit omnes. 2. Solem irretortis oculis intuetur. 3. Ungue & rostro victum sibi parat è prædâ. 4. Pullis suis providet sollertissimè. 5. Solis aspectum recusantes pullos exturbat nido, & ut degeneres abjicit. 6. Adultiores ad evolandum exemplo suo provocat. 7. Tandem illos deserit, ut ipsi suo se labore alant.

Chri-

*a Genes. cap. 32. v. 10. b Luc. c. 15. v. 4.*

*c seqq. c Deut. c. 32. v. 11.*

1138 DE CHRISTO RESVRG.

Christus 1. Rex est tam in præsepi quàm in cruce, tam à Magis adoratus, quàm à militibus & Pharisæis irrisus. 2. Christus Deus seipso beatissimus, etiàmnum viator, & cum inter nos ageret, aspectu Dei fruebatur. 3. Exarmatis hostibus, quos occumbendo vicit, spolia detraxit. 4. Cum dilexisset suos, qui erant in mundo, usque in finem dilexit eos *a*; & hoc unum moriendo egit, ut sui viverent. 5. Filios in malum obstinatos, disciplinæ ofores, à paternâ indole alienos exhæredat, rejicit, à segregat. 6. Suos ad cælestia invitans, In domo Patris mei, ait, mansiones multæ sunt: Vado parare vobis locum *b*. 7. Rediturus in cælum, suis valedicens, Vado, inquit, ad eum, qui misit me. Sed quia hæc locutus sum vobis, tristitia implevit cor vestrum. Sed ego veritatem dico vobis, expedit vobis, ut ego vadam *c*.

Hæc omnia diversis orâculis & vaticiniis illustrissima. Michæas præcinit: Ascendet pandens iter ante eos. Et transibit Rex eorum coram eis, & Dominus in capite eorum *d*. Huic regius Psalteres respondet velut rem gestam commemorans. Ascendit Deus in iubilo, & Dominus in voce tubæ *e*. Currus Dei decem

*a* Joan. cap. 13. v. 1.

*b* Joan. cap. 14. v. 2.

*c* Joan. cap. 16. v. 5. & seqq.

*d* Mich. 2. v. 13. *e* Ps. 46. v. 6.

PARS III. CAP. XII. 1139

cem millibus multiplex, millia lætan-  
tium: Dominus ejus in Sinai in Sancto.  
Ascendisti in altum, cepisti captivita-  
tem, accepisti dona in hominibus *a*. I-  
saïas non sine admiratione interrogans,  
Quis est iste, inquit, qui venit de Edom,  
tinctis vestibibus de Bosra, iste formosus  
in stolâ suâ, gradiens in multitudine for-  
titudinis suæ? Quare rubrum est indu-  
mentum tuum, & vestimenta tua sicut  
calcantium in torculari *b*? Hunc ipsum  
è bello reducem victorem Psaltes divi-  
nus prædicans, Deus meus, inquit, ma-  
gnificatus es vehementer. Confessio-  
nem & decorem induisti, amictus lu-  
mine sicut vestimento. Qui ponis nu-  
bem ascensum tuum, qui ambulas su-  
per pennas ventorum *c*. His vaticiniis  
Paulus consideratis, Ascendens in al-  
tum, inquit, captivam duxit captivita-  
tem, dedit dona hominibus. Quòd au-  
tem ascendit, quid est, nisi quia & de-  
scendit primùm in inferiores partes ter-  
ræ, Qui descendit, ipse est & qui ascen-  
dit supra omnes cælos, ut impleret om-  
nia *d*. Illuc enim revertebatur, ubi  
jam erat, & inde redibat, ubi remane-  
bat: quia cùm per humanitatem ascen-  
deret in cælum, per divinitatem tuam,  
& terram pariter continebat & cælum *e*.

Quia

*a* Psal. 67. v. 18. & 19. *b* Isa. cap. 63. v. 1.  
& 2. *c* Psal. 103. v. 2. & 3. *d* Ad E-  
phes. cap. 4. v. 8. & seqq. *e* Greg hom.  
29. in Evang.

Quia igitur, inquit beatus Leo, Christi ascensio, nostra est provectio, & quod præcessit gloria capitis, eò spes vocatur & corporis; dignis exulemus gaudiis, & piâ gratiarum actione lætemur *a*. Sed hoc probè sciamus: Quò profundius jam descenderimus, hoc deinde altius ascendemus.

*a* Leo Serm. I. de Ascens. Dom: mihi  
pag. 203.

## S. II.

*Christi in calum ascendentis imagines  
& umbra.*

Hebræus Hercules Samson ingressus Gazam urbem, mox Philisthæis insidiis cinctus est. At ille, quod Judicum Annales memorant, dormivit usque ad medium noctis: & inde confurgens apprehendit ambas portæ fores cum postibus suis & sera, impositasque humeris suis portavit ad verticem montis, qui respicit Hebron *a*. Dominus JESUS, Samson verissimus, Judæorum tribulium suorum perfidia in crucem actus, & in tumultu compositus dormivit ultra noctis medium. Denique portas æternitatis complexus in altissimos cæli montes evasit. Hic ille noster Samson leonem ab inferis sævum nimis in via confecit. Hic nostræ libertatis vindex & asser-

*a* Judic. cap. 16. v. 3.



PARS III. CAP. XII. 1141

assertor, myrrham cum aromatibus  
messuit moriendo, favum cum melle co-  
medit resurgendo, vinum cum lacte bi-  
bit ascendendo *a*.

Postquam regius Saulis citharædus &  
armiger David formidinem Hebræi a-  
gminis Goliathum dejecit & obtrunca-  
vit, à Palæstinæ Metropoli Hierusa-  
salem ceterisque civitatibus, ingenti  
plausu & gratulatione, non sine sym-  
phonia & festivis choreis est rece-  
ptus *b*. Christus devictis hostibus, mun-  
do, morte, diabolo, festivissimis plausi-  
bus ab omni cælo salutatus, in civita-  
tem illam manentem, beatissimam, est  
introducitur.

Hic idem David jam unctus rex, cum  
adversus Amalecitas eruptionem moli-  
retur, quadringentis solum viris stipa-  
tus, Ecce illi (quod fasti Regum asse-  
runt) discumbebant super faciem uni-  
versæ terræ comedentes & bibentes, &  
quasi festum celebrantes diem, pro cun-  
ctâ prædâ & spoliis quæ ceperant de ter-  
râ Philisthijm, & de terra Juda. Et per-  
cussit eos David à vespere usque ad ve-  
speram alterius diei. Venit ergo David  
in Siceleg, & misit dona de præda se-  
nioribus Juda proximis suis, dicens: Ac-  
cipite benedictionem de præda hostium  
Domini *c*.

Jam

*a* Cantic. cap. 5. v. 2.

*b* 1. Reg. cap. 18. v. 6. & 7.

*c* 1. Reg. cap. 30. v. 17. & 26.

Jam hostes Christi velut re optimè gestâ, & amoto grandi adversario triumphabant. Sed ecce dum sibi met applaudunt stultissimè, diè inque festum agunt, Christus à funere redivivus è tumulo prodit, nova suos lætitia perfundant, benedictionem & munera dividit, in cælum triumphans redit. Jam reverâ, quod beatus Leo dixit, infirmitas in virtutem, mortalitas in immortalitatem, contumelia transivit in gloriam, quam Dominus JESVS in multis manifestisque documentis, multorum declaravit aspectibus, donec triumphum victoriæ, quem reportârat à mortuis, inferret & cælis *a*.

Jacob Isaaci filius Josepho sibi nato focerum Labanum conveniens, Din ite me, inquit, ut revertar in patriam, & ad terram meam *b* Raphaël Angelus suo munere in Tobix itinere perfunctus, Tempus est ergo, inquit ut, revertar ad eum, qui me misit. Vos autem benedicite Deum, & narrate omnia mirabilia, ejus *c*. Christus non uno sed pluribus filiis inter labores & dolores acquisitis, Et nunc, ait, vado ad eum, qui misit me. Exivi à Patre, & veni & mundum, iterum relinquo mundum, & vado ad Patrem *d*.

Hic

*a* S. Leo *serm. 2. de Ascens. Dom mibi p 206.*

*b* Gen *cap. 30. v. 25.*

*c* Tob. *cap. 12. v. 20.*

*d* Joan. *cap. 16. v. 5.*

Hic ille magni consilii Angelus est, hic ille rex gentium, orbis domitor & triumphator, Qui, ut canit Psaltes, in sole posuit tabernaculum suum; & ipse tamquam sponsus procedens de thalamo suo, exultavit ut gigas ad currendam viam; à summo cælo egressio ejus, & occursum ejus usque ad summum ejus; nec est qui se abscondit à calore ejus *a*. Psaltæ accinit Ecclesia: Omnis pulchritudo Domini exaltata est super sidera; species ejus in nubibus cæli, & nomen ejus in æternum permanet.

Jam sopitis undequaque bellis, jam templo Salomonis perfecto, Intulerunt arcam fœderis Domini in locum suum, in oraculum templi, in sanctum sanctorum subter alas Cherubim *b*. Cruentum prorsus prælium in monte Golgotha finitum est. Iam arca Domini Humanitas Christi destinato loco, cælesti solio recipitur. Jam, inquit beatus Leo, naturæ nostræ humilitas in Christo super omnem cæli militiam, supra omnes ordines Angelorum, & ultra omnium altitudinem Potestatum ad Dei Patris est proposita confessum *c*.

D d d d

9. III.

*a* Psal 18. v. 6.

*b* Reg. cap. 8. v. 6.

*c* Leo serm. 2. de Ascens. Domini.

## S. III.

*Christi in calum ascendens potestas, per  
quindecim prerogativas & decora  
alii explicatur.*

Christus à suis abiturus, Vos autem, inquit, sedete in civitate, quoadusque induamini virtute ex alto *a.* Et convalescens: præcepit eis ab Hierosolymis ne discederent, sed expectarent promissionem Patris *b.* Undecim autem discipuli, quod Matthæus asserit, abierunt in Galilæam, in montem ubi constituerat illis. *Jes vs.* Et videntes eum adoraverunt, quidam autem dubitaverunt. Et accedens *Jes vs* locurus est eis, dicens: Data est mihi omnis potestas in celo & in terra *c.* Omnis potestas eaque integerrima, non restrictè aut parè præstinata, sed absolutissima & perfectissima, quam naturâ & æternùm habuit ut Deus, non accepit ut homo; quâ quidem potestatis auctoritate ac imperio non in corpora tantùm, sed in animos etiam & spiritus dominetur. Huic potestati reliquis explicandæ prerogativas Domini *Jes v.* decorâque quindecim divinissima alto pectore consideranda subjungo.

D.O.

*Luc. cap. 24. v. 49.*

*Act. cap. 1. v. 4.*

*Matth. cap. 28. v. 16. & seqq.*

DOMINI JESU

*Quindecim prerogative ac decora.*

I. Dominus JESVS naturalis Dei filius est, non extraneus, non adoptivus, nisi nos. Et verè unigena; Quem Deus, Paulo teste, constituit hæredem universorum, per quem fecit & sæcula. Cui Pater dixit: Filius meus es tu, ego hodie genui te *a*. Hic est imago Dei invisibilis, primogenitus omnis creaturæ; quoniam in ipso condita sunt universa in cælis & in terrâ, visibilia & invisibilia, sive throni, sive dominationes, sive principatus, sive potestates: omnia per ipsum, & in ipso condita sunt: & ipse est ante omnes, & omnia in ipso constant *b*.

II. Mirificè conceptus, natus, adoratus, in Thabore Patris voce, niveâ veste, obumbrante nube, radiante facie, Moïse ac Eliâ testibus declaratus: Hic est filius meus dilectus; in quo mihi benè complacui; ipsum audite *c*. Vicinâ jam morte dixerat Christus: Pater clarifica nomen tuum. Venit ergo vox de cælo, dicens: Et clarificavi, & iterum clarificabo. Turba ergo quæ stabat & audierat, dicebat tonitruum esse factum. Alii dicebant: Angelus ei locutus est. Respondit JESVS & dixit: Non propter me hæc  
D d d d 2 vox

*a* Ad Hebr. c. I. v. 2. & 5. *b* Ad Col. c. I. v. 15. & seqq. *c* Matth. c. 17. v. 5.

# 1146 DE CHRISTO RESURG.

vox venit, sed propter vos. Nunc iudicium est mundi; nunc princeps hujus mundi ejicietur foras. Et ego si exaltatus fuero à terrâ, omnia traham ad me ipsum *a*. Verè exaltatus omnia trahit ad seipsum, qui penetravit cælos excel-  
sior cælis factus *b*.

III. Ob unionem naturæ divinæ cum humanâ omnem divinitatis gratiam sibi naturalem & congenitam habet, Portans omnia verbo virtutis suæ *c*. Tot millium in cælo Angelorum voce: Dignus est agnus, qui occisus est, accipere virtutem & divinitatem, & sapientiam, & fortitudinem, honorem, & gloriam, & benedictionem *d*.

IV. Scientiam habet infusam, ita ut actu unico *e*. intuitivè, uti Theologorum scholæ loquuntur, & quidditativè per proprias species intelligat omnia præterita, præsentia, futura tam naturalia quàm supernaturalia, eaque etiam quæ merè sunt possibilia. Nam in Christo J E S V sunt omnes thesauri sapientiæ & scientiæ absconditi *f*.

V. Voluntatem habet ab omni labeculâ peccati immunissimam, summis virtutibus decoratam, & quæ peccare non possit.

*a* Joan. cap. 12. v. 28.

*b* Ad Heb. cap. 4 v. 14. & cap. 7. v. 26.

*c* Ad Heb. cap. 1. v. 3.

*d* Apoc. cap. 5. v. 12.

*e* Forte: nam alii paullo aliter.

*f* Ad Coloss. cap. 2. v. 3.

possit. Talis enim decebat ut nobis esset Pontifex, sanctus, innocens, impollutus, segregatus à peccatoribus, & excelsior cælis factus *a*. Quia in ipso complacuit, omnem plenitudinem inhabitare, & per eum omnia reconciliare in ipsum, pacificans per sanguinem crucis ejus, sive quæ in terris, sive quæ in cælis sunt *b*.

VI. Solus obsequia Deo digna præstitit. Unus mediator Dei & hominum, homo Christus Jesus, qui dedit redemptionem semetipsum pro omnibus *c*. Huic omnes Prophetæ testimonium perhibent, remissionem accipere per nomen ejus omnes qui credunt in eum *d*.

VII. Actiones & opera Christi tanti valoris ac pretii sunt, ut hic ipse homo possit contrahere ex justitiâ cum Deo. Verè sanctus sanctorum, & qui omnes sanctificat. Ad quem autem Angelorum dixit aliquando Deus: Sede à dextris meis, quoadusque ponam inimicos tuos scabellum pedum tuorum *e*?

VIII. Insuperabilia superavit; mundum, mortem, diabolum, & omnem diaboli exercitum, peccati comitatum vicit. Ecce vicit Leo de tribu Juda, radix David *f*. Atque hinc promissum illud:

D d d d 2

Qui

*a* Ad Heb. cap. 7. v. 26.

*b* Ad Coloss. cap. 1. v. 19 & 20.

*c* 1. ad Tim. cap. 2. v. 5.

*d* Act. cap. 10. v. 45.

*e* Ad Heb. cap. 1. v. 13.

*f* Apoc. cap. 5. v. 5.

1148 DE CHRISTO RESVAG.

Qui vicerit, dabo ei sedere mecum in throno meo: sicut & ego vici, & sedi cum Patre meo in throno ejus *a*.

IX. Caput est omnium hominum & Angelorum. Attestantibus Petro & Paulo: Hic est omnium Dominus *b*. Quem Pater constituit ad dextram suam in cælestibus, supra omnem principatum, & potestatem, & virtutem, & dominationem, & omne nomen, quod nominatur non solum in hoc seculo, sed etiam in futuro. Et omnia subiecit sub pedibus ejus: & ipsum dedit caput supra omnem Ecclesiam, quæ est corpus ipsius *c*.

X. Sacerdos in æternum, auctor Sacramentorum, conditor Ecclesiæ. Ipse est caput corporis Ecclesiæ, qui est principium, primogenitus ex mortuis, ut sit in omnibus ipse primatum tenens *d*. Proclamar Psaltes: Juravit Dominus, & non pœnitebit eum: Tu es sacerdos in æternum secundum ordinem Melchisedech *e*. Alii quidem sine jurejurando facti sunt sacerdotes, hic autem cum jurejurando, in tantum melioris testamenti sponzor factus est *Jesvs*. Et alii quidem plures facti sunt sacerdotes; idcirco quod morte prohiberentur permanere: hic autem eo quod maneat in æternum, sempiternum habet sacer-

*a* Apoc. c. 3. v. 21. *b* Act. c. 10. v. 36.

*c* Ad Ephes. cap. 1. v. 20. & seqq.

*d* Ad Coloss. c. 1. v. 18. *e* Ps. 109. v. 4.



cerdotium. Unde & salvare in perpetuum potest, accedens per semetipsum ad Deum: semper vivens ad interpellandum pro nobis *a*.

XI. Princeps, Gubernator, Judex totius orbis. Ipse est, inquit Petrus, qui constitutus est à Deo iudex vivorum & mortuorum *b*. Neque enim Pater iudicat quemquam, sed omne iudicium dedit Filio, ut omnes honorificent Filium. Qui non honorificat Filium, non honorificat Patrem qui misit illum *c*.

XII. Instrumentali omnipotentia præditus est. Quia in ipso, ait Paulus, inhabitat omnis plenitudo divinitatis corporaliter, & estis in illo repleti, qui est caput omnis principatus & potestatis *d*. In eo enim quòd omnia subiecit ei, nihil dimisit non subiectum ei *e*.

XIII. Idiomata divina participat. Nam sicut alii sanguinis filius te Comitem, se Principem aut Regem scribit, à parente Comite aut Principe, aut Rege; ita Christo homini ut vero Dei filio, Patris divini nomina conveniunt. Christus verè immortalis, immutabilis, immensus, altissimus, justissimus, misericordissimus, sapientissimus, providentissimus,

D d d d 4 for-

*a* Ad Hebr. cap. 7. v. 20. & seq.

*b* Actor. cap. 1. v. 42.

*c* Joan. cap. 5. v. 22. & 23.

*d* Ad Coloss. cap. 2. v. 9.

*e* Ad Hebr. cap. 1. v. 8.

## 1750 DE CHRISTO RESURG.

fortissimus, patientissimus, benignissimus, ditissimus, liberalissimus, sanctissimus, omnipotens, æternus. Mille tales tituli non exhauriunt dignitatem Christi. De Filio Dei Joannes, Hic est, inquit, verus Deus, & vita æterna. Qui habet Filium, habet vitam: qui non habet Filium Dei, vitam non habet *a*.

XIV. Ipsa Christi humanitas adoratur patriæ *b*. cultu, quo scilicet Deus afficitur. Hunc enim hominem Deus exaltavit, & donavit illi nomen, quod est super omne nomen, ut in nomine Jesu omne genua flectatur, cælestium, terrestrium, & infernorum, & omnis lingua confitatur, quia Dominus Jesus Christus in gloria est Dei Patris *c*. Hoc honoris filio hominis à Deo delatum clarissimè vaticinatus Daniel, Et dedit ei potestatem, inquit, & honorem, & regnum. Et omnes populi, tribus, & linguæ ipsi servient: potestas ejus, potestas æterna, quæ non auferetur, & regnum ejus quod non corrumpetur *d*.

## XV.

*a* 1. Joan. c. 5. v. 12. & 10. Ita D. Thomas parte 3. q. 48. art. 3. ubi hæc ejus verba sunt: Christus etiam secundum quod homo, sedet ad dexteram Patris secundum æqualitatem honoris: in quantum scilicet eodem honore veneramur ipsum filium Dei cum natura assumpta. *b* Est actus a virtute Religionis elicitus, qui Deo debetur. *c* Ad Philip. c. 2. v. 9. & seqq. *d* Daniel. ap. 7. v. 14.

XV. Objectum beatitudinis secundarium est. Primum namque Deus corporis expers, alterum ab illo est Christus humano corpore sed immortali vestitus. Hæc est vita æterna, ut cognoscant te, solum Deum verum, & quem misisti, *Jesum Christum a.* In concilii Hebræi plenissimo confesso vociferatur Petrus: Hic est lapis qui reprobatus est à vobis ædificantibus, qui factus est in caput anguli. Et non est in alio aliquo salus. Nec enim aliud nomen est sub cælo datum hominibus, in quo nos oporteat salvos fieri *b.* Ergo attollite portas principes vestras, & elevamini portæ æternales, & introibit Rex gloriæ. Quis est iste Rex gloriæ? Dominus fortis & potens, Dominus potens in prælio. *c.* Christus *Jesvs*, qui est imago Dei invisibilis, primogenitus omnis creaturæ, quoniam in ipso condita sunt universa in cælis & in terra, visibilia & invisibilia, sive Throni, sive Dominationes, sive Principatus, sive Potestates: omnia per ipsum & in ipso creata sunt: & ipse est ante omnes, & omnia in ipso constant *d.*

Atque hæc quindecim Christi decora, suo, putem, loco inserta, inter delicias humanæ gentis jure meritissimo numeranda sunt. Sed progredimur.

D d d d ; §. IV.

*a Joan. cap. 17. v. 2.*

*b Act. cap. 4. v. 12.*

*c Psal. 23. v. 7.*

*d Ad Coloss. cap. 1. v. 15. & seqq.*

## S. IV.

*Quomodo, quibus presentibus, ex quo loco  
Christus in Cælum ascenderit.*

Suum in cælos reditum ab anastasi sua distulit Servator ipsos quadraginta dies, quibus & præbuit seipsum vivum post passionem suam in multis argumentis, per dies quadraginta apparens eis, & convescens, & loquens de regno Dei *a*. Hoc temporis spatio Christus suorum fidem firmare ac stabilire institit. Hinc illud est, ut divus Leo sentit, quod post Resurrectionem suam Dominus Mariæ Magdalenzæ personam Ecclesiæ gerenti, cum ad contactum ipsius properaret accedere, dicit: Noli me tangere, nondum enim ascendi ad Patrem meum, hoc est, nolo ut ad me corporaliter venias, nec ut me sensu carnis agnoscas. Ad sublimiora te differo, majora tibi præparo: cum ad Patrem ascendero, tunc me perfectius veriùsque palpabis, apprehensura quod non tangis, & creditura quod non cernis *b*.

Non igitur illi dies, qui inter Resurrectionem Domini Ascensionemque fluxerunt, otioso transiere decursu, sed magna in eis confirmata sacramenta, magna sunt revelata mysteria. Nam per omne illud

*a Actor. cap. 1. v. 3. b S. Leo serm. 2. de  
Ascens. Dom. msh pag. 307.*

illud tempus providentia divina hoc curavit, hoc docuit, hoc suorum oculis insinuavit & cordibus, Ut Dominus Jesus verè agnosceretur resuscitatus, qui verè erat natus, & passus, & mortuus: ut non dubiâ fide, sed constantissimâ scientiâ teneretur, eam naturam in Dei Patris confessorum throno, quæ jacuerat in sepulchro *a*.

Discipulos Dominicæ Resurrectionis fide confirmatos, ad eam ipsam fidem aliis explicandam animans, Euntes, inquit, in mundum universum, prædicate Evangelium omni creaturæ *b*: docete omnes gentes *c*.

Ad hoc docendi munus jam eruditos, Ascensionis suæ testes adhibere voluit. Eduxit autem eos foras in Bethaniam *d*. Non uno agmine incedentes, nec prælato vexillo, sed diversis viis manipulatim exeuntes, ne ea res populum ad novos motus concitaret, si omnes simul discipuli egrederentur urbe. Alii tamen fortasse rectiùs censent per mediam urbem attonitis, sed vi divinâ cohibitis Judæis discipulos Domini eductos. Credibile quingentos ad ascensuri locum convenisse. Educti ergo, non ad ipsum usque oppidum Bethaniam, sed per viam quæ illuc tendebat, in oliveti montem,

*a* S. Leo *serm.* 1. *de Ascens. Dom.*

*b* *Marc. cap.* 16. *v.* 15.

*c* *Matth. cap.* 28. *v.* 18.

*d* *Luc. cap.* 24. *v.* 50.

tem, qui ab Hierosolymis itinere sabbati, hoc est, mille passibus a distabat, eratque inter Bethaniam & Hierosolyma medio itinere. Aut, quod probabilius, & sacrae narrationi conformius, duxit eos in ipsam Bethaniam, ut familiarem amorem in Magdalenam ejusque fratrem & sororem ostenderet, & hanc ipsam charissimam sibi familiam ad grande ascensionis suae spectaculum educeret. Porro cacumen oliveti in hujus spectacula theatrum elegit. 1. Quia hoc loco cruciatus suos orsus, cum in horto sudas sanguine precaretur, & inde victus ad Annam & Caipham traheretur. Hic igitur coronidem certamini ac finem dare voluit, ubi dederat initium. 2. In hoc monte saepius oravit, & orans pernoctavit b. Hic David Absalonem filium rebellem fugit c. 3. In conspectu parricidalis Hierusalem Ascensionis suae gloriam exhibere, & abolitis Judæorum ritibus Christianam disciplinam sancire voluit. Mons autem oliveti ejus erat altitudinis, ut ex illo ferè omnes Hierosolymorum plateæ, ac ipsum mare mortuum conspici potuerit. 4. Oleum oliveti donum, gratiæ ac misericordiæ symbolum,

- a. *Scu 2000. pedes, ut Hieronymus refert epist. I 1. ad Alvasiam q. 10. & 30. Beda q. 1. in Act. 1: Bethania in latere montis oliveti ab Hierosolymis distabat 11. stadis, seu sc. è his mille passibus. b Luc c. 21. 22. 23. c 1. Reg. c. 15. tota.*

bolum, quam nobis Christus in hoc monte Patiens & Ascendens impertit. 5. Supra hunc montem in fine mundi considerabat Christus iudex. Hoc enim iudicium exercebitur in Josaphati valle, quæ oli-fero monti subjacet. Sentient hic impii Judæi fel & acetum, ubi mel & oleum spreverunt. 6. Oliva concordiae, pacis, obedientiae, eleemosynæ, aternitatis symbolum, quæ omnia Christo & imitatoribus Christi ex asse conveniunt.

Quæ porro inter Christum, Christi Matrem, & discipulos colloquiorum suavitas, quæ valedicentium verba, qui gemitus & suspiria, quæ lacrimantium gaudia, qui amplexus & castissima oscula, quæ oculorum voluptas, qui animorum motus, quæ omnium in admirandis his spectandis fuerit lætitia, cogitari potest, percenseri ac narrari non potest. Est qui censeat *a*, Christum in cœlos rediturum (ut sui amorem discipulis altius infigeret) manus & pedes præbuisse tangendos atque osculandos, sacris cicatricibus odorem mirum halantibus: Matri verò latus etiam obrulisse supremis osculis salutandum, in quod illa sese abdere, in eoque ascendere cum filio gestiebat. Neque verò credibile, Apostolis minus permissum quàm feminis illis, quæ, Matthæo teste, accesserunt & tenuerunt pedes ejus *b*.

Affe-

*a* Ludovic. de Ponte part. 5. med. 18.  
puncto 1. *b* Matth. cap. 28. v. 9.

Afferit Paulus : Deinde visus est plus  
quàm quingentis fratribus simul : ex qui-  
bus multi manent usque adhuc, quidam  
autem dormierunt *a*. Probabile, hos  
omnes unà cum Apostolis præsentes ad-  
stitisse tam amœno spectaculo. Et ele-  
vatis manibus suis, ait Lucas, benedi-  
xit eis. Et factum est, dum benediceret  
eis, recessit ab eis *b*. Ita Isaac benedi-  
cens filio Jacob, Qui maledixerit tibi, ait,  
sit ille maledictus ; & qui benedixerit ti-  
bi, benedictionibus repleatur *c*. Ita Jacob  
cancellatis, seu decussatis in crucem ma-  
nibus benedixit suis nepotibus *d*. Ita i-  
dem Jacob ad suam fatalem lectulam fi-  
lios suos congregavit, benedixitque sin-  
gulis benedictionibus propriis *e*. Ita Mo-  
ses & Aaron sacrificio perfecto benedi-  
xerunt populo *f*. Ita Christus elevatis  
manibus affuso cœtui benedicens, in tan-  
tâ triumphî gloriâ crucis figuram repræ-  
sentavit *g*, quo quidem corporis habitu  
gestûque in oliveto precatus creditur.  
Formulam, quâ benedixit, opinantur  
aliqui

*a* 1. ad Corinth. cap. 15. v. 6. *b* Luc. c. 24.  
v. 50. & 51. *c* Genes. c. 27. v. 29. *d* Ge-  
nes. cap. 48. v. 13. *e* Genes. c. 49. v. 28.  
*f* Levitic. cap. 9. v. 23. *g* Ita Jac. Gret-  
serus lib. 3. de Cruce, cap. 16. Morem  
formæ inde crucis in benedictionibus, A-  
postolicam traditionem asserit Basilus,  
l. de Spiritu sancto, cap. 37. Vide Ter-  
tull. l. de Baptismo cap. 8.



PARS III. CAP. XII. 117

aliqui fuisse istam: Benedicat vobis Dominus, & custodiat vos: ostendat Dominus faciem suam vobis, & misereatur vestri: Convertat Dominus vultum suum ad vos, & det vobis pacem *a*. Hanc enim Deus præscripsit Aaroni, qui fuit imago Christi. Aut usum censent illa: Pater sancte, serva eos in nomine tuo, quos dedisti mihi, ut sint unum sicut & nos: Pater quos dedisti mihi, volo ut ubi sum ego, & illi sint mecum, ut videant claritatem meam *b*. Aut certe similem arbitrantur id loci ac temporis adhibitam. Efficacissima fuit utique hæc Christi benedictio, quæ beatos spectatores illos cælestibus bonis liberalissimè ditavit. Non poterat ejus benedictio non esse efficax, cujus dicere, est facere.

Et factum est, dum benediceret illis, recessit ab eis, & ferebatur in cælum *c*. Nam videntibus illis elevatus est, & nubes suscepit eum ab oculis eorum *d*. Nec enim, inquit Bernardus, subito raptus, ut Elias & Enoch, non furtim sublati, sed videntibus illis est elevatus. Quid putatis, Fratres, quantus dolor & timor irruerit Apostolica pectora, cum eum viderunt à se tolli, & attolli in aëra, non scalis adjutum, non funibus sub-

levatum,

*a Num. cap. 6. v. 23.*

*b Joan. cap. 17. v. 11. & 24.*

*c Luc. cap. 24. v. 51.*

*d Act. cap. 1. v. 9.*

## II. 8 DE CHRISTO RESVRG.

levarum, etsi Angelico comitatum obsequio, non tamen sultum auxilio, sed gradientem in multitudine fortitudinis suæ *a*. Sñâ igitur virtute, agilitatis dote, Idque sensim, ut diutius oculos intuentium pasceret, sese aërem libravit.

Nec ullam ferè dubium, quin prisci Patres subterraneo limbi carcere soluti & qui cum Christo è tumulis prodierunt, cum eodem immortale corpus induti ascenderint, velut Resurgentis Domini primitiæ. Quò illud Paulinum spectat: Ascendens in altum captivam duxit captivitatem *b*. Nec etiam dubium, quin Christo refferatum cælum adeunti tota cælestis aula, omnes omnino Angeli in occursum venerint. Ascendit Deus in iubilo, & Dominus in voce tubæ.

*a Bern. de gradibus Humil. & firm. 2. de Ascens. b Ad Ephes. c. 4. v. 8.*

### §. V.

*Quibus de ca. sis Christus in cælum ascenderit.*

Quòd Christus hac triumphî formâ in cælum redierit, diversæ causæ nobis compendio libandæ. 1. Ut doctrinam & legem suam firmaret, & se cælestem esse vel oculis monstraret. 2. Ut cælum furto pomi obseratum refferat, & ostenderet regnum suum esse cæleste ac æternum, ideòq; suis res terræ despiciendas.

3. Ut

PARS III. CAP. XII. 1159

3. Ut corpus tot cruciatibus, tot vulneribus confectum debita non privaretur gloriâ. Congrua immortalî corpori sedes est cælum. 4. Ut Angelos & omne cælum præsentia suâ exhilararet. Cæli lucerna est agnus *a*, qui est occisus ab origine mundi. 5. Ut Spiritum sanctum mitteret, & nostram apud Patrêm peroraret causam advocatus potentissimus. Ita cœpit esse divinitate præsentior, qui factus est humanitate longinquior *b*. 6. Ut Apostolorum & omnium nostrum oculos animumque in altum educeret, secumque aveheret in cælum. Eò monemur: Quæ sursum sunt quærite, ubi Christus est in dexterâ Dei sedens: quæ sursum sunt sapite, non quæ super terram *c*. Dominus Iesus sit noster amor, at ubi amor, ibi & oculus, & cor, & thesaurus. Cælum patria est, terra exilium & carcer. Cælum animo habitemus. 7. Ut vel oculis ingeret, quanti promeriti sit Humilitas. Recubuit Christus in novissimo loco iussus est igitur ascendere. Qui descendit, ipse est qui & ascendit super omnes cælos, ut impleret omnia *d*. Non enim, ait Bernardus, ascendere poteris, nisi descenderis. Æterna lege fixum est: Omnis qui se exalcat, humiliabitur; & qui se humiliat, exaltabitur.

E e e

tur.

*a* Apoc. cap. 21. v. 23.

*b* S. Leo serm. 2. de Ascens. Dom.

*c* Ad Coloss. cap. 2. v. 1.

*d* Ad Ephes. c. 4. v. 30.

7160 DE CHRISTO RESUR-  
 tur. 8. Ut doceret suos heroicas virtu-  
 tum actiones exercere, & dura pati. Pro  
 se quisque possit dicere : Ideò omnia su-  
 stineo, ut ego salutem consequar, quæ  
 est in Christo JESU, cum gloria cæle-  
 sti *a*. Christi ascensio potentissima est ad  
 omnem virtutis cultum exhortatio: quò-  
 enim præcessit caput, eò sequentur  
 membra, si capiti suo maneant subiecta.  
 9. Ascendit Christus in cælum, ut no-  
 stram augeret fidem. Ad Patrem, in-  
 quit, vado, & jam non videbitis me *b*. At-  
 qui verò beati qui non viderunt & credi-  
 derunt *c*. Hanc fidem Ascensione Domi-  
 ni attestam, ait beatus Leo, non vincula,  
 non carceres, non exilia, non fames, non  
 ignis, non laniatus ferarum, nec exquisita  
 persequentium crudelitatibus supplicia  
 terruerunt. Pro hac fide per universum  
 mundum, non solùm viri sed etiam fe-  
 minæ, nec tantùm impubes pueri, sed et-  
 iam teneræ virgines usque ad effusio-  
 nē sanguinis decertarunt. Hæc fides dæ-  
 monia eiecit, ægritudines depulit, mor-  
 tuos suscitavit *d*. 10. Ad ipem erigen-  
 dam. Apertum Christi promissum est:  
 Vado parare vobis locum. Et si abiero &  
 præparavero vobis locum, iterum venio,  
 & accipiam vos ad me ipsum, ut ubi sum  
 ego, & vos sitis *e*. Nam ubi fuerit corpus,

illuc

- a* 2. *Ad Tim. cap. 2. v. 10.*    *b* *Joan. cap.*  
*16. v. 60.*    *c* *Joan. cap. 20. v. 29.*  
*d* *Leo serm. 2. de Ascens. Dom.*  
*e* *Joan. cap. 14. v. 3.*

illuc congregabuntur & aquilæ a. Nam  
mirum ascendit pandens iter ante nos.  
Per Ascensionem Domini non solum pa-  
radisi cives declarati sumus, sed jam  
etiam cæli adyta penetravimus in Chri-  
sto. Ergo animos sursum vocatos desi-  
deria terrena non deprimant, ad æterna  
jam electos peritura non avocent, viam  
veritatis ingressos, illecebræ non retar-  
dent; peregrinari nos, meminerimus in  
hac absynthii valle, in qua etiam si vo-  
luptatis aliquid & commodi blandia-  
tur, non illud tamen nequiter ample-  
ctendum, sed transeundum fortiter.  
11. Ad amorem inflammandum, ut ibi  
esset cor nostrum, ubi est thesaurus no-  
ster. Ecce amor noster triumphans Ca-  
pitoliū cæleste subiit. Plenissimis a-  
moris affectibus sequamur. Subvolemus  
ad alta; bonum est nos ibi esse. Sin ali-  
ter sequi non liceat, saltem ad Christi  
triumphantis currum hæreamus victi,  
appendix ultima triumphi. Et dum i-  
mus, aut dum volamus, hilares simul  
cantemus,

*Salutis humane sator*

*JESU, voluptas cordium,*

*Orbis redempti conditor,*

*Et casta lux amantium.*

*Tu dux ad astra, & semita.*

*Sis meta nostris cordibus,*

*Sis lacrymarum gaudium,*

*Sis dulce vite præmium.*

E e e e 2

Hanc

a Joan. c. 14. v. 3. b Matth. c. 24. v. 28.

Hanc amoris flammam beatus Gregorius sentiens clamat: Trahe nos post te, curremus in odorem unguentorum tuorum. Unde, fratres charissimi, oportet ut illuc sequamur corde, ubi eum corpore ascendisse credimus. Desideria terrena fugiamus: nihil nos jam delectet in infimis, qui Patrem habemus in cælis. Ecce iste venit saliens in montibus. Veniendo quippe ad redemptionem nostram, quoddam, ut ita dicam, saltus dedit. Vultis ipsos ejus saltus cognoscere? de caelo venit in uterum, de utero venit in præsepe, de præsepi venit in crucem, de cruce venit in sepulchrum, de sepulchro rediit in cælum *a*. 12. Ut Christus homo legationis suæ veluti rationem redderet, & tantæ molis opere felicissime peracto, novum toti cælo gaudium inferret. Ita prisci Patres loquuntur. Cyprianus hanc triumphi gloriam expendens, Nec linguis hominum, inquit, nec Angelorum, nec cuiusquam acumine ingenii definiri potest, quæ Patris in reditu Filii hilaritas fuerit, perinde ac si ulla ad immortale illud gaudium esse accessio potuerit *b*. Hoc ipsum ponderans Epiphanius, Christus, ait, ingenti gaudio triumphans, ovem humanæ naturæ humeris impositam Patri obtulit, atque pro tali munere, munus Spiritus sancti quod redderet, im-

petra-

*a* Gregor. hom. 29. in Euang.

*b* Cypr. serm. de Ascens.

petravir a. Aureus orator Chrysostomus,  
Et hæc vobis, inquit, dicta sunt, pro-  
pter corpus quod Christus obtulit: igitur  
nostræ naturæ primitias obtulit Pa-  
tri, & oblatum donum miratus est Pa-  
ter, quod & tanta dignitas offerebat, &  
quod offerebatur, nullâ maculâ fœda-  
batur. Nam & suis manibus suscepit ob-  
latum, & suæ sedis fecit esse partici-  
pem, & quod plus, ad partem suæ dex-  
teræ collocavit. Cognoscamus, quis est  
ille, qui audit, Sede ad dexteram  
meam; quæ natura est, cui Deus dixit,  
Esto meæ pariceps sedis? Illa natura  
est, quæ audit, Terra es, & in ter-  
ram ibis. Non enim ad omnem gloriam  
cælos transisse suffecerat, non cum An-  
gelis stare, sed cælos transivit, supra  
Cherubin ascendit, ultra Seraphin ele-  
vatus, nec antè stetit, nisi sedem Domi-  
nicam mervisset. Vide quo spatio cæ-  
lum separaretur à terrâ, imò terra quan-  
tò ab inferis est, & ipsum cælum quantò  
ab altiore cælo separatur, & de altiore  
cælo ad Angelos quantum spatii est, ad  
superiores etiam potestates, ad ipsam  
quoque Dominicam sedem. Per hæc om-  
nia natura nostra elevata est, ut ho-  
mo, qui loco tam humili tenebatur, ut  
descendere non posset ulterius, ad tam  
excelsam sedem elevaretur, ut aliùs  
non posset ascendere a

Eeee 3 . IV.

a. Epiphan. eodem die festo b. Chrys. tom 1.  
serm. de Ascens. Dom. mibi p. 783. & seq

## S. VI.

*Nubes Christo ascendenti obvia, Angelorum ad Apostolos verba, impressa rupi vestigia.*

Et nubes suscepit eum ab oculis eorum *a*. Hanc nubem veluti sellam curulem misit obviā Pater Filio. Hinc eam Alphonsus Abulensis Postatus sedis instar & throni fuisse opinatur. Hæc nubes eximii splendoris indubiè fuit, eo fine submissa, ut ascendentis majestatem suo fulgore vel muta promulgaret, & spectantium oculis illum amœnissimum solem subduceret. De nube hac differens Chrysostomus, Elias, inquit, in curru igneo, Christus in nube ascendit ad cælum. Quando servus vocabatur, currus mittebatur: quando Filius ascendeat, Dominica sedes occurrebat, nec tantum Dominica, sed & Paterna. Nam & de Patre ejus ait Isaias, Ecce Dominus sedet in nube levi *b*.

Sensim eò Christus ascendit, quò poterant Apostolorum oculi pertingere; dein illum nubes spectatoribus subduxit. Mox instar fulguris Christus dote agilitatis in empyreum sese cælum libravit *c*,  
ubi

*a* Act. c. 1. v. 9. *b* Isa. c. 19. v. 1. Chrysost. loco cit. *c* Non per volando ab extremo ad extremum sine medio, uti sentit Abulensis, paradoxo s. cap. 13. sed sue effive miræ celeritate singulos calos transendo.



ubi supremus cæli terræque Dominus, possessionem nostrum omnium accepit, ut, quod Paulus dixit, impleret omnia. Sed quo vestitu hic triumphator cælos periiit? Solo splendore gloriæ vestitum censet Tostatus. Alii candidam ei vestem, purpuream alii assignant. Crediderim ego veste communi, quâ usus ante mortem, Apostolis sese spectandum præbuisse. Nam cum iis familiariter agere, ab iis videri, tangi, & eum ipsum esse, non alium, qui in cruce pependisset, credi voluit. Atque in hac ipsa veste in cælum rediisse probabilissimum, ita tamen ut eam gloriæ splendor radiis & jubare partim candicante, partim purpurascente perfunderet. Has oculorum delicias cernebant nostræ religionis proceres, lætitia exultantes. Cumque intnerentur in cælum, ait Lucas *a*, intentis defixi oculis, & ut Ambrosius loquitur, suspensi hoc delectabili aspectu rotipendebant à cælo. Putat Alphonsus Salmeron, ultimam omnium desiisse videre filium, beatissimam Matrem Virginem; è reliquis eo altius quemque oculis secutum, quò plus promeritis excelluisset. Attentiùs hic expendenda religiosissimæ turbæ dicta, gestus, facta. Quis hic omnium sensus, cogitationes, admiratio; qui animorum motus, quæ gaudiorum dulcedo, quæ amoris, lacrymarum, & spei suavitas, quæ in ipsa

E e e e 4. . . . tri.

tristitia fuerit iucunditas. Volare sibi sunt visi cum Magistro per sublime hoc iter. Prædictum illis, Amen amen dico vobis : videbitis cælum apertum , & Angelos Dei ascendentes & descendentes supra Filium hominis *a*. Viderunt. Nam , ecce duo viri adstiterunt juxta illos in vestibus albis , qui & dixerunt: Viri Galilæi , quid statis aspicientes in cælum? Hic JESVS qui assumptus est à vobis in cælum , sic veniet , quemadmodum vidistis eum euntem in cælum *b*. Hoc loco interrogat Gregorius , Quid est , inquit , quòd nato Domino non in albis vestibus , ascendente autem Domino in albis vestibus Angeli apparent , nisi quòd tunc magna solennitas Angelorem facta est , cùm cælum Deus homo penetravit. Quia nascente Domino videbatur divinitas humiliata , ascendente verò Domino est humilitas exaltata. Albæ etenim vestes exaltationi magis congruunt quàm humiliationi. In Ascensione ergo ejus Angeli in albis vestibus videri debuerunt ; quia qui in Nativitate sua apparuit Deus humilis , in ascensione suâ ostensus est homo sublimis *c*. Non ergo candidati descendunt Angeli ad nascentis , pugnantis , patientis , morientis Domini humilitatem , sed ad resurgentis & ascendentis triumphum & sublimi-

*a* Joan. cap. 1. v. 51.

*b* Act. cap. 1. v. 11.

*c* Greg. hom. 29 in Evang.

sublimitatem. Ut autem humaniter & aptè ad persuadendum agerent, juxta illos adstiterunt, dixeruntque, Quid statis aspicientes in cælum? subductus est oculis amantissimus Magister, jam eum non ampliùs videre licet. Sed illum ad judicium scitote rediturum eadem hac formâ, qua ad immutabilem statum & æternitatis consortium ascendit. Sic ergo veniet cum iisdem vulnerum vestigiis, cum nube & signo crucis, cum duplici hominum & Angelorum turma, cum incredibili majestate, cum cælesti suorum benedictione, cum judicaria potestate: sic veniet è cælo descendens in eundem oliveri montem, quemadmodum vidistis eum ascendere in cælum. Vos qui deduxistis euntem, suscipietis redeuntem, sed securi & assessores judicis. Quid ergo statis? Ite; jam ad labores & certamina vocamini Ergo ad munus vobis demandatum vos accingite. Ite; non canitur triumphus ante victoriam. Ite bonæ oviculæ luporum medio cingendæ. Ite; vos lapides, gladii, cruces, tormenta varia, mors dira exspectat. Sed per hæc ardua itur ad astra. Magistrum in cruce finientem assiduè cogitate. Non est discipulus melior Magistro. Ite & pugnate cum antiquo serpente, vel per mille mortes cælum vili emitur.

Porro ascendens Christus in cælum, impressa rupi vestigia reliquit. Quæ beatissimus rex David velut eminus contem-

1168 DE CHRISTO RESURGE-  
 platus, Introibimus, inquit, in taber-  
 naculum ejus; adorabimus in loco, ubi  
 steterunt pedes ejus *a*. De his pedum  
 Christi vestigiis Hieronymus, Optatus  
 Milevitanus, Paulinus, Severus Sulpicius,  
 alique testantur, ea rupi mansisse impres-  
 sa, cunctis perspicua, & miraculo, inde-  
 lebilis, locumque sine pavimento reli-  
 ctum, eò quòd excuteret, quidquid ad or-  
 natum poneretur; hunc insuper, quàm  
 cælum lineam rectam suspicitur, & Christus  
 aerem transiit, cameram seu fornice ne-  
 quaquam operiri potuisse, sed relictum  
 ita patentem semitam Domini ascenden-  
 tis indicem *b*. Quæ Cyrillus Hierosoly-  
 mitanus confirmans, Stat, inquit ad ho-  
 diernum usque diem mons Olivarum,  
 qui Dominum ascendentem in nube, o-  
 culis fidelium modò commonstrat, &  
 portam, quàm ascendit in cælum, indicat *c*.  
 Christianus Adrichomius urbem Soly-  
 mæam describens, Existis, inquit, Do-  
 mini vestigiis liquet Christum ascendisse  
 facie & oculis ad occidentem versis *d*.  
 Atque hæc Christi Servatoris vestigia  
 tot annorum centuriis permanerunt  
 humo impressa, quidquid erasum inde  
 fuerit

*a* Psal. 131. v. 7.    *b* S. Hieron. de locis  
 Hebr. in Acta. Apost. Optatus Miles. con-  
 tra Parmen. l. 6. S. Paulinus ad Severum  
 l. 11. Severus Sulpicius l. 2. hist. sacr.  
*c* Cyrill. catech. 14.    *d* Adrichom. in de-  
 scrip. Hierus. n. 192. mibi pag. 170.

foerit & asportatum à Christianis. De his ipsis explicatissimè & cum fide illustrissimus Dux Nicolaus Christophorus Radzivilus <sup>a</sup> Princeps Polonus, qui ea ipsamet spectavit, ita compendio testatur: Mons Oliveti cellus admodum & latus, ad duo millia ejus sese longitudo porrigit; plus spatii ambitu comprehendit. Quà urbem Hierosolyma respicit, amœnam præfert faciem, undique sicu & olivâ confitus frequentissimâ. Istius montis medio Christi ascendens vestigia cernuntur veluti saxo insculpta. Olim illic templum ab imperatrice, Helenâ erectum jam jacet dirutum. Turcæ ibi exiguum templum habent, cujus medio vestigium Christi unum saxo impressum visitur, quod & ipsi barbari colunt & reverenter osculantur. Alterum verò vestigium exciderunt è rupe illâ Turcæ, &, ut dicitur, in templum Salomonis transtulerunt. Turcicum illud templum Christianis ingredi negatum. Nam Caddi Præses Syriæ <sup>b</sup>, religionis suæ tenacissimus, ipsas etiam cruces à peregrinis parieti appictas & odit & arceat. Jamque ante biennium sub capitis poenâ sanxit, ne Christianorum ullus ædem illam, in qua Christi vestigium est. ingre-

<sup>a</sup> Nicol. Christoph. Radzivil. epist. 2. de  
suntinere Hierosolymitano, mihi pag. 78.  
& ep eadem, mihi pag. 102.

<sup>b</sup> Administrator audit.

II-O DE CHRISTO RESVRG.  
ingrederetur. Hinc Polonus ille Princeps, quem dixi, ad ostium ædis substitit, & sacrum illud signum Dominici pedis vestigium eminus *a* cernens veneratus est. Hoc Zacharias vates velut digito monstrans, Stabunt pedes ejus, inquit, supra montem oliveri, qui & contra Hierusalem ad Orientem *b*. Inde morem ad posteros transisse, ut Christiani ad Orientem versi precarentur, auctor est Athanasius *c*.

Hæc mira oliferi montis, & vestigiorum in eo impressorum venerabilis Beda posteris consignans, ita verbum è verbo expressit: In ejus summo vertice ubi Dominus ad cælos ascendit, Ecclesia rotunda, grandis, ternas per circuitum cameratas haber porticus desuper testas. Interior namque domus propter Dominici corporis meatum, camerari & tegi non potuit, altare ad Orientem habens augusto culmine protectum, in cujus medio ultima Domini vestigia, cælo desuper patente, ubi ascendit, visuntur. Quæ cum quotidie à credentibus terra tollatur, nihilominus manent, eademque adhuc speciem sui, velut impressus signata vestigiis servant. Et post nonnulla: In die Ascensionis Domini-  
cæ, per annos singulos Missa peracta, validi flaminis procella desursum venire

con-

*a* Vier elen von der Thür.

*b* Za b cap. 14 v. 4.

*c* Athan. l. quest. 9. 14.

PARS III. CAP. XII. 1177

confuevit, & omnes qui in Ecclesia fuerunt, terræ prosternere. Totâ illa nocte lucernæ ardent, ut non illustrari tantum, sed & ardere mons & supposita loca videantur *a*. Hinc in Palæstina, Ægypto, aliisque mundi templis usus lampadum consuetus *b*.

Illud memoratu non indignum addi posse arbitror, quod noti Scriptores narrant. Hierosolyma profectus est cum sociis Lethbaldus gente Burgundio. Ubi ad Olivarum montem pervenit, in crucis modum ad impressa Domini vestigia non sine lacrymis se abiecit, inde corpus primum erigens diductis brachiis ita precatus, Domine JESU, inquit, qui propter nos de sede majestatis tuæ descendere dignatus es, ut humanum genus saluares, qui etiam ex hoc loco, quem oculis intueor, carne vestitus ad cælos, unde veneras, remeasti: tuam igitur omnipotentissimam bonitatem obsecro, ut si anima mea hoc anno è corpore migratura est, non hinc recedam, sed in conspectu ascensionis tuæ id fiat, & hac via post te gaudens ingrediar paradysum. Dixit, & in hospitium rediit, jamque cibi nauseans & somni appetens lectum petit cum his vocibus: Gloria tibi Deus. Monetur prandii jam parati. Ille valetudinem excusans sibi gratio-

*a Beda de locis sanctis, c. 7. Baron. tom. I.*

*anno 58. mihi pag. 2, 0.*

*b Idem pag. 607.*

1172 DE CHRISTO RESVRG.  
gratiorem cibo quietem ait. Vesperis fa-  
cram Eucharistiam poscit, valedicit,  
moritur &.

In hoc ipso monte ad hæc ipsa Domi-  
ni vestigia beatus Ignatius Loiola, quo-  
ad ibi morari licuit, magnis gaudiis af-  
fluebat. Nova semper voluptas erat loca  
alia ex aliis obire, hunc præsertim mon-  
tem, & in eo pedum sacrorum signa re-  
ligiosè venerari. Nec verò consilium illi  
fuit, inde aliquando recedere, sed om-  
nem ibi de cetero vitam, & hisce stu-  
diis, & traducendis ad Christum barbaris  
addicere. Sed loci Præses opportunis  
eum consiliis in Hispaniam redire com-  
pulit. Igitur posteaquam diligenter om-  
nia piæque perlustrarat, datur ex mo-  
re signum profectioni, cum hic advena  
subitis cupiditatibus denuò exarsit, ad  
olearum montem revisere, & sacrorum  
pedum vestigia, quæ in lapide ibi Chri-  
stus reliquerat, contemplari. Quare so-  
lus repenti, nemine conscio, & quod pe-  
riculi formidinisque plenum erat, nullis  
Turcarum præsidis septus, eodem re-  
dit, impensè observaturus, in quam  
terræ plagam dexteri, in quam lævi  
pedis indicia spectarent; custodi, quod  
alia omnia deficerent, cultello fornicu-  
læque in mercedem relicta. Interim  
advertitur ex advenis Ignatium deside-  
rari. Hic alii metuere, & reducem in-  
cre-

a Ludolphus Saxo de vita Christi, parte  
2. cap. 82. alii.



crepare, sed & alter quispiam Christianus impendiò commotior acerbè hominem turbideque accipere. Sed Ignatius his nihil turbatus idemtidem intuebatur in Christum, quem torâ è monte in urbem via ànte ambulonem secutus non modicas voluptates hauriebat *a*. Nimirum hunc montem olivarium gaudiis & miraculis post mœrores Christus nobilitavit. Mons iste rex montium, Christi precibus frequentatus, certaminis & luctæ conficius, Servatoris Sanguine irrigatus, videbit & morientem Antichristum, & cadentem satanam, & revertentem Christum judicem.

*a Ribadeneyra l. 1. vite Ignatii, cap. II.  
Bidermanus l. 1. n. 35. & seqq.*

§. VII.

*Ad parandam cum Christo ascensionem varii  
præscorum Patrum hortatus.*

Ergo quæ sursum sunt quæramus, ubi Christus est in dextera Dei sedens; quæ sursum sunt sapiamus, & præparatas nobis sedes oculis præmetiamur. Ascendit mortis victor possessionem terræ promissæ accepturus. Terra quam daturus est nobis Dominus Deus noster, terra optima est, ubi rerum omnium abundantia perfruemur *a*. Jam illuc animo præmigremus, quò & corpus demum seque-

*a Dexter. cap. 8. 7. 9. & 10.*

queretur. Nam nos qui vivimus, qui relinquimur, simul rapiemur cum illis in nubibus obviam Christo in aëre, & sic semper cum Domino erimus. Itaque consolamini invicem in verbis istis *a*. Cum Christus apparuerit vita nostra tunc & nos apparebimus cum ipso in gloria *b*.

Divino jussu portavit Aaron summus sacerdos nomina filiorum Israël in rationali judicii super pectus suum, quando ingrediebatur sanctuarium, memoriale coram Domino in æternum *c*. En summus Pontifex noster sancta sanctorum ingressus nostra nomina deportavit ad Patrem. Gaudeamus & triumphemus. Quò præcessit gloria capitis, eò spes vocatur & corporis. Christi Ascensio nostra est provectio. Non solum enim, ait, beatus Leo, paradisi possessores firmati sumus, sed etiam cælorum in Christo superna penetravimus, ampliora adepti per effabilem Christi gratiam, quàm per diaboli amiseramus victoriam *d*. Augustino teste, Resurrectio Domini spes nostra est; Ascensio Domini glorificatio nostra est. Si ergo rectè, si fideliter, si devotè, si sanctè, si piè Ascensionem Domini celebramus, ascendamus cum illo, & sursum corda habeamus. Servator noster ascendit in cælum,

*a* 1. ad Thess. cap. 4. v. 17. & 18.

*b* Ad Coloss. c. 3. v. 4. *c* Exod. c. 28. v. 29.

*d* Leo serm. 1. de Ascens. Dom.

cælum, non ergo turbemur in terrâ. Ibi sit mens, & hîc erit requies. Ascendamus cum Christo interim corde, ut cum dies ejus promissus advenerit, sequamur & corpore. Scire tamen debemus, Fratres, quia cum Christo non ascendit superbia, non avaritia, non luxuria, nullum vitium nostrum ascendit cum medico nostro. Et ideò si post medicum desideramus ascendere, debemus vitia & peccata deponere *a*. Inter deponenda, prima sit omnium superbia. Et videre magnum miraculum. Altus est Deus: erigis te? fugit à te. Quare hoc? quia excelsus est, humilia respicit, & alta de longè cognoscit. Humilia de proximo respicit, ut attollat; alta, id est, superba, de longe cognoscit, ut deprimat *b*.

Igitur qui fecerat omnia, ferebatur super omnia. Elevata est, ô bone JESU, magnificentia tua super cælos *c*. Nec priùs elevata quàm depressa. Gloriam antecedit dejectio. Nam, Salomone teste, antequam glorificetur cor hominis, humiliatur *d*. Priùs in carcerem Joseph detruditur, quàm in currum

Ffff trium-

*a Aug. tom. 10. serm. 1. de Ascensu Domini qui est serm. 90. inter diversos; serm. 175 de Tempore, mihi pag. 339.*

*b Idem serm. eodem.*

*c Psal. 8. v. 1.*

*d Proverb. cap. 8. v. 12.*

1176 DE CHRISTO RESVRG:  
triumphalem eleuetur: prius venditur  
ut mancipium, quàm Ægypti prorex  
dicatur. Hæc regia est via ad immensam  
cæli altitudinem. Hac via Dei Filius  
cum cætu tot Beatorum inter occursum  
& comitatum tot Angelorum ascendit,  
exhilarans & implens omnia. De quo  
Augustinus, Quàm mirifico, ait, my-  
sterio noster IESVS Christus vel tactu  
corporis sui, vel transitu gloriæ suæ om-  
nem ad momentum creaturam san-  
ctificat, vivificat, & illustrat? Aquas e-  
nim consecrat, dum baptizatur; terram  
sanctificat, dum sepelitur; mortuos su-  
scitat, dum resurgit; cælestia glorificat,  
dum ad cælum ascendit *a*. Hinc utique  
gaudiorum seges amplissima. Et revera  
magna, inquit Summus Antistes Leo, &  
ineffabilis erat causâ gaudendi, cum in  
conspectu sanctæ multitudinis super om-  
nium creaturarum cælestium dignita-  
tem, humani generis natura conscende-  
ret, supergressura angelicos ordines, &  
ultra Archangelorum altitudines ele-  
vanda, nec ullis sublimitatibus modum  
suæ profectionis habitura, nisi æterni  
Patris recepta concessu, illius gloriæ so-  
ciaretur in throno, cuius naturæ copu-  
labatur in filio *b*. Apostolorum gaudia  
beatus Lucas explicans, Et ipsi adoran-  
tes, ait; regressi sunt in Hierusalem cum  
gaudio

*a* S. Leo *serm.* 37. *de Temp.*

*b* S. Leo *serm.* 1. *de Ascend. Dom.* *in h.*  
*pag.* 204.

gaudio magno: & erant semper in templo, laudantes & benedicentes Deum. Hæc animo volvens Bernardus, Nunc, ait, verè adimplevit omnia, qui natus est inter homines, cum hominibus conversatus est, ab hominibus & pro hominibus passus & mortuus est, resurrexit, ascendit, sedet ad dexteram Dei. Agnosco tunicam desuper contextam per totum, quam superna illa mansio claudit, ubi adimpletus est, & adimplevit omnia Dominus Jesus Christus. Verum tamen quid mihi & solemnitatibus istis? Quis me consolabitur, Domine Jesu, quia te non vidi in cruce suspensum, plagis lividum, pallidum morte, quia non sum crucifixo compassus, obsecutus mortuo, ut saltem lacrimis meis loca illa vulnorum delinirem? Quomodo me dereliquisti insalutatum, cum formosus in stola tua rex gloriæ in alta cælorum te recepisti? Prorsus renuisset consolari animam meam, nisi me Angeli in voce exultationis prævenissent, qui dixerunt: Viri Galilæi, quid statis aspicientes in cælum? Hic Jesus qui assumptus est à vobis in cælum, sic veniet, quemadmodum vidistis eum euntem in cælum. Sic inquit, veniet. Ergone veniet quærere nos in illâ tam singulari quàm universali processione, cum præcedentibus omnibus Angelis, & subsequenter hominibus.

F f f f 2

bus

1178 DE CHRISTO RESVRG.

bus universis, descendet judicare vivos & mortuos? Procul dubio veniet, sed quomodo ascendit, non quomodo ante descendit. Humilis enim prius venit animas salutare, sublimis autem veniet cadaver istud resuscitare, & configurare corpori claritatis suæ, ut infirmiori huic vasculo abundantiorē impendere videatur honorem. Tunc enim videbitur cum potestate magnâ & maiestate, qui prius in infirmitate carnis latuerat: Intuebor & ego eum, sed non modò; videbo eum, sed non propè, ita ut hæc secunda glorificatio priori glorificationi propter excellentem gloriam manifeste præluceat. Manipulus primitiarum nostrarum Christus oblatus est, ad dexteram Patris assumptus, & assistit nunc vultui Dei pro nobis. Sedit autem ad dexteram, habens in dexterâ misericordiam; in sinistra iudicium; & misericordiam multam nimis, & iudicium multum nimis: in dexterâ aquam, in sinistra ignem immobiliter tenens a.

Cum Bernardo exultans & gestiens Augustinus, Sanctus, inquit, & solennis dies illuxit. Exulemus, & jucundemur in eo. Christus descendit, inferiora patuerunt. Christus ascendit, superiora claruerunt. Christus in sepulchro,

a Bern. tom. 1. serm. 2. de Ascens. Dom.  
mibi pag. 251. & seq.

chro, mentiuntur custodes. Christus in inferno, visitantur quiescentes. Christus in cælo, credant omnes gentes. Ascendit ad Patrem per id quod homo erat, sed mansit in Patre per id quod Deus erat *a*. Ascensionis ergo Domini-  
cæ inclytum & regale mysterium, quod Christus terram levavit ad cælum, totus canit mundus, & festis agit gaudiis triumphos Domini, quia erexit à terra inopem, & de stercore exaltavit pauperem, eumque levavit ad Patrem. Pavet omne cælum, mutantur astra, concurrunt confestim fulmineus ille militiæ cælestis exercitus. Vident regem suum vivæ carnis manubias reportare, atque hoste debellato hominem in superna conscendere, agnoscunt in cicatricibus signa bellorum: adorant in carne vulnera jam sanata, ubi nihil peccati macula extinxerat, nec quidpiam suâ virulentiâ gravidus ille veneni draco vomuerat. Serpens enim vestigium in petrà non fugebat. Plaudunt agmina, tubæ sonant, lætis se miscencia blanda modulamina choris funduntur. Ecce confestim splendidus ille senatus cælestis ex regnis solvitur. Viderunt cælites cuncti speciosum vulneribus Christum, spolia castris tyrannicis reportata; &

F f f f 3

admi-

*a August. serm. 3. de Ascens. Dom. in Ap-  
pendice serm. 58. de Tempore serm. 17.  
Videtur alius quam Augustinus calamus,*

1180 DE CHRISTO RESUR.

admirantes: fulgentia divinæ virtutis vexilla, talibus concrepant hymnis, deducuntque lætantes: Quis est, inquit, iste Rex gloriæ? Et ajunt: Dominus virtutum ipse est Rex gloriæ. Hic est ille candidus & roseus, compunctus à multitudine; hic est ille qui non habuit speciem neque decorem, infirmus in laqueo, fortis in folio, vilis in corpusculo, armatus in prælio, fœdus in morte, pulcher in resurrectione, candidus ex Virgine, rubicundus in cruce, fuscus in opprobrio, clarus in cælo. Jam cælum dicit portare hominem a.

Hic Bernardus opportunissimè interrogans, Ubi illud jam Petre, inquit, quod dixeras: Domine bonum est nos hic esse; faciamus hîc tria tabernacula? Ecce enim ingressus est amplius & perfectius tabernaculum, non manu factum, id est, non hujus creationis. Quomodo ergo jam bonum est nos hîc esse? Imò verò molestum est, grave est, periculosum est. Nimirum ubi malitiæ plurimum, sapientiæ modicum, si tamen vel modicum invenitur: ubi viscosa omnia, omnia lubrica, operta tenebris, obsessa laqueis peccatorum: ubi periclitantur animæ, ubi spiritus affliguntur sub sole, ubi tantum vanitas & afflictio spiritus est. Levemus igitur, fratres mei, levemus in cælum

a Aug. serm. 5. de Ascens. Dom. in ordine serm. 178. Neque hæc, putem, Argentinum sapiunt.



cælum corda cum manibus, & ascendentem Dominum sequi, velut quibusdam passibus devotionis & fidei contendamus. Erit enim cum sine mora, sine difficultate obviam illi in nubibus rapiemur: & id poterunt corpora spiritalia, quod meritò interim nequeunt spiritus animales. Nunc enim quantis conatibus corda levare necesse est, quæ quidem (ut miserabiliter satis in libro propriæ experientiæ legimus) & corruptio corporis aggravat, & terrena inhabitatio deprimat. Sequamur, fratres, sequamur agnum quocumque ierit: sequamur Patientem, sequamur & Resurgentem, sequamur multò libentiùs ascendentem. Crucifigatur vetus homo noster simul cum illo, ut destruat corpus peccati, ut ultra non serviamus peccato, mortificatis nimirum membris nostris quæ sunt super terram. Sed & quomodo ipse resurrexit à mortuis per gloriam Patris, ita & nos in novitate vitæ ambulemus. In hoc enim mortuus est & resurrexit, ut peccatis mortui iustitiæ vivamus. Ceterum quoniam vitæ novitas locum exigit tutiorem, & resurrectionis dignitas altiore expetit gradum; sequamur etiam ascendentem, querere videlicet & sapere quæ sursum sunt, ubi ille est, non quæ super terram.

Ffff 4

Ipsa

a Bern. tom. 1. serm. 6. de Ascens. Domini,  
: mibi pag. 263. & seq.

Ipsa jam oculatâ fide docti sumus, supplices in cælum levare oculos, puras tendere manus. Apostoli nos docent, exilium & carcerem non amare, cælum tam animi quàm corporis oculis idemdem suspicere, patriam anhelare; conscripti Sanctorum cives, & domestici Dei sumus.

Ita beatissimus Turonum præsul Martinus jugi aspectu inhærebat cælo, eaque nota à ceteris dignoscebatur, unde vulgò sortitus nomen, *Suspex cæli*. Cumque letali febre arderet, supino cubitu jacens oculis in cælum defixis precabatur. Rogatus à discipulis ut corpore tantisper verso quiesceret, dum vis morbi remitteret, Sinite me, ajebat, cælum potius quàm terram aspiciam, ut suo jam itinere iturus ad Dominum spiritus dirigatur.

Antonius Magnus totas noctes precibus pervigilans, eodem corporis habitu, iisdem oculis sursum elatis, quibus occidentem solem dimiserat, orientem aspiciebat.

Sanctissimus vir Franciscus Assisias eo animi affectu, eâ oculorum assiduitate cælum spectabat, ut ipsum etiam corpus præeuntem animum auderet sequi, & terrâ sese altiùs efferre: Ita vis desiderii & amoris attollebat molem corporis. Hinc & pingitur terræ globum calcans, addito hoc lemmate: *Quæ sursum sunt, non quæ super terram.*

Ignatius minimæ Societatis nostræ Parens, in solarium ascendere solebat, unde cælum liberrimè liceret suspicere. Hic ille aliquantisper corpore immotus, oculis in cælum defixis stabat, tum capite aperto, genu submisso cæli Regem adorabat; subinde humili scabello fessum corpus excipiebat, & manantibus ubertim lacrymis, erectoque vultu in cælestes plagas illud secum ingeminabat: Heu quàm sordet terra, cùm cælum aspicio!

Maria Magdalena, illa olim non unius cacodæmonis hospitium, sed ab his hospitibus liberata, jamque Domini amatric castissima, non tantùm suis ipsa oculis ascendentem Christum, quod probalissimum, affixa cælo spectavit, sed ab eo tempore vitam omnem reliquam ita egit, ut, quemadmodum Anselmus loquitur, Angelis vivendo & diligendo similis, cælum potius habitaverit, quàm terram.

Maria Ægyptiaca ubi ab impuriore vitâ resipuit, cælesti voce monita trans Jordanem abiit, & totis quadraginta septem annis solitudinem, imò cælum habitavit. Nam fonte ac radiculis assiduam famem solabatur. De cælo hoc unum habuit agere, cælum jugiter suspicere, cælum perpetuis precibus & suspiriis pulsare, cum cælitibus suavissima colloquia miscere, gaudia cælestia animo præcipere, à cælo tota pendere.

## 1284 DE CHRISTO RESVRG.

Maria Oegniacensis facultatibus suis omnibus in egenos sparsis, iis insuper, præcipuè leprosis, inserviit; pane niger-rimo prorsus & asperrimo eoque solo-cum fonte maximam anni partem victi-tavit; qua mensa famem vexavit potiùs quàm extinxit, deliciis inhians cælesti-bus. Et verò quid illi cælum negaret centies per diem flexo poplite supplican-ti, trecentis plagis corpus castiganti? Non durasset sanè inter hæc supplicia, nisi cælitum præsentia sæpiùs fuisset recreata, è cælo, quod assiduis votis sa-lutabat, omne subsidium vitæ hauriebat, veluti jam recepta cælo vivebat.

Atque isti & istæ, tótque alii Patien-tis & Morientis, Resurgentis & Ascen-dentis Christi sectatores atque amici cum beatissimo Paulo de seip[s]is verè po-terant affirmare: Nostra conversatio in cælis est *a*. Peregrini erant terræ, sed municipes & cives cæli. Accesserunt ad Sion montem & civitatem Dei viventis, Hierusalem cælestem, & multorum mil-lium Angelorum frequentiam *b*: Hic quidem hospites & advenæ, sed illic ci-ves & domestici Dei *c*: Nolebant men-tem ad caduca deicere, nec in infimis cogitatione habitare. Vitam agebant puram, cælestem, sanctam, cælo dignam. De beata vita, de Angelis, de Deo, imò

cum

*a* ad Philip. cap. 3. v. 20.

*b* Ad Hebr. cap. 12. v. 22.

*c* Ad Ephef. cap. 2. v. 19.

FARS III. CAP. XII. 1185


cum Deo atque Angelis assiduè loquebantur : ita tendebant ad cælum, & sperabant ad Christum, qui viam ascendendo præmunivit, se brevi perventuros.

Eò, mi Lector, Deliciæ gentis humanæ, eò nos Christus Nascens, Moriens, Resurgens vocat; eò tendit hæc scriptio. Actiones vitæ sic nobis instituendæ, eoque dirigendæ sunt, ut, quod Ecclesia canit, ibi nostra fixa sint corda, ubi vera sunt gaudia, uti, qui Redemptorem nostrum ad cælos ascendisse credimus, ipsi quoque mente in celestibus habitemus.

Rogatus Empedocles cur viveret; Ut cælum aspiciam, aiebat; tolle cælum, & nullus ero. Si Christiani sanguinis homo interrogetur, Cur vivis? Jure optimo respondebit: Ut cælum non tantum aspiciam, sed & possideam. Hinc merito Bernardus ad caduca malè depressum increpans, Non pudet te, inquit, erecto vultu cælum suspicere, dejecta mente in terra repere? Ita igitur jam cogitationes nostras erudiamus, ut Dominum JESUM Nascentem, morientem, Resurgentem in oculis assiduè habeamus. Hæc una vitæ nostræ requies est; nusquam non alibi turbæ, & magnæ mœroris seges. Ad Nascantis Christi præsepiolum, ad Morientis crucem, ad Resurgentis monumentum mens nostra nullo non momento dies noctesque hæreat affixa. Hinc omne nobis subsidium, hinc solatia, hinc ad omnem pugnam tam  
vires

vires quàm arma sunt petenda. Præsepe, Crux, Tumulus nostri Regis, ab omni nos hoste, ab omni vitio illæsos tuebuntur. Hac parte vincimus, si amamus.

Et quid magnum est, eum amare, qui tam prodigè nos amavit? Verus amor mutuas vices amat, & ex altero in alterum transit, ut meritò vel belluâ immanior dici debeat, quem nullus in amorem amor provocet. Amorem verbo testari, omnium est, etiam inimicorum. Sincerus in Deum amor, æquo fert animo adversis concuti; convitiis lacerrari, rideri, calcari non horret. Inter maiora beneficia reponit sperni & cædi pro Christo, quàm divitiis extolli & deliciis affluere cum mundo. Magnam prærogativam interpretatur pro amato quàm plurima pati: solatio est atque gaudio, doloris socium adhiberi. Ex his iudicium ferre potes de te deque amore tuo. Nam forsan dices, amari à te Deum. Credam, si verbis facta respondeant. Amare linguâ, & factis hostilitatem profiteri, non amare sed ludere est. Amor parium est. Non amavit nos Christus ore solum delicato; ad columnam, ad iudicum tribunalia, ad crucem sui specimen amoris præbuit; amorem à nobis similem deposcit, robustum & pati omnia paratum.



BC 845253



